

37.30.14.1
LECTORI STUDIOSO
THEOLOGICÆ MORALIS

TYPOGRAPHUS S.

C *Assus Conscientiæ jussu BENEDICTI XIV. pene
in unaquaque re propositi, atque sapientissime reso-
luti, cum ita passim ab animarum Curatoribus fuerint
excepti, ut jam desiderari viderentur, placuit eosdem, ex
multorum impulsu, mea opera, tuoque commodo, Bene-*

vole Lector , elegantioribus typis iterum describi , atque aliquot etiam mendis , quæ irrepserant , repurgari . Maximum certe tibi ad assequendam metam Theologiæ Moralis conferent pondus , si eo , quo affoles , studio , & assiduitate excuties , & evolves . Interea conatus hosce meos æquè bonique consulas , meque solito tuo favore complecti pergas , obnixè rogo . Vale .

A N



ANNO MDCCXXXII.

MENSE JANUARI.

CAS. I.



Parochus parum studiorum amans, & nesciens quid agere deber primis horis nocturnis, frequentat domum cujusdam Parochiani, in qua coram pluribus instruit sermones scurriles. Quæritur, an graviter peccat, & in quot speciebus?

Respondeo ad primam quæsitam partem, Parochum, attenta præcise scurrilitate sermonum, per se peccare solum venialiter. Ratio est, quia scur-

rilitas per se loquendo, sive in verbis, sive in gestibus sita sit, dicitur semper aliquam inhonestatem, sicque per se semper importat culpam venialem; ergo, attenta præcise scurrilitate verborum, peccabit venialiter. Ita La Croix, Eticobar. &c. Dixi *attenta præcise scurrilitate verborum*, quia si per exiguum amorem erga studium redderetur Parochus ad sua ministeria obeunda insufficiens, clarum est peccare lethaliter. Dixi etiam *per se*, quia accedens poterit mortaliter peccare, ut ex responsione ad secundam p. quæsitam.

Respondeo ad secundam p. Parochum peccare peccato scandali, & contra illam virtutem, cui scurrilia opponuntur. Ratio est, quia cum Parochus teneatur pascere populum exemplo, & sit lux super candelabrum posita, scurrilia proferendo coram Parochianis, idem est, ac illos ad talia, vel similia allicere, & invitare, quo consistit scandali malitia, & proxima occasio ruinæ spiritualis proximi. Hoc peccatum scandali mortale erit, si Parochiani ex prolatione scurrilium occasionem sumant mortaliter peccandi, ut docent DD. de verbo jocosum a religioso coram sceminis, quæ inde occasionem mortalis peccati sumere possint, quod facile evenire posset in Parochorum artenta obligatione pascendi populum exemplo, cum quia nunquam in ore sæcularium, blasphemix sunt in ore Sacerdotum, ait S. Bernardus. Veniale vero peccatum erit, si Parochianis occasio ruinæ venialis tantum præbeatur. Ultra peccatum scandali peccaret contra castitatem Deo promissam, si verba scurrilia fierent causa delectationis veneræ, & sic semper esset mortale; peccaret contra justitiam si scurrilitas proximi famam denigraret, vel venialiter, vel mortaliter, attenta qualitate materiæ, & sic discurrendo de aliis materiis, circa quas scurrilitas versaretur. Hæc communia sunt apud omnes.

CAS.

CAS. II. Capellanus ratas habens eleemosynas pro Missis celebrandis, sæpe suadet Pœnitentibus, medium tutius ad consequendam æternam salutem esse dationem eleemosynarum pro celebrandis Missis in suffragium Animarum Purgatorii. Q. an recte agat, vel sit reprehendendus.

Respondeo, Capellanus esse reprehendendum. Primo, quia falsum docet; licet enim datio eleemosynæ pro Missis celebrandis in suffragium Animarum Purgatorii sit medium valde utile ad salutem consequendam, cum sit opus charitatis, & misericordiæ, consequenter opus meritorium, si concurrant circumstantiæ ad meritum requisitæ, ut docent DD. agentes de eleemosyna; attamen non est medium tutius ita, ut præferendum sit observantiæ mandatorum Dei. Tutius enim est ad salutem consequendam mandata servare, quam ex liberalitate eleemosynas imperiri, cum dixerit Christus: *si vis ad vitam ingredi, serva mandata*. Secundo est reprehendendus, quia ex circumstantiis casu, cum raras habeat eleemosynas, satis aperte colligitur, talem eleemosynarum suasionem, & quidem frequentem, non procedere ex pura charitate erga Animas Purgatorii, sed potius ex motivo cupiditatis, & avaritiæ, a qua quam maxime abhorere debent Clerici juxta Sacros Canones. Hinc S. Carolus in institutionibus, quas habet in ordine ad administrationem Sacramenti Pœnitentiæ exprobat pœnitentias Missarum celebrandarum a Confessario impositas, cum facile valeant avaritiæ suspicionem generare. Similiter in ultima Synodo Diocesana de Sacramento pœnitentiæ habetur: *Sint cauti Confessarii in imponendis pœnitentiis, ne venalis Sacramenti suspicio nascatur*. Dicendum ergo esse reprehendendum.

CAS. III. Confessarius simplex ex incuria circa suum ministerium non advertens expirasse tempus potestatis sibi concessæ ad excipiendas Confessiones Sacramentales, per duos Menses plures exceperit. Q. an ullam incurrit pœnam Ecclesiasticam.

Respondeo. Nullam pœnam Ecclesiasticam incurrisse. Ratio, est quia non est in Jure communi, neque in Synodo Diocesana expressa aliqua pœna Ecclesiastica contra Sacerdotes audientes Confessiones sine jurisdictione, & approbatione sui Ordinarii, consequenter neque erit contra Confessarium, de quo in casu. Est tamen certum, quod posset graviter Episcopus punire Sacerdotem audientem Confessione sine jurisdictione, & approbatione ab ipso reportata, ut testatur Pignar. tom. 6. conf. t. q. 4. dicens, transgressorum esse calligandum arbitrarie ab Ordinario, sicque posset graviter etiam punire Confessatum in casu, si ei constaret de incuria graviter culpabili.

MENSE FEBRUARII.

CAS. I. Sacerdos pulsabat Citharam, vel aliud Instrumentum alliciens ad choreas ducendas in domo cujusdam amici, quod dum audirent Juvenes & Puellæ vicinæ convenerunt ad instituendas varias saltationes, & ille tum precibus, tum oblatione munerum victus, pulsationem prosecutus est usque ad finem noctis. Q. an peccaverit, & ullam censuram incurrit.

Respondeo. Sacerdotem in casu peccasse mortaliter, & pœnam suspensionis ipso facto incurrisse. Ratio primæ p. est, quia licet pulsare citharam in domo cujusdam amici non sit peccatum, in Sacerdote tamen pulsare citharam ad instituendas saltationes Juvenes inter & Puellas a gravi peccato non potuit excusari. Etenim cum sit prohibitum Clericis choreis interesse, &

qui-

quidem sub gravi, ut colligitur ex Trid. sess. 21. cap. 1. ubi statuit Sancta Synodus, ut quia alias a Summis Pontificibus & Sacris Concil. de Clericorum vita, & honestate retinenda, de luxu, choreis &c. sancita sunt, in posterum iisdem penitus, vel majoribus, arbitrio Ordinarii imponendis observentur, sequitur a fortiori, prohibitum esse Clericis choreis interesse citharizando, cum sic idem sit choras tot malorum origines procurare, & promovere. Si autem est prohibitum, & quidem sub gravi, ut patet ex sensu verborum Tridentini, jam graviter deliquit nollet Sacerdos, cum fecerit contra prohibitionem sub gravi obligatam. Naquo dicitur per accidens Juvenex, & Puellas ad saltationes instituendas accessisse, per quod videtur a peccato excusandus nollet Sacerdos, Cont. eit. Do per accidens accessisse, attamen statim ac Sacerdos advenit ad chorearum institutionem, debebat citharæ pulsationi finem imponere, non vero precibus, & munerum oblatione sœcti ad annuendum Juvenum, & Puellarum voris de choreis instituendis, reclamante conscientia, per quod magis apparet Sacerdotis grave peccatum.

Ratio secundæ partis aperte constat ex Synodo Diœcesana lib. 3. de vita, & honestate Clerici cap. 1. ubi habetur: *Musica instrumenta in choreis pulsare nec audeant sub pena suspensionis ipso facto incurrenda.* Quare si hujus pœnæ notitia non caruit Sacerdos, illam incurrit.

CAS. II. Diaconus vocatus a Parocho in die Purificationis B. M. ad obeundum munus suum, tenuit obedire; unde cum populi admiratione omittitur cantus Missæ cum Ministris. Q. an graviter, & in qua specie peccati deliquerit.

Respondeo. Graviter peccasse Diaconum saltem peccato scandali, & inobedientiæ. Ratio est, quia cum Clerici aliquando teneantur exercere actus Ordini suscepti, ut omnes DD. una voce fatentur; sequitur specialem obligationem exercendi actum Diaconatus habuisse Diaconum nostrum vocatum in die Purificationis ad munus suum obeundum, cum ex una parte tunc nullus aliter adesset, qui tale munus posset præstare, ut colligitur ex terminis casus, & ex alia parte omnia jam esset parata propter Missæ cantum de more. Si autem, attenta tali circumstantia, habuit specialem obligationem exercendi munus suum, sequitur ipsum peccasse, cum a Parocho vocatus Officium suum præstare renuerit; & quia tale peccatum ex natura sua præbuit occasionem Parochianis male judicandi de Ecclesiasticis, & de trahendi de personis Deo dicatis, & parvi, immo nihili pendendi functiones Ecclesiæ, & sacras Cæremonias, sequitur etiam peccasse graviter, & quidem peccato scandali, ut patet, & inobedientiæ, cum Parochus sit Pastor, & Superior. Dixi *saltem*, quia secundum diversas circumstantias, quæ in facto possent occurrere, posset esse etiam alterius peccati reus.

CAS. III. Dum duo Tonsura initiati luderent aleis, jurgium ex fraudibus invicem in ludo patris, inter se excitant, & se percusserunt, non advertentes pœnam censuræ, quam incurrebant. Q. an revera illam incurrent.

Respondeo. Cum distinctione, (prius tamen supponendo illos tonsura initiatos esse puberes, consequenter non exemptos a pœna excommunicationis, ut sunt impuberes per cap. 1. & 2. de delictis puerorum) vel percussio talis fuit, ut fuerit peccatum mortale, ut interne, tum externe; vel non: si non, censuram non incurrent, quia excommunicatio, cum sit pœna gravis, grave peccatum supponit; & cum sit pœna Ecclesiastica, supponit peccatum exterioris grave, cum peccata mere interna soli Deo punienda relinquatur; si vero peccatum fuit mortale, tum externe, tum interne, iterum distinguo: vel ad advertentiam fuit vincibilis, vel invincibilis; si invincibilis,

⁴
bilis, quatenus antecederet nullam habuerint advertentiam ad statum Clericalem, vel nullum subortum fuerit dubium tempore rixæ, tunc censuram non incurrerunt; quia ut testantur Sanchez, & Suarez, quæ dicuntur de ignorantia excusante a peccato, & a poena, valent etiam de inadvertentia, & oblivione; unde si ignorantia invincibilis excusar, ira & inadvertentia invincibilis, cum quo non stat contumacia; si vero inadvertentia sit vincibilis, excommunicationem incurrerunt propter oppositam rationem,

MENSE MARTII.

CAS. I. **C**um quidam Concionator in omnibus Ecclesiis, ad quas missus fuerat in Montanis, ardore magno semper prædicaret Jejunium; Parochus apud quem sumere debebat refectioem, præparavit ipsi pro prandio solam polentiam ex Farina Castanearum confectam, dicens, nullum alium esse cibum in Montanis; unde Concionator sequenti die, nedom desinit consuetam concionem facere, sed & laxavit habenas, dicendo, Monitum incolas ad nullum Jejunium teneri. Q. an sit laudandus Parochus, & condemnandus Concionator.

Respondeo, Parochum laudandum, Concionatorem reprehendum. Ratio primæ partis est, quia stando terminis casus, Parochus pure ex joco ita se gessit cum Concionatore, ut hic prædicæ cognita qualitate ciborum, quibus communiter vescuntur habitantes in Montanis, populum suum miserum, & sola polenta ex necessitate contentum, solita rigida concionem jejunii scrupulis non angeret; si autem ex joco ita se gessit, & ut sic confunderet quæriti suæ Paræcis, quis non videt esse potius laudandum? Ratio secundæ partis est, quia Concionator generaliter asserendo Montium incolas ad nullum jejunium teneri, falsum docuit; etenim licet Montium incolæ, qui unice Castanearum polenta vescuntur, non teneantur ad jejunium, sicuti non tenentur, ut docet Tambur. cum aliis, qui unice panem & aquam vel etiam vino vescuntur, cum tales sufficiens prandium habere non videantur, quod a fortiori videtur militare de sola polenta, quæ quidem cibus est satiativus, sed experientia parum nutritivus; tamen dantur aliqui in Montanis, qui cum unice polenta non sint contenti, sed aliis cibis vescantur, certe a lege jejunii non eximuntur. Reprehendendus est ergo Concionator, quia sic generaliter loquendo falsum dixit.

CAS. II. Fures, nocte præcedenti diem Festum furati sunt a Sacratio omnia Indumenta sacra, præter illa coloris nigri. Q. an Parochus, mane sequenti ad satisfaciendum votis Populi possit illis uti, immo teneatur.

Respondeo, Præmissa narratione facti, ad tollendam admirationem in populo, & data impossibilitate habendi Vestes, die festo secundum Rubricas proportionatas, posse, & teneri celebrare. Ratio primæ partis est, quia ex una parte quoad colores paramentorum, non apparet laicum esse grave præceptum, teste Suarez de Sacr. & Homob. de exam. Eccl. p. 1. quæst. 144; quod si in Missali certi colores pro certis temporibus statuuntur, est solum regula directiva, ex alia parte adest rationabilis causa, quæ est obligatio satisfaciendi præcepto in ordine ad Sacrum: tum in Parocho, tum in Populo, quæ causa sufficit, ne Parochus etiam venialiter peccet, ut peccaret rationabilis causa non existente, cum faceret contra Rubricas ratione magis convenientiæ receptas, & per ipsum bonus ordo turbaretur, Ita Gavanti. Diana. Tambur. Ratio secundæ partis est, quia si ratio possibi-
sistente

stente causa; nec venialiter Parochus peccaret tali utendo paramento, jam urget Præceptum, audiendi Sacrum, si urget, non est cur Parochus non teneatur cum talibus parametis Missam celebrare pro præcepti adimplerione.

CAS. III. Cesiderat ex rupe Saba, cum esset ebrins, vocatur Confessarius ad eam sensibus destitutum, & creditum proxime moriturnum absolvendum. Q. an, si iste illum intelligat ebrium, possit eum absolvere.

Respondeo. Cum distinctione, vel Parochus est moraliter certus, quod Saba, qui est sensibus destitutus, & titulo ebrietatis rationis impos, e rupe ceciderit in peccato, puta quia solitus fuerit se inebriare, & pluries correptus noluit emendari, & tunc dico neque sub conditione esse absolvendum, eo quia Saba nullo modo potest prudenter præsumi attritus, & sine attritione saltem præsumpta nullo modo impendi potest absolutio, ita communiter teste Tambur. qui tamen quasi oppositum sentit. Vel non est moraliter certus quod Saba ceciderit in statu peccati, eo quia, cum christiane vixerit, nec ebrietatis vitio fuerit devictus, præsumi potest non culpabiliter se inebriasse, sed per accidens, tunc secundum benigniorem sententiam recentiorum ex præsumpta attritione posita conditione si ex caput: dico posse absolvi.

M E N S E A P R I L I S .

CAS. I. **I**N Brevis Sacre Pœnitentiariæ committitur Viro discreto, vel supplicanti Confessario, facultas dispensandi super impedimento affinitatis, orto ex copula cum Matre mulieris ducendæ; at dnm Commissarius exequitur commissionem, detegit copulam fuisse cum Sorore, & ex errore Scribentis fuisse supplicatam pro dispensatione super impedimento orto ex copula cum Matre. Q. an possit exequi Breve, vel aliud debeat procurari.

Respondeo. Posse exequi. Ratio est, quia licet ad valorem dispensationis exprimi debeat, an affinitas sit in linea transversali, ut docet Sanchez, De Just. & Reinf. eo quia vel non datur dispensatio in linea recta affinitatis ex copula licita, vel ducere affinem in linea recta indecentius sit, quam in linea transversali; Quando tamen affinitas oritur ex copula illicita, non est necessaria expressio lineæ rectæ, vel transversalis, cum ex copula illicita non oriatur major notabiliter reverentiæ obligatio ex linea recta, quam ex transversa, ut docent citat. DD. sed in casu affinitas orta est ex copula illicita, ergo non fuit necessaria expressio lineæ, si autem hæc expressio non fuit necessaria, sequitur expressionem unius lineæ pro alia non vitare dispensationem, cum sic vitium non sit circa necessario in supplicatione exprimenda. Reinf. tom. 4. p. 181. num. 198.

CAS. II. Drußilla sciens, Maritum suum coitum habere frequentem cum Belluis, veller ab eo separari; unde consulit Confessarium, an sibi liceat procurare divortium. Q. quid iste debeat illi respondere.

Respondeo. Pro veritate debere respondere Drußillæ ei licere procurare divortium: quoad thorum; & habitationem. Ratio est, quia etiam per copulam bestialem; & bestialitatem, sive activam, sive passivam caro dividitur in aliam carnem contra Matrimonii fidem, exigentem ut sint duo in carne una. Ita Sanchez, Pont. Covar. Girib. Dixi pro veritate, quia Confessarius debet mulierem hostari, ne divortium procuret, propter inconvenientia, quæ inde sequuntur.

CAS. III. Syrus scit, Uxorem suam fuisse vi, & dolo corruptam a Pasquali, unde minis ab hoc exigit pretium adulterii. Q. an Pasqualis in conscientia teneatur hoc dare.

Respondeo. Non teneri. Ratio est, quia injuria irrogata Marito, non est pecunia restitutione comparabilis, sed solum satisfactio exhibenda per signa doloris, & per veniæ petitionem, ita exigente Marito, secus non exigente, cum talis satisfactio perius pudorem, & verecundiam avertit Marito, unde nihil solvere tenetur Marito, maxime cum hoc in jure reprobatur, ne Maritus videatur suæ Uxori lenocinium facere. Lef. Lug. Girib. de test. tract. 2. dub. 8.

M E N S E M A I I.

CAS. I. Parochus in Dicecesi sciens, Parochianum suum largiri quotannis elemosynam pinguem Templo B. M. dicto de S. Luca, propriæ vero Ecclesiæ nil fere conferre, ipsum acriter objurget, dicens, ejus obligationem esse erga istam, non erga illud. Q. an ullam patriverit culpam, & in qua specie, si patravit.

Respondeo. Generaliter loquendo, & præcise a particularibus circumstantiis, cum sermo sit de elemosyna libera, ut patet, cum sit de elemosyna pingui, peccare Parochum. Ratio est, quia Parochus noster acriter oburgando Parochianum, absque causa illum offendit; etenim talem elemosynam largiendo Templo B. V. dicto de B. Luca, nulli faceret injuriam, sed ex mera devotione hoc ageret, maxime cum etiam Ecclesiæ Parochiali aliquam, licet tenuem, faceret elemosynam, ut colligitur ex illius verbis *propriæ Ecclesiæ nil fere conferre*; si autem nulli faceret injuriam, clare constat non esse oburgatione dignum, sicque Parochum illum acriter oburgando male agere, & peccare. Hoc peccatum esset contra justitiam, ut patet; esset contra mansuetudinem, cum sit Parochus; alias etiam specie malitias habere posset juxta diversum oburgandi finem, cum finis specificet actum.

CAS. II. Sacerdos nullam fere præparationem Sacro præmittens, ut plurimum hoc distracta celebrat, & raro habet intentionem actualem consecrandi. Q. an lethaliter aliquando peccet.

Respondeo. Nullam Sacro præparationem præmittendo, cujus nomine orationes juxta rubricam Missalis intelliguntur, per se loquendo non peccare graviter, eo quia illa verba *pro semper vis opportunitate*, quæ habentur in rubrica, satis denotat nullum adesse præceptum illas preces recitandi, ut nor. Girib. & Tamb. de sacrificio Missæ; si autem non est præceptum, neque est peccatum. Dixi per se loquendo, quia si ex omissione talis præparationis per accidens sequatur distractio in celebratione, ut colligitur ex terminis casus, tunc posset graviter peccare, si distractio esset notabilis, eo quia volens se preparare, levis ex tali omissione oriri notabilem distractionem in celebratione Sacrificii, idem esset ac velle talem notabilem distractionem in causa, quod est velle peccatum; Etenim si in Missa notabilis distractio actualiter voluntaria in Canone, vel consecratione, aut sumptione, est peccatum grave, ut DD. asserunt cum Tambur. tum propter magnam irreverentiam in Sacrificio, quo quis proficitur Deum esse summe venerandum, tum propter periculum errandi, quod præcise vix abscurit, ita erit peccatum grave.

grave talis notabilis distractio voluntaria solum in causa. Quod tamen non militat de intentione actuali, cum ad Eucharistiam valide, & licite conficiendam sufficiat, juxta communissimam, intentio mere virtualis, qua scilicet etiam deficiente, nedum graviter peccaret, sed nec Eucharistiam conficeret.

CAS. III. Parentes cujusdam Viduæ clausam eam tenent in domo, & aliquando eam verberant, ut desistat a proposito ducendi in Maritum Juvenem pauperem, & conditionis sapientis infamiam. Q. an possint exculari a gravi.

Respondeo. Possent excusari. Ratio est, quia ex una parte cum non possit sine peccato filia contrahere cum infami ex cuius matrimonio sequitur familiæ dedecus, & ad dedecus consequuntur scandala, & discordiæ, ita Parentes illud possunt impedire, absque violatione libertatis Matrimonii, cum filii liberi tantum sint ad contrahendum sine peccato, ut expresse docet Layman de spons. tract. 10. p. 1. cap. 2. & ex alia p. cum parentes habeant naturalem potestatem, & jus moderatis coercitionibus filios corrigendi, etiam in vinculis privatum detinendo, & moderate verberando, ut sentit cum D. Thom. Leand. in 4. præcept. Decal. disp. 7. quæst. 6. & 7. satis inferitur, posse etiam tenere clausam filiam in domo, & aliquando moderate verberare, ne peccet sic contrahendo. Neque obstat filiam esse Viduam, quia si potestas taliter coercendi extenditur ad filios emancipatos, & hoc jure sanguinis, ut testatur Bossius innumeros allegans DD., etiam extenditur ad filiam licet Viduam, quæ parentibus subiecta supponitur. Melius tamen agerent Parentes Judicis auctoritatem implorando, cum difficile sit, agendo de verberibus, moderate se gerere erga filiam, tum attenta qualitate sexus, tum attenta parentum indignatione.

M E N S E J U N I I.

CAS. I. Archipresbyter, propter expensas factas in Visitatione sui Ordinarii, voluit a Parochis sui Plebanatus, titulo majoris incommodi a se passi, plusquam justa taxa permitteret. Q. an possit retinere quod obtinuit.

Respondeo: Non posse retinere. Tum quia illud majus incommodum est onus annexum oneri Archipresbyteratus; unde illud de jure pati tenetur, tum quia ex terminis casus habetur, quod taxa fuerit justa, & quod aliquid voluit supra justam taxam. Hoc dato clare constat, illud plus esse injuste volutum, & retentum cum omne volutum supra justum, sit injustum, injuste autem volitum nequit jure retineri.

CAS. II. Unus ex dictis Parochis obligavit suos Parochianos sibi aliquod contribuere præfatis expensis. Q. an licite.

Respondeo. Illicite se gessisse. Ratio deducitur ex Barhof. de offic. & potest. Episc. alleg. 73. referente Decretum S. C. in quo habetur, si esset consuetudo, ut Communitates procurarent Episcopum visitantem servanda est, quamdiu voluerint, ipse tamen cogenda non sunt, si reserent. Ex quibus verbis inferetur, si illicite agerent Parochi obligando Laicos ad ministranda visitantia Episcopo visitanti, si adesset ministrandi consuetudo, multo magis illicite ageret Parochus, ubi talis consuetudo non est.

CAS. III. Alter ex eisdem dixit pluribus, & in Dicecesi, & in Civitate, quemdam ex Convicatoribus deputatis fuisse nimis rigidum, scrupulosum, & malo animo affectum contra se in Decretis conditis, licet revera de-

creverit solum, quod ejus effectum, & necessitas Parœciæ postulat. Q. an graviter peccaverit, & sit obligandus ad canendam psalmodiam, seu se retrahendum.

Respondeo primo. Parochum dicendo quemdam ex convisoribus fuisse nimis rigidum, & scrupulosum, non peccare graviter, quia sic potius laudat, quam offendat Convisoriam, cum talia verba apud homines communiter idem sonent, ac esse attentum, & delicatę conscientię. Respondeo secundo. Parochum addendo Convisoriam esse male affectum contra se in Decretis conditis, graviter peccare. Ratio est, quia idem est, ac dicere fuisse injustum, & ex odio injusta edidisse Decreta, quod est famam proximi denigrare, tum ratione injustitię appositę, dum decreverit solum ea, quę Parœcię necessitas postulat, ut ex terminis casus, tum attenta dignitate personę, morum integritate, & doctrina pręstantis, utpote in partum ardui negotii pastoralis Visitationis ab Ordinario delecta; Quod maxime in detractiōe attendendum est, cum scilicet detractio levis in se, gravis evadat attenta personę qualitate, ut ex Less. Andreas a Mat. Dei. Respondeo tercio. Obligandum esse ad se retrahendum, cum hæc sit detractōis obligatio.

MENSE JULII.

CAS. I. **D**istulit Agricola contra voluntatem Domini metere triticum; interea cecidit grando, quę totam fere devoravit messem.

Q. ad quam compensationem Agricola sit obligandus.

Respondeo cum distinctione; Vel Agricola fuit in mora theologicę culpabili: sufficiente ad grave peccatum; vel non. Si primum, obligandus est Agricola ad compensandum damnum ad ratam partis speratę messis, arbitrio viri prudentis, & periti, quia scire vera causa damni. Ita communiter. Si non fuit in mora culpabili, quatenus triticum nondum esset apertum ad messem, vel quia impotens esset ad habendos operarios, & similia, & sic ad nihil est obligandus Agricola, quia damnum mere ex accidenti evenit, & Domini imperium de tritico metendo erat irrationabile; ad damnum autem mere casuale. neminem teneri, est sententia communis.

CAS. II. Callistus egenis mille libris censum constituit super prędium redere solitum triginta dumtaxat annuas, & obligat se ad dandum quotannis alias decem, vel viginti, quas eruet ex industria sua. Q. an iste contractus sit illicitus.

Respondeo. Esse illicitum. Ratio est, quia ille contractus illicitus, in quo committitur usura, sed in pręfato contractu ita est, etenim census ille saltem partialiter fundatur super personam, considerando industriam, ut fructum personę, census autem fundatus supra personam fœneratitius est, ut constat ex Bulla Pii V. Cum-onus apostolice servitutis, quę fœneratitius judicat census non fundatos supra rem immobilem; cujusmodi sane non est persona.

CAS. III. Mutuaverat Proculus Florianus centum aureos, & accepit ab eodem in pignus prędium, ex quo mutuatarius nullum capiebat fructum; ac mutuans ita coluit, ut non paucos perciperet. Q. an iste, deductis expensis, & labore, debeat illos in sortem sibi debitam computare.

Respondeo. Fructus prędium debere computare in sortem sibi debitam, sunt enim fructus naturales agri, qui detractis expensis pertinent ad Dominum agri, qui in casu est Florianus mutuatarius, qui unice prędium.

tradidit in pignus Proclo ob sui crediti securitatem, non alia ratione. Ita
communit. Cont. Sotum.

MENSE AUGUSTI.

CAS. I. Capellanus cujusdam Oratorii iussus a Patrono procuravit tempore Visitationis commodari sibi varia indumenta sacra ab aliis, ne Visitatores conderent aliquod Decretum indecorum Patrono. Q. an, & cujusnam criminis reus sit Capellanus?

Respondeo. Peccasse primo, contra iustitiam, quia cum Patronus Oratorii, in quo fieri debet Sacrum, teneatur ex iustitia providere indumenta sacra apta, & decencia ad Sacrum faciendum, ut ex Barbof. & Diana, & illa non providerit, cum vestes Oratorii supponantur attritæ, ut colligitur ex mandato Patroni, & ex timore Capellani, ne Visitatores conderent aliquod decretum Patrono indecorum, jam Capellanus commodando alia indumenta, cooperatus est injustitiæ Patroni, sic cooperando, injuste se gessit, & injustitiam commisit; ut docent DD. de Cooperante. Secundo, contra Religionem quia cum Religio respiciat cultum Dei, & res sacræ, ut sunt indumenta Sacerdotalia ad cultum Dei pertineant, sequitur Capellanum alia Indumenta commodando, egisse contra cultum Dei, impedimentum apponendo, ne Visitatores debito decreto cultui Deo per sacras vestes debito consulere, quod sane est contra Religionem peccare. Tertio, etiam peccato simulationis, cum taliter egisse, fuit Superiores decipere.

CAS. II. Confessarius, vocatus ad excipiendam Confessionem Moribundi, invenit ipsum esse illaqueatum excommunicatione reservata Summo Pontifici; unde volebat absolvere, nisi juraret, se præsentaturum si convalesceret, quod Juramentum nolens ille facere, in absolutus decessit. Q. an Confessarius graviter deliquerit.

Respondeo negative. Ratio est, quia a poenitente non puero, qui in mortis articulo absolvitur a Sacerdote alias non habente facultatem absolvendi extra mortis articulum, extorquendum est, si fieri potest (hoc est, nisi poenitens sit sensibus destitutus) juramentum, se se sublato impedimento non perpetuo, præsentandi quamprimum commode poterit Superiori, ut colligitur ex cap. eor. de sententia excommunic. in 6. Hæc sunt verba Bonac. de cens. disp., t. quæst. 3. num. 11. Ex quibus inferitur in Confessario esse obligationem exigendi tale juramentum, consequenter in poenitente esse debitum; si autem adest debitum, & non vult jurare, cum possit, signum est, non esse paratum ad obediendum, sicque esse indispositum; si autem est indispositus, non male se gessit absolutionem denegando.

CAS. III. Parochus non habens nisi famulam, nescientem pulsare Campanas, omittit dare signum Salutationis Angelicæ in Aurora, & in Meridie, Q. an sit excusandus, vel graviter delinquat in officio suo, post concessionem Indulgentiæ Benedicti XIII.

Respondeo. Graviter non delinquere in officio. Ratio est, quia nullibi reperitur hoc præceptum obligans sub gravi. Curate tamen debet Parochus quantum potest; ut suo tempore dentur signa Salutationis Angelicæ, cum Pastori debeat cordi esse, mediis non solum necessariis, sed etiam utilibus ut sane sunt Indulgentiæ populum suum ad æternam salutem dirigere.

CAS. I. **Q**uidem Clericus mensibus præcedentibus Augustum lusit pluries ludo alearum cum Cauponario ea conditione, ut quoties fuisset lucratus, toties ei fuisset paratum splendidum prandium, & toties hoc solveret, quoties amitteret. Semper venit Clericus; at Cauponarius intelligens, Clericis ludum alearum esse interdictum, recusavit prandia, de quibus conveniant. **Q.** an iuste recusaverit.

Respondeo. Iuste recusasse. Ratio est quia, qui ludo vetito aliquod perdidit, stando in iure communi, solvere non tenetur, ut colligunt, ex *l. Alearum* Less. Covarr. Molin. sed in casu Cauponarius lusit ludo vetito Clericis, & quidem sub gravibus pœnis, etenim, licet Clerici aleis ludentes moderate, & recreationis gratia exeusentur a peccato, ut docent Bonac. Rosign. Layman, cum in hoc sensu iura etiam quoad Clericos videantur a suo rigore cessasse, tamen Clerici sæpe aleis ludentes, ita ut attenta consuetudine verè dicantur aleatores, graviter peccant, cum hoc sit specialiter prohibitum Cleric. in cap. Cleric. de vit. & honest. Cleric. & in Trident. sess. 22. de reform. cap. 1. non obstante quacumque consuetudine, quæ corruptela potius dicenda est cum Sanchez, & Molin. quam consuetudo; porro Clericus noster aleis lusit *pluries*, & sic habetur consuetudo ludendi; lusit *splendidum prandium*, & sic habetur ludus immoderatus; ergo Cauponarius lusit ludo prohibito Clericis, adhuc prohibitione vigente, sique non tenetur solvere, sicuti nec debuisset solvere Clericus, si perdidisset, debet enim quoad solvendum esse æqualis utriusque conditio, si autem non tenebatur solvere, iuste etiam solvere recusavit.

CAS. II. Præfatus Clericus non potens prandia lucrata obtinere, timens exprobari a Superiore, si ad ipsum haberet recursus, procuravit sibi in bonis Cauponarii compensationem. **Q.** an tuta conscientia id fecerit.

Respondeo. Negative. Ratio dicitur ex resolutione primi casus. Ad validam compensationem debet inter alias conditiones creditum esse certum, & liquidum, ut docent fere omnes cum Diana, Less. Molin. at in casu, dato, quod Cauponarius non habuerit obligationem solvendi, constat creditum nedum non esse liquidum, sed nullum adesse, ergo Clericus non tuta conscientia sibi compensavit.

CAS. III. Sciens Cauponarius quod fecit Clericus, recursus habuit ad Superiorem, ut ejus officio bona, in quibus ille sibi compensavit; redderentur. **Q.** an iusta foret petitio talis restitutionis?

Respondeo. Affirmative. Ratio deducitur ex dictis. Si Clericus non potuit valide compensari, quia nullum habebat creditum erga Cauponarium & sibi compensavit, jam læsit jus reale Cauponarii, læsum autem in jure suo reali quis non videt, posse iuste in iudicium agere, ut ei fiat ablatis restitutio?

MENSE OCTOBRIS.

CAS. I. **A**rchipresbyter habens pro certo, omnes obstetrices ignaras esse formæ baptizandi, vel intentionis necessariæ, baptizat omnes parvulos, qui ad se feruntur pro Cæremoniis, sub conditione, nulla facta interrogatione circa Baptismum collatum. **Q.** an licite.

Pro resolutione hujus Casus legatur eruditissima Notificatio Eminentiissimi & Reverendissimi Principis nostri Archiepiscopi ad Patochos transmissa, in ordi-

ordine ad Obstretrices, circa materiam Baptismi, & ibi clarissima habetur ad casum responsio.

CAS. II. Parochus nullum Librum servat Confirmatorum, sub prætextu, quod multi suæ Parœciæ doceantur a Parentibus ad suscipiendam Confirmationem ubi ministratur absque sui participatione. Q. an sic delinquit graviter vel leviter in Officio.

Respondeo cum Posservino de offic. Parochi cap. 12. num. 42. delinquere graviter. Ratio Posservini est, quia idem judicium ferendum est de libro confirmatorum, sicuti de Baptismo, & Matrimonio, si negligente Parochus omnes negligant adnotare confirmatos, & confirmatorum Paternos, sed Parochus non habere librum de Baptismo, & Matrimonio est peccatum grave, cum sit contra præceptum Trident. sess. 24. de ref. cap. 2. ergo est peccatum grave non habere librum confirmatorum, & sicuti non excusaretur Parochus a gravi culpa dato quocumque prætextu in primo casu; ita nec excusatur in secundo; cum sit ejus officium. Major propositio non probatur a Posservino, potest tamen sic probari, quia tam oritur impedimentum dirimens ex confirmatione, sicuti ex Baptismo, &c. tam est irreiterabile Sacramentum Confirmationis, ac Baptismi.

CAS. III. Dum Venditor multi nocte hoc duceret ad Emptorem, prope Civitatem advexit, per medietatem fluxisse; unde, ne Emptor conquere-retur implevit continens aqua. Q. an sit obligandus ad aliquam, & quam refectionem.

Supponendo venditorem multi habuisse obligationem ducendi talem multi mensuram, ita ut emptio fuerit conditionata, nempe dabo tot nummos pro tali mensura multi domum meam ducta, ut communiter practicitur. Respondeo primo. Certissime teneri ad aliquam refectionem, tum quia vendit aquam pro musto, tum quia per talem aquæ mixtionem mustum fit deterius, quod sane est Emptorem culpabiliter damificare; ex damno autem culpabili ad refectionem teneri nemo est ex Moralistis qui hoc inficitur. Respondeo secundo, vel mustum per aquæ mixtionem ita deterioratur, ut inutile sit Emptori, qui mustum emit, vel ad conservandum, vel ad aliquos effectus, ad quos habendos requiritur mustum perfectum, & sic tenetur ad refectionem integram, cum Emptorem integrum damificetur. Ita Girib. de empt. cum D. Thom. vel mustum per aquæ mixtionem non redditur totaliter inutile emptori, & sic tenetur restituere ad ratam damni, pretium pro aqua reportatum emptori, restituendo, ut servetur æqualitas inter datum, & acceptum.

MENSE NOVEMBRIS.

CAS. I. **D**UO Juvenes inter se amici anhelabant ad nuptias ejusdam, Puellæ, & ne laderent amicitiam, conveniunt ad invicem, ut qui primus fuisset illam osculatus, illas procuraret; & alter cederent. Uterque ivit, at qui primus oscula tentavit infigere, illa renuente, non potuit. Unde alter jus ad nuptias procurandas præterdit. Q. cuiusnam sit adjudicanda prælatio.

Respondeo. Nulli adjudicanda est prælatio. Ratio est, quia conventio fuit de osculo infigendo, non de pura tentatione osculum infigendi, cum autem, & de eo, qui osculum infigere tentavit, & de eo, qui non tentavit, unus sit dicere, non est puellam deosculatus, neuter posuit, conditionem in esse, sicque nulli adjudicanda est prælatio.

B 4

CAS.

CAS. II. Dum quis ~~venaretur~~ in nemore alieno sine Canibus, creditus fuit a Domino, nemoris grassator viarum, unde, & occisus. Q. an occisor possit absolvi a simplici Confessario.

Respondeo. Posse absolvi. Ratio est, quia homicidium, quod cadit sub reservationem, est homicidium voluntarium scilicet appensatum, & studio procuratum tale autem non est homicidium in casu, eo quia Dominus nemoris credens venatorem esse grassatorem viarum, hic timens, licet ex falsa apprehensione de sua vita, illum occidit potius ex vitæ timore, & quodammodo in defensionem, licet cum excessu moderaminis inculpatae tutelæ, quam ex malo animo dolo, & studio; quia autem ita occidit non incidit in casum reservatum, notat Girib. Rotar. cum Mazuch. unde potest a simplici Confessario absolvi.

CAS. III. Habens quidam Canem mansuetum deambulabat per montium cacmina, ubi cum essent plures Oves, Canis eas deterruit, & ruerant præcipientes de vertice montium. Q. an teneatur damna reficere Ovium Domino.

Respondeo. Negative. Ratio est, quia, ut quis teneatur damnum reficere, damnum debet esse culpabiliter illatum, & non mere per accidens, ut cum Rebel. Less. &c. sed in casu damnum illatum Domino ovium est absque culpa, & mere per accidens, etenim cum Canis supponatur mansuetus, Dominus Canis nullo modo prævidit, nec potuit prævidere terrorem ovibus incussum, cum oves deterrere non sit Canis mansueti, sed ferocis, ergo non tenetur Domino ovium damna reficere.

M E N S E D E C E M B R I S.

CAS. I. Obtent a Confessario, & executioni demandata facultate dispensandi Bertam super impedimento dirimente ante Matrimonium contracto, cum sit Coniungi, postquam eam conduxit invisa. Q. quid sit ei suggerendum Matrimonium de novo inendum, vel convalidandum?

Respondeo. Necessariam esse renovationem consensus, & cum litt. Apost. apponatur clausula: *ut alter conjux certior fiat de nullitate primi consensus, & tunc ab utroque conjuge removetur*, suggerendum est etiam debere certiorare maritum de nullitate primi consensus, non tamen causa talis nullitatis recensita, & deinde novum mutuum consensum habere. Hæc est sententia praticanda, & quam communiter tenent DD. ut videre est apud Girib. de Matrim. tom. 7. cap. 18. de disp. impedit. Matrim. Neque obstat, quod scæmina de præfenti sit viro invisa, quia hoc solum probat, magna dexteritate vel per se, vel per amicum, vel per Confessarium debere virum certiorari de nullitate Matrimonii, non vero probat ad inendum, vel revalidandum Matrimonium sufficere uti quibusdam formulis a DD. relatis, & multo minus copulam habere affectu maritali, cum hic modus nullo modo sit litt. Sac. Pœnitentiariæ conformis? Quicquid dicat P. Sanchez cum aliis oppositum tamquam probabile sustineatibus.

CAS. II. Parochus vocatus ad ministranda Sacramenta graviter infirmo invenit eum esse phreneticum, & non posse ei ministrari nisi extremam Unctionem, ad quam etiam ministrandam necesse est vinculis constringere. Q. an Parochus debeat ejus Domesticos compellere ad tale officium peragendum.

Respondeo. Debere compellere. Ratio est, quia ex una parte, Parochus tenetur ministrare Extremam Unctionem infirmo, qui absque ullo Sacramento est

13

est proxime moriturus, quia in tali casu hoc Sacramentum est illi necessarium juxta Dianam, Sanchez, Palae; ex alia parte Phreneticus, qui habuit perfectum usum rationis est capax hujus Sacramenti, ut ex Rit. Rom. si absit periculum irreverentiae, ad quam cavendam posse Phreneticos ligari notant gravissimi DD. cum Averfa, teste la Croix de Extrema Unctione num. 2150. eo autem ipso, quod Phreneticus est capax hujus Sacramenti, & ligari potest ad cavendam irreverentiam, & Parochus ministrare tenetur, potest, & debet compellere domesticos, ad illum ligandum, quia est unicus modus, unicumque remedium, & quidem licitum, quo obligationi suae valeat satisfacere, & infirmi salutem procurare.

CAS. III. Silvester pauperimus, & habens copiosam familiam, ut enim hac possit pellere rigidum tempestatis frigus, quaerit modo in uno, modo in alio praedio ligna comburenda; at, cum non inveniat arida, & infructifera, cadit, & aufert fructifera, vel quae post paucos annos essent valde utilia Domino. Q. an si tolerandus, vel acriter reprehendendus.

Respondeo cum distinctione. Vel familia Silvestri indigens lignis ad pellendum frigus est constituta in extrema necessitate lignorum, ita ut sine talibus lignis habeatur probabilis timor periculi vitae, vel est constituta solum in gravi necessitate; si primum, tolerandus est Silvester, quia in tali necessitate omnia sunt communia, & sicuti in simili casu Dominus arborum illas caderet, & combureret, quamvis essent fructiferae, cum nullo alio modo suae extremae indigentiae valeret occurrere, ita tolerari debet Silvester, si illas caecidit, & combussit. Si vero secundum dicatur, est reprehendendus, ut clare constat ex propositione damnata ab Innoc. XI. quae est trigesima sexta in numero.

A N N O MDCCXXXIII.

MENSE JANUARI.

CAS. I. Titius providit venenum Bertae conjugatae, cum qua plura sciencidendos mures, quos ei valde noxios esse sciebat. Berta, cum esset quadam die graviter a Marito verberata, ei tradidit tale venenum, ex quo perit; modo valet contrahere Matrimonium cum Titio. Q. an possit.

Respondeo. Vel Berta habuit animum ducendi Titium; vel non; si habuit, non potest; si non, potest. Ratio primae partis est, quia sic habetur tum Viricidium effectu sequuto, ut ex *ly ex quo parit*, tum adlierium formale ut ex *ly scilicet*, tum animus contrahendi matrimonium enim adultero, ut supponitur, consequenter habetur quidquid requiritur ad impedimentum criminis, quod dicitur Viricidium, seu Uxoricideum cum adultero, siquae Berta non potest cum Titio matrimonium inire. Ratio secundae partis est, quia si non habuit talem animum, jam deest unum ex requisitis ad tale impedimentum contrahendum, absolute enim requiritur cum Viricidio, & adulterio animus ducendi, ut ex cap. *Significasti*, & si quis vivente cum sit impedimentum ab Ecclesia inductum, ne

ne Conjugos sibi iunicem mortem machinentur, sicque Berta potest Titium ducere. Ita communiter omnes agentes de impedimento criminis, de quo unice dubitari potest in presenti.

CAS. II. Parochus vocatus ad Vetulam moribundam pro excipienda ejus Confessione, invenit ipsam ignorantem Articulos Fidei, & periculum est in mora. Q. quomodo se geret.

Respondeo. Si poenitens Vetula ignoret essentialia requisita ad valorem Sacramenti, v. g. dolorem, vel propositum, aut Trinitatem, & Incarnationem juxta propositionem 64. damnatam ab Innoc. XI. debet Parochus illam eo meliori modo, duo potest, instruere, secus Sacramentum esset nullum, & Sacrilegium committeretur. Si vero Vetula labore ignorantia vincibili, vel invincibili Mytheriorum, quæ non sunt necessaria necessitate medii, sed tantum necessitate præcepti credenda, tenetur monere Vetulam de ignorantia, & si non possit tunc illam instruere, tenetur tum exigere ab ipsa propositum ignorantiam emendandi, tum curare, ut emitat actum fidei de articulo ignorato, dein illam absolvere præmissis cæteris ad Sacramenti validitatem requisitis. Ita cum Viva in explicatione citatæ propositionis.

CAS. III. Berta honestis Parentibus nata, ipsis ininitis, contraxit Matrimonium cum Satellite, quare parente recusant tum ejus colloquium, tum ejus aspectum, etiam post petitam veniam. Q. an graviter peccent.

Respondeo. Vel parentes, quos rusticos suppono, colloquium Bertæ filię, & ejus aspectum ad longum tempus recusant, & in perpetuum recusare parati sunt, vel solum ad breve tempus; si primum, peccant graviter, nec possunt absolvi, quia permanent in odio, ac vindicta excedente delictum filię plebejæ post petitam, veniam; si secundum, non peccant, quia id honeste fieri in emendationem filię, & in poenam sui criminis, & ad aliarum filiarum cautelam; licet enim filia non teneatur obedire parentibus, quo ad status electionem, tenetur tamen statum illis non indecorum eligere, & indecorum eligendo, ut in casu, cum infamia propria, & parentum, sanæ delictum committit ea punitione dignum, ut ad breve tempus ejus aspectum, & colloquium Parentes recusent. Ita cum Giribaldo Diava, Laym. de Charitate proximi.

MENSE FEBRUARII.

CAS. I. Titius contractis Sponsalibus validis cum Rosa, cognovit Franciscam Rosæ sororem ex parte Marris, nunc sciens neutram ducere posse, vellet saltem ducere, vel consobrinam, tantum consanguineam Rosæ ex parte Patris, vel consobrinam, tantum consanguineam Franciscæ similiter ex parte Patris. Q. an possit pro libito unam ex istis ducere.

Respondeo. Possit ducere consobrinam Rosæ, non vero Franciscæ, si sit consobrina prima, & copula fuerit completa apud generationem. Ratio primæ partis est, quia cum Rosa, & ejus Consobrina non sint in primo gradu consanguinitatis conjunctæ (inter illas enim, & stipitem debet necessario mediare altera persona, quæ primum gradum constituit) sequitur, sponsalia valida inita inter Titium, & Rosam non causare impedimentum publicæ honestatis (de quo unice potest dubitari) inter Titium, & consobrinam Rosæ, cum tale impedimentum ortum ex sponsalibus validis ultra primum gradum non extendatur; potest ergo Titius Ro-

Rosæ Confobrinam ducere. Ratio secundæ partis est, quia inter Titium & Confobrinam primam Franciscæ ab ipso complete cognitz militat impedimentum affinitatis ortæ ex copula illicita, quoad dirimet usque ad secundum gradum; Talis enim Confobrina est consanguinea Franciscæ, cum ambe descendant ex eodem stipite ex parte Patris, & quidem in secundo gradu, cum inrer has, ac stipitem mediet una tantum persona, que primum gradum constituit, & copula cum Franciscæ fuit perfecta, ut suppositur; ex quibus sequitur, Confobrinam primam Franciscæ esse affinem cum Titio in secundo gradu, in eo enim gradu, quo Confobrina est consanguinea Franciscæ, evadit affinis Titio, qui Franciscæ prefeste cognovit, unde non potest illam ducere, dixit, si sit Confobrina prima, quia si esset secunda, esset in tertio gradu, ad quem non extenditur impedimento affinitatis ex copula illicita; dixi, si copula fuit completa, quia ex hac solum nascitur affinitas. Nec dicatur, hac ratione Titium neque posse ducere Confobrinam Rosæ contra dicta, quia si Franciscæ est Soror Rosæ, per copulam habitam cum Franciscæ, est etiam affinis in secundo gradu cum Confobrina prima Rosæ, quæ debet esse consanguinea Franciscæ; contra; Confobrina Rosæ solum ex parte Patris non est consanguinea Franciscæ Sororis Rosæ solum uterinæ, cum Confobrina Rosæ, & Franciscæ non descendant ex eodem stipite, ut resistenti patebit, ut Titius per ralem copulam nullo modo evasit affinis Confobrinæ primæ Rosæ solum ex parte Patris, sicque illam poterit ducere, non vero Confobrinam tantum ex parte Patris Franciscæ ab ipso cognitz. Ita omnes agentes de affinitate, & iustitia publicæ honestatis.

CAS. II. Petrus videns alterius animalia possessionem suam damnificare, ut servet se indemnem, illa occidit. Q. an peccet mortaliter, & teneatur restituere.

Supponendo casus procedere de Columbiis, aliisque similibus animalibus, ut contingit de via ordinaria. Respondeo. Vel Petrus nulla alia via potest damnum impedire, vel potest: Si non potest, nec peccat, nec tenetur restituere, & ratio est, quia cum quilibet habeat jus ad servanda, quæ sua sunt, habet & Petrus jus, ne damnificetur in iis, ad percipienda jus habet, unde si nulla alia via potest damnum reparare, poterit absque peccato, & restitutionis onere, talia occidere, si enim ad deferendas res suas magni tamen momenti cum moderamine inculpatæ tutelæ potest quis absque peccato occidere volentem illum injuste talibus bonis spoliare, a fortiori poterit animalia occidere, si nulla via valet damnum impedire, quod in praxi tamen moraliter impossibile cenfeo; si vero alia via potest damnum impedire, ut ordinarie loquendo fieri potest, tum clamando, tum actibus ingenuis animalia arcendo, tum satisfactionem exigendo, ut praticare solent viri timorati: tunc Petrus injuste occidit animalia, & injuste Dominum illorum damnificavit, & quidem graviter, si gravis fuit materia; ergo tunc graviter peccavit, & modo tenetur ad ratam damni restituere. Ita Felix a Potest. de 7. præcept. Decal.

CAS. III. Franciscus postquam confessus est peccata sua, interrogatus a Confessario de sua professione respondet; exerceo professionem periculis plenam; facio ut vulgo dicitur il Contrabandiero, modo frumentum, modum vinum de uno ad alium locum asportando. Q. an hic volens desilire a tali exercitio sit capax absolutionis.

Respondeo negative. Ratio est, quia, etiam proficienda a gabellarum defraudatione, & a periculo notabilis damni famulz, hujus turfuribus homines, expe-

experientia magistra, semper habent pravam voluntatem saltem habitua-lem injuste resistendi, & vim inferendi, si opus fuerit, ministris publicæ potestatis, usque ad effusionem Sanguinis, & mortem; si hoc, jam sunt indispositi ad gratiam in Sacramento reportandam, sicuti habentes domi Concubinam, quam propter utilitatem nolunt ejicere; consequenter sino- lint exercitio desistere, non sunt absolvendi. Ita in terminis Bonæ, Na- var. & Giribal. de poenit.

M E N S E M A R T I I.

CAS. I. Titius vitricus vellet contrahere Matrimonium cum Uxore Pe- tri Privigni, mortuo Privigno. Q. an possit.

Respondeo posse. Ratio est, quia affinitas extenditur solum ad consanguineos sceminæ cognitæ respective ad virum: & ad consanguineos viri, qui sceminam cognovit respective ad sceminam, sublata modo quacum- que affinitate mediata, & remota; Titius autem vitricus in casu non est consanguineus Petri Privigni, sed tantum affinis in primo gradu per copulam habitam cum ejus Matre, quam duxerat in uxorem, unde per affinitatem cum Petro contractam non est affinis uxori Petri, quæ, ut talis esset debet esse consanguinea cum Matre Petri a Titio co- gnita, quare Titius potest uxorem Petri Privigni, mortuo Petro; sibi in Matrimonium conjungere. Ita omnes teste Reiff. & Sanchez, agen- tibus de affinitate.

CAS. II. Rusticus assuetus laboribus, quadam die jejunii non jejunavit, li- cet non laboraverit. Dum autem de hoc se accusat in Confessione, gra- viter objurgatur a Confessario firmiter tenente, & asserente esse peccatum in Rustico non jejunare illa die, qua non laborat. Q. an bene se gesserit, & verum docuerit Confessarius.

Respondeo male se gessisse, & falsum docuisse. Ratio est, quia exempti a jejunio ratione laboris cum jejunio incompatibilis, quales sunt omnes rus- tici laborantes, & specialiter rusticus noster, qui dicitur assuetus labo- ribus, vere excusantur a jejunio, si quadam die non laborant, non ta- men si pluribus diebus successivis a labore cessarent, æquitas ehim, & ratio postulat, ut vires ex præcedenti die defatigatas reficiant, & ad se- quentem laborem comedendo componant, & sic ad opus suum exuentes in opere non deficiant. Ita Diana, Giribal. & communiter DD. agentes de jejunio; ergo rusticus noster tali die a jejunii lege est exemptus, con- sequenter & falsum docuit, & male se gessit Confessarius poenitentem ul- tra debitum gravando.

CAS. III. Petrus se accusat sæpius audivisse Amicos inter se graviter detra- hentes fama modo Franciscæ, modo Catherinæ, non se retrahendo a tali auditione præcise ob humanum respectum, abique eo quod tamen il- los excitaverit ad detractionem, vel de hac sibi complacuerit. Post Con- fessionem petit a Confessario, an sic detrahentes audire sit peccatum mor- tale. Q. Confessarii responsum.

Respondeo. Confessarium, ut veritatis magistrum teneri respondere negative. Cum D. Th. q. 73. art. 4. in corpore dicente. *Si non placet ei peccatum, sed ex timore, vel negligentia, vel etiam verecundia quadam omittat repellere detrahentem, peccat quidem, sed multo minus, quam detrahentes, & plerum- que venialiter.* In casu enim Petrus detrahentes non repulit ex verecundia quadam, cum idem sonet *lyob humanum respectum*, unde venialiter tantum peccavit, nisi verecundia orta fuisset ob magnam auctoritatem detrahentis,

17

in quo sensu esse vaginaliter peccasset ; ut docet La Croix in 8. decal. præcep. Licet sic respondere debeat Parochus , ut verum dicat , monere tamen debet tamquam Medicus pœnitentem , ut faciat quantum potest ad detractiōis peccatum impediendum cohærenter ad ea , quæ in similibus casibus docent DD :

M E N S E A P R I L I S .

CAS. I. **T**itius se accusat decies habuisse rem cum fœmina intra mensem. Q. an sit ei statim deneganda absolutio, an vero præmissis debitis interrogationibus possit absolvi.

Respondeo. Debitas præmittendas esse interrogationes , & cohærenter ad responsa , esse Titium absolvendum , vel non absolvendum. Ratio est quia si ex Titii responsionibus colligat Confessarius ipsum esse in occasione proxima voluntaria , eo quia alias promississet Confessario fœminam dimittere , cum potuerit , & non dimiserit , & eundem numerum peccatorum exponat in Confessione præsentis , ac in aliis Confessionibus , nec multum temporis transierit ab ultimo peccato commisso , non potest illum absolvere juxta propositionem 61. ab Innoc. XI. damnatam , cum nequeat efformare judicium practicum de proposito pœnitentis , ejusque dispositione ad Sacramentum requisita . Similiter si colligat Confessarius , Titium alias non peccasse cum tali fœmina , sed interrupte hoc mense decies solum peccasse , tum ne vires enervaret , tum quia defuit ultrius peccandi commoditas , & posse fœminam dimittere : non debet illum absolvere , nisi prius dimittat , eo quia licet aliquid DD. asserant talem pœnitentem pro prima vice absolvi posse , cum nequeat prudenter dubitari de efficacia illius propositi , sicuti non dubitatur de prima vice promittente restitutionem facere , tamen omnes advertunt caute procedendum esse , quia fœmina domi existens ad objectum præsens , quod nimis movet , & experientia docet , pœnitentem absolutum ante fœminæ dimissionem , cum qua solet peccare statim ad vomitum redire , unde stante illa occasione proxima est absolutionis incapax . Pariter si agnoscat Confessarius , Pœnitentem esse in occasione proxima , sed involuntaria , quam nequit physice , vel moraliter dimittere , alias tamen eadem peccata exposuisse in confessione , ita ut nec-adhuc emendario , nec spes emendationis , non debet illum absolvere , sed differenda est absolutio , ut de habente consuetudinem peccandi loquuntur DD. cohærenter ad propositionem 60. ab eodem Innoc. damnatam , eo quia non potest efformari practicum judicium de efficacia propositi . Si vero Confessarius ex pœnitentis responsis colligat , esse quidem in occasione proxima involuntaria , sed alias non fuisse talia peccata confessum , vel adesse emendationem , aut emendationis spem , sicuti si colligeret , non esse in occasione proxima , vel ex quo multum temporis transierit ab ultimo peccato , vel paucis diebus peccata compleverit , alias non solitus delinquere , vel ex quo fœminam dimiserit , vel ex quo quotidie fœminæ Domum perierit , & potuerit quotidie peccare , sed solum decies peccaverit , vel quid simile ; tunc si ei denegaret absolutionem , saltem contra charitatem peccaret , quia nullum est fundamentum dubitandi de efficacia propositi ; sequitur ergo non esse statim tali pœnitenti absolutionem denegandam , sed præmittendas esse interrogationes , & sic cohærenter ad responsa dandam esse , vel retinendam absolutionem .

CAS.

CAS. II. *Mulieres, dum se accusant diebus Festis laborasse per plures horas sine necessitate, a Parocho redargutæ de lethali, respondent, putare non peccasse lethali, quia non laborarunt lucrî gratia. Q. an huic responsioni acquiescere possit Parochus.*

Respondeo negative. Ratio est, quia ad rationem operis servilis prohi bitû die festo impertinens est, utrum fiat ex lucro, aut recreatione; sicut enim intentio, & animus lucrandi non facit opus esse servile, ita ab opposito intentio non lucrandi non tollit ab opere servili rationem servilis, ut docent Nav. Suar. Facund. de observatione festorum; Quare licet feminæ, de quibus in casu possint a gravi peccato excusari titulo ignorantie, si fuit invincibilis, tamen illarum dicto non debet illas instruire, ut deinceps a talibus operibus etiam sine lucro ex-reendis abstineant, nisi alia urgeat vera causa talibus operibus vacandi.

CAS. III. *Petrus per annum retinuit rem alienam, quam pluries potuisset commode restituere. Q. quot peccata commiserit.*

Respondeo cum Girbaldus de reit. tract. 2. cap. 5. dub. 4. Vel Petrus talî tempore expresse, & directè renovavit propositum non restituendi, vel habito proposito restituendi non restituit, data opportunitate restituendi, licet crederet Dominum esse rationabiliter invitum, vel neutro ex his modis se gessit non restituendo; si primis duobus modis se habuit, toties peccavit Petrus, tum quoties expresse renovavit propositum non restituendi, fuit enim novus actus contra præceptum, sicque novum peccatum; tum quoties habito proposito restituendi, data opportunitate cognita non restituit, sic enim saltem implicite novam habuit voluntatem non restituendi virtualiter retractativam primi propositi restituendi; si vero neutro ex his modis se gessit Petrus, per dilationem restitutionis eius peccatum evasit gravius, non multiplex, quia nec novus habetur actus, nec novum urget præceptum, nec sola physica interruptio sufficit ad novum peccatum; unde solum est perseverantia moralis in primo peccato quod certe peccatum aggravat, novum vero constituit.

M E N S E M A I I.

CAS. I. *Titius conjugatus solitus habere rem cum Berta, quadam die sic ei dixit: Si moreretur Uxor mea, ducerem te in Uxorem, cui illa respondit, & ego ducerem te in Maritum. Moritur Uxor Titii. Q. an possit contrahi tale Matrimonium.*

Respondeo posse. Ratio est, quia non militat species illa impedimenti criminis, quod dicitur adulterium cum promissione futuri Matrimonii, de quo unice dubitari potest in presenti. Etenim, ut tale impedimentum contrahatur, requiritur adulterium formale, & promissio futuri Matrimonii, prout expresse loquuntur Canones, qui contenti non sunt simplici animi, & amoris ostensione; sed in casu habetur quidem adulterium, quod supponitur formale, at non habetur promissio, illa enim locutio *ducerem te in Uxorem, ducerem te in Maritum*, est vellenas Matrimonii, desiderium promittendi, & simplex ostensio animi, & expressio amoris, non vero Matrimonii promissio, unde non obstat tale impedimentum, quod obstatet, si dixissent *ducam te in Uxorem, ducam te in Maritum*. Ita omnes, ut videre est apud Rosignol.

CAS. II. *Confessarius audita cujusdam penitentis Confessione illum interrogat, quomodo eliciat actum doloris de peccatis suis, cui respondet, sic*

19
sic dico in corde meo. Diligo te Deum meum super omnia, quia sum-
me bonus es, parce peccatis meis. Q. an audita hac responsione possit
pœnitentem absolvere.

Respondeo negative. Ratio est, quia dolor requisitus ad validitatem Sacra-
menti pœnitentiæ, cum sit pars materialis ejusdem ex Trident. sess. 14.
cap. 3. & can. 4. debet esse expressus, & formalis, nec sufficit virtua-
lis, sicut materia Eucharistiæ debet esse formalis, cum non sufficiat
uva, aut triticum quæ virtualiter sunt vinum, & panis; at dolor, ut
in casu, licet sit virtualis contentus in actu dilectionis Dei super om-
nia, non tamen est formalis, cum non habeatur expressa detestatio pec-
catorum; actus enim amoris non est formalis actus doloris, nec talis red-
ditur per illa verba *parce peccatis meis*, cum in suo rigoroso sensu sum-
pta significant tantum precationem, & orationem Deo factam, quæ for-
malem dolore non importat; unde Confessarius, ut pœnitentem absol-
vat, curare debet, ut formalem peccatorum dolorem emittat. Dixit in
suo rigoroso sensu sumpta, ut debent verba suavi in casibus conscientie
resolvendis, quia si per talia verba rusticus intendat exprimere dolorem,
& vere doleat, in re habebitur dolor formalis apud Deum, non sic apud
Confessarium, quis ex talibus verbis secundum communem intelligentiam
non posset illum inferre.

CAS III. Petrus ante annum decimumquartum completum habuit rem cum
Uxore fratris sui, dum tale peccatum confiteretur, complevit annum de-
cimumquartum requisitum ad incurrendam reservationem, quo ad casum
numeri quarti. Q. an simplex Confessarius possit illum absolvere.

Respondeo negative. Ratio est, quia in absolutione reservatorum respici-
tur tempus, quo datur absolutio, cum reservatio afficiat Confessarium,
ita Possess. de pœnitentia: & sane si peccatum huius commissum, quan-
do non erat reservatum, hodie fiat reservatum, & hodie in confessione
exponatur, non potest a communi Confessario absolvi, quia hodie restri-
cta est in Confessario jurisdictio, ut docent Tambur. Diana, Felix a
Potest. de Pœnitentia cap. 5. in num. 338. quare idem iudicium non
erit secutum in casu nostro, cum militet eadem ratio?

MENSE JUNII.

CAS. I. Berta assueta labori, sæpe de nocte e somno excitatur a puero
lacte indigente, hæc ut minori incommodo Infantem nutriet,
sistit se super lectum, & sic puero lac præbat: Interim gravi somno cor-
renta in lecto puerum suffocat. De mane lacrymans cum Marito suo
accedit ad Parochum pro confessione talis infanticidii instituenda. Paro-
chus audita pueri suffocatione dimittit sive sceminam, sive virum ad
Pœnitentiarum pro absolutione. Q. an Parochus potuerit absolutionem
impendere.

Respondeo affirmative. Ratio est, quia si dubitari potest, unice est vel ti-
tulus excommunicationis oppositæ in Synoda Ducezana lib. 2. cap. 2. de
Baptismo contra tenentes Infantes in proprio lecto intra annum, vel rati-
one homicidii voluntarii; sed neutrum impedit absolutionem, non ex-
communicationem, quia est solum ferendæ sententiæ, ut videre est in Syno-
do; non homicidium voluntarium, quia ad incurrendam hanc reserva-
tionem homicidium debet esse studiose, data opera, & malo animo ex pro-
posito casum vel directæ, vel indirectæ, in causa proxima; tale sane
non est infanticidium in casu, licet enim potuerint peccare, & pecca-
verint

verint parentes in lecto infantem suffocando si sufficientem non adhibuerit diligentiam, tamen talis suffocatio, cum non fuerit ex animo deliberato causata, non est voluntaria in se, vel in causa proxima voluntaritate de reservationem requisita; unde nulla in casu habetur reservatio, consequenter Parochus, poterat illis, si peccarunt per omissionem debita diligentiae, absolutionem impendere. Ita Girib. Gabrin. Graf. de reservatione.

CAS. II. Titius graviter tentatus consentit, efficaciter peccare proponit, occasionem peccandi quaerit, & invenit. Interim dum fervet opus, hanc suam perversam voluntatem millies repetit nullo modo tamen illam revocando. Q. quot peccata Titius commiserit.

Respondeo unicum. Ratio est, quia omnes actus, & motus sequentes unionem moraliter cum primo consensu efficaci in ordine ad externam ejusdem actus consummationem. Quod si actum internum Titius moraliter interrupisset, & reassumpisset, tunc tot essent numero peccata, quot interessent reassumptiones, vel formales, vel interpretativæ. Ita communiter DD. agentes de peccatis.

CAS. III. Petrus sic se accusat, sæpius juravi falsum; interrogatur a Confessario, quomodo falsum juraverint, respondet *in mia coscienza*, *in fede mia* ita est, & sciebat non esse. Quaeritur, an Confessarius debeat efformare iudicium de juramento in re, vel solum ex conscientia erronea.

Respondeo non debere efformare iudicium de juramento. Ratio est, quia præscindendo ab intentione talia proferenti, non invocatur Deus nec immediate, nec mediate, ut requiritur ad rationem juramenti ex ejus definitione; sensus enim illorum verborum est, hoc est verum, ut dicat mea conscientia, aut humana fidelitas, in quorum verborum expressione nullo sane modo Deus invocatur, unde non habetur juramentum in re. Potest tamen Confessarius, & debet efformare iudicium de perjurio peccaminoso ex conscientia erronea, si Petrus putans vere jurare talia dixerit, cum apud Petrum idem sit, ac si vere jurasset. Ita Girib. de juramento, & Leander, qui plures citat.

MENSE JULII.

CAS. I. Titius cognita Catherina, ignorans contraxisse impedimentum ad ducendam illius Sororem Rosam, iniit cum Rosa Sponsalia: modo cum venerit in notitiam non posse contrahere cum Rosa ob impedimentum affinitatis, vellet saltem contrahere Catherina. Q. an possit.

Respondeo posse. Ratio est, quia si non potest ducere Rosam, est quia habuit veram copulam completam licet illicitam cum Catharina illius Sorore, ex qua oritur impedimentum affinitatis dirimens matrimonium usque ad secundum gradum inter Titium, & consanguineos Catharinæ, intra quem gradum includitur Rosa, quæ utpote Soror Catharinæ, est illi consanguinea in primo gradu; At inter Titium, & Catharinam per Sponsalia juxta cum Rosa post copulam habitam cum Catharina nullum habetur impedimentum dirimens, & maxime non habetur impedimentum publicæ honestatis, de quo solum apparere potest dubium; nam talia Sponsalia cum Rosa post copulam habitam cum Catharina illius Sorore sunt invalida, utpote contracta cum habente impedimentum affinitatis dirimens matrimonium; ex Sponsalibus autem invalidis nullo modo nascitur impedimentum publi-

publicæ honestatis, ut videre est apud Pon. Reinf. & alios de hoc impedimento agentes; unde Titius optime in casu ducere potest Catharinam.

CAS. II. Cajus inivit pacem cum inimico, attamen ipsum videndo, non salutatur, data occasione alloquendi ipsum non alloquitur. Q. an peccet contra præceptum diligendi proximum.

Respondet regulariter loquendo non peccare. Ratio est, quia regulariter loquendo homo privatus ex præcepto charitatis solum obligatur ad exhibenda proximo signa communia, qualia sane non sunt salutatio, & alloquutio; talia enim exercere inter æquales, sunt actus liberi, illa omittere inter inæquales sunt signa inurbanitatis, unde regulariter loquendo censendum est Cajum in casu contra præceptum Charitatis non delinquere. Dixi regulariter loquendo, quia si ratione alicujus circumstantiæ, puta si cederet in scandalum, si pluribus occurrentibus ceteros salutaret, & alias inimicum a salutatione excluderet, vel quid simile contingeret, tunc Cajus graviter peccaret, quia in talibus circumstantiis salutationis, & alloquutionis omissio esset manifestum odii interni signum. Ita Felix a Potest. decal. præcept. n. 502. & seq.

CAS. III. Franciscus ex malitia non communicavit in Paschate, seu tempore Paschali, modo tali elapso tempore putat quidem peccasse, non satisfaciendo Ecclesiæ præcepto, attamen non teneri sumere sacram Synaxim pro satisfactione præcepti annuæ Communionis. Q. an bene vel male sentiat.

Respondet, male sentire ita cum D. Th. Navar. Suar. contra non paucos. Ratio est, quia tempus Paschale est ab Ecclesia determinatum non ad finiendam obligationem, ut contingit in præcepto audiendi Sacram die festo, & recitandi Officium in diem, sed ad sollicitandam obligationem sumendi Sacram Synaxim, quod colligitur ex verbis præcepti Ecclesiæ *al minus in Pascha*, unde tenetur Franciscus quam primum moraliter Ecclesiæ præcepto satisfacere, Eucharistiam sumendo.

M E N S E A U G U S T I.

CAS. I. **B**erta, cum esset Virginis intercessione liberata a quadam infirmitate, juravit in honorem Virginis, quod die ter recitare Salutationem Angelicam flexis genibus, brachiisque extensis; Cum quadam die ex pigritia tales Salutationes non recitasset, interrogata a Matre, an illas recitasset, respondit adveniens, & cum intentione jurandi *juro per Deum illas recitasse*, sciens tamen illas non recitasse. Q. an mortaliter peccaverit Berta, sive Salutationes non recitando, sive jurando illas recitasse.

Respondet, Bertam lethaliter peccasse jurando, venialiter vero non recitando; ita Sporer, & la Croix. Ratio primæ partis, quia in juramento asseritorio, quale est in casu, defectus veritatis importat semper peccatum lethale, cum idem sit invocare Deum in testem falsi in re sive magni sive pravi momenti; veritas enim, & falsitas consistunt in indivisibili, nec datur magis aut minus verum, aut falsum, at in casu deficit veritas, & quid cum advertentia, & animo jurandi, ut ex terminis casus, ergo Berta jurando se recitasse Angelicas salutationes, cum illas sciverit non recitasse, lethaliter peccavit. Ratio secundæ partis est, quia in juramento promissorio, quale est velle recitare Salutationes Angelicas, quo ad veritatem de futuro non invocatur Deus in testem veritatis, vel falsitatis, sed solum



lum quasi in sponforem obligationis ponendi rem cum juramento promissam, obligatio autem reipromissæ est modo major modo minor ad rationem materię majoris, vel minoris momenti, at in casu materia, seu res promissa est levis momenti, nemo enim prudens tres Angelicas salutationes tanquam quid leve non reputabit, ergo illas Salutationes non recitando, venialiter tantum Berta peccavit.

CAS. II. Fœmina quædam robusta habens cibum nedum sufficientem, sed sufficientissimum pro unica refectione, quia tamen lac præbet Infanti nollet fervare jejunium, quod tamen sine incommodo posset fervare, ut alias est experta. Q. an in his circumstantiis excusetur ab observantia jejunii.

Respondeo excusari, ita cum Diana, Leand. Girib. de præcept. decal. Ratio est, quia talis fœmina inter lactantes vere locum habet, quæ cum pleniori indigeant cibo ad nutriendum tum se ipsas, tum parvulos, a jejuniis excusantur, unde non est cum communi lactantium privilegio privetur per hoc quod sit robusta, & habeat sufficientem cibum pro unica refectione, & absque incommodo posset jejunium fervare; sicuti qui in ferotina collatione unica saturatur, non privatur privilegio comedendi, sex, vel septem circiter uncias, ut omnes fateantur apud Giribald. de jejunio dub. 8. num. 66. consequenter dicendum est a jejuniis excusari.

CAS. III. Confessarius audiens confessiones Juvenum, & Puellarum se accusantium omnibus diebus festis amori prophano vacare, mutuo se aspiciendo, nec non plura colloquia per aliquas horas inter se habendo, exigit ab eis promissionem se a tali amore abstinendi, quod cum nollet promittere, absolutionem denegat. Q. an bene se gerat talis Confessarius.

Respondeo præctice loquendo bene se gessisse. Ratio est; quia licet quando aspectus sunt honesti, & colloquia indifferentia (de quibus casum procedere supponendum est, cum de turpibus nulla sit difficultas) speculative loquendo nullum peccatum intersit sic amori prophano vacando, maxime quando tales actiones ad honestum finem ordinantur, hoc est ad Matrimonii Sacramentum; tamen præctice loquendo cum ita se gerere maxime nimia cum frequentia, ut in casu omnibus nempe diebus festis per aliquas horas esse soleat occasio mortaliter peccandi, nec non multorum malorum origo, & causa; homo enim & mulier ignis sunt, & palea, & diabolus nunquam cessat insuflare ut accedatur, ut advertit S. Hieronym. & difficile sane sit in praxi a morosa delectatione, vel a pravo desiderio abstinere, experientia pluries hoc comprobante non sine gravi animarum detrimento, sequitur Confessarium animarum zelo præditum debere totis viribus incumbere, ut suos poenitentes a tali amore divertat, vel saltem ut illi tali amoris frequentia moderentur; quod si abstinendam, vel moderationem promittere recusent, uti amatores periculi animarum suarum, iusta illud, quid amat periculum peribit in illo, non sunt absolvendi, sed dimittendi. Ex quibus constat præctice loquendo bene se gessisse Confessarium.

M E N S E S E P T E M B R I S.

CAS. I. Rusticus multis miseris oppressus negat in animo, & in corde Deum esse providum, & justum, sed tunc hæresim hanc externe non porfert, dum tamen paulo post factus sit ebrius, clavis verbis dicit: *Non credo Deum esse providum, & justum.* Q. an incurrit excommunicationem Bullæ Cœnæ.

Ref.

Respondeo negative. Ita communiter cum Spor. in primo decal. præcepto. Ratio est, quia ad incurrendam excommunicationem Bullæ Cœnæ requiritur, ut quis hæresim animo conceptam voce, vel actione externa distincte significativa, & moraliter mala assertive, manifestet, & profiteatur, ut cum Sanch. lib. 2. c. 8. n. 7. & 17. docent alii; at rusticus in casu hæresim manifestans in ebrietate, illam non manifestat actione distincte significativa, & moraliter mala assertive, tali enim tempore cum sit usu rationis destitutus, talis vocis, aut actionis usus incapax est, ergo excommunicationem non incurrit.

CAS. II. Titius Matri suæ rixas, & jurgia sive cum domesticis, sive cum exteris tum in ebrietate, tum extra ebrietatem sæpe excitanti mortem felicem, & beatam exoptat, ut tandem sit suus jurgiorum, & peccatorum. Q. an peccet.

Respondeo negative; ita Azor. Sanch. & Spor. in primum decal. præcepto. Ratio est, quia objectum talis actus non est malum, optat enim Titius mortem Matri, quæ illi melior est quam vita tot peccatis plena. Neque hic locum habet 14. propositio damnata ab Innoc. XI., quia ex morte Matris nullum ex terminis casus, temporale commodum filius sperat, in quo sensu damnata est citata propositio, cum vita Patris præferenda sit cuicumque commodo temporali proprio juxta rectum charitatis ordinem; bene vero Filius solum commodum spirituale Matris ex ipsius morte sperat, & quidem solum ex suppositione, quod sit a Deo utilitatem Matris mors disposita, quare stando terminis casus Titius non peccat.

CAS. III. Petrus annorum quatuordecim famulus ejusdem Rustici sæpe non audit Sacrum in die festo, quia Dominus illum reliquit domi ad custodiendum sive Domum, sive Armentum. Q. an adit causa sufficienter excusans ab auditione Sacri.

Respondeo affirmative. Ratio est, quia impotentia moralis, & officium custodiendi domum, vel armentum pro omnes sunt causa sufficientes ad excusandam ab auditione Sacri. Neque dicatur teneri dimittere famulatum. Contra; alicui permissum est domum, & armentum custodire non audiendo sacrum die festo, si aliter nequeat haberi talis custodia, quare ergo non erit permissum Petro? Hoc tamen solum procedat, si alter nequeat armentum custodire, vel licet plures essent famuli, plures non haberetur Missæ, vel in paræcia, vel viciniis. Ita communiter.

M E N S E O C T O B R I S.

CAS. I. **D**Um privato Baptismo ob vitæ periculum baptizatur Infans, eum tenet Cajus cum intentione agendi munus Patrini, illumque baptizat Sergius; nunc morto Patre Infantis, Mater libenter Matrimonium contraheret vel cum Cajo, vel cum Sergio.

Respondeo non obflare cum Cajo, obflare cum Sergio. Ratio primæ partis est, quia cum Cajo non obstat impedimentum cognationis Spiritualis, de qua unice dubitari potest, etenim adhibitio Patrini est cæremonia instituta ab Ecclesia pro solo Baptismo solemnî: & ex usu Ecclesiæ constat non requiri in privato Baptismo, qua ratione nomina patrinorum, qui privatim infantem tenuerunt, a Parochis in libro non describuntur, nec illis ab eodem cognatio contrahta inculcatur, quod tamen præseribi Trid. sess. 24. c. 2. de refor., quando solemniter in Ecclesia Baptisma ministratur. Nec obstat intentio Caji, quia intentio pura agendi munus Patrini non

constituit solemnitatem ab Ecclesia requisitam pro tali cognatione contrahenda, sequitur ergo Cajum in casu ducere posse matrem infantis. Ita Sanch. lib. 7. dup. 62. Silv. v. Matrim. Ratio secundæ partis est, quia Sergius vere Baptismum administravit Infanti, & hoc sufficit ad contrahendam cognationem spirituales, nec solemnitas aliqua desideratur, unde Sergius non potest valide cum talis infantis Matre Matrimonium inire. Ita communiter.

CAS. II. Nobilis quidam timoræ conscientie ruri commorans vellet, venationi operam dare die jejunii, sed quia prævidit ob fatigationem se impotentem redditurum ad servandum jejunium, consulit prius Parochum, an possit licite venari. Q. Parochi consilium.

Respondeo, teneri Parochum nobili viro respondere, non posse licite venari, ita cum Alex. Asten. cum quibus monet etiam Diana esse sentiendum. Ratio est, quia venari cum tali prævisione non est uri jure suo, sed esset voluntarie impedimentum apponere observantiae præcepti jam urgentis, contra obligationem non apponendi tale impedimentum, eo quia Ecclesia jejunium, ut finem præcipiens, præcipit etiam id, quod est ad talem finem, jejunium nempe, necessarium; sed venari in casu esset impedimentum apponere nisi ab Ecclesia præcepto, scilicet jejunio, ergo vir nobilis non potest licite venari, ne jejunio impedimentum apponat, ad quod voluntarie apponendum jus non habet. Hæc responsio virtualiter continetur in 31. propositione ab Alex. 7. damnata.

CAS. III. Titius furto surripienti a Cajo decem coros tritici, motivum furandi adeo efficax dedit Sempronio, ut alias Sempronius non esset securus. Q. an Titius teneatur restituere, Sempronio non restituerent.

Respondeo negative. Ratio est, quia Titius non fuit causa furti relatæ ad Sempronium nec positiva, nec negativa, sed tantum occasio furandi; distinguatur enim causa ab occasione in hoc, quod causa vel producit effectum, vel influit in effectum physice, aut moraliter; occasio vero movet effectum, ut notat Panor. c. si quando, unde occasio obiective solum, non casualiter movet, sed in casu Titius non influit in furtum Sempronii positive, non enim intervenit mandatum, vel consilium, vel consensus, vel palpatio, vel recursus, vel participatio, nec similiter negative, non enim ex officio tenebatur furum Sempronii impedire, ergo fuit tantum occasio, quatenus sub pravo exemplo Sempronium ad furandum induxit, quod est quidam contra Charitatem, non tamen contra justitiam peccare, ut requiritur ad restitutionis obligationem contrahendum, sique non teneatur. Est communis. Neque obstat propositio 39. damnata ab Innocentio, quia intelligenda est de vera causa, non de occasione, ut docet Carden.

MENSE NOVEMBRIS.

CAS. I. Berta gravi habita contentione, & quidem contumeliosa cum Catharina juravit serio; nolle amplius alloqui Catharinam, illiusque domum frequentare, cum tamen quadam die esset a Catharinam ad jentaculum habendam invitata, domum illius intravit, ipsamque et alloquuta Q. an Berta fuerit perjurii rea.

Respondeo negative. Ratio est, quia tale juramentum fuit nullum, quia de re mala. Etenim ex inimicitia nolle alloqui inimicum, aut ejus domum

fre-

frequentare, est peccatum contra proximi charitatem, consequenter quid malum, hinc & de re mala juramentum talia non præstandi, sicque nullum, cum juramentum nequeat esse vinculum iniquitatis; unde non fuit Berta perjurii rea, vicinam alloquendo, & ejus domum frequentando nisi ex conscientia erronea talia præstiterit. Ita Sporer de Juramento.

CAS. II. Dum nascitur infans Obsterix dobitat, an vivat necne, attamen sub conditione si es virus, debita materia, forma, & intencine illum pubtizat in pede. Extracto infante, nullum Obsterix vidit vitæ signum. Res deferretur ad Capellanum absente Parocho. Q. an sepeliet, vel non talem Infantem in loco sacro.

Respondeo, sepeliendum esse in loco sacro, ita cum Homobi. volum. 2. cap. 62. consul. mor. Possiv. Gobat. La Croix lib. 7. n. 250. Ratio est, quia in dubio de valore Baptismi, Baptismus stat pro Infante, sed in casu dubitatur tantum de valore Baptismi, cum dubitetur tantum de vita Infantis tempore collationis Baptismi; quod enim infans natus vivus fuerit mortuus, solum probat, natum esse mortuum, non vero non vixisse, dum fuit baptizatus, ergo pro Infante stat Baptisma, sicque clare constiat esse in loco sacro sepeliendum.

CAS. III. Titius injuste occidit Cajum Patrem Sempronii, modo petit veniam a Sempronio paratus ad ei satisfaciendum, prout justitia exigit. Respondet Sempronius, ex corde offensam dimitto, in scriptis tamen pacem dare nolo, ut publica justitia locum habeat. Q. an Sempronius tali animo accedens ad penitentis tribunal sit capax absolutionis.

Respondeo practice loquendo, non esse absolutionis capacem, ita cum Beja prima parte casu 10. qui pro se citat. D. Th. Alenf. & alios. Ratio est, quia licet speculative loquendo, flet vera dimissio injuriæ ex corde cum puro zelo justitiæ, quod sufficit pro inimicorum dilectione a Christo præcepta, in quo sensu explicari possunt auctoritates Scripturæ, & Conciliorum, quæ a Beja adducuntur ad probandum obligationem pacem in scriptis concedendi inimico veniam petenti, & parato ad satisfaciendum, prout justitia exigit; tamen quia practice loquendo, nimis difficile, ac rarissimum est, quempiam invenire, qui, dimisso odio, ex puro amore justitiæ, non potius ex affectu vindictæ velit, in scriptis pacem denegare, cum propter humanæ naturæ corruptionem ulciscendi libido hominum mentibus fere insita sit, ut loquitur Catechism. Rom. de 5. præcept. Decalog. cap. 6. num. 19. sequitur in praxi nolentem inimico servatis aliis servandis pacem in scriptis concedere, esse in statu peccati, sicque absolutionis incapacem.

M E N S E D E C E M B R I S .

CAS. I. Titius confitetur se in priori confessione oblitum fuisse trium fornicationum. Confessarius dixit ei, teneri repetere priorem Confessionem, quod nolens Titius præstare, inabsolutus a Confessario dimittitur. Q. an bene se gesserit Confessarius.

Respondeo, vel talis oblitio contigit ex defectu sufficientis examinis, vel præcise ex defectu memoriæ. Si primum, bene se gessit Confessarius. Ratio est, quia sic prior Confessio fuit nulla, & peccavit Titius illam instituyendo, omisit enim culpabiliter id, ad quod obligabatur, si hoc, sane ut consulat animæ suæ, tenetur & priorem confessionem repetere, & negligentiam, quæ causa fuit sacrilegæ confessionis exprimere, unde bene se gessit.

fit Confessarius; sit secundum dicatur, male se gessit Confessarium, quia omisso alicujus peccati mortalis in confessione per simplicem memoriam defectum non invalidat confessionem, fecit enim poenitens quod debuit; & in tali confessione valida directe remissa fuerunt peccata exposita, indirecte vero peccata oblita; & solum tenetur poenitens oblita confiteri ad directam reportandam absolutionem, non vero priorem confessionem validam repetere unde in hoc casu male se gessit Confessarium non absolvens absolutionis capacem. Ita Spor. de poenitent.

CAS. II. Berta videns Catharinam habentem tres filios, semper blandiri Petro, & Joanni, e contra semper etiam levi de causa objurgare, & verberare Franciscum, firmiter judicat, Franciscum esse ex adulterio natum. Q. an hoc sit temere judicare cum peccato mortali.

Respondeo affirmative. Ratio est, quia habetur firmus assensus de gravi malo proximi ex levibus inditiis, ut requiritur ad judicium temerarium lethaliter peccaminosum. Habetur assensus firmus, dicitur enim in casu *Berta firmiter judicat*; habenter levia indicia, quia Matrem blandiri uni filio, alterum levi de causa objurgare, oriri potest ex alio disparato motivo, quam ex adulterio, & saepius filii ex adulterio concepti a Matre praeter aliis legitimis diliguntur; est etiam assensus de malo proximi, & quidem gravi, licet enim judicare aliquem esse ex adulterio natum etiam ex levibus inditiis, praescindendo a particularibus circumstantiis, non sit quid grave sufficiens ad lethale, ut tenent Lef. lib. 2. c. 29. dub. 2. n. 29. quod docent etiam Nav. & Giribal. quia talis defectus utpote naturalis non est culpabilis, tamen in casu, cum judicium sit de adulterio Catharinae Matris Francisci, quod est quid maxime culpabile in semina, eique indecorum, clare constat judicium esse de malo gravi, consequenter Bertam temere judicasse cum peccato lethali.

CAS. III. Conjugatos Conjugatam cognovit, & ut de tali peccato confessionem faciat, putat satisfacere suae obligationi, dicendo confiteor me commisisse adulterium. Q. an bene sentiat pro valore Confessionis.

Respondeo male sentire. Ratio est, quia talis conjugatus duo adultera commisit ob duas injurias, & injustitias, unam contra propriam Uxorem, alteram contra Maritum foeminae cognitae; quas injurias, & injustitias Confessario non exponeret, dicendo *Confiteor me commisisse adulterium*, unde male sentiret pro valore Confessionis. Ita Filiuc. Felix Potest. de adult.

ANNO MDCCXXXIV.

MENSE JANUARI.

CAS. I. **R**usticus quidam, post valida sponsalia inita cum Berta, ei tradidit rem, ex qua sibi vellem conficeret: modo cum absque causa vellet ille a Sponsalibus resilire, Berta rem acceptam dare recusat. Quæritur, an licite.

Respondeo affirmative. Ratio est, quia, licet res illa non fuerit artha, quæ amittitur ab eo, qui fidem non servat per sponsalia promissam, cum non fuerit tradita in ipsa celebratione sponsaliorum; tamen, vel titulo sponsalitiæ largitatis, quæ transit sub dominium sponsæ, si sponsus absque justa causa, ut in casu, a sponsalibus resilat, ut cum communi tener La Croix lib.

lib. 6. p. 3. n. 136. vel titulo damni sive temporalis, sive moralis, quod ex tali injusta resiliencia pati Berta cogetur; difficilius enim alterum inveniet, cui nubat, & per tale repudium famæ detrimentum obveniet, licite Berta rem acceptam dare recusat.

CAS. II. Uxoratus rem habuit cum Confobrina secunda Uxoris suæ, putans, se idcirco privati jure petendi debitum ab Uxore; modo consulit Parochum pro remedio ut absque culpa debitum conjugale valeat petere. Q. Parochi responsum.

Respondeo Parochum teneri respondere uxorato, nullo indigere remedio, sed posse licite ab uxore sua debitum petere. Ratio est, quia in jure privatio juris petendi debitum esse solum taxata pro committente incestum cum persona consanguinea conjugis in primo, vel secundo gradu, ut colligitur ex c. de eo, qui cognovit consanguini. &c. cum solum intra talem gradum copula illicita dirimat matrimonium cum consanguineis personæ cognitæ, sed in casu copula fuit cum consanguinea uxoris suæ in tertio gradu qualis est confobrina secunda, eo quia inter hanc, & stipitem, a quo istæ sceminæ descendunt, mediant aliz duæ personæ, ut regulam pro gradibus agnoscendis a jure canonico assignatam consideranti parebit; ergo talis uxoratus jure petendi debitum non fuit privatus, sicque nullo indiget remedio. Neque obstat, ipsum putasse jus amittere; quia putare, legem poenam constituisse, non est poenam a lege determinatam, & effective illam incurere, ut docet Sanch. lib. 9. disp. 27. num. 14.

CAS. III. Titius cum suspicetur, uxorem suam cum Petro adulterium patrassse, cogit illam ad jurandum, quod adulterium cum Petro non commiserit, Uxor sic coacta jurat: non peccasse cum Petro, intelligens intra se, non peccasse peccato furii. Q. an in re scemina sit perjura.

Respondeo negative. Ratio est. In casu non habetur pura restrictio mentalis damnata ab Innoc. XI. quæ includit mendacium ab intrinseco malum sed tantum habetur restrictio realis; cum significatio conformis conceptui interno mentis loquenti percipi possit a Titio, reflectendo ad verba, quibus scemina jurat, dicit enim non peccasse cum Petro: quæ verba cum latitudinem habeant, ut patet, a prudenti intelligi possunt etiam de alio peccato, adulterio excepto; & quidem talis restrictio realis fuit tantum ad occultandum peccatum, ad quod celandum jus habet uxor: hoc autem dato, scemina non fuit perjura, quia talis restrictio in omnibus casibus, in quibus aliquis jus habet ad secretum occultandum, licita est, nec mendacium includit, ut post propositiones damnatas scripserunt Viva, Felix & Votestare: unde dicendum, non pejerasse.

MENSE FEBRUARII.

CAS. I. R Usticus per multum tempus ignoravit Mytheria Trinitatis, & Incarnationis. Q. an teneatur repetere Confessiones tali tempore factas.

Respondeo probabilius negative. Ratio est, quia ex una parte probabilius est, fidem explicitam Trinitatis, & Incarnationis non esse necessariam necessitate mediæ ad salutem, ut tenet etiam Eminentiſſimus Gotti inter Recentiores, & ex alia parte propositio 64. ab Innocent. XI. damnata solum in hoc sensu procedit, quod possit licite absolvi, qui culpabiliter ignorat talia mytheria, non tamen quod valide nequeat absolvi: ex quibus sequitur, Confessarium qui tale ignorantiam avertisset illicite, non invali-

de Rusticum absolvisse, & Rusticum eo tunc incapacem fuisse licitæ, non tamen valide absolutionis. Si autem erat eo tunc capax valide absolutionis, dicendum, ejus confessiones fuisse validas, sicque non teneri illas repetere, ut jam docuit Marchant. tract. 5. de poenitentia, & etiam post citatam propositionem damnatam docet Viva. Optimum tamen erit talem repetitionem Rustico consulere ad omnes scrupulos sedandos, præmissis explicito actu fidei circa Incarnationis, & Trinitatis Mysterium.

CAS. II. Berta sponsalia iniit cum indigno, cujus Matrimonium in familiarum dedecus vergit. Q. an talia Spontalia sint valida.

Respondéo negative. Ratio est, quia tale matrimonium contrahere, esset contra pietatem, & charitatem parentibus, & consanguineis debitam, quia probum, & dedecus illis inique inferre, eosque graviter contristari est charitatis leges violare, imo esset contra iustitiam, quia in præjudicium aliorum vergeret si autem tale matrimonium inire, esset contra charitatem, & contra iustitiam, nemo ad illud tanquam ad illicitum, & cum peccato exequendum potest obligari; in malis enim promissis fidem non expedit servari, *cap. in malis de reg. juris in 6.* consequenter promissio in casu non est obligatoria, sicque invidia.

CAS. III. Titius exponit Parocho, ex errore concomitantur se habente ipsum contraxisse Matrimonium cum Francisca, qua ratione modo putat nullum esse. Q. Parochi responsum pro foro conscientie.

Respondéo, Parochum teneri respondere, esse nullum. Ratio est, quia, cum error concomitans ille dicatur, quo quis contrahens cum Francisca, putando esse Bertam, paratus esset etiam contrahens cum Francisca, si illam cognovisset, sequitur, sic contrahentem non ponere actualem consensum in matrimonium, sed tantummodo paratum esse ad illum ponendum, si scivisset esse Franciscam, sed ad matrimonium utpote contractum indissolubilem non sufficit dispositio contrahendi, sed actualis consensus desideratur; ergo tale matrimonium Titii cum Francisca ex errore concomitantur se habente contractum fuit nullum: ita cum Sanch. disp. 18.

MENSE MARTII.

CAS. I. Rusticus in actu Confessionis interrogatur a Parocho circa Symbolum, orationem Dominicam, præcepta Decalogi, & Sacramenta, quæ recitare prorsus ignorat. Quare præcipit ei Parochus, ut prius illa memorie mandet, deinde ad illum pro absolutione reveratur. Pro viribus elaboravit rusticus, etiam aliorum adjutorio; ut illa memoriter addisceret, sed frustra; unde, ut antea, ignarus ad Parochum redit. Q. an possit illum absolvere.

Respondéo affirmative, si credat singulos articulos, quando sibi ab Ecclesiæ Ministris proponuntur, & sciat de illis, ac de præceptis Decalogi, & Sacramentis respondere, quando interrogatur; & deprecetur Deum intendens saltem confuse, quæ in oratione *Pater noster* continentur. Ratio est, quia præceptum Ecclesiæ de supradictis ordinate addiscendis, & memoriæ tenendis, quod expressum habetur in c. *vos ante* de consecr. dist. 4. & in Concil. tam Tolet. 4. & 5. quam in Rhemen. cap. 2. obligat solum pro ut ferunt homicidium vires, nemo enim ad impossibile tenetur, & in omni præcepto legis positive admittitur exceptio causæ rationalis cap. *si quando de scriptis*. sed in casu nequit rusticus absolute supradicta memoriæ mandare; ergo, licet peccaverit, illa memoriæ non tradendo tempore juven-

tutis;

tutis, vel illorum obliviscendo; quia raro, nunquam recitaverit, tamen, si respondeat, ut Christianum decet, supra dixi, potest, & debet absolvi: ita cum D. Th. 2. 2. q. 2. art. 8.

CAS. II. Parochus, audito in Confessione peccato perfectæ Bestialitatis, iussit Pœnitenti, ut Superiori se præstaret. Obedit Pœnitens, & a Superiore facultatem obtinuit, ut per Parochum suum a tali peccato absolvi posset. Q. an Parochus tali Pœnitenti ad se pro absolutione revertenti teneatur credere, & illi absolutionem impendere.

Respondeo affirmative. Ratio est, quia, cum Superior, ut bene notat meus Homob. de refer. facilius esse debeat ip. huiusmodi facultatibus concedendis, non est, cur possit prudenter Parochus dubitare de obtenta facultate illum a reservatis absolvendi, illumque velle mentiri, & sacrilegium facere; unde illi tenetur credere, & absolutionem impendere, maxime cum in hoc iudicio pœnitens si reus, testis, & accusator. Ita cum meo Girib. de refer.

CAS. III. Confessarius Pœnitentem, qui a Superiore facultatem pro absolutione ab incestu cum Sorore uxoris suæ commisso obtinuerat, nedum a peccato absolvit, sed etiam scienter amissum jus petendi debitum conjugale illi restituit. Q. an bene se gesserit.

Respondeo, male se gessisse. Ratio est, quia facultas restituendi amissum jus petendi debitum est quid disparatum a facultate absolvendi a reservatis; & certe, si Ordinarius nullum incestum reservaret, quilibet simplex Confessarius posset a qualibet incestuosa copula Pœnitentem absolvere, nec tamen eo tunc haberet facultatem restituendi amissum jus petendi, ut pote quia esset a facultate absolvendi disparata; ergo Confessarius, qui pœnitentem, præcise obtenta facultate a Superiore pro absolutione ab incestu, nedum absolvit, sed amissum jus ei restituit, male se gessit. Neque obstat regula juris *minus includitur in majori*, quia valet tantum in rebus ejusdem generis, non vero diversi generis, ut in casu, in quo valet alia regula a *diversi non fit illatio*.

M E N S E A P R I L I S.

CAS. I. **R**usticus in confuso exponens in confessione, se turpia cum Sociis habuisse colloquia, pluries jurasse, & similia, interrogatur a Parocho recenter promoto circa gravitatem, & numerum peccatorum: cui respondit, nunquam se in aliis confessionibus talia expressisse, nec de iis a Parocho defuncto fuisse interrogatum. Q. an novus Parochus debeat Pœnitentem obligare ad præteritas confessiones repetendas.

Respondeo negative, si bona fide taliter confessus sit, ut suppono. Ratio est, quia, cum Rustici fere uniformem vitæ modum habeant, ex his, quæ una hebdomada commississe fatentur circa talia colloquia, & similia, facile Parochus valet dignoscere, quantum toto anno in simili materia peccaverint, prout requiritur ad rectum iudicium efformandum, & peccatis remedium apponendum: quare, si Rusticus, de quo in casu, peccata sua solitus fuerit apud proprium Parochum fateri, ut ex illis verbis *nec sic a Parocho defuncto fuisse interrogatum* clare colligitur, sequitur, Parochum defunctum rectum iudicium de gravitate, & numero peccatorum huius Rustici efformasse, sique inquietandum non esse, ut utar terminis Marchantii, nec teneri præteritas confessiones repetere. Ita cum de Lug. de pœnit. disp. 16.

CAS.

35
CAS. II. Berta in Paschali Confessione difficulter ob magnam verecundiam turpia quædam exposuit in Confessione Sacerdoti ei prius ignoto: modo dubitat, an ex motivo verecundiæ tacuerit peccatum incestus cum Fratres; quare maxime angitur, an teneatur ultimam Confessionem repetere, an vero peccatum, quod omisisse dubitat, confiteri ei sufficiat. Q. quid dicendum.

Respondeo, teneri ultimam Confessionem repetere. Ratio est, quia statim, ac femina dubitat, an voluntarie, ut colligitur per *ly ex verecundia*, omiserit in Confessione aliquod lethale, dubitat de culpabili invaliditate Confessionis: si autem ita dubitat, jam Confessio illa est reiteranda, quia in dubio de culpabili invaliditate Confessionis possessio stat pro præcepto integre confitendi, quod certe urget post peccata commissa, sicque etiam possessio stat pro nova confessione talium peccatorum. Neque dicatur, committentem aliquam circumstantiam, vel peccatum in confessione non teneri præteritam confessionem repetere, ita & in casu. Contra est; non tenetur sane præteritam confessionem repetere, qui bone fidei aliquod peccatum in confessione omisit; at in casu, cum dubitet Berta, an peccatum omiserit ex verecundia, non bona, sed mala fide omisit; ideo tenetur ultimam confessionem repetere: ita Sylvester v. *confessio*.

CAS. III. Petrus annorum circiter duodecim absque Parochi examine, & sine ejus licentia præsentat se linteis Altaris, ut cum aliis Paschalem sumat Communionem. Q. an Parochus teneatur illi Sacram Synaxim ministrare.

Respondeo negative. Ratio est, quia Parochus tenetur bene Eucharistiæ Sacramentum ministrare, quod nequit præstare erga pueros, nisi illos ante primam sumptionem examinet, aut de illorum idoneitate per prudentem Confessarium ei innoscat. Quod si ex non ministratione Sacramenti in casu oriri posset admiratio in populo, aut periculum infamiz in puero, huic malo obviam ibit Parochus alta voce dicens puero se sistenti linteis altaris. *Nondum Eucharistiam suscepisti, venias cras, examen habebis super tuam idoneitatem, si idoneus eris, sacramentum tibi ministrabo.* Per hæc verba admiratio, & infamiz periculum cessabit. Ita cum Possev. quo ad substantiam.

M E N S E M A I I.

CAS. I. Titius juravit, nolle se aliam personam carnaliter cognoscere: præter Amaliam, attamen aliam cognovit. Q. an in re sit perjurus.

Respondeo negative. Ratio est, quia, licet tale juramentum adimpleri possit absque peccato, ad aliam feminam non accedendo, ratione cujus videtur obligatorium, docet Sanch. tamen, quia tale juramentum tanquam finem habet magis, ac magis pravam amicitiam inter Titium, & Amaliam fovere, & conservare, non tenet quia esset vinculum iniquitatis, ut clare constat, unde illud non servando, Titius, non pejeravit. Ita cum Fagund. in decal. tom. 1. præcep. 2. l. 2. c. 24. n. 19.

CAS. II. Petrus, videns apertam Sempronii officinam, dicit Cajo: Si nunc ex mercibus Sempronii acciperes, nemo sciret. Quo audito, Cajo plura furatus est. Q. an, non facta restitutione per Cajum. Petrus ad aliquid teneatur.

Respondeo, ad nihil teneri. Ratio, est, quia per tale dictum Petrus non, in-

*fluxit in furtum, cum nec dederit mandatum, aut consilium, aut alio modo se habuerit, ut causa furti. Neque dicatur, si talia Petrus non dixisset, Cajus furtum non commisisset, unde est causa furti. Contra enim est; Etiam obiectum non amatur, nisi ab intellectu cognoscatur, nec tamen intellectus est causa amoris; ita nec in casu. Ex quo Cajus non fuisset furatus, si Petrus talia verba non dixisset, solum inferius, Petrum fuisse occasionem furti, non vero causam, cum non sit explicabilis influxus proprius in tale furtum: si autem fuit occasio, non vero causa, jam non tenetur restituere; quia solum contra charitatem, non contra iulianum peccavit. Neque obstat propositio 39. damnata, quia hæc procedit de causa damni, non de simplici occasione. ut docet Card.

CAS. III. Berta ratione metas gravis nulliter cum Petro Matrimonium contraxit, eique postea copiam fecit corporis sui absque reluctantia. Modo volens Matrimonii nullitatem apud Iudicem iocrentare, dubitat, an stante tali copula ejus matrimonium pro foro conscientie adhuc sit invalidum. Q. quid dicendum.

Respondeo, vel copula habita fuit animo conjugaliter vivendi, vel non: si primum, dicendum, matrimonium modo esse validum, dummodo Berta sciverit ante talem copulam, invalidum ratione minus gravis fuisse matrimonium; & ratio est, quia talis copula æquivaleret consensui; novus consensus liber conjugaliter vivendi reddidisset matrimonium validum, ut patet; ergo & talis copula, si fuit libera, ut supponitur, cum dicatur in casu *absque reluctantia*, & si fuit animo conjugaliter vivendi, dummodo tamen Berta sciverit, suum matrimonium per metum contractum ab initio fuisse nullum, quia data nullitatis ignorantia matrimonium non esset ratificatum; nihil enim est tam contrarium consensui, quam error, & solum copulam non habuisset, si nullitatem matrimonii scivisset, ita Sanchez lib. 4. disp. 18. num. 2. & lib. 2. disp. 34. num. 2. & Reinf. Si vero dicatur, copulam non fuisse habitam animo conjugaliter vivendi, dicendum est, etiam de presenti esse nullum; quia, si ad validitatem matrimonii non fuit sufficiens consensus expressus metu gravi extortus, multo minus consensus tacitus, per copula habitus ex tali metu, aut etiam præsciendendo a metu, si fuit præcise causa libidinis.

MENSE JUNII.

CAS. I. Confessarius, audiens mulierculam quamdam se unica accusantem divinis non consensisse inspirationibus, illam absolvit.

Q. an bene, vel male se gesserit.

Respondeo, male se gessisse. Ita communiter cum Card. de Lugo disp. 16. de poenit. num. 103. Ratio est, quia divinis inspirationibus non consentiente, dummodo non sit transgressio inspirationis oblatæ, quando offertur occasio frangendi præceptum, licet sit imperfectio, non est peccatum, neque veniale; eo quia sicuti sequi consilia non cadit sub præcepto etiam venialiter obligante, sed solum cadit sub consilio, ita non operari juxta consilium, nullum erit peccatum, sed non respondere divinis inspirationibus, dummodo non offerantur in occasione frangendi præceptum, est præcise non operari juxta consilium, ergo nullum erit peccatum: si nullum peccatum, jam constat, male se gessisse Confessarium, quia impendit absolutionem, ubi nulla erat materia absolutionis. Dixi, dummodo non sit transgressio inspirationis oblatæ, quando offertur occasio frangendi præceptum, quia

quia in tali casu esset peccatum talibus inspirationibus non consentire ; non tamen peccatum distinctum ab ipsa transgressionem præcepti.

CAS. II. Sacerdos, postquam Hostiam consecravit, meminit, se non consecrasset Hostiam pro solemnibus Processione ad Vesperas habenda, nec alium esse Sacerdotem Sacra facturum ; quare Hostiam Consecratam in Sacrario reponit, & ex præconsecratis particulis unam extrahit sumendam, & sumit. Q. an bene se gesserit.

Respondeo, male se gessisse. Ratio est, quia Sacerdos debet participare de suo Sacrificio, ut colligitur ex Concil. Tolet. 12. c. 5. relato in c. relat. 22. de consecrat. dist. 2. nam *quale*, inquit, *erit illud Sacrificium, cui nec ipse sacrificans particeps esse cognoscitur* ? Constat etiam ex rubricis Missalis, quibus Ecclesia docet, si post consecrationem contingerit venenum in Hostia apparere, debere Sacerdotem alia Hostiam consecrare ; quod necessarium non esset, si Sacerdos, relicta propria Hostia, posset aliam ab alio consecratam, & in Pyxide existentem sumere ; imo nec etiam licitam esset, quia solum licet illam Hostiam consecrare ad Sacrificium perficiendum, quod sumptione Hostie ab alio consecratæ perfici posset. Ex his sequitur, Sacerdotem in casu male se gessisse.

CAS. III. Titius furatus est equum viri nobilis perdivitis, illumque sex annorum spatio locavit. Q. an etiam totum locationis pretium detractis tamen necessariis expensis, restituere teneatur.

Respondeo, teneri solum restituere equum, & id, in quo equus per usum factus est deterior, non vero fructus locationis. Ratio est, quia Equus clamat ad Dominum, & cum Titius per usum equi illum culpabiliter fecerit deteriorem, culpabiliter Dominum damnavit ; unde tenetur & Equum restituere, & id in quo equus factus est deterior, Domino compensare. Fructus vero locationis in casu sunt pure industriales ; cum non sit censendum, virum nobile, & perdivitem velle Equum locare, ut docet Lessius de just. lib. 3. cap. 12. Quod si dominus equi fuisset vir plebeus, tenetur sane Titius fructus locationis restituere, quia essent pretium usus rei, non mera industria, ut bene docet Sanchez in sum. tom. 1. lib. 2. cap. 23.

MENSE JULII.

CAS. I. **P**etrus de nocte absque lumine domum divitis ingreditur ad furandum vas argenteum, sed interim pedibus vasa vitrea, & speculum magni momenti fregit. Q. an tale damnum teneatur Domino compensare ?

Respondeo affirmative cum Molina tom. 3. disp. 278. Navar. & aliis. Ratio est quia damnum, quod per talem fractionem sequitur, non est per accidens, sed per se ; huiusmodi enim mala ex talibus actionibus sequi solent, & ut plurimum fit, quod in abscondito furari tentantes pedibus in aliquod offendant, & Dominum ultram furtum intentum, per fractionem alicujus rei culpabiliter damificent ; quod totum quilibet rationis capax tenetur prævidere ; unde si damnum fuit illatum per se in casu, sane tenetur Petrus illud Domino compensare.

CAS. II. Cum nobilis Ruri moraretur, ei nascitur Infans, quem vult in Baptismo nominari *Sfortiam*. At renuit Parochus, dicens, non esse imponendum abluendum unda salutaris nomen hominis in Sanctorum catalogum non relati ; cui rationi acquiescere nolente infantis Patres, Pa-

rochus de facto puerum nomine *Petri* insignivit. Q. an sit laudandus Parochus.

Respondeo affirmative; & ratio est, quia, licet nulla lege universalis preceptum sit, ut imponatur nomina Sanctorum, attamen, quia Sanctus Pius V. in suo Catechismo p. 1. cap. 2. n. 25. & Paulus V. in suo Rituali tit. de *scilicet* petunt, observari morem multis ab hinc seculi retentum a puerisque Christianis, ut non nisi sacra nomina darentur recent er baptizatis, quod etiam docet cum aliis Barbosa de Parocho, p. 2. c. 28. & precipit Synodus Dioecessana, sequitur, Parochum monitis Pontificum, & Doctorum sententiae inhaerendo, laudabiliter se gessisse, & si egit contra Patris voluntatem, non egit irrationabiliter, quia sic egit coherenter ad Pontificum, & Doctorum documenta, necnon ad legem Synodalem, ut ex lib. 1. cap. 2. de Baptismo.

CAS. III. Titius, postquam rem habuit cum Berta, scivit, eam fuisse prius a fratre suo cognitam. Q. an exponens hoc peccatum simplici Confessario possit ab hoc directe absolvi.

Respondeo affirmative cum Sanch. lib. 7. de Matrim. disp. 15. num. 9. & cum meo Homob. de Casibus refer. quarto casu, except. quarta. Ratio est, quia incestus in primo affinitatis gradu, qui est reservatus in hac Dioecesi, est incestus formalis, habens nempe veram malitiam incestus, qualis sane non est incestus Titii, qui solum incestum materialem commisit; ignorabat enim, & quidem invincibiliter, Bertam fuisse prius a fratre suo cognitam; unde ignorabat invincibiliter, accedere ad affinem in primo gradu, qualis in re erat Berta: si autem hoc ignorabat, iam talis ignorantia tollit ab actu malitiam incestus, & facit, incestum esse pure materialem, non formalem, ut ad reservationem requiritur: quare potest Titius a quolibet simplici Confessario directe absolvi.

MENSE AUGUSTI.

CAS. I. Titius, cum plurima damna ob calumniam a Petro illi appositam pati coactus fuerit, deliberate, & advertere in haec verba prorupit: Crederem, Deum non esse iustum, si Petrum calumniatorem non puniret. Q. an possit absolvi a simplici Confessario.

Respondeo affirmative. Ratio est, quia Titius non est reus blasphemiae haereticalis, ut unice reservatione reservationis dubitari potest in praesenti; etenim per talia verba non intulit injuriam Deo, vel per modum enunciationis continentis formaliter, aut virtualiter falsitatem contra fidem, ut esset *ad despectum Dei*, vel per modum imperantis ut *sit miser Deus*, vel per modum irridendi, ut dixerunt Salvatori Iudaei *Vah qui destruis Templum Dei*, vel per modum optativi, ut *utinam Deus non esset Omnipotens*, quibus modis unice blasphemia haereticalis contingit, sed solum Titius, talia proferendo, indicavit potius velleitatem de futuro, quam voluntatem negandi Deum; quinimo tantum abest, quod Deum negaverit, quod potius confessus fuerit: illa enim verba *Crederem, Deum non esse &c.* faciunt hunc, sentum, Crederem, Deum non esse iustum, si &c. sed, quia credo, Deum esse iustum, vindictam faciet de meo calumniatore: quare non fuit reus blasphemiae haereticalis, unde potest a simplici Confessario absolvi.

CAS. II. Petrus, & Berta pauperes matrimonium contraxerunt in faciem Ecclesiae; sed, detecta inter ipsos impotentiam absolute perpetua; vellent tem-

per simul cohabitare sub eodem tecto, tu Frater, & Soror, & titulus paupertatis in eodem lecto cubare, unde consulunt Parochum. Q. Parochi responsum.

Respondeo, Parochum teneri respondere, posse quidem cohabitare, si volunt, & periculum abstinentiæ, ita ut tanquam Frater, & Soror vitam ducant, ut respondit Pontifex in *cap. laudabilem*, ac non posse in eodem lecto cubare, cum quia hoc est prohibitum a Sixto V. per motum proprium anno 1587. cujus Decretum per extensum refert Gutierrez, cum quia talis cubatio est ex natura sua periculosissima, & vix unquam caret periculo peccandi saltem per tactus, & amplexus, qui inter ipsos prohibentur.

CAS. III. Infirmatur ad mortem puer, de quo, licet ad annos discretionis pervenerit, dubitatur, an sufficienter Eucharistiæ Sacramentum ab aliis cibis discernat. Q. ad tali Puero possit, & teneatur Parochus Eucharistiæ ministrare.

Respondeo cum de Lugo de Eucharist. disp. 13. num. 43. & 44. posse, sed non teneri. Ratio primæ partis est, quia licet habeatur prohibitio de danda Eucharistia puero incapaci, ex quocumque capite hæc prohibitio oriatur, nullibi tamen habetur prohibitio de danda Eucharistia puero in dubio, an hoc Sacramentum ab aliis cibis discernat, sed solum eadem præalibus pueri habetur prohibitio, ac circa extremam unctionem; sed pueris, de quibus dubitatur, an sint doli capaces, dari potest extrema unctio, licet sub conditione, ut dari debet in dubio vite, vel mortis ex Ritual. Rom. Pauli V. ergo, & dari potest Eucharistia puero in casu, urgente mortis articulo. Ratio secundæ partis est, quia licet nullibi constet prohibitio in casu, tamen non constat, puerum hunc esse comprehendendum lege de Viatico sumendo, cum non constat, de ejus capacitate: si hoc, jam Parochus non tenetur illi Viaticum ministrare: quia in dubio de obligatione legis non tenetur legem servare. Potest ergo Parochus puero nostro Viaticum ministrare, sed non tenetur.

M E N S E S E P T E M B R I S .

CAS. I. **B**erta sexagenaria, cum juventutis tempore nunquam labori, & industriæ pepercit, notabile secundum propriam conditionem lucrum fecit, hac intentione, ne, cum dotem sufficientem habeat pro sui sustentatione, post mortem Mariti mendicare egeretur. Nunc mortuo Marito, qui, quod sibi superfluit Nepotibus suis testamento reliquit dubitatur, an tale lucrum teneatur hæredibus reddere, vel possit illud sibi retinere. Q. dubii solutio.

Respondeo posse tale lucrum sibi retinere si illud fecit ex industria extraordinaria præter operas, & laborem debitum in domus administratione: ita cum Less. Bonac. de rest. disp. 2. quest. 10. p. 2. Gobat, & communiter. Ratio est, quia bona acquisita modo dicto nulla ratione veniunt computanda inter ea, quæ ad Maritum spectant; si enim ad Uxores spectant, quæ subtrahunt expensis juxta propria conditionem, ut Jurista, & Theologi docent, potiori ratione poterit Uxor lucrifacta ex industria modo dicto tanta conscientia retinere. Dixi ex industria extraordinaria præter &c. quia secus cum industria, opera, & labor juxta propriam conditionem in domus administratione sint quid debitum Marito ad servanda onera Matrimonii, ita & lucrum ad Maritum spectaret, siquæ ejus hæredibus esset tradendum.

CAS.

CAS. II. Titius maledicus adeo graviter de Francisca paupere detraxit, ut Petrus; qui pro illius sustentatione solitus erat eleemosynas elargiri, has, deinceps illi non erogaverit. Q. ad quid Titius teneatur.

Respondeo teneri primo restituere famam, vel per retractionem, si opposuit crimen; falsum, & etiam medio juramento reprobandum, quod dixit, si opus sit, vel illam laudando in eo genere, in quo detraxit, si crimen erat verum, sed occultum, quia ad id tenetur detractio; secundo, teneri compensare damna, quæ Francisca patitur ob privationem eleemosynarum, quibus sustentabatur, etsi post famæ restitutionem Petrus nollit in posterum eadem præstare eleemosynæ suffragia: Et ratio est, quia iniuste impediens aliquem a consequutione alicujus boni, quod erat consequuturus, tenetur ad restitutionem, licet non quanti valet bonum impeditum, sed solum quanti valere potest spes; at in casu, ut patet, iniuste Titius impedit Franciscam a consequutione eleemosynarum; ergo tenetur restituere, quanti spes Francisce valebat. De Lugo, Girib. Homob.

CAS. III. Cajus sciens, accedentem ad consanguineam conjugis intra primum, vel secundum gradum amittere jus petendi debitum, accessit quidem ad consanguineam suæ Uxoris in secundo gradu, sed ignorans, esse illi nullo modo sanguine conjunctam. Q. an vere jus ad debitum petendum amiserit.

Respondeo negative. Ratio est, quia in textu canonico, ubi taxatur poena privationis juris petendi debitum incestum committenti cum persona consanguinea Conjugis in primo, vel secundo gradu, habetur hæc particula *sciens*; legitur enim in c. 1. de eo, qui cognov. consang. si quis cum filiastra sua sciens fuerit fornicatus, nec a Matre debitum petere, nec filiam unquam habere potest in Uxorem: sed in casu non verificatur ly sciens, quia locum, quam Titius cognovit, nequidem consanguineam Uxoris suæ esse sciebat: ergo discendum, jus ad debitum petendum Cajum in casu non amisisse. Laym. tract. 2. disp. 1. p. 11.

MENSE OCTOBRI.

CAS. I. Rusticus capiens filiam sibi recenter natam in Civitate Baptizari, ut frui possit beneficiis, a quibus non Baptizati Bononiz excluduntur, unius mensis spatium propter pluvias, & galcies differt ad Ecclesiam Metropolitanam pro Baptismo illam deferre, licet commode, etiam statim ac fuit nata, in propria rurali Paroecia potuerit illi Baptismum procurare. Q. an Rusticus graviter peccaverit.

Respondeo affirmative. Ratio est, quia, cum agatur de Sacramento necessario necessitate mediæ, ratio dicat, summa diligentia curare parentes debere, ne diu baptismi pueris differatur, ita ut diuturna dilatio si peccatum lethale, ut bene docet cum communi Suar. disp. 31. sect. 2. sed in casu habetur ista diuturna dilatio, quæ etiam, omisiss variis DD. placitis, quæ videri possunt apud mentem Giribaldum de Baptif. c. 3. n. 18. clare colligitur ex Synodo Diocesana lib. 2. cap. 2. de Baptif. ubi habetur. *Nefas sit ultra nonum diem Baptismum infantibus differre*, ergo Rusticus in casu graviter peccavit, nedum differendo ultra nonum diem, sed etiam per mensem; quinimo posset affici poena excommunicatio-
nis, quæ in eodem capite Synodali contra parentes ultra nonum diem sic differente comminatur; quod est clarum indurium, graviter peccasse nostrum Rusticum. Neque excusari potest spe fruendi beneficiis,

ciis, a quibus excluduntur non baptizati Bononiæ: quia parentibus magis cordi esse debet salus spiritualis infantis, quam commodum temporale, quo ad summum esse posset motivum differendi per aliquot dies non vero per mensuram, propter pericula, quibus Rusticorum infantes subijciuntur, tum propter parentum miseriam, tum propter Matris inermiam, ratione cujus hyemali tempore sæpius Rusticorum infantes suffocantur.

CAS. II. Petrus confitetur, se dixisse *al dispetto di Dio Bacco*. Q. an simplex Confessarius possit illum absolvere.

Resp. Si ex interrogationibus agnoscat Confessarius poenitentem addidisse *ly Bacco*, ne Deum inhonoraret, potest illum absolvere, quia talis loquendi modus esset tantum blasphemia hæreticalis materialis, quæ non est reservata; si vero comprehendat, talia verba protulisse advertenter, & malitiose addidisse *ly Bacco* tantum ad virandas Ecclesiæ poenas contra hæreticaliter blasphemantes, non vero, ne Deum inhonoraret, non potest illum absolvere, quia sic hæreticalem blasphemiam externam, & formalem; sicque reservatam protulisset; fasces enim dictum contumeliosum, auferendo a Deo omnipoentiam, quæ illi necessario convenit.

CAS. III. Franciscus, ad sibi competentium, quod & iuste ei debebatur & alia via habere non poterat, quam clam, quod suum erat, accipiendo, violenter domum debitoris aperuit, & extracto, quo ad sui compensationem satis erat, ostium reliquit apertum, unde latrones ingressi plura inde furtipere. Q. an teneatur damnum per latrones illatum reparare.

Respondeo negative. Ratio est, quia solum causa proxima damni, & per se, qualis illa est, quæ per se ad talis effectus productionem ordinatur, obligat ad restitutionem, ut docent communiter DD. cum Less. de iustit. at aperitio januæ non ordinatur per se ad damnum inferendum per latrones, non enim ex aperitione januæ per se, & ut plurimum sequitur fructum: ergo Franciscus non fuit causa proxima, & per se talis damni, sicque ad nihil tenetur. Quod a fortiori certissimum erit, si Franciscus unice intentus ad sibi compensandum inadvertenter ostium Domus reliquit apertum.

MENSE NOVEMBRIS.

CAS. I. Confessarius, audito in Confessione incestu affinitatis in primo gradu, Poenitenti promissit per Epistolam, se periturum a Superiore facultatem pro directa absolutione, deinde missa pro facultate Epistola, antequam accipiat Responsum, illum, directe absolvit. Q. an vere Poenitens fuerit directe absolutus.

Respondeo negative. Ratio est, quia cum concessio talis facultatis dependeat a voluntate Superioris, qui, licet debeat esse facilis ad illam, & similes concedendas, & solitus sit concedere, tamen potest ex aliqua iusta causa sibi notabilem facultatem denegare; totius enim evenit, ut, quod una, & altera vice conceditur, alia, & alia denegetur; sequitur, Confessarium neque posse esse moraliter certum de benigna Ordinarii concessione; quare sic absolvendo, quantum est in se, invalide absolvet quoad *ly directe*; & quemadmodum Sacerdos, cui esset expirata facultas confessiones audiendi, si hoc populo constaret, ita ut non esset error communis, invalide absolvet absolute, si, missa nuntio ad petendum facultatis confirmationem, seu prorogationem, statim confessiones audiret, quia non esset

set moraliter certus, nec esse posset de sacralitatis prorogatione, ita in casu invalide abolveret quoad ly directe. Iuto, sententiam hanc, stando rigori terminorum, esse communem.

CAS. II. Titio manilestanti in confessione incestum cum Sorore Uxoris suæ, imponit Parochus, ut se præsentet Superiori pro directa absolutione, & interim abtineat à petitione debiti conjugalis: Quo audito, responder Titius, ignorasse per tale peccatum se amittere jus petendi; ut persistit Parochus in sua opinione, & docuit Titium, hoc non obstante, tale jus amisisse. Q. an vero docuerit.

Respondeo, probabilius loquendo, falsum docuisse. Ratio est, quia secundum communissimam sententiam privatio juris petendi debitum censetur poena, & inter poenas contra incestuosos inflicta enumeratur, unde excommunicationi, non irregularitati comparatur, & similiter secundum communissimam sententiam ad incurrendam poenam excusat ignorantia poenæ, maxime si invincibilis sit, sed Titius in casu ignorabat tali incestui annexam esse talem poenam & quidem invincibiliter, ut facile credi potest in Rusticis; ergo probabilius non amisit tale jus; ergo Parochus, probabilius loquendo, falsum docuit. Dixi probabilius, quia non desunt DD. quavis contra praxim, sententiz Parochi tacentes, oppositum docendo, ut Sanchez de matrim. lib. 9. dist. 32. num. 50.

CAS. III. Petrus dedit mandatum Cajo, ut furaretur centum Sempronio, prævidcas, Cajum, data commoditate, plusquam centum fuisse accepturum. Furatus est Cajus nedum centum, sed bis centum, illaque consumpsit, & impotens est ad restitutionem. Dubitat modo Petrus, an teneatur restituere bis centum. Q. dubii solutio.

Respondeo, teneri solum ad centum. Ratio est, quia non tenetur in casu, nisi ut mandans, ut patet: sed talis non est, nisi in ordine ad centum, alia enim non est furatus Cajus in gratiam Petri, sed nomine proprio, excedendo iussa mandantis: ergo non teneri, nisi ad centum. Neque obstat, Petrum prævidisse, fore a Cajo furtum in majori quantitate parandum, quia per talem prævisionem non est causa damni relate ad Sempronium, sed solum per mandatum, quod cum non fuerit, nisi ad centum, ad solum centum tenetur; secus, si mandans Francisco prima vice occidere Sergium prævidisset, ut potuisset prævidere, post primum homicidium fuisse Franciscum alia, & alia homicidia patraturum, teneretur ad damnum nedum per mortem Sergii secutum, sed etiam ad ea, quæ sequerentur per mortem cujuscunque a Francisco, occisi, dato quod nullus illatum damnum per injustum homicidium a Francisco patraturum repararet, quod sane nemo diceret, ita in casu: ita cum Aragonio de iust. qui plures citat contra paucos.

M E N S E D E C E M B R I S.

CAS. I. Titius volenti furari decem, suavit, ut furaretur viginti. Q. ad quid teneatur.

Respondeo, teneri solum ad decem. Ratio est, quia Titius per talem suasionem non fuit causa prioris volitionis, qua alter furatus est decem, sed solum posterioris volitionis, qua furatus est alia decem; erat enim Titius jam determinatus ad decem furandum; unde in ordine ad illa nullum influxum præstitit Titius, bene vero in ordine ad alia decem;

unde decem solum restituere tenetur. Ita cum Medina, Soto *de restitutione*.

CAS. II. Parochus extra tempus Paschale solum in prima Dominica cujuslibet Mensis accedentium ad Ecclesiam Confessiones vult audire. Q. an satis sit pro munere Parochi.

Respondeo, regulariter loquendo, satis esse, eo quia licet Pastoris officium obliget ad Sacramenta ovibus suis ministranda nedum quando adest obligatio in subdito illa recipiendi, sed etiam quoties subditi rationabiliter petunt, cum non solum illorum necessitati, sed etiam utilitati ex iustitia consulere teneatur; huic tamen obligationi regulariter satisfacit Parochus, si nedum tempore Paschali, sed etiam omnibus primis Dominicis Mensis cujuslibet eorum audiat confessiones; regulariter enim loquendo, si intra Mensem confessionem petant, rationabiliter petunt, secus vero, si sæpius, ergo, regulariter loquendo, Parochus noster satisfacit pro munere suo. Dixi regulariter, quia: si intra Mensem festum solemne occurrat, puta Nativitatis Domini, Pentecostes, Assumptionis B. V. aut hujusmodi, vel specialis Indulgentia lucranda, vel si detegeret subditum Sacramento indigere, vel si una, vel altera vice quis illum pro confessione rogaret, tunc rationabiliter subditi sacramenta peterent & Parochus ex iustitia teneretur taliter petentibus illa ministrare, & si secus ageret, muneri suo non satisfaceret: ita cum Bonac. quaest. 7. p. 4. §. 2. num. 23.

CAS. III. Franciscus cum pluries oves ad publica pascua duxisset, quadam die vicinum agrum ingressæ, segetes & manducarunt, & conculcarunt cum notabili damno Domini. Q. an teneatur ad damnum.

Respondeo negative. Ratio est, quia ex damno casuali nemo in foro conscientie restituere tenetur, ut generaliter docent Theologi; sed in casu res ita se habet; etenim, cum pluries ad talia pascua Franciscus oves duxisset, & quidem licite, nec alias id evenisset, nec ex ordinariæ contingentibus debuisset tale damnum prævidere, sequitur omissionem diligentie in non custodiendis ovibus, quæ damnum intulerunt, non fuisse culpam theologicam saltem latam, bene vero damnum casuale esse reputandum, sicque ad illud Franciscum non teneri. Ita communiter.

ANNO MDCCXXXV.

MENSE JANUARIJ.

CAS. I. Titius puellam suæ conditionis sub spe futuri matrimonii desloravit; modo volens eam ducere, obstat illius Pater, damni per deflorationem puellæ illati compensationem prætendens, ut alteri sibi bene viso filiam nuptui tradat. Q. utrum iusta sit Patris prætentio.

Respondeo negative. Ratio est, quia Titius ex vi contractus tenetur puellam ducere, cum ad hanc ducendam, non vero dotandam se obligaverit, hocque puella acceperit; unde, si hanc ducere paratus sit, & maxime cum ejusdem sit conditionis, abunde satisfacit: eo modo, quo, si Paulus vendat domum Petro cum pacto, ut intra mensem pretium solvat, & sic intuitu talis pecuniæ sibi debita ineat cum Francisco contractum societatis, si Petrus paratus sit tempore præfixo pretium solvere, & Paulus

Ius nolit acceptare, non tenetur ad damnum, quod Paulus pateretur, sed esset ei imputandum, quia Petrus præcise tenetur ad pretium solvendum intra mensem, non ad aliud Pauli damnum reparandum, ita Titius tenetur ad matrimonium, non ad compensandum pecunia damnum, quod puellæ per deflorationem sequitur, quia contractus fuit de matrimonio ieiundo. Irrationabilis ergo. & iniusta Patris pretensio. Ita commiserit cum Mazzuch. disp. 2. cap. 23. num. 59.

CAS. II. Petrus reus tum perfectæ bestialitatis, tum incestus in primo afinitatis gradu petiit Superiorem ad facultatem obtinendam, ut a proprio Parocho ab utroque casu absolvatur: at petiit quidem, & obtinuit facultatem circa incestum, nullum vero ex oblivione de bestialitate verbum fecit. Q. an Parochus, hoc audito, possit directe Petrum a bestialitate absolvere.

Respondeo negative. Ratio est, quia, licet facultas pro reservatis a Superiore obtenta extendatur ad similia peccata post obtentam facultatem commissam, ut docet Bonac. de leg. disp. 1. quæst. 3. p. 7. & similiter facultas indefinite obtenta pro reservatis extendatur ad omnia reservata communia, tamen facultas obtenta pro tali determinato reservato expresso non extenditur ad reservata diversæ speciei, eo quia licentia intelligenda est iuxta verba petentis. In casu licentia expresse petita fuit pro incestu: ergo non extenditur ad bestialitatem, sicque Parochus non potest ab hac intuitu facultatis obtentæ poenitentem directe absolvere. Neque obstat, posse dirimi absolvere poenitentem a reservatis, si hic habens reservata confessionem fecit apud Superiorem, vel apud habentem facultatem in reservatis, licet ex oblivione, non tamen ex malicia illi reservata, non expoluit in confessione; & hoc, titulo præsentationis, & oblivionis reservatorum: ita & in Casu, cum idem militet motivum. Non obstat, inquam, quia in tali casu Superior, absolvendo poenitentem, intendit illum absolvere, quantum potest, & per talem Superioris intentionem, postea poenitentis oblivione, tollitur reservatio: at in casu petitiio facultatis pro reservato determinato expresso Superioris intentionem restringit ad illud tale reservatum, cum licentia non extendatur ultra verba petentis; ideo in hoc casu non posset Parochus directe poenitentem a bestialitate absolvere. Ita cum Logo de poenit. disp. 20. sect. 8. num. 122.

CAS. III. Sacerdos, postquam foetam reddiderit Bertam, & foetu animato, ei potionem tradiderit ad abortiendum, hinc, effectu sequuto, factus sit irregularis, recursum habuit ad Sacram Poenitentiarum pro dispensatione super talem irregularitatem his verbis: *Sacerdos factus irregulari ob procuracionem fetus animati, effectu sequuto, petit facultatem, ut a proprio Parocho super talem irregularitatem dispensetur.* Obtenta tali facultate, Parochus executor, re ex integro audita, iudicat, talem facultatem esse subrepticiam. Q. an rectum sit talis Parochi iudicium.

Respondeo affirmative. Ratio est, quia pro dispensatione super irregularitate ex abortu, supplicans debet exprimere, si foetus erat ex se genitus, & hoc ex filio Curie: quia in hoc casu major ponitur difficultas in dispensando, ut testatur Alphonsus de Leone: at Sacerdos hoc non expressit in supplicatione, ut paret, & vere foetus erat ex se genitus, ut ex terminis Casus: ergo subrepticia fuit facultas obtenta.

MENSE FEBRUARII.

CAS. I. **T**ertius inivit sponsalia cum Berta, sub hac conditione, si Pater meus intra annum consenserit; at Pater, antequam fu-
erit de consensu requisitus, obiit. Q. an talia sponsalia pro foro conscien-
tiæ sint valida.

Respondéo affirmative. Ratio est, quia per mortem Patris fuit purificata
conditio; finis enim talem apponendi conditionem fuit, ne Genitor agre-
deretur tale matrimonium, eique displiceret; at per mortem Patris to-
taliter cessat talis conditionis finis, unde conditio habetur ut purifica-
ta: sicuti ergo, & Pater consensisset, valida fuissent talia sponsalia,
ita & in casu. Sanch. lib. 5. de Matrim. disp. 7. num. 19.

CAS. II. Confessarius, audito in Confessione peccato cum Cognata spiri-
tuali negative dubitat, an in Liberulo, in quo descriptam habet fa-
cultatem a quibusdam reservatis absolvendi, descriptum sit & tale pec-
catum: attamen, tali dubio non obitante, directe penitentem absol-
vit. Q. an bene.

Respondéo negative. Ratio est, quia Confessarius vere esset dubius de
facultate in certo reservatum, & possessio tota esset pro reservato,
quod ei certo constat esse reservatum; unde, sic directe absolvendo ex-
poneret se periculo invalidam absolutionem impendendi. Belloch. de
cas. reserv. part. 1. quæst. 2. num. 11. Mazzuch. disp. 1. quæst. 3. dis. 21.
num. 68.

CAS. III. Parochus veneris culpis assueto pro penitentia injunxit, ma-
trimonium contrahere. Q. an hujusmodi penitentia genus illi potuerit
imponere.

Respondéo negative. Ratio est, quia, licet optimum esset ei consulere
matrimonium, juxta illud Apostoli: *melius est nubere, quam uri*; ta-
men non est opus a Confessario impendendum tum propter immensum
onus, quod secum affert tale Sacramentum, ut ait Fagundez in lib.
quæst. 2. Ecclesiæ præcept. cap. 5. num. 4. tum propter maximam liber-
tatem, quam matrimonium requirit, quicquid in contrarium dicat Dia-
na cum Leandro.

MENSE MARTII.

CAS. I. **P**arochus hujus Diocesis absque licentia Ordinarii in matrimo-
nium conjunxit cum Petro Bernam, quæ annos vix tredecim
nata ex Imoleni Diocesi ad suam se contulit Parochiam cum suis Ge-
nitoribus, ibique per annos decem, & ultra habitavit cum iisdem, &
aliis suis Parochianis fide dignis, qui illum de Berta libertate, etiam
medio juramento fecerunt. Q. an bene se gesserit.

Respondéo, male se gessisse. Ratio est, quia in Instructione S. C. Univ. In-
quis. præcipitur tum, quod, si contrahere volentes sint exeri, superse-
deatur in licentia contrahendi, donec per literas Ordinarii ipsorum doceant
de eorum libero statu, tum quod Ordinarii præcipiant omnibus, & singu-
lis Parochis in eorum Diocesis existentibus, ut pro matrimoniis cum ex-
teris contrahendis non faciant publicationes eorum Ecclesiis, nisi certio-
rato ordinario, a quo, vel ejus Vicario Generalis prius teneantur fidem au-
thenticam reportare, quod pro tali matrimonio fuerint examinati Testes in
eorum tribunali, qui probant statum liberum contrahere volentium &c. Si
autem

autem hoc aperte præcipitur, contra talem Instructionem, ut patet, 41
egit Parochus, conjugendo in hac Diocesi Bertam ex Diocesi Imolenſi
cum Petro abſque proprii Ordinarii licentia: ergo male egit. Neque
Parocho prodeſſe poteſt, Bertam ſe conſuliſſe in ſuam Parochiam cum
ſuis Genitoribus, ibique per annos decem, & ultra cum iſſdem habi-
taſſe, & de ejus libertate per plures Parochianos fide dignos, etiam me-
dio juramento, ei conſultiſſe. Non, inquam, prodeſſe poteſt, quia,
cum Berta diſceſſerit ab Imolenſi Diocēſi in ætate nubili, cum eſſet
annos 13. nata, de hac urget Inſtructio S. C. adeo ut requirantur tum
literæ Ordinarii Imolenſis, quibus doceat de ejus libertate, tum licen-
tia authentica Ordinarii hujus Diocēſis, contra quam Inſtructionem cum
egerit Parochus, male ſe geſſit.

CAS. II. Paulus exponit Confeſſario, commiſiſſe quidem inceſtum cum
Nepte ſibi conſanguinea, ſed dubitare utrum tale peccatum alias fuerit
confeſſus apud Confeſſarium privilegiatum. Q. an, ſtante tali dubio,
poſſit recte per talem. Confeſſarium abſolvi.

Reſpondeo negative. Ratio eſt, quia poſſeſſio non ſtat pro Paulo, ſed
pro reſervatione, in quam certo ei conſtat incidiſſe, cum ei certo
conſtet, inceſtum commiſiſſe in ſecundo conſanguinitatis gradu, qualis
eſt copula cum Nepte ſibi conſanguinea, qui inceſtus in hac Diocēſi re-
ſervatur; unde tale peccatum Confeſſario privilegiato ad directam abſo-
lutionem obtinendam conſiteri tenetur: quemadmodum certus de emiſ-
ſione voti, & dubius de implerione, tenetur votum implere, ut com-
muniter docent DD. de voto, quia poſſeſſio ſtat pro voto. Ita propter
eamdem rationem certus de reſervato commiſſo, & dubius de confeſſio-
ne facta apud Confeſſarium privilegiatum tenetur apud ſimilem Confeſ-
ſarium illud conſiteri. Mazzuch. de reſervat. diſp. 1. quæſt. 3. diſp. 21.
num. 73.

CAS. III. Franciſcus pluriſus gravatus poenitentis alias ſibi impoſitis ſciens
die ſeſto Titularis Eccleſiæ Parochialis conceſſam eſſe Plenariam Indul-
gentiam omnibus, qui rite confeſſi, & ſacra Euchariftia reſecti talem
Eccleſiam viſitaverint &c. omnem ad eam lucranda adhibuit diligen-
tiam, putans, ſic ab onere tales poenitentias implendi eſſe abſolutum.
Q. an verum ſenſerit.

Reſpondeo in praxi male ſenſiſſe. Ratio eſt, quia, licet ſpeculative loquen-
do, & maxime, ſi ſermo ſit de poenitentis mere ſatisfactoriis, & non
ſimul medicinalibus, per conſequutionem Indulgentiæ Plenariæ conſe-
quatur etiam quis remiſſionem cujuſcumque poenæ debite peccatis, hoc
enim ſonat Indulgentiæ Plenariæ, & ſic amplius ad poenitentiam a Con-
feſſario injunctam exequendam, non videatur teneri, cum eſſet titulus
ſatisfactionis; tamen in praxi adhuc urget obligatio injunctam ſatisfa-
ctionem adimplendi, tum quia in praxi nimis incertum eſt, an quis Ple-
nariam fuerit lucratus Indulgentiam, tum quia ordinariæ poenitentiam eſt
etiam medicinalis, & a reſapſu præſervativa, tum quia Pontifices in
Bullis Jubilæi præſcribere ſolent Confeſſariis, ut congruas & ſalutares
poenitentias conſtitutibus imponat. Quæ omnia probant, in praxi ex-
plendam eſſe a poenitente ſatisfactionem, etiam in caſu, quo quis In-
dulgentiam Plenariam lucrari conatus fuerit. Ita cum meo Girib. de
Poenit. tract. 1. cap. 12.

CAS. I. Berta affinis Petro per copulam illicitam habitam cum Petri fratre, cum non nisi cum periculo gravis infamiae, & notabilis damni, attentis particularibus circumstantiis, posset a nuptiis resilire, illas contraxit cum vera intentione matrimonium ineundi, licet nullum esset tale matrimonium. Q. an hoc fuerit simulare Sacramentum cum peccato.

Resp. negative. Ratio est, quia simulare Sacramentum cum peccato est ponere materiam, ei applicando formam absque intentione consuevendi Sacramentum; quia eo tunc irrogatur injuria Sacramento, sicuti injuriam irrogaret Deo, qui pejeraret sine animo jurandi: in hoc sensu procedit proposito 29. ab Innoc. XI. damnata, itaut neque urgens metus gravis sit causa iusta Sacramentorum administrationem simulandi. At in casu nulla irrogata fuit injuria Sacramento matrimonii, cum propter impedimentum dirimens neque posita sit materia talis Sacramenti, cui forma applicari posset; unde non simulavit Sacramentum cum peccato, adeo ut Sacrilegium commiserit, ut tenet Viva in explicatione citatae propositionis, & La Croix lib. 6. part. 1. num. 162. ubi testatur, hanc sententiam esse communem. Ad summum dici potest, Bertam simulasse contrarium.

CAS. II. Conjuges extra vas de communi consensu se polluerunt. Q. quas circumstantias debeant exprimere pro integritate Confessionis.

Respondeo, debere exprimere nedum malitiam talis peccati contra naturam, sed etiam circumstantiam conjugii, & quidem conjugii determinati, ita ut debeant in confessione exponere commississe peccatum pollutionis cum Conjuge: & Ratio est, quia tale peccatum nedum est mollities contra naturam, sed induit speciem adulterii, cum neuter Conjux servet alteri corpus suum castum, quod ad bonum fidei pertinet; nec solum sit adulterium cum aliena Conjuge peccare, sed etiam omne quod non habet potestatem conjugii: & hac ratione exprimenda est circumstantia conjugii. Quia postea per tale peccatum nulla habita fuit injustitia adversus Conjugem, cum Vir, & Uxor de communi consensu tale peccatum commiserint, debent exprimere etiam circumstantia conjugii determinati, quia secus intelligeretur injustitia adversus Conjugem. Ita docent Dicastel. lib. 3. de Sacram. tract. 10. dub. 7. num. 82. Diana t. 2. tract. 6. resol. 186.

CAS. III. Titium impositam a Confessario poenitentiam bis in mense per annum jejunandi animo adimplendi acceptavit; sed quia ob fragilitatem, & in jejunando difficultatem jam sex elapsis mensibus illam non adimplevit, petiit alium Confessarium, illumque, ut in aliam poenitentiam permutaret rogavit, ne amplius eidem periculo eam violandi sit expositus. Q. an secundus Confessarius possit eam permutare, non audita ex integro, aut ex parte priori confessione.

Respondeo, affirmative. Ratio est, quia secundus Confessarius non judicaret, causa absolute incognita, ut asserunt DD. contrarii, eo quia, licet non cognosceret causam clare, & distincte, ut requireretur, si deberet judicium ferre de iustitia, qua prima poenitentia imposita fuit, illam tamen cognosceret, quantum sufficeret ad poenitentiam permutandam titulo difficultatis ad illam implendam, ut in casu: etenim ex qualitate poenitentiae in prima confessione impositae non posset non cognoscere aliquo modo causam, propter quam fuit imposita; ita, ut si poenitentia

imposita fuerit gravis, & diuturna, cognosceret causam fuisse magni momenti tum intensive, tum extensive considerata; si gravis sed brevis, causam fuisse gravem solum intensive; si mediocris, fuisse mediocrem, quod sufficeret ad proportionem servandam inter penitentiam, & peccatum, & sic ad penitentiam permutandam absque nova, clara, & distincta omnium peccatorum confessione; unde etiam sine hac posset secundus Confessarius in bonum penitentis priorem penitentiam permutare. Ita cum meo Girib. de Penitentia tract. 7. cap. 12. dub. 9. num. 30. qui plures citat Doctores.

M E N S E M A I I.

CAS. I. **T**itius tres habens filias ex primæ uxore, cum experientia viderit, his secundam uxorem in partu expertam esse periculum mortis, tum ut liberet uxorem a novo mortis periculo ob affectum ad uxorem, tum ne filiæ necessaria, & utilis, qua gaudent, custodia per mortem Novercæ priventur, vellet uxori suæ tradere medicamen sterilitatis causativum. Q. an licite in talibus circumstantiis hoc possit præstare.

Respondeo, negative. Ratio est, quia nullo bono fine cohonestari potest sumptio potionis, qua prolis conceptio impediatur, hanc enim, quæ nata est sequi ex copula carnali, impedire, est contra naturam, & naturalem generationis finem, parumque, & solum secundum magis, & minus distare a seminis effusione extra vas, aut ab homicidio, juxta illud Burri: *Sunt paria occidere, & nasci impedire*; quare, sicuti in nullo causa licita est mollities, aut serum occidere, ita similiter nunquam licebit ut femina sterilitatem procurare; quod etiam prohibuit Sixtus V. in Bulla de Abortu: consequenter neque in casu, ne filiæ Titii optima priventur Novercæ custodia, neque ut ejus uxor a mortis periculo in liberis in lucem edendis liberentur. Est communis contra Torrelancam.

CAS. II. Petrus, contractis sponsalibus cum Berta sub conditione, si intra sex menses centum habuerit in dotem, nondum elapso præfinito tempore, contraxit sponsalia absoluta cum Francisca Bertæ sorore: at, mortua Francisca, matrimonium de præsentī cum Berta contraxit. Q. an sit validum.

Respondeo affirmative. Ratio est, quia secunda sponsalia absoluta contracta cum Francisca sunt invalida, cum non possint executioni mandari, nisi cum peccato: etenim Petrus nedum peccavit, hæc contrahendo, non expectata conditionis purificatione intra tempus determinatum, ut in conscientia expectare debebat, sed etiam peccasset, si matrimonium cum Francisca post talia sponsalia, licet absoluta, contraxisset, non expectata conditionis purificatione, quia tali tempore obligati expectandi purificationis eventum non fuisset extincta per sponsalia secunda absoluta, specialiter, quia talia sponsalia non fuerunt contractus ultimus & indissolubilis, sed dissolubilis, & per modum dispositionis ad Matrimonium: si autem viguisset tali tempore etiam post secunda sponsalia absoluta obligatio expectandi purificationis eventum, jam secunda obligatio fuit nulla, cum non autem hoc aperte præcipitur, contra talem Instructionem ut patet, egit Parochus, coniungendo in hac Diocesi Bertam ex Diocesi Imolensi cum potuisset nisi cum peccato

caro exequi, eo modo, quo nulla comuniter dicitur obligatio matrimonium contrahendi cum dedecore familie, quia esset obligatio ad peccandum, cum tale matrimonium absque peccato non posset contrahi, si secunda obligatio fuit nulla, nulla etiam fuerunt secundum sponsalia absoluta, sicque matrimonium cum Berta contractum fuisset validum, cum non obstarat publicæ honestatis impedimentum ex sponsalibus ortum, utpote quia solum ex sponsalibus validis oritur. Ita cum La Croix lib. 6. part. 3. num. 8. & clarius cum Palao ab ipso citato.

CAS. III. Confessarius juveni venereis assueti ter in hebdomada quindecim Pater, & Ave per annum extensis brachiis recitare imposuit. Talem poenitentiam juvenis acceptavit quidem, sed non adimplevit: quia tamen, Deo favente, a prava consuetudine recessit, ad illam adimplendam putari non teneri. Q. an bene sentiat.

Respondet negative. Ratio est, quia tali poenitentia nedum fuit medicinalis, sed etiam satisfactoria; quod colligitur ex quo si tota poenitentia juveni imposita; quare, licet ut medicinalis non esset amplius obligatoria, juxta illud: *Medicina non est opus valentibus, sed male se habentibus*; tamen ut satisfactoria pro peccatis est adhuc obligatoria, ne poenitentia Sacramentum parte careat integrali: quare, quod juvenis sit a prava consuetudine emendatus, sufficit quidem, ut Confessarius talem ei minuire possit poenitentiam, non tamen, ut sit absolute ab onere satisfaciendi exemptus. Quod, si qui non jejunavit in Quadragesima, aut aliis diebus ab Ecclesia præscriptis, non amplius teneretur jejunare, hoc est, quia Ecclesia in diebus jejunii de præcepto decernit diem pro jejunio: ac Confessarius imponens poenitentiam per annum, præcipit talem poenitentiam ad satisfaciendum pro peccatis, & ut partem integram Sacramenti; unde, etiam elapso tempore præfixo, in rigore præstare debet juvenis, de quo in casu, quod anno elapso noluit præstare. Ita Salmat. & Gobat.

MENSE JUNII.

CAS. I. Titius ob adulterium uxoris ex Judicis sententia, fecit divortium; modo, eum & ipse adulterium, licet secreto commiserit, dubitat, an in conscientia teneatur uxori reconciliari; illamque tanquam uxorem habere. Q. quid dicendum?

Respondet affirmative. Ratio est, quia in casu habentur paria delicta, eum uterque conjux alteri per adulterium fidem fregerit, unde mutua compensatio orta est. Neque obstat, delictum uxoris fuisse publicum, illud viri occultum; quia hoc solum probat, delictum uxoris fuisse sufficiens ad petendum divortium per sententiam Judicis, non sic delictum viri, non vero tollit, quin in conscientia delicta sint paria: unde, si vir publicum commisisset adulterium post divortium, teneretur consortem repetere; & ad illam redire juridice compelli deberet, ut colligitur cap. ex lit. divortialis: & tenent communiter DD. teste Giribaldo de matrim. cap. 20: tract. 10. dub. 2. num. 12: ita, quia occultum commisit adulterium, in conscientia ex se tenetur uxori reconciliari, illamque ut uxorem habere.

CAS. II. Bertæ ex illicito concubitu scæz Amasius, ipsa inscia, portionem tradidit abortum foetus animati causativam; at poenitentia ductus iliam

mo-

monuit de potione, & facile si voluisset, recursum habendo ad Medicos potuisset abortum impedire, sed noluit. Q. an Berta incidit in casum reservatum.

Respondeo negative. Ratio est, quia non incidit vel in excommunicationem a Sixto V. latam contra abortum procurantes, quæ adhuc viget post Bullam moderatorem Gregorii XIV. si fœtus sit animatus, a qua tamen virtute Bullæ Gregorii potest Ordinarius absolvere; aut alter Confessarius ex speciali delegatione ab ipso obrenta, vel in reservationem Ordinarii de homicidio voluntario. Non incidit in excommunicationem Papalem, quia lata est contra procurantes abortus fœtus animati, quem non procuravit Berta, cum studiose non quaesiverit sive per se, sive per alium, ut fœtus immaturus ex ejus utero ejiceretur, ut requiratur ad abortum procurandum; bene vero abortum permisit; mere negative se habendo, unde non incidit in reservationem Papalem, ut docet cum communi Marzuch. de reserv. disput. 2. cap. 3. quest. 3. num. 40. Neque incidit in reservationem Ordinarii, quia in hæc incidunt solum, qui dolo, malo animo, & studiose aliquem illicite occidunt, aut consulunt, mandant, auxilium, aut favorem præstant; quæ omnia positivum concursum, aut physicum, autem moralem important, qualem certe non præstitit Berta, quæ mere negative se habuit: quare peccavit quidem graviter, quia ex terminis casus abortum poterat, & tenebatur impedire; at in nullam incidit reservationem.

CAS. III. Petrus, fracta Capsula Confessionarii in Ecclesia existentis, in qua Capellanus solet Breviarum, aliosque Libros pro Confessionibus audiendis utiles asservare, furatus est tum Breviarium, tum alios Libros. Q. a data, & admissa sententia negante, sufficere ad sacrilegium præcise furari rem in Ecclesia, adhuc Petrus sacrilegium commiserit.

Respondeo negative. Ratio est; quia in sententiam negantem &c. ad hoc, ut furtum sit sacrilegium ratione loci sacri, ut hic unice dubitatur, requiritur, quod sit de rebus sub jure Ecclesiæ, quia vel illi traditæ sunt ad custodiendum, vel in pignus datæ, vel alio simili modo in Ecclesia depositæ: at ita non se habent in Capsula Confessionarii Breviarium, alique Libri, quia hæc omnia per accidens sunt in Ecclesia; nec aliquo modo sunt sub jure Ecclesiæ, sed se habent sicuti fellæ, quas pro suis commoditate mittere solent Nobiles ad Ecclesiam: unde, quemadmodum in hæc sententia, qui tales fellas in Ecclesia existentes furaretur, non committeret sacrilegium; ut inter alios docet Diana, Glrib. de circumst. peccat. dub. 4. Ita, nec Petrum per tale furtum ratione loci sacrilegium commississe dicendum est.

MENSE JULII.

CAS. I. MULIER, quæ nulliter matrimonium contraxerat ob affinitatem ex copula illicita, monita a Confessario ne debitum redderet, donec, obtentas Sacra Pœnitentiarii dispensatione, matrimonium revivideretur, cum quadam die non valeret viri importunitatem vincere, ei cum juramento asseruit nullitatem matrimonii, utpote cum prædicto impedimento contracti; at holens Vir quiescere, adhuc debitum petiit. Q. an adhuc licite potuerit debitum petere.

Respondeo affirmative. Ratio est, quia, licet Mulier sciens nullitatem ma-

tri-

trimoniū non possit reddere debitum. Vir tamen adhuc retinet jus, non quidem reale, cum matrimonium in re sit nullum, bene vero putatum ad debitum exigendum; etenim Vir, regulariter loquendo, non tenetur credere Forcinnæ assenti, etiam cum juramento, contraxisse matrimonium cum impedimento dirimente orto ex copula illicita, sicuti regulariter non tenetur filius credere matri alleganti ipsum esse spurium: unde si non tenetur filius credere, deposito dubio, quod ex tali jurata confessione oriri possit de matrimonii nullitate, posset licite debitum petere, licet mulier denegare teneretur. Quod si fornicina gravis, & clara adduceret indicia ad probandum impedimentum, tunc vir ante debitum petitionem teneretur diligentias adhibere; nec ante istas licite posset debitum petere. Ita cum Diana tom. 2. tract. 6. resol. 175.

CAS. II. Berra, vix tribus elapsis horis ab Eucharistiæ sumptione, adulterium commisit. Q. an teneatur talem circumstantiam in confessione aperire. Respondeo negative. Ratio est, quia, licet deberet talem circumstantiam exprimere, si immediate post Sacramenti sumptionem peccasset, cum eo tunc gravissimam commisisset irreverentiam contra Eucharistiæ Sacramentum, non sic, peccando tribus elapsis horis ab Eucharistiæ sumptione; cessavit enim per tale tempus intermedium talis irreverentiæ motivum, ni velimus dicere, durare ad arbitrium: quare, cessante motivo irreverentiæ, nulla esset talem circumstantiam exprimendi necessitas, quæ unice ex tali capite oriri potest. Ita Leand. de Eucharisti.

CAS. III. Titius bona fide Bovem emit; quem majori pretio vendidit Paulo, cum sciverit Titium, furatum fuisse Bovem, & Dominum esse Franciscum, dubitat, an teneatur Francisco Domino illud plus, quod a Paulo reportavit, restituere. Q. quid dicendum.

Respondeo, non teneri illud plus Francisco restituere, supposito tamen, quid Bos non sit factus intrinsece melior, puta, si adolevisset, sed idem sit absque intrinseca mutatione. Ratio est, quia est fructus industriæ Titii, non fructus Bovis, cujus rei signum est, quod, si Titius iterum eundem Bovem emisset a Paulo pretio minori, & illum Franciscum vero Domino restituisset, Dominum indemnatum servasset, cum nullam in re sua lesionem passus fuisset; si autem illum indemnatum servasset, illud plus non ad Dominum Bovis, sed ad Titium, ut fructus industriæ, spectasset. Ita in casu dicendum est, esse illud plus industriæ fructum, sicque ad illud restituendum non teneri. Ita cum Lugo de just. disp. 17. sect. 1. num. 20. contra Lessium.

M E N S E A U G U S T I.

CAS. I. Sacerdos a quodam Judice laicum cum protestatione &c. Sempronium de gravissimo furto in domo Patru sui patrato de illius mandato accusavit, unde Sempronius fuit ad mortem damnatus. Q. an talis Sacerdos sit irregularis.

Respondeo probabiliter negative. Ratio est, quia in cap. *Prælati* de homicid. in 6. permittitur Clericis, conqueri coram Iudice de malefactoribus suis, ne laici scientes, Clericos non posse absque irregularitatis nota querelam coram Iudice deponere, audaciores fiant ad illius injurias. Inferendas: damnificans autem graviter Patrum Clerici ob sanguinis conjunctionem est moraliter Clerici malefactor, cum titulo propinquitatis Patris.

trus, & Nepos unum moraliter in rebus temporalibus competentur, adeo ut damnum nullatum in alium redundet: quare Sacerdos noster probalius factus non est irregularis. Dico solum probabilius, quia Textus expresse loquitur solum de malefactoribus suis. Ita Diana tom. 5. tract. 5. resol. 82.

CAS. II. Confessarius audiens Cajum exponentem, rem habuisse cum Uxore fratris sui, illum interrogavit, an copula fuerit completa; & licet ex ejus responsionibus cognoverit non nisi dubitative de complemento copulae posse confessionem habere, tamen illum pro absolutione ad Pœnitentiarium dimisit. Q. an bene se gesserit.

Respondeo potuisse illum directe absolvere. Ratio est, quia in generali, & ordinariæ reservatione non includuntur peccata dubia, nisi hoc expresse explicetur, cum lex reservationis sit stricte interpretanda. Neque dicas, præsumptionem esse pro reservatione, quia ex communiter contingitibus copula præsumitur completa, hinc titulo talis præsumptionis cadere tale peccatum sub reservatione. Contra est: reservatio de incestu, si stricte est interpretanda, comprehendit incestum certum, non vero solum præsumptum, cum autem in casu ad summum incestus esset præsumptus, hunc potuisset Confessarius simplex absolvere, nec debuisset pœnitentem mittere ad Pœnitentiarium. Ita cum de Lugo de reserv.

CAS. III. Titio se accusanti in confessione, centum fuisse furatum, sed Dominum ignorare, imposuit Confessarius, ut illa in pauperes distribueret; cui parvis Titius: ac post aliquod tempus sparium scivit, Petrum esse verum Dominum. Q. an denuo teneatur illa centum Petro Domino restituere.

Respondeo negative, si debitam abhibuerit diligentiam, ut Dominum inveniret. Ratio est, quia, cum Alex. 3. in Cap. Cum tu, de usur. jubeat, quæ usuris inique acquisita sunt, si non supersunt illi, quibus debentur, aut eorum hæredes, dari pauperibus, quod præcepit DD. communiter etiam ad furtum extendunt, sequitur Titium, si debitam adhibuit diligentiam, ut Dominum inveniret, restitutionem fuisse eo modo, quo potuit, & debuit in tali casu; unde exemptus est ab onere restitutionis, comparante vero Domino rei, maxime cum taliter præsumendum est de Domini voluntate, ut velit, res suas applicari pauperibus, vel locis piis in remedium animæ, quando, illis uti non potest. Less. lib. 2. cap. 14. n. 43.

M E N S E S E P T E M B R I S.

CAS. I. Confessarius, audita Petri confessione, eique pœnitentia imposita, sermonem cum eo habet de rebus spiritalibus quidem, sed impertinenter se habentibus ad illius confessionem; unde inadverte inabsolutum dimisit: ac taliter errasse meminit, dum Petrum videt prope januum Ecclesiæ, eumque sic distantem absolvit. Q. an bene.

Respondeo affirmative; si talis distantia non fuit nimium excedens. Ratio est, quia ex una parte non contrariatur Decret. Clem. VIII. hoc enim procedit de pœnitente vere, & proprie absenti, qualis non fuit Petrus in casu, cum fuisset in Ecclesia, & sub oculis Confessarii; ex alia parte, si talis distantia non fuit nimium excedens, qualis fuisset, si solum distasset per 20. passus, Petrus fuisse moraliter præsens Confessario, & verum tantum habuissent verba absolutionis, cum disinguerant Petrum in Confessarii con.

conspetu positum: quare attenta præcise distantia, valide Confessarius Petrum absolvisset; & etiam licite, si fuisset moraliter certus, Petrum post confessionem in lethale non incidisse, nec potuisset cum dexteritate illum vocare, eique suam negligentiam aperire, & sic absolutionis defectum de more supplere. Ita Diana, & Mosses. p. 1. tract. 7. c. 6. num. 59.

CAS. II. Cum Titio se accusanti bis, vel ter in hebdomada fere per annum integrum, rem: habuissa cum famula; noluerit Confessarius beneficium absolutionis impendere, nisi prius e domo famula eiecisset, illi respondit, tali famulae mutuo dedisse centum, quorum recuperandorum spes nulla supererit, si illam domo eiciet. Q. an hæc sit causa sufficiens ad absolutionem impendendam.

Respondeo negative. Ratio est, quia ex una parte, stando terminis Casus, occasio peccandi est diuturna, cum fere annum integrum cum tali scemina Titius frequenter peccaverit; ex alia parte nullum apparet emendationis signum; cum totum fundamentum ad absolutionem obtinendam sit moralis impotentia ad recuperanda centum; si scemina e domo dimittatur; si autem occasio est diuturna, nec apparet emendationis signum, nolens sceminam dimittere est indispositus, eo quia cum temporali detrimento non vult animæ suæ consulere, ut tenetur juxta illud; *Quid prodest homini* &c. adeoque absolutionis incapax. Ita cum Girib. de poenit. tract. 7. cap. 10. dub. 3. num. 26. Si tamen ex illis centum non recuperatis Titium redigeretur ad extremam, vel quasi extremam necessitatem; volunt Cardenas, & Viva in casu esse causam sufficientem absolventi, si promitteret occasionem exterminare, vel saltem debitis remediis periculum proximum peccati attenuare, & quia non urgerent Propositiones ab Alex. VII. & Innoc. XI. damnatæ, cum causa non dimittendi non esset tantum inutilis; & honesta, in quo sensu loquuntur damnatæ Propositiones, sed esset necessaria titulo moralis impossibilitatis.

CAS. III. Berta, acceptis per sepe muneribus a Francisco, qui ei illa traderat sub spe ab ipsa consequendi, quod prave concupierat, nunquam voluit consentire; quare dubitat, an talia munera teneatur restituere. Q. quid dicendum.

Respondeo negative cum Lopez, & Rebel. p. 1. lib. 3. q. 7. num. 6. Ratio est, quia licet prælata munera amatores donent ob deflexum finem; sceminae tamen illa non accipiunt sub pacto facienda copiam corporis sui, nec ut pretium impudicitiae, sed ut incitamentum: hoc autem dato, clare constat, quamvis Franciscus, quod a Berta prave concupierat, non obtinuerit; Bertam non teneri accepta restituere.

MENSE OCTOBRE.

CAS. I. **P**arochus die festo carens Hostia majori ad celebrandum consueta, Hostia minorem in Missa consecravit: at timens, ne inter Russicos murmur nasceretur, extraxit a Pyxide Hostiam majorem, quæ pro solemnî Expositione asservabatur, hancque elevatione ostentavit & populo adorandam exhibuit. Q. an prudenter hoc fecerit.

Respondeo negative cum Jacobo Maschant. in *resol. post. de Sacram.* tract. 4. cap. 5. q. 3. cujus sunt verba sequentia: Cum in Missa debeat exhiberi populo adoranda Hostia in illo Sacrificio consecrata, & oblata, talem cautelam non esse approbandam. Melius tamen fecisset, si majori istî Hostiae

alte-

alteram parvam consecratam per illud Sacrificium simul adjunxisset, quod facile fieri poterat, exhibendo utramque adorandam; sic enim satisfaceret Cæremoniæ huic Sacræ, qua Hostia Sacrificii hujus populo ad adorandum exhibenda præcipitur.

CAS. II. Titius bona fide vendidit Bovem Cajo, pretiumque reportavit: at vix quindecim elapsis horis, Bos perit & latente morbo, ut fuit post mortem compertum. Q. an Venditor, stante ignorantia inculpabili talis defectus, teneatur pretium acceptum restituere.

Respondeo affirmative. Ratio est, quia, licet, stante bona fide, & ignorantia invincibili, non peccaverit Titius, tamen, quia latens defectus, propter quem Bos quasi statim perit, fuit circa substantiam (Bos enim notabiliter infirmus venditus fuit ut sanus, & quidem taliter, ut fuerit inutilis emptori) sequitur, contractum fuisse nullum ratione talis erroris, qui tollit consensum absolute ad contractus validitatem necessarium; adeoque Titium, qui nequit alio modo, quam per pretii restitutionem, nocuementum Cajo illatum reparare, teneri acceptum pretium restituere. Ita cum Girib. de empt. & vendit. cap. 2. dubi. 9. num. 89. Beja part. 3. cap. 24.

CAS. III. Franciscus, certo sciens, Petrum Judicem petere ad injuste amicum suum accusandum, ex qua accusatione gravia pati cogetur damna, alia via accusationem non valens impedire, illum occidit. Q. an licite.

Respondeo negative. Ratio est, quia, cum sit damnata hæc propositio ab Innoc. XI. quæ est 18. in numero: *Licet interficere falsum accusatorem, falsos testes, ac etiam judicem, a quo iniqua certo imminet sententia, si alia via non potuit innocens damnum evitare*: clare sequitur, illicite egisse Franciscum in casu: minus enim malum est in casu aliquo rarissimo damnum innocentis permittere, quam talem occisionem defensivam concedere cum magno reipublicæ detrimento ob crides, & homicidia, quæ passim hoc pretexto contingunt.

MENSE NOVEMBRIS.

CAS. I. Capellanus fraude, & dolo facultatem assistendi matrimonio Beræ cum Sejo a Parocho absente obtinuit, & de facto allicit. Dubitat modo, an tale matrimonium, ob licentiam assistendi mendacis obteant, sit validum. Q. quid dicendum.

Respondeo, casus resolutionem ab occurrentibus circumstantiis dependere. Si enim ex his colligitur, dolum, & fraudem fuisse totam causam finalem, & motivam, tunc matrimonium fuit nullum, quia, firma non existente causa finali petitioni, licentia esset invalida; nihil enim magis est contrarium consensui, quam error: si vero colligitur dolum, & fraudem fuisse solum causam impulsivam, validum fuisset matrimonium, quia, firma existente causa finali, valida fuisset obteata licentia. Ita cum Barbos. de potest. Episc. allegat. 32. num. 133.

CAS. II. Rosa, cum lre toto tempore auditionis Sacri die festo voluntarie fuisset circa res domesticas distracta, dubitat, an Ecclesiæ præcepto de auditione Sacri satisfecerit; quare consultat Confessarium. Q. Confessarii responsio.

Respondeo, probabilius Confessarium teneri respondere, non satisfecisse. Ratio est, quia Ecclesia in auditione Missæ præcipit attentionem motuam, & religiosam ad Dei cultum spectantem; finis enim est, ut colatur Deus;

Deus; quam attentionem indirecte valet præcipere, cum sit connexa per modum formæ cum actu externo, quem præcipit ad Dei cultum: talem autem attentionem non habuit Rosa in casu; hinc, non satisfecisse, debet Confessarius respondere, ad docendum, quod in praxi docent Viri pii, & quod probabilius est. Dico probabilius, quia non desunt plures DD. oppositum sustinentes.

CAS. III. Titius furatus est pullum equinum, qui adolevit. Q. an teneatur restituere, quantum valebat pullus tempore furti, an detractis expensis, quantum valet de præsentī.

Respondeo, teneri, quantum valet de præsentī. Ratio est, quia in rebus, quæ incrementum habent ab intrinseco, restitutio faciendā est pretio summo, si fur illas vendit pretio summo, licet Dominus tali pretio res non vendidisset, eo quia totum illud incrementum, cum sit inseparabile a re furtiva, totum cedit Domino, qui nunquam talium rerum dominium amisit, eisque veluti fructus naturalis, qui semper Domino debetur: sed pullus in casu habet incrementum ab intrinseco, cum adoleverit: ergo Titius detractis expensis, si pullum vendidit, debet Domino, quantum valet de præsentī, restituere. Ita cum Less. lib. 2. cap. 12. dub. 16.

MENSE DECEMBRIS.

CAS. I. Berta vidua, vovit a carnibus abstinere die Mercurii per annos decem, quod quinque annorum spatio in viduitate servavit, at cum transierit ad secunda vota, Maritus hoc ei prohibuit, quin imo tale votum irritavit. Q. an Vir potuerit tale votum irritare, & Berta absque scrupulo votum non servare.

Respondeo negative ad primam partem, affirmative quoad secundam. Itaque cum Pontio Castropalao, Felic. a Potest. licet oppositum doceant Sanchez, & Diana tom. 6. tract. 6. resol. 217. Ratio est, quia tale votum fuit a Berta emissum tempore viduitatis, & sic antequam secundo viro subiceretur; unde, cum tunc non dependeret a tali viro in suo regimine, Vir non potest titulo præsentis potestatis irritare votum, quod in suo esse nullam habuit ab ipso dependentiam. Quia tamen votum tunc emissum Viro præsentī præiudicat, quia cum sui incommodo teneretur Uxori specialia alimenta providere, hinc potest tale votum indirecte solum irritare, seu suspendere, & Uxor titulo talis suspensionis poterit licite tempore talis matrimonii votum non servare.

CAS. II. Titius dubitat, cum an ex suo malo consilio fuerit causa damni, tum an fuerit causa abortus fetus animati. Q. an teneatur damnum compensare, & an sit irregularis.

Respondeo affirmative ad utrumque. Ratio primæ partis est, quia, cum certo constet, consilium esse datum ad damnum inferendum, & dubium solum sit, an in damnum influxerit, possessio non est pro libertate consulenti, sed est pro consilio; eo modo quo, si certo constet, votum fuisse emissum, & solum dubietur, an cum requisita intentione, possessio est pro voto: si autem possessio est pro consilio, tota præsumptio est pro influxu in damnum, & sic rituo talis consilii tenebitur Titius illatum damnum compensare, ut docet Lugo disp. 19. num. 21. quidquid in contrarium sentiant alii. Ratio secundæ partis desumitur ex cap. *Ad audientiam*, & cap. *Significasti*, il secundo de homicid. ubi expresse decium habetur, dubium de homicidio voluntario, ut esset in casu, cum factus supponatur

tur animatus, censendum esse irregularem quoad effectum abstinendi a divinis.

CAS. III. Sacerdos doctus confessus est apud Confessarium simplicem peccatum grave quidem, sed dubium, an esset, necne Ordinario reservatum, fuitque a tali Confessario absolutus; at, cum modo sciat, tale peccatum vere esse reservatum, angitur scrupulis, an teneatur illud confiteri apud Confessario privilegiatum. Q. quid dicendum.

Respondeo cum Card. de Lugo disp. 16. sect. 2. §. 4. & disp. 20. num. 20. non teneri Ratio est, quia talis Sacerdos jam fuit a tali peccato legitime absolutus, confessio enim facta fuit de peccato prout erat in conscientia, & absolutio tradita fuit a Confessario, qui, licet simplex esset, habebat legitimam potestatem in tale peccatum: reservatum enim ab Ecclesia solum hæresis formalis certa, v. g. vel incestus certus, non hæresis dubia, aut incestus præsumptus: ergo non est, cur, deveniendo in notitiam, suum peccatum vere fuisse reservatum, illud denuo confiteatur apud Confessarium privilegiatum: ut in simili docet Sanchez de voto dubio perpetuæ castitatis, quod si Episcopus dispenses, non est denuo ad Pontificem recurrendum, si certo postea constet, tale votum fuisse emissum.

A N N O M D C C X X X V I .

M E N S E J A N U A R I I .

CAS. I. T I r i u s , obtemperata facultate a Sacra Pœnitentiaria, ut cum ipso a confessario viro discreto specialiter eligendo dispenseretur super impedimentum affinitatis contractum ex copula habita cum Berta, ad hoc, ut possit matrimonium cum Francisca ejus Sorore jam publice in faciem Ecclesiæ contractum revalidare, in Confessarium elegit proprium Parochum: at, quia expertus est, ab eo nimis rigide tractari, illo relicto, alium quaesivit benigniorem, a quo obtemperata dispensatio fuit executioni demandata. Q. an vere potuerit secundum Confessarium eligere.

Respondeo affirmative. Ratio est, quia ex una parte Breve non amittit suum valorem, ex quo fuerit adaptatum a Confessario diverso ab eo, qui illud exequitur, nam licet hoc asseruerint nonnulli simplices (nec terminis Lezanæ) tamen quia in Brevis non inducatur eumquem esse debere, qui literas aperiat, & exequatur, ideo non obstat fuisse ab alio adaptatum, quod præ cæteris clare docet Bonac. de leg. disp. 1. qu. 2. p. 2. num. 3. ex alia parte non obstat prior electio Parochi in executionem, tum quia major Pœnitentiarius per dictam Brevis non potius unum, quam alium elegit Confessarium, sed solum Confessarium virum discretum ab Ordinario approbatum, ut advertit meus Rosignol. de Matr. cont. 15. pœnot. 25. tum quia, cum talis dispensatio committatur solum pro foro interno, Major Pœnitentiarius illam committit ad formam & naturam Confessionis sacramentalis; quare sicuti inchoata confessione apud rigidum Confessarium potest Pœnitens ad benigniorem accelerare, ita & in casu. Rosignol. loc. cit. Gobat de Matr. tract. 5. p. 37. num. 167.

CAS. II. Petrus liber Bertæ conjugatæ matrimonium promissit post mortem viri sui; ac captus amore Francisce hanc duxit in uxorem. Post contractum

trañum tale matrimonium, adulterium commisit cum Berta. Obeunt deinde vir Bertæ, & Francisca. Q. an Petrus, & Berta possint inter se matrimonium inire.

Respondeo affirmative. Ratio est, quia ut inducatur criminis impedimentum, quod dicitur adulterium cum promissione, de quo unice dubitari potest in presenti, debent simul esse promissio, & adulterium, ut doceant omnes; Hoc autem non verificatur in casu, nam licet fuerit promissio, & adulterium, promissio tamen fuit ante adulterium retractata, quod sufficit ne resultet criminis impedimentum, cum sic cesset finis impedimenti; fuit enim retractata, si non per verba, saltem per factum, scilicet per matrimonium initum cum Francisca post promissionem Bertæ factam, & ante adulterium patratum; quæ retractatio satis est, quoad effectum presentem, si a promittente fiat, utpote ab initio irrita, & a jure reprobata, licet non sufficiat retractatio per factum contrarium ab una parte tantum ad extinguenda sponsalia valide contracta, cum sponsalia, sicuti ad hoc ut inducantur valida, debeant esse mutua promissio, ita ut extinguantur, requiritur mutuus consensus. Si ergo promissio fuit ante adulterium retractata, jam non fuerunt simul promissio, & adulterium, ideo nil obstat ab validum matrimonium inter Petrum, & Berram.

CAS. III. Paulus foratus est scuta 50. cum animo tota quadrantum illa Domino restituendi. Q. an peccaverit lethaliter.

Respondeo negative cum Lugo de just. disp. 8 sect. 2. num. 24. Ratio est, quia per talem ablationem, & brevem retentionem regulariter non inferitur grave nocumenrum proximo, ratione cujus ablatio, & retentio est graviter injuriola; dico regulariter, quia si per accidens damnum grave obveniret Domino, & esset a Paulo prævisum, tunc sane lethaliter peccaret.

M E N S E F E B R U A R I I.

CAS. I. **C**Um in Brevi Sacræ Pœnitentiariæ, quod Titius, ut supra, obtinuit, legantur hæc verba *ad vitanda scandala*, ortum est dubium, quid talia verba significant. Q. dubii solutio.

Respondeo dicta verba significare, dispensationem ideo dari, ne per separationem præbeatur occasio peccandi per temeraria judicia, detractiones, odia, dissensiones, & similia, quæ omnia ex separatione ordinariè loquendo sequerentur. Ita communiter.

CAS. II. Petrus liber adulteravit cum Berta uxore Caj, postea captus amore Marthæ, hanc duxit in uxorem; at, cum hic ei circo apparuerit exosa, promisit Bertæ matrimonium post mortem Caj, & Marthæ. Obeunt Cajus, & Martha. Q. an Petrus, & Berta valeant matrimonium contrahere.

Respondeo negative. Ratio est, quia obstat impedimentum criminis, quod dicitur adulterium cum promissione matrimonii; etenim ut hoc inducatur, requiritur, quod simul sint adulterium, & promissio durante eodem matrimonio, quod contigit in casu; fuit adulterium, & quidem formale, ut supponitur, quod non tollitur per matrimonium cum Martha; fuit promissio matrimonii non retractata per verba, vel per factum, quæ, sive præcedat, sive subsequatur adulterium, sufficit ad impedimentum inducendum; unde simul fuerunt, & quidem durante eodem matrimonio, Bertæ
sci-

scilicet cum Caso, adeoque obstat tale impedimentum dirimens, ne valide Petrus, & Berta matrimonium inire.

CAS. III. Paulus. excommunicatus bona fide accedit ad Confessarium, cui omnia sua peccata confitetur, & ab eodem absolvitur quidem a peccatis, sed non a censuris. Q. an talis confessio fuerit valida.

Respondeo cum meo Girib. de Pœnit. tract. 7. cap. 11. dub. 2. Confessionem fuisse validam. Ratio est, quia eo ipso quod Paulus noster bona fide accessit ad Confessarium, eique omnia sua peccata fuit confessus, jam accessit cum naturali oblivione, æquivalenti ignorantie invincibili excommunicationis, quo dato, ex una parte fuit capax absolutionis, quia excommunicatio reddit solum absolutionis incapacem poenitentem excommunicatum scienter contra Ecclesie prohibitionem accedentem ad Confessarium non habentem jurisdictionem in excommunicatione, non vero bona fide ad talem Confessarium accedentem: ex alia parte Sacerdos non carebat jurisdictione in peccata exposita, eo quia licet Ecclesia potuisset tollere jurisdictionem a Sacerdote respectu excommunicati, & sic irritare Sacramentum, hoc tamen cum ex nullo textu colligatur, sed solum habeatur prohibitio, quæ non extenditur ad casum naturalis oblivionis, sequitur confessionem Pauli fuisse validam, quicquid dicant Vasq. & Urtad.

M E N S E M A R T I I.

CAS. I. **I**N supradicto Brevi, quod Titius obtinuit, legitur *dummodo præstatum impedimentum sit occultum, & separatim inter Titium, & Francisca fieri non posset absque scandalo.* Q. primo, an subsistat prima clausula, si illud impedimentum sciatur a tribus.

Respondeo regulariter loquendo subsistere. Ratio est; quia occultum, de quo loquitur sacra. Pœnitentiaria, illud est, quod a nemine, vel a tam paucis scitur, quod neque est famosum, neque manifestum, neque notorium facti, vel juris. Hoc autem verificatur in casu, quia regulariter loquendo per hoc, quod tres in aliqua rurali Parœcia sciunt impedimentum, a tam paucis scitur, ut neque sit famosum, vel manifestum vel &c. ut naturæ lumine satis constat; qua ratione communiter docent DD. adud Rosignol. impedimentum non posse dici publicum, nisi plusquam quinque personis innotescat. Dixi regulariter, quia si tales occurrerent circumstantiæ, ex quibus appareret impedimentum a tribus illud scientibus facile esse publicandum, tunc esset publicum, si non actu, saltem virtute, & quidem proxime.

CAS. II. Q. secundo, quod importet verba illa *absque scandalo* in secunda clausula apposita.

Respondeo tali verba importare, quod si separatio fieri posset absque eo, quod esset occasio peccandi, dispensatio esset nulla ob falsitatem in supPLICATIONE expositam, vi cujus in brevi legitur, *imminet periculum scandalorum, ut asseritur.*

CAS. III. Pœnitens tradidit Confessario chartulam, in qua nummi continebantur, dicens, *Faveat celebrare 20. Missas*, cui respondit Confessarius, *libenter viginti Missas celebrabo*; at, cum pecuniam numerando, inveniret elemosynam pro qualibet Missa non excedere summam novem bonenorum, tot tantum celebrat Missa quot correspondent elemosynæ consuetæ, Q. an licet.

E

Resp.

Respondeo affirmative, si non potuit poenitentem convenire, qui talem elemosynam tradidit. Ratio est, quia eo ipso, quod non potuit poenitentem convenire, vel ut illum de errore moneret, vel ut onus tot Missas celebrandi bona fide acceptatum recusaret, propria auctoritate potuit Missas reducere ad æqualitatem consuetæ elemosynæ; etenim sic agendo non peccaret, vel contra iustitiam, quia servaret æqualitatem, vel contra fidelitatem, quia promissio nulla fuit, utpote ex errore incongrui stipendii in chartula inclusi, vel contra declarationem Sacre Congregationis iubentis, Sacerdotes accipientes stipendium minus congruum; tot debere Missas celebrare, prout promiserunt, quia Sacra Congregatio supponit scientiam incongruitatis stipendii, quæ defuit in casu; ideo licite se gessisse Confessarius dicendum est cum Donat. t. 3. tract. 7. quæst. 46. & 47. Rotar. tom. 3. Theol. Moral. lib. 1. de Sacra. cap. 2. part. 6. num. 15.

M E N S E A P R I L I S .

CAS. I. Similiter in supradicto Brevi a Titio obtento legitur: *sublata occasione amplius cum Sorore Francisca peccandi*: at, cum adhuc in eadem domo habitet cum Titio. *Q. an. Confessarius possit cum Titio dispensare.*

Respondeo, vel Titius ita se abstinuit a turpitudine cum Sorore Francisca, ut occasio peccandi nullo modo sit proxima, vel non: si primum potest Confessarius cum Titio dispensare, quia talis cohabitatio non est moralis occasio peccandi, ut patebit terminos consideranti: si secundum, vel talis cohabitatio est voluntaria, aut involuntaria; si voluntaria, absolute non potest dispensare, nisi dimissa Sorore Francisca, quia hoc per modum conditionis necessariæ præscribit Sacra Pœnitentia; si involuntaria, tunc Confessarius, qui hisce materiis debet esse rigidus, præscribere debet modos, quos Doctores in similibus occasionibus ad avertenda peccata assignant, ut occasio de proxima fiat remota; si ira contingat tunc potest dispensare, secus si secus; ita cum Tibur. Navarr. de execut. litt. Sacra. Pœnit.

CAS. II. Petrus per tres annos abstinuit a præcepto Confessionis & Communionis adimplendo, dicens se non esse dispositum; cum non possit deponere odium, quod erga occisorem Fratris sui habet; proinde nobilem Sacrilegium committere. *Q. an. & quot peccata commiserit.*

Respondeo primo, peccasse contra præceptum Confessionis, & Communionis; & ratio est, quia sicuti, ut docet Lug. de Euch. disp. 16. sect. 2. num. 17. graviter peccat contra præceptum de Eucharistia sumenda excommunicatus non curans auferre impedimentum ad præceptum observandum, ut potest, & tenetur quia Ecclesia præcipiens finem, præcipit media ad finem necessaria, ita graviter peccavit Petrus in casu contra præceptum Confessionis, & Communionis non se disponendo ad tale præceptum servandum per odii depositionem, ut poterat, & tenebatur juxta illud: *diligite inimicos vestros.*

Respondeo secundo, taliter se abstinendo sex peccata commisisse; Ratio est, quia per sex vices, ut patet, culpabiliter omisit parere præcepto; præceptum enim Confessionis, & Communionis duplex est; quia unum stare potest, & stat sine altero; si ergo per tres annos culpabiliter non paruit.

paruit præcepto Confessionis, & Communionis, certum est sex peccata Petrum commisisse.

CAS. III. Confessarius Paulus, qui sacrilege in propria Parœcia Eucharistiam sumpserat, imposuit, ut iterum in eadem Parœcia Sacram sumeret Synaxim; & quia parere recusat dicens, se paratum esse sumere Eucharistiam in qualibet Ecclesia, nolle tamen ad Ecclesiam Parochialem denuo accedere, ei denegat absolutionem.

Q. an bene se gesserit Confessarius.

Respondeo, male se gessisse. Ratio est, quia finis Ecclesiæ præcipientis Eucharistiæ sumptionem in Paschate in propria Parœcia duplex est, scilicet ad bonum animæ, & ob recognitionem proprii Pastoris; Paulus autem per communionem in Parœcia, licet sacrilegam, recognovit proprium Pastorem, unde ei remanet consulere bono animæ, quod præstare potest digne sumendo Eucharistiam in qualibet Ecclesia, cum tale animæ bonum ab Ecclesia intentum haberi possit per dignam Eucharistiæ sumptionem, sive in Ecclesia Parochiali, sive extra illam; ergo in Paulo nulla erat obligatio Eucharistiæ denuo in Parœcia sumendi, sicque nec jus in Confessario ad illum cogendum per absolutionis denegationem, unde male se gessit Confessarius. Hoc totum patet in simili de Matrimonio, quod si invalide contrahatur in faciem Ecclesiæ, ob impedimentum dirimens occultum, obtenta dispensatione, opus non est, ut denuo coram Parocho, & testibus revalidetur, sed sufficit, ut novus habeatur consensus.

M E N S E M A I I.

CAS. I. IN supradicto Brevis, quod Titius obtinuit, legitur etiam: *audita prius ejus Sacramentali Confessione*. Q. primo, an, si non esset conscius peccati lethalis, satis ei esset ad fruendum beneficio dispensationis, si diceret: *Ab ultima Confessione nullum peccatum commisi*.

Respondeo negative. Ratio est, quia licet quis non teneatur confiteri peccata jam per sacramentalem absolutionem deleta, tamen quia Ecclesia potest Confessionem præcipere in hypotesi, quod velit beneficio dispensationis gaudere, cum non teneatur dispensare, & ita de facto præcipiat, ut ex verbis Brevis, tenetur Titius vere sacramentaliter confiteri, & si hoc nolit præstare, defectu conditionis a sacra Pœnitentiaria præscriptæ, non poterit frui beneficio dispensationis; ita communiter, cum secus fere totum Brevis Apostolici robur cotrueret, quicquid dicant Gobat, & Lezana,

CAS. II. Q. secundo, an valeret dispensatio, si Titius apud Confessarium specialiter electum sacrilege confiteretur.

Respondeo, vel Titii confessio esset sacrilega ob defectum doloris, aut ob reticentiam peccati non habentis respectum ad dispensationem, vel esset sacrilega ob defectum integritatis circa rem, de qua petitur dispensatio; si primum, valet dispensatio, quia sic ex una parte adhuc concurrerent omnia, quæ ex dispositione styli sacre Pœnitentiariæ ad validam, & legitimam dispensationem requiruntur, ut supponitur, ex alia parte dispensatio ex genere suo cum sacramentali Confessione non connectitur; si, se-

cundum, non valet, quia deficerent requisita ex parte cause ad dispensationem, cum non fuerint in Confessione manifesta ea, quæ erant manifestanda: ita Rosignol, Gobat, & alii.

CAS. III. Paterfamilias non mittit filios suos ad Doctrinam Christianam & Parochus non curat, ut mittatur; unde Filii debita careant noticia Mysteriorum Fidei. Q. quis eorum teneatur reddere rationem de animabus puerorum.

Respondeo utrumque. Ratio est, quia Parentes non tantum filios genuisse, illosque alere contenti esse debent ex *l. si quis a liberis*, sed onera omnia, quæ ad parentes incumbunt, explere debent, inter quæ præcipuum est, filios in spiritualibus, & maxime necessariis salutem instruere vel per se, vel saltem per alios idoneos; Parochi tenentur oves suas pascere, & maxime parvulos specialiter indigentes, ut quis eis Doctrinæ Christianæ panem frangat. Hoc autem dato, quis non videt in casu tum Paterfamilias non mittentem filios suos ad Doctrinam Christianam, tum Parochum non curantem, ut mittantur, teneri reddere rationem de animabus puerorum, si ex eorum desidia filii careant debita mysteriorum fidei noticia; Væ huic Patrifamilias! Væ huic Parocho! quia in die iudicii in eos vertetur illud Jeremix: *Parvuli petierunt panem, & non erat qui frangeret eis*. Ita communiter cum Lexana part. 8. tom. 1. disp. 6. quest. 12.

MENSE JUNII.

CAS. I. **I**N supradicto Brevi conceditur Confessario electo facultas Titium absolviendi ab Incestu in primo affinitatis gradu commissio ob copulam cum duabus Sororibus Berta, & Francisca. Q. primum, an si Titius nolit sui beneficio dispensationis super impedimentum, possit simplex Confessarius illum directe absolvere.

Respondeo negative. Ratio est, quia cessante causa finali mandati, cessat & effectus, cap. *si pauper de prob. in 6.* hæc autem cessat in casu, etenim causa finalis, & quidem totalis, cur Sacra Pœnitentiaria det potestatem absolviendi ab incestibus, qui ab Ordinario supponuntur reservati, est, ut pœnitens beneficio dispensationis ineat de novo matrimonium digne, & liber ab omni culpa, ut patebit Breve consideranti; ergo cum nolit matrimonium inire, quod per Sacram Pœnitentiam finaliter intenditur, cessat tanquam effectus, facultas illum ab incestibus reservatis absolviendi.

CAS. II. Q. secundo, an si diferatur dispensationis executio per sex menses, possit simplex Confessarius Titium directe absolvere ab Incestibus interea commissis.

Respondeo, vel causa talis dilationis fuit legitimum impedimentum, vel fraus, & dolus; si primum, affirmative, eo quia illa clausula: *hac vice absolvas*, quæ adponitur in Brevi, utpote gratia liberaliter concessa a potente illa concedere; non ita coarctat proculdubio facultatem ad peccata ante concessionem commissi, quin etiam ad committendam extendi possit, intra tamen certum tempus, quod sufficiat ad verificanda moraliter illa verba *hac vice*, quod tempus sane erit sex mensium spatium, si causa delationis fuit legitimum impedimentum: si secundum, negative, quia fraus & dolus non debent patrocinari, secus posset talis facultas per annos,

57
nos, & annos protrahi contra mentem sacræ Pœnitentiariæ. Ita cum
Lugo de pœn. disp. 20. sect. 9. num. 126.

CAS. III. Q. tertio, an, si per annos differatur dispensationis executio,
& novus Titius non commiserit Incestus, valida erit dispensatio.

Respondeo, affirmative. Ratio desumitur ex eodem Lugo loc. cit. scilicet,
quia ad verificanda illa verba *hac vice* sufficit, vel quod tempus absolu-
tionis non longe a concessione distet, vel quod legitima causa differen-
di intercedet, vel quod absolutio sit de peccatis narratis, & non aliis
novis, cum hoc modo verificarentur illa verba, *hac vice*, ratione me-
teriz, esset eadem: si ergo Titius novus non commisit incestus, potest
a commissis absolvi, & sic frui beneficio dispensationis, licet per annos
fuiſſet dilata dispensationis executio.

MENSE JULII.

CAS. I. CUM in supradicto Brevi legantur etiam hæc duæ Clausulæ:
Titio pro tam enormis libidinis excessu injuncta pœnitentia
salutari, & alia, quæ de jure fuerint injungenda. Q. primo, qualis in
praxi esset Titio a Confessario pœnitentia imponenda.

Respondeo in praxi Titio pro tam enormis libidinis excessu pœnitentiam
esse imponendam attentis circumstantiis conditionis, sexus, & ætatis
ipsius; quia sæpe pœnitentia, quæ est gravis respectu senis, vel infir-
mi, vel nobilis, est levis respectu juvenis, sani, & ignobilis. Quare si
Titius esset Rusticus, sanus, juvenis, sed pauper, qui victum laboribus
suis sibi compararet, ei imponi posset pœnitentia salutaris, ut per tres
menses quoddecim Pater, & Ave extensis brachiis quotidiana recitaret. Si
vero esset Rusticus juvenis, sanus, sed habens in bonis, ei imponendum
esset jejunium semel qualibet hebdomada, & elemosyna suo statui pro-
portionata. Si vero esset senex, & miser, ei posset injungi recitatio ter-
tiz patris Rosarii per tres menses tribus diebus cujuslibet hebdomadæ,
& sic diversimode juxta diversas circumstantias, ita ut tamen pœniten-
tia sit gravior, si delictum numquam fuit in confessione expositum; le-
vior, si jam fuit confessum. Ita cum citat. Tibur., Nevar. Gobat. de
mat. tr. 5. sect. 4. c. 37.

CAS. II. Q. secundo, quid importet secunda clausula *alia, quæ de jure*
fuerint injungenda.

Respondeo talem clausulam importare, injungendas esse alias pœnitentias
juxta naturam aliorum peccatorum in confessione expositorum, ita ut si
pœnitens detraxisset, vel furtum commisisset, ultra obligationes resti-
tutionis famæ, vel rei, esset imponenda etiam pœnitentia talibus delictis
proportionata. Ita cum mox cit. DD.

CAS. III. Petrus, velle se sequenti nocte equum vicini sui furari, narrat
Sejo amico, qui ait: *Facilius est equum furari tempore Missæ, quo etiam*
comes absunt: quo audito, Petrus tempore Missæ equum furatur. Q. an,
non restituente Petro, Sejus, ad equi restitutionem teneatur.

Respondeo teneri: Ratio est, quia sicuti, ut docet Molina, qui parato furari
post octo dies suadet furari hodie, tenetur restituere, non restituente illo,
qui rem accepit, cum sit vera causa efficax talis furti, quia fur intra
octo dies potuisset impediri, vel mutare voluntatem; ita tenetur in casu
amicus propter eandem rationem, non restituente fure, equum Domino

restituere; fuit enim causa, ut tali tempore Petrus securius furtum commiserit, a quo potuisset nocturno tempore impediri.

MENSE AUGUSTI.

CAS. I. **I**n supradicto Brevi legitur, *presentibus laniatis sub pena excommunicationis*. Q. primo, an idem esset Literas comburere.

CAS. II. Q. secundo, an sufficeret auferre sigillum.

CAS. III. Q. tertio, an satis esset illas lacerare per medium, licet adhuc commode legi possent a quocumque.

Ad I. II. & III. Respondeo affirmative. Ratio omnium est, quia finis sacræ Pœnitentiariæ talem clausulam apponentis est, ne literæ obtinere possint in foro externo; hic autem finis optime habetur omnibus modis enarrati, nam combustio ad talem effectum plus est, quam literarum laniatio; laceratio per medium illas inutiles reddit, sicuti in praxi nullius roboris est scriptura per medium divisa, licet commode legi posset: ablatio sigilli ab illis omne robur tollit, cum literæ sacræ Pœnitentiariæ, nonnisi sigillo munitæ, habeant Apostolicarum Literarum valorem; quare illas lacerando per medium, comburendo, sigillo spoliando, idem fuit quoad finem intentum, ac illas laniare; in legibus enim intelligendis non grammaticalibus verbis est adhaerendum, sed intentioni legislatoris insitendum, Ita La Croix; & alii Doctores talem clausulam explicantes.

MENSE SEPTEMBRIS.

CAS. I. **S**upradictum Breve post executionem non fuit a Confessario laniatum, vel combustum, vel laceratum per medium, vel sigillo spoliatum. Q. an subsistat dispensatio.

Respondeo cum Rosignol. loc. cit. affirmative. Ratio est, quia mens sacræ Pœnitentiariæ illas particulas, *presentibus laniatis*, apponentis, fuit unica, ne literæ suffragentur in foro externo, uti colligitur ex aliis particulis, *in foro judicio nullatenus suffragentur*, ad intercludendam viam, quæ antiquitus vigeat, ut per exhibitionem huiusmodi literarum satis probaretur dispensatio; non vero mens fuit, ut literis non laniatis nulla esset dispensatio, unde quoad sui valorem subsisterent.

CAS. II. Petrus tradidit Cajō pecora centum æstimata cum pacto, ut quandocumque illa restituerit, ad eandem æstimationem restituat, & interea eorum fructus, & lana æqualiter dividantur. Q. an licite.

Respondeo negative. Ratio est, quia etiam in contractu societatis animalium capitale stare debet periculo apponentis, nisi periculum in totum, vel in partem rejectum fuerit in alterum per novum contractum assurationis, facta gravaminis compensatione, ut omnes docent; at in casu capitale non stare periculo apponentis quia Cajus obligationem haberet restituendi pretium pecudum juxta æstimationem, quam habebant tempore traditionis, & decrementum pretii, si quod esset, non spectaret ad Petrum, unde saluum semper esset capitale; ex altera parte periculum decrementi pretii non esset rejectum in Cajum per novum contractum, facta gra-

gravaminis compensatione, quia lucrum pecudum esset æqualiter dividendum, quod præstandum esset vi simplicis contractus societatis; unde contractus fuit illicite initus. Ita cum Lugo, Ognate &c.

CAS. III. Uxor concessit Marito votum castitatis emittere, eoque emissio, illi adhuc petenti debitum concessit: modo dubitat, an fuerit Viri peccato cooperari. Q. dubii solutio.

Respondeo probabilius negative. Ratio est, quia licite uxor potest reddere debitum viro illicite petendi solum propter circumstantiam se teneantem ex parte personæ, cuiusmodi est votum in casu; nam sicuti, data tali votendi facultate, licite potest Uxor petere, ita & reddere absque cooperatione ad viri peccatum, illud solum permittendo, quia dat operam rei licitæ ex parte actus, ad quam vir adhuc habet jus, cum per votum illud non amiserit, sicuti non amisit dominium in corpus Uxoris per matrimonium acquisitum; quo iure adhuc posito ex parte viri, sequitur uxorem non esse exemptam ab obligatione reddendi, & sic in tali redditione viri peccato non esse cooperari. Quod si vir per emissionem voti de consensu uxoris intendisset illi remittere obligationem reddendi, hocque ei manifestasset, tunc certo peccaret reddendo, & esset peccato viri cooperari. Pauluc. Bonac. de Matr. quæst. 4. p. 3. num. 8.

M E N S E O C T O B R I S .

CAS. I. **L**egitur tandem in toties citato Brevi, cum ut de nullitate prioris consensus certioretur Berta, ita tamen cauto, ut Titii delictum non detegatur; tum ut inter se Titius, & Berio de novo contrahant. Q. primo, quid agendum sit, si nequeat detegi nullitas consensus, quin detegatur delictum.

Respondeo tam Portel. & Lezana, ut minimum esse necessarium, partem consciam nullitatis matrimonii rogare insciam, ut si forte consensus matrimonialis ab initio fuisset nullus, deuo consentiat, quia ex una parte non teneat Titius detegere turpitudinem suam, ut ex verbis etiam colligitur; ex alia parte, cum totus antecedens contractus fuerit nullus quoad totum actum, utpote inter personas inhabiles, necessario ad talem contractum revalidandum requiritur novus consensus legitimus ex parte utriusque, qui nunquam haberi poterit, nisi parti inscie nullitas prioris consensus aliquo modo innotescat, cum nil possit esse volitum quin præcognitum: ut minime necessarium est partem consciam rogare insciam ut supra. Quod si neque hoc minimum haberi possit, quin detegatur delictum, vivere debent, ut frater, & foror, cum nunquam haberetur consensus. Contrariam posse in praxi observari docent plures DD. au bene & coherenter litteris Sacra Pœnitentiariæ iudicent alit.

CAS. II. Q. secundo, an debeant deuo contrahere coram Parocho, & Testibus.

Respondeo negative, tum quia hoc clare constat ex illis Brevis particulis nullis super his testibus, adhibitis, tum quia, cum impedimentum supponatur occultum, matrimonium in faciem Ecclesiæ haberetur validum, licet nullum esset in foro conscientie.

CAS. III. Sacerdos, urgente necessitate celebrandi, non habens copiam Confessarii jurisdictionem habentis in reservata, quibus obnoxius est, solum actum contritionis Missæ sacrificio præmisit. Q. an peccaverit.

E 4

Ref-

40
 Respondeo, vel Sacerdos erat obnoxius tantum lethalibus reservatis, vel etiam non reservatis: si primum, affirmative, saltem speculative loquendo, eo quia ex una parte non habebat copiam confessorii, cum supponatur nullum adfuisse Confessarium privilegiatum, qui est Confessarius pro reservatis, ex alia parte non tenebatur vel venialia, vel lethalia alias confessa consieri, ut ab his directe, & a reservatis indirecte abolveretur; unde, praemisso actu contritionis, licite potuit celebrare, saltem speculative loquendo; dico speculative, quia cum in praxi non adeo facile sit contritionem elicere, practice videretur quaedam praesumptio de contritione, posito alio medio faciliiori, puta confessione venialium, ita cum Suar. disp. 23. de poenit. sect. 2. Si vero secundum dicatur, negative, quia tenebatur tunc servare divinum praecceptum a Tridentino his expressum: *Nullus sibi conscius peccati mortalis, quantumvis sibi contritus videatur, absque praemissa sacramentali confessione ad sacram Eucharistiam accedere debet*; unde tale praecceptum non servando, ut poterat, cum supponatur Confessarii simplices, illicitè se gessisset. Ita cum cit. Suar. disput. 66. sect. 4.

M E N S E N O V E M B R I S.

CAS. I. **P**etrus in ludo alearum lucrum reportat, eo quia inspicit chartas alterius ex sola illius negligentia, vel eas didicit noscere inter ludendum, licet nullo modo signaverit. Q. an teneatur lucrum restituere.

Respondeo cum Lugo, & Girib. negative. Ratio est, quia alterius chartas inspicere ex sola adversarii negligentia, & eas inter ludendum noscere, nullo habito signo, non sunt fraudes, vi quarum lucrum reportatum, vel damnum illatum quis teneatur restituere, sicuti essent arte se componere ad contrarii chartas inspiciendas, vel aliqua nota signare; sed potius indultrix vocantur communi ludantium consuetudine approbatæ, quæ ludi contractum non vitiant.

CAS. II. Juvenis annos natus duodecim, cum arborem ascendisset ad nuces furandum, & plures jam in sinu absconditas haberet, cecidit, & per casum adeo fuit sensibus destitutus, ut obierit, nullo dato doloris signo, ei tamen a Parocho, qui statim accesserat, absolutione sub conditione imperita. Q. primo, an bene se gesserit Parochus, illum absolvendo.

Respondeo affirmative, tum quia difficile est tale furtum fuisse grave, cum nuces sint res parvi momenti; tum quia, etiam supposita gravitate culpæ, non potest inferri per tale delictum juvenem illum non Christiane vixisse, quo fundamento forte rolleretur rationalis praesumptio de dolore; quia ad judicandum non Christiane quempiam vixisse, non sufficit unicus, vel duplex culpabilis actus, sed multiplices, & continuasi requiruntur, qui supponi nequeunt in juvene annorum duodecim; unde habuit Parochus fundamentum rationalis praesumptionis de dolore, vi cujus docent plures & gravissimi Doctores in hisce casibus imperitari posse absolutionem sub conditione; quare bene se gessisse Parochum dicendum est.

CAS. III. Q. secundo, an ille juvenis sit sepeliendus loco sacro.

Respondeo affirmative, tum quia, ut dictum est, non constat graviter peccasse, tum quia etiam data gravitate non constaret fuisse notorium peccatorem; tum quia, licet hoc constaret, cum fuerit sub conditione absolutus, & bene

bene; secundum probabilissimam sententiam; non posset ei denegari Ecclesiastica sepultura; hac enim ex lege synod. solum meretrices in odium criminis; & decedentes in duello privantur, quamvis ante mortem signa contritionis ostenderit.

M E N S E D E C E M B R I S.

CAS. I. **M**ulier vocat proprium Confessarium in domum suam, ex causa Confessionis disparatæ, sed Confessarius ipsa occasione eam ad turpia sollicitat. Q. an sit denunciandus vi Bullæ Gregorii XV. **Respondeo negative.** Ratio est, quia nulla clausula in Constitutione Gregoriana contenta in casu violatur, & signatur (in quo unice esse potest difficultas) aut ly *prætextu Confessionis*, quia nullum præcessit confessionis velamen, aut ly *occasione Confessionis*, quia nulla præcessit causa confessionis invitatio: ita cum Puteob. de pœnit. q. 5. art. 9. n. 24. versus finem citante Bordonum.

CAS. II. Faber lignarius ad mortem vulneratus, remittit vulneratori suo & injuriam, & damna, quæ inde familiæ sequuntur. Q. an Filii, mortuo patre, possint petere ab Uccisore damnorum compensationem. **Respondeo affirmative.** Ratio est, quia jus ad compensationem damnorum, quæ familiæ in casu sequuntur, non acquiritur occiso, nec ab ipso derivatur in filios, sed immediate acquiritur filiis, quorum ius læsum est; filii enim jus habent, ut a Patre alantur, hinc ne eis ab aliquo alimenta impediatur; unde Pater non potuit de tali jure sic iis acquisito disponere, sicque licite filii possunt ab occisore petere damnorum compensationem. Ita cum Leg. de iust. disp. 4. sect. 3. n. 63.

CAS. III. Paulus, cum posset impedire furtum, & damnum vicino suo inferendum, non impedivit, accepta pecunia, ut taceret. Q. utrum acceptam pecuniam possit retinere.

Respondeo affirmative. Ratio est, quia sicuti Paulus potuisset illam retinere ob alia onera, ita ob servandum silentium tempore, quo furtum committebatur; licet enim peccaverit tacendo, illa tamen culpabilis ommissio erat pretio æstimabilis, unde potest acceptam pecuniam retinere, nisi & ipsa esset furtiva, quia tunc clamaret ad Dominum, ita eorum.

A N N O M D C C X X X V I I.

M E N S E J A N U A R I I.

CAS. I. **S**acerdos post Missæ celebrationem ad Sacristiam reversus; certo cognoscens non vinum, sed aquam consecrasse, dubitat an teneatur per vini consecrationem defectum supplere. Q. quid dicendum. **Respondeo non teneri**, ita cum Suar. in 3. p. disp. 85. sect. 1. Gobat tom 1. tr. 3. cas. 23. sect. 4. Tamb. de Sacrif. Missæ lib. 2. cap. 8. §. 5. num. 6. Ratio est, quia, Sacerdote ad Sacristiam reverso, jam Missa omnino esset absoluta, unde nova consecratio non esset reintegratio primi Sacrificii, quia esset actio omnino moraliter distincta, quæ cum priori non conjungeretur, sicuti videretur, si defectu detecto ad Altare, tunc nova fieret vini consecratio. Neque hæc unio moralis haberetur ratione continuationis temporis,

is, ut prætendit Tannerns, ex quo immediate post ingressum in Sacramentum error detegeretur; nam moralis conjunctio actionis non habetur a tempore, sed ex iis omnibus, quæ Missam constituunt, quæ cum essent absoluta, non anirentur moraliter cum nova vini consecratione.

CAS. II. Titius non confirmatus tenuit in confirmatione Petrum filium Bertæ, cum qua, vidua facta, matrimonium inivit. Q. an valide.

Respondeo probabiliter affirmative. Ratio est, quia *per cap. in Baptif. de consecr. dist. 4.* ita non confirmatus est exclusus a Patris Confirmatione, ac Infidelis, sed hic per omnes est exclusus nedum quoad licitum, sed etiam quoad validum usum Patris, ergo & ille, unde per incapacitatem ad contrahendam cognitionem spiritualem in Confirmatione, in hac Titius tenendo filium Bertæ nullum contraxit impedimentum dirimens matrimonium contrahibile inter ipsum & Bertam, sicque hoc inito, ex hoc capite invalidum non est censendum. Ita Gloss. in disto. cap. de Baptif. Sanch. Girib. de Confirmatione contra La Croix, & plures alios non improbabiler oppositum substantiantes.

CAS. III. Parochus non habens redditus nedum a Concilio taxatos, sed nec sufficientes ad congrue se sustentandum, non applicat diebus festis Sacrificium pro populo. Q. an sit tutus in conscientia.

Respondeo negative. Ratio eruitur ex Sacre Congregationis Decretis toties repetitis, & specialiter ex illis sub die 8. Februarii 1716, & die 29. Januarii 1734. in quorum primo proposito dubio, *an non habentes congruum teneantur applicare Missam pro populo saltem diebus festis, ita ut sint cogendi in casu huiusmodi respondit affirmative*, censuitque, *danda esse decreta alias de ea re edita*: in secundo, proposito eodem dubio de Parochis Castri Romani, Porciliani, & Decimæ, qui nihil a populo recipiunt, cum id, quod habent, a Dominis Castrorum consequantur, respondit, *teneri*. Nec obstat insufficientia reddituum ad se sustentandos; nam si eunti non obstat hæc ratio, qui acceptans stipendium minus congruo pro celebratione Missarum, teneatur totas Missas celebrare, quot promisit, ut ex Decreto Sacre Congregationis tenetur, ita nec obstat, ut Petrus acceptans Ecclesiam, cujus redditus ad sustentationem non sufficiunt, non teneatur diebus festis Missam pro populo applicare, utrobique enim militat eadem ratio.

MENSE FEBRUARII.

CAS. I. Obtentum a Titio super impedimento criminis dispensatione ad validum cum Berta matrimonium ineundum, dubitatur, an pro validitate matrimonii Berta talis impedimenti conscia debeat & ipsa pro dispensatione ad sacram Pœnitentiarum recurrere.

Q. quid dicendum.

Respondeo negative. Ratio est, quia, quando in materia de contrahendo Literæ Sacre Pœnitentiariæ conceduntur uni patri, possunt etiam alteri parti impedimento conscie suffragari, cum non stet impedimentum esse sublatum quoad unam partem, & non quoad alteram, quare absque novo recurſu Berta conscia dispensationis a Viro obtentæ poterit valide cum ipso matrimonium inire; ita cum Tib. Navar. in 1. p. de disp. matrim. & meo Rosin. de matrim.

CAS. II. Patocho defertur puer vix natus, cujus parentes ignorantur, habens collo appensam chartulam, in qua legitur fuisse baptizatum, eique nomen

Pe-

63

Petri impositum. Q. an Parochus possit, & debeat talem puerum sub conditione rebaptizare.

Respondeo, Parochum teneri prius inquirere, an valeat habere noticiam illius, qui schedulam scripsit, quam si habere nequeat, potest, & tenetur Infantem sub hac conditione baptizare, si non es baptizatus etc. quia deest probatio ad moraliter certo credendum Infantem fuisse baptizatum, si vere habet noticiam scriptoris, & hic sit fide dignus, nec debet, nec potest illum sub conditione baptizare, quia sicuti dicto unius fide digni probatur collatio baptismatis, ut ex *can. pueros* 110. & *can. itaque* 112. de *confect. dist. 4.* ita per schedulam taliter qualificatam moraliter certo credendum est Infantem fuisse baptizatum; Quod si scriptor non sit fide dignus, debet ita se gerere, ac si nulla schedula haberetur; Constat hoc totum, tum ex Concilio 3. Mediol. sub S. Carolo, tum ex quo Sac. Congreg. ad dubium propositum: *Quomodo se gerere debeat Parochus S. Spiritus in Saxia, in collatione baptismis Infantibus, qui ad Archiepiscopalia deferantur, sive iidem habeant schedulam de baptismo restantem, sive non habeant, etiam si ex colora, & ceteris corporis qualitatibus deprehendatur eosdem esse constitutos in aetate sex, aut decem mensium, vel etiam unius anni cum dimidio:* respondit die 15. Januarii 1724. esse baptizandos sub conditione in omnibus casibus expressis iuxta instructionem: Instructio est, quod excipiat a baptismo sub conditione casus schedula, quae habeat certitudinem: ita legitur in Notificatione Eminentissimi nostri in primo volumine sub num. 8. contento.

CAS. III. Parochus videt Rusticos nullo impedimento detentos Missam audire ante januam, aut fenestram Ecclesiae, nec illos monet tegeri Ecclesiam ingredi. Q. an peccet non monendo.

Respondeo negative. Ratio est, quia Rustici & tali loco Missam audientes praecepto satisfacerent; licet enim non essent in Ecclesia, tamen non essent ab Ecclesia sejuncti, nec inter ipsos & Ecclesiam aliqua interruptio haberetur, ut contingeret, si inter ipsos & Ecclesiam aliquid medieret, ratione cujus sejunctionis, & interruptionis plures merito dubitant, an existens in fenestra domus sejunctae ab Ecclesia satisfacere praecepto de audienda Missa. Etenim in casu Rustici fenestrae, vel januae Ecclesiae adhaerent, quae sunt partes Ecclesiae; & quidem apertae ad audiendum, vel videndum quid Sacerdos agat in Missa, unde non esset, cur praecepto non satisfacerent; consequenter non apparet, quomodo valeat peccare Parochus illos non monendo teneri Ecclesiam ingredi, licet optimum esset si ad ingressum in Ecclesiam Rusticos consuleres: ita cum de Lugo disput. 22. num. 2. Girib. tr. 8. de observ. fest. c. 2. dub. 3. num. 24.

M E N S E M A R T I I.

CAS. I. Parochus cum apud non paucos DD. legisset, posse Confessarium Jubilaei tempore ab haeresi absolvere, anno praeterito tempore Jubilaei Titium tali crimine innodatum absolvit. Q. an in se potuisset illum absolvere.

Respondeo negative. Ratio est, quia licet antiquitus affirmativa sententia non esset probabilitate destituta, hodie est absolute improbabilis propter oppositam declarationem sub Alex. VII. die 23. Martii 1656. emanatam, quam quilibet videre poterit apud Mathaeum de off. cur. Eccl. c. 8. n. 18. Card. Petra ad Conf. Apostolic. tom. 3. p. 180. Annot. tom. 5. Juris Can. tit.

tit. 7. de hereticis num. 409. & sicuti de illa nequit dubitari, ita hodie non est controversiæ locus.

CAS. II. Parochus habens nedum congruam, sed redditus valde congruam sustentationem excedentes, solum diebus festis applicat Sacrificium pro populo. Q. an satisfaciat suæ obligationi.

Responden affirmative. Ratio desumuntur ex quo Sac. Congr. die 8. Februarii 1716. proposito dubio: *an Parochi habentes pingues redditus teneantur quotidie Missam applicare pro populo* &c. respondit negative, nihil aliud addendo, ubi per ly negative clare constat tales Parochos non teneri Missam applicare pro populo quotidie; nihil vero addendo, denotat satis esse, ut illam applicent pro populo diebus festis, ut cæteri Parochi, sicuti licet redditus sint valde pingues sufficit, ut recitent Officium Divinum, quod recitant alii habentes beneficium tenue.

CAS. III. Parochus, ad quem fuit delatus Infans ab Obstetrice domi baptizatus, illum statim sub conditione rebaptizavit, hoc motus ratione, quod de Baptismo ab Obstetrice collato semper dubitari potest. Q. an bene se gesserit, vel aliquam poenam incurrerit.

Respondeo male se gessisse, & irregularitatem incurrisse. Ratio primæ partis est, quia non licet rebaptizare sub conditione, nisi dubium suboritur vel circa collationem, vel circa validitatem Baptismi collati, quod dubium non habetur præcise, ex quo baptisma fuerit ab Obstetrice collatum, cum Obstetrices potest diligens examen approbatæ, quales esse debent in hac Diœcesi de mandato Eminentissimi Archiepiscopi, validum valeant Baptisma conferre. Ratio secundæ partis desumitur ex Carechis. Sac. Conc. Trid. p. 2. de offic. baptis. num. 57. ubi habetur: *rebaptizantem puerum sine debito examine, irregularitatis poenam contra rebaptizantes incurrere*. Debeat ergo Parochus prius indagare, an Obstetrix esset ex approbatis, & sic se abstinere a Baptismi, etiam conditionati, collatione: an vero ex non approbatis, & sic Obstetricem examinare, an quæ Ecclesia præcepit in Baptismi collatione servasset, vel non: si servasset, non debebat illum ullo modo baptizare: si non servasset, debebat absolute Infantem baptizare: si solum fuisset dubium, an illa servasset, debebat illi sub conditione Baptismum conferre.

MENSE APRILIS.

CAS. I. Rusticus, instante Quadragesimali jejuniis, dubitat, an com-
pleverit annum 21., adhibitaque diligentia, non potest certior fieri. Q. an teneatur jejunium servare.

Respondeo negative. Ratio est, quia nemo obligatur lege, nisi hæc illi sit sufficienter propoſita; secus, ut patet, est in possessione libertas; non est autem taliter propoſita, quousque post sufficientem diligentiam manet quis dubius, an lex sit illi imposita, nec ne; res ita se habent quoad legem jejunii relate ad Rusticum nostrum, ut ex terminis casus, ideoque non tenetur jejunii legem servare. Suarez t. 7. in 3. p. dist. 40. sect. 9. n. 14. & t. 3. de relig. lib. 4. de voto c. 5. n. 7.

CAS. II. Parochus putat non ex debito, sed solum ex quadam convenientia, & ad vitandam poenam duorum aureorum teneri Ecclesiam Matricem adire, ut Fontis benedictioni assistat. Q. an bene sentiat.

Respondeo negative. Ratio est, quia Parochi rurales tenentur adire Ecclesiam Matricem, ut Fontis benedictioni assistant, non præcise ad poenam pecu-

pecuniariam vitandam, aut ex quadam convenientia, sed ut pareant Sacre Congregat. Conc. ita præcipienti per suum Decretum in uno Savon. die 17. Novembris 1791. ut refert Eminentissimus Petra tom. 7. pag. 53. num. 19.

CAS. III. Parochus, quia legitime impeditus edire Ecclesiam Matricem, ut assistat Fontis benedictioni, per famulum mittit Vicario Foraneo excusationem. **Q.** an faciat satis.

Respondeo negative, cum Eminentissimus Archiepiscopus in sua Notificatione de benedictione Fontis baptif. quæ in primo volumine est p. in n. præcipiat, Parochum legitime impeditum adere Ecclesiam Matricem teneri, impedimenti causa iustificata, mittere alterum Sacerdotem, qui loco ipsius Fontis baptismalis benedictioni assistat; ex quo clare constat non satis esse per famulum mittere Vicario Foraneo impediti excusationem.

M E N S E M A I I.

CAS. I. **R**usticus Paschali tempore Eucharistiam sumpsit in Ecclesia Metropolitana, & schedulam ibi obtentam Parocho suo rurali ostendit, putans sic præcepto Pasch. satisfecisse. **Q.** an satisfecerit.

Respondeo negative. Tum quia, si ex Decreto Innoc. XI. 5. Febr. 1682. non satisfaciunt præcepto Paschalis Eucharistiam sumentes Romæ in Ecclesia S. Jo: Later. & S. Petri, ut aperte legitur apud Pignat. t. 7. consultatio 89. num. 18. ita nec qui Bononiæ illam sumunt in Ecclesia Metropolitana, nisi addit Parochi, aut Vicarii generalis, ut Eminentissimi Archiepiscopi expressa licentia, quæ nec quidem supponi potest, cum oppositum colligatur ex ejus Notificatione, quæ in primo volumine sub num. 18. habetur, tum quia, ut ait Card. de Lugo, sicuti Rustici absque speciali licentia nequeunt matrimonium contrahere coram Parocho Ecclesiæ Metropolitane, ut nec in hac paschaie præceptum adimplere.

CAS. II. Parochus ex Confessione sciens famulum suum esse furem, claudit capulas, quas prius non claudebatur, illo non utitur ad numerandas pecunias, sicut utebatur. **Q.** an violet sigillum.

Respondeo affirmative. Ratio est, quia ex vi scientiæ Confessionis efficeret, & omitteret, quod alias non esset facturus, vel ommissurus, cujus ratione confessio famulo redderetur odiosa, cum esset tacite illum exprobare, cum illius verecundia & rubore contra finem sigilli sacramentalis, qui fuit, & est, ne difficile reddendo confessionem, ab hac fideles traherentur, quod totum sane esset sigillum Confessionis violare. Lugo de potnit. Diana part. 3. tr. 4. v. 76. quicquid dicant alii apud Leand. q. 62.

CAS. III. Titius furatus est Vitulum valoris 10 illum educavit in Bovem valentem 20. postea paulatim decrevit ad 15. **Q.** secundum quem valorem teneatur restituere,

Respondeo, teneri restituere animal, si adest (ut supponitur) cum lucro restante, & damno emergente, si quod occasione furti sequutum est. Ratio est, quia Titius est possessor malæ fidei, hic autem tenetur restituere rem si exat, & damna, si quæ sequuta sunt, compensare; ergo Titius tenetur primo restituere animal furto sublatum, cujuscumque valoris sit de præsentis, detractis expensis, quas Dominus fecisset, quia augmentum; vel decrementum valoris est animali intrinsicum, quod in utilitatem, vel damnum Domini cedit, qui nunquam animalis dominum amisit; tenetur secun-

secundo damnum Domino per suttum illatum compensare, considerando valorem Bovis respectively ad tempus, quo illud vendidisset, quod unice ex circumstantiis personæ officii, vel hujusmodi colligi potest; & si his omnibus bene perpenſis res esset adhuc dubia, compensandum est damnum juxta valorem taxandum a prudentibus, & peritis in arte.

MENSE JUNII.

CAS. I. Parochus, cujus redditus pingues sunt, Missam traditam celebrandam die Dominica celebravit, dein intra hebdomadam pro populo obtulit Sacrificium. Q. an licite.

Respondeo probabiliter affirmative. Ratio est, quia sicuti Parochi habentes redditus pingues, ex dictis in responsione ad secundum casum Martii, pari passu currunt quoad applicationem Sacrificii pro populo diebus festis cum cæteris Parochis; ita pari passu currere debent quoad libertatem applicandi Sacrificium pro populo die feriali, die festo celebrando pro eo, qui eis traderet elemosynam; sed hanc libertatem habent Parochi habentes redditus tenues, ut clare constat ex responsione ad dubium propositum Sac. Congregat. die 26. Jan. 1724. quam videre non pigeat in Notificatione ad Eminentissimo nostro edita die 14. Octob. 1732. Ergo, & hoc probabiliter facere possunt Parochi habentes redditus pingues. Dico probabiliter, quia Sac. Cong. responsum est solum pro Parochis pauperibus, de quibus tantum fit mentio in dubio propositum.

CAS. II. Parochus ad valvas Ecclesiæ Puerum recentem natum videns absque ulla chartula collo appensa absolute baptizavit. Q. an bene.

Respondeo negative. Ratio est, quia non est absolute baptizandus Infans, de quo certo moraliter non constat non fuisse baptizatum, ne Sacramentum periculo frustrationis exponatur; hoc autem non constabat de Puerio in casu, eo quia licet commune sit his Infantibus expositis baptizatis testimonium habere, quo carebat infans præsens; tamen, quia sumus in locis Christianorum, haberi poterat præsumptio aliqua de Baptismo collato, ratione cujus non habebatur moralis certitudo de non collatione Baptismi, & ideo non erat absolute baptizandus; hinc Parochus taliter illum baptizando male se gessit. Videatur in confirmatione resolutionis Decretum citatum in responsione ad casum secundum Februarii.

CAS. III. Confessarius cujusdam oppidi manifestavit quibusdam amicis in tali oppido gravia peccata patrari. Q. an absque sigilli fractione.

Respondeo negative. Ratio est, quia licet dubitent aliqui, & alii magis communiter negent Confessarium frangere sigillum talia manifestando, si agatur de ampla Civitate, & Diocesi, quia sic nulli fieret injuria, nec esset periculum, ut aliquis in particulari dignosceretur; tamen cum in præſenti sermo sit de Oppido, quod, ut plurimum, non est locus valde amplus, nec multum populatus, certum est Confessarium manifestantem & tali Oppido gravia peccata patrari, frangere sigillum Sacramentale, quia facile ex tali locutione saltem suspicio contra samam particularium redundaret, quod sufficit ad sigilli fractionem: ita communiter cum Leand. de pœnit. n. 30. & 32.

MENSE JULII.

CAS. I. **P**arochus cum quadam solum suspitione legis prohibentis alienare bona Ecclesiæ, domum quamdam propria auctoritate alienavit ad Ecclesiam suam restaurandam, & ornandam. Q. an graviter peccaverit, & incidit in pœnas *Extravag. Ambitiosa &c.*

Respondeo graviter peccasse, non tamen in pœnas incidisse. Ratio est, quia posita suspitione de existentia legis prohibentis alienare bona Ecclesiæ stabilia propria auctoritate etiam ad Ecclesiam restituendam, Parochus tenebatur inquirere, num revera talis lex existeret, & obligare; ad hoc enim obligat quælibet lex eo ipso, quod de illa datur aliqua suspicio, cum per talem suspicionem erroneitas conscientie nequeat esse invincibilis excusans a peccato; unde taliter alienando supradictam domum absque prævia inquisitione, stante materia gravi, qualis est domus graviter peccat; quia tamen per dictam suspicionem haberi nequit in Parocho præsumptio, & temeritas, quæ legis notitiam supponit, ut requiritur ad incurrendas pœnas in citata *Extrav. ambitiosa* contentas, cum sint latæ contra præsumentes alienare &c. ut Bullam legenti constabit; ideo Parochus, licet graviter deliquerit, in foro tamen interno prædictas pœnas non incurrit. Suarez tom. 3. par. disp. 82. sect. 3. quoad primam casus partem, quoad secundam tom. 5. in 3. part. 4. sect. 5. num. 1.

CAS. II. Parochus, cujus Ecclesia sita est prope Archipresbyteralem, in qua Archipresbyter speciali doctrina, & sanctitate præditus omnibus diebus festis magno animarum fructu non unam, sed plures habet Conciones, non prædicat diebus festis, putans melius esse ad suarum ovium salutem, quarum numerus exiguus est, has petere ad audiendum Archipresbyterum. Q. an attenta hac circumstantia Parochus sit a peccato immunis.

Respondeo negative. Ratio sumitur ex Tridentino sess. 5. cap. 2. de reform. ubi omnibus Parochis aperte præcipit Conciones habere diebus saltem Dominicis, & festis solemnibus, tum etiam ex Constitut. Innoc. XIII. pro regimine Ecclesiarum pro regnis Hispaniarum edita, & a Bened. XIII. tamquam regula pro aliis Ordinariis confirmata, ubi adductis excusationibus, quibus Parochi Concionem non habentes culpam a se amovere nituntur, & præsertim, quia suppetit copia aliorum habentium sacras Conciones in aliis Ecclesiis, hæc habentur: *Nec itaque sub inani, aliarumque similium excusationum pretextu tanta Christiana Respublica perniciem struas, districte precipimus &c.* quare cum Parochus in casu dicto præcepto non satisfaceret, non esset a peccato immunis.

CAS. III. Parochus, quia docet publice Doctrinam Christianam, putat satisfacere suæ obligationi, licet sciat pluribus inter adstantes rudis mineræ talem publicam instructionem non sufficere ad fidei rudimenta addiscenda. Q. an bene sentiat.

Respondeo negative. Ratio est, quia posita scientia, quod pluribus adstantibus non sufficiat publica instructio ad fidei rudimenta addiscenda, per accidens tenetur Parochus illos etiam privatim edocere; Si enim ad ipsum spectat illis Sacramenta ministrare, quorum capaces esse nequeunt, si laborent ignorantia mysteriorum fidei, ut ex propositione 64. ab Innoc. XI. damnata, sequitur teneri taliter suos Parochianos instruere, ut prædictam vincant ignorantiam, & sic capaces fiant validæ, & licitæ Sacramentorum susce-

susceptionis, consequenter, si pro illis publica non sufficiat instructio, etiam illos privatim edocere.

M E N S E A U G U S T I.

CAS. I. **T**ertius pauper jam maturæ ætatis elegit in Patrimonium Confirmationis Paulum divitem, a quo ingentem speret elemosynam; at quia Paulus est vix 15. natus, obitar Parochus tali electioni, & quidem cum magna Titii trillitia. Q. an bene se gesserit Parochus.

Respondeo affirmative, quia paruit mandato Eminentiſſimi Archiepiscopi, quia in sua Notificatione edita 15. Septembris 1732. præcipit absolute in confirmationis ministerio executioni demandari, quod in Concil. Med. 5. fuit sancitum, & quantum spectat ad casum præsentem, ne juvenes senes teneant in confirmationis Sacramento, cum (en ratio Concilii) minime hoc per ætatem conveniat.

CAS. II. Parochus de Concionibus habendis parum sollicitus omittit prædicare per integrum mensem. Q. an leshaliter peccaverit.

Respondeo affirmative, quia integer mensis, & in se, & respective est materia gravis, ut aperte docet Leand. tract. 7. de Paroch. q. 15. ubi alios citat; quod sane est maxime ratione consonum, cum integer mensis relate ad quamcumque aliam materiam in praxi, ut pars notabilis, sicque ut materia gravis consideretur.

CAS. III. Rusticus sæpe maledicit dici, horæ, ventis, pluviis, & hujusmodi. Q. an peccet graviter.

Respondeo regulariter loquendo negative. Ratio est, quia regulariter Rustici non maledicunt ventis, pluviis &c. quatenus Deus illius uritur ad nos puniendum, in qua hypotesi, cum esset indignatio contra Deum, esset peccatum grave, bene vero, quia venti, pluvie &c. solent illis aliquam molestiam asferre; quæ tamen, cum non sit iusta causa maledicendi, nequeunt Rustici a veniali culpa excusari, ut excusatur Job in suis maledictionibus, quia hæ processerunt, vel ex magnis calamitatibus, vel quatenus illa, quibus maledixit, fuerunt peccandi occasio. Ita communiter cum Cajet. 2. 2. q. 13. art. 1.

M E N S E S E P T E M B R I S.

CAS. I. **M**ortuo Parocho, ejus Nepos invenit inter deposita sibi ab eo relicta, torquem aureum, sciens quidem esse vel Petri, vel Pauli, dubitans tamen an sit determinate Petri, vel Pauli; cumque de hoc nequeat certificari, petit a novo Parocho ad quem spectet torques aureus. Q. Parochi responsio.

Respondeo, Parochum teneri respondere, pretium auri torquis esse æqualiter dividendum inter Petrum, & Paulum, ita cum Azor. tom. 1. lib. 2. c. 15. §. Quinto queritur; Ratio est, quia posito æquali dubio absque motivo potius ad unam, quam ad alteram partem impellente, & absque spe certitudinem habendi ad quem determinate spectet torques aureus, æquale est jus ad illum in Petro, ac in Paulo, ut pat. unde abique læsione talis juris non potest Parochi Nepos potius Petro, quam Paulo torquem tradere, cum non sit rei Dominus, sed simplex restitutor, qui

qui juris æqualitatem tenetur servare, & sic pretium torquis inter Petrum & Paulum dividere.

CAS. II. Parochus sciens pueros, & puellas suæ Paroeciæ in Doctrina Christiana a parentibus instructi, non curat, ut Ecclesiam diebus festis accedant. Q. an sit a peccato immunis.

Respondeo, esse immunem saltem a peccato lethali. Ratio est, quia cum docere Doctrinam Christianam pueros sit præcipuum munus Parentum, & quodammodo Parochi sint ad hoc eorum supplementum deputati, sequitur Parochum scientem a Parentibus pueros, & puellas suæ Paroeciæ recte instrui in fidei rudimentis, quod est speciale intentum Ecclesiæ obligantis Patrochos ad Doctrinam Christianam pueris explanandam, esse saltem a peccato lethali immunem, ut cum communi tenet Leand. tr. 7. de Paroch. d. 2. Dico *saltem a lethali*, quia non curare, ut pueri, & puellæ, licet rite instruantur a Parentibus, ad Ecclesiam diebus festis accedant; vel ut magis in fidei rudimentis confirmantur, vel ut aliis exemplo sint, nequit in Parocho a quadam negligentia specie excusari.

CAS. III. Petrus ruri exiens non audit Sacrum diebus festis, quia per unum milliari ab Ecclesia distat. Q. an peccet graviter.

Respondeo affirmative, attenda præcise dicta distantia. Ratio est, quia unius milliarii iter, licet debeat per tedium duplicari, non solet grave incommodum asserere, ratione cujus cesset erga Petrum Ecclesiasticum præceptum urgere; ita magis communiter, quidquid dicat Marchin. de ord. cap. 17. num. 19. Dixi præcise attenda dicta distantia, quia si alix occurrant circumstantiæ, juxta illas erit judicandum, ut docet Suar. t. 3. in 3. disp. 88. sect. 6.

M E N S E O C T O B R I S.

CAS. I. Parochus per duodecim festa interrupta intra annum omittit prædicare. Q. an peccet graviter.

Respondeo affirmative. Ratio desumitur ex dictis in responsione ad secundum Casum Augusti; si enim integer mensis continuus est materia gravis, tum in se, tum respectu a fortiori, talis essent duodecim festa interrupta intra annum, ita sentit Leand. loc. cit. cum aliis, dicens Parochum peccare graviter per duos, aut tres menses discontinuos totius anni omittens suis ovibus verbum Dei prædicare.

CAS. II. Parochus putat satisfacere obligationi de Concionibus instituendis, si ante Vesperas populum doceat Catechismum. Q. an bene sentiat.

Respondeo negative. Ratio desumitur ex Tridentino; Etenim sess. 5. de reformatione c. 2. loquens de obligatione conciones habendi, ait: *Quicumque Parochiales habente Ecclesias, plebes sibi commissas pro sua, & earum capacitate pascant, annuntiando &c.* sec. vero 24. c. 4. sermonem habens de obligatione docendi Doctrinam Christianam, hæc habet: *idem Episcopi saltem Dominicis, & aliis festis diebus pueros in singulis Parochiis fidei rudimenta &c. diligenter ab eis, ad quos spectabit, doceri curabunt.* Ubi notandum est, Trib. agendo de Concionibus, dicere *plebes sibi commissas pascant annuntiando*; agendo vero de Doctr. Christi. dicere *pueros fidei rudimenta*; ex quo diverso loquendi modo clare colligitur, obligationem conciones habendi distinctam esse ab illa docendi pueros Doctrina Christianam; consequenter per hujus ad impletionem Parochum primæ non satisfacere.

F

CAS.

70
CAS. III. Titius quocumque dato verbo jurat; non advertens, aut distinguens, an juret verum, vel falsum. Q. an quoties jurat, toties graviter peccet.

Respondeo negative. Ratio est, quia taliter jurans solum materialiter jurat, & proferre solet *per Deum ita est, per Deum ita non est*, nedum sine animo jurandi, sed ne quidem sciens jurare; unde nec jurat, nec lehaliter peccat, saltem toties quoties præfata verba proferit, ita cum meo Girib. de jur. c. 1. dub. 3. n. 21. Debet tamen Confessarius toris viribus curare, ut malum poenitentis habitum radicitus evellat, aliquando ei absolutionem differendo, donec resipiscat.

M E N S E N O V E M B R I S .

CAS. I. P Arochus putat satisfacere obligationi docendi Doctrinam Christianam, si tale munus præstet per Capellanum. Q. an bene sentiat.

Respondeo negative, Ratio est, quia sicuti non satisfaceret suæ obligationi, si vel toram curam alicui Vicario committeret, quem solum habere potest in Coadjutorem, vel si prædicationes ruius anni per alios suppleret, cum id solum illi permittatur a Tridentino sess. 5. c. 2. si legitime fuerit impeditus; ita, non existente legitimo impedimento, non satisfaceret obligationi docendi Doctrinam Christianam, si tale munus continuo per Capellanum præstaret, cum ad illum, ut Pastorem, dirigantur verba Christi: *Pasce oves meas*, non ad Capellanum.

CAS. II. Paulus sponsalia contraxit cum Beria coram testibus, postmodum clam vorum simplex castitatis emisit. Q. ad quid teneatur.

Respondeo, teneri matrimonium contrahere cum Beria pro matrimonio instante. Ratio desumitur tum ex quo in c. *Veniens quæ Clerici*, vel *volentes* Pontifex dicat imponendam esse poenitentiam ob mentitam fidem foeminae, quæ post contracta sponsalia vorum castitatis emiserat, quæ poenitentia non fuisset imponenda, si per vorum castitatis sponsalia dissolverentur; tum ex quo vorum in tali circumstantia non acceptetur a Deo, cum sit in præjudicium tertriæ personæ, cum qua sponsalia fuerunt contracta; tum ex quo sponsalia jure positivo habeant quidem inhibitam conditionem, *nisi religionem eligere*, non, non vero *nisi voluerit castitatem vitam ducere*; Unde cum Beria pro matrimonio instante teneretur Paulus sponsalia complere, matrimonium de præfenti contrahendo, ita magis communiter cum meo Rosignol. de spons. 1. pænot. 4. n. 4.

CAS. III. Petrus sæpe blasphematur contra Deum, contra B. V. contra Sanctos, & in confessione hujusmodi blasphemias non distinguit. Q. an satisfaciatur integritati Confessionis.

Respondeo negative. Ratio est, quia saltem blasphemia contra Deum respective ad blasphemias contra B. V. & contra Sanctos habet annexam circumstantiam notabiliter aggravantem intra eandem speciem, hinc notabiliter variantem judicium Confessarii; quæ circumstantia cum ex alibi dictis sit in confessione aperienda, sequitur, hac non expressa, ut in casu, confessionem non fuisse integram, ut requiritur. Dico saltem habere annexam talem circumstantiam, quia non desunt DD. penes Lugum de poenit. disp. 16. n. 278. docentes differre specie nedum blasphemiam contra Deum a blasphemias contra B. V. & Sanctos; sed etiam blasphemiam contra B. V. ab illis contra Sanctos, in qua hypothefi certissimum esset Petrum integritati confessionis non satisfecisse.

MEN-

M E N S E D E C E M B R I S .

CAS. I. **C**apellanus quidam noluit Petro proximo morituro Extremam Unctionem ministrare, quia carebat Stola. Q. an bene se gesserit.

CAS. II. Alter Capellanus noluit similiter ad mortem Infirmi idem Sacramentum ministrare, quia licet haberet Stolam, carebat tamen Superpelliceo. Q. an bene se gesserit.

CAS. III. Parochus noluit Sacro Oleo Infirmum ad mortem inungere, quia carebat tota Stola, cum Superpelliceo. Q. similiter an bene se gesserit.

Respondeo probabiliter negative. Ratio est, quia vestes sacerdotales non requiruntur ad validitatem Sacramenti ministrandi a solo Sacerdote; aut ad vitandam aliquam irreverentiam erga Sacramentum; nam sicuti valida est absolutio data a Sacerdote sine talibus vestibus, licet nequeat dari nisi a Sacerdote, & nulla irreverentia irrogatur Sacramento Pœnitentiæ illud absque dictis vestibus ministrando, ita valide, & absque irreverentia ministrari potest Extrema Unctio sine Stola, & Superpelliceo. Solum ergo requiruntur vestes Sacerdotales in collatione Extremæ Unctionis ad servandum ritum Ecclesiæ, qui sane servandus est, nisi urgeat necessitas, ut in casu, in quo Infirmus ab hoc mundo esset discessurus absque hoc Sacramento, & sic absque ejus fructu in mortis articulo maxime necessario, urgente vero necessitate posset non servari, si aliter nequiret ministrari: sicuti non servatur in simili circumstantia ritus quoad lumen, & quoad preces consuetas in Rituali præscriptas. Neque ex hoc potest inferri primo ministrari posse urgente necessitate, etiam Viaticum sine Stola, & Superpelliceo; 2. posse ministrari Extremam Unctionem sine Stola, etiam nulla urgente necessitate, cum sic ministraretur pœnitentia. Non primum, quia Euch. est Sacramentum Sacramentorum, ideo specialem exigit reverentiam. Non secundum, quia quoad Extremam Unctionem adeo in usu ritus ab Ecclesia præscriptus illam ministrandi cum vestibus sacerdotalibus; qui extra necessitatem servandus est; non sic habetur pro pœnitentia præscriptio semper utendi Stola in ejus ministerio; ideo, nulla urgente necessitate, Extrema Unctio cum vestibus sacerdotalibus; urgente vero, ut in casu, etiam absque talibus Indumentis ministranda est, unde non bene se gessit Parochus in casu tale Sacramentum ob Stola, & Superpellicei defectum non ministrando: Ita cum Poss. Leand. & aliis de Extrem. Unct.

F I N I S .

CASUS CONSCIENTIÆ

BONONIENSIS DIŒCESIS PRESBYTERIS

Ad discutiendum propositi, ac resoluti, ab Anno
1738. usque ad 1740. & iterum impressi.

A N N O M D C C X X X V I I I .

M E N S E J A N U A R I I .

CAS. I.



Olet Cajus in Sacris constitutus Vesperas, & Completorium recitare, dum vestibus se exuit, ut cubitum eat. Q. an graviter peccet?

Respondeo negative. Non licet peccati gravis reus censendus sit, qui notabilem Divini Officii partem recitat distractus in illis externis rebus, quæ necessariam attentionem excludunt, ut

similia; hoc tamen dicendum non est, quando externæ res, & actiones debitam non impediunt reverentiam, & attentionem, ut est vestibus se exuere; lavare manus, & huiusmodi: Secus neque orationes recitandæ a Sacerdote, dum manus abluit, & se sacris vestibus induit, ut Missam celebret, congrue in Missali præscriberentur; neque laudabiliter fuisset statutum, ut nonnulli Religiosi viri, eo tempore, quo e lecto surgunt, & se vestibus induunt B. M. V. Officium, aliasque preces recitent, quod tamen optime sancitum fuisse dicendum est. Cum tamen Cajus noster soleat, ut inquit Casus, variare tempus a Rubricis pro debita horarum canonicarum recitationem præscriptum, sequitur ipsum a levi saltem culpa nequaquam posse excusari. Ita Snar: t. 2. de Rel. lib. 4. cap. 26. num. 2. Rosignol. de Ord. art. 31. n. 3. Gavant. in rubr. Brev. c. 5. sect. 1. tit. 6.

CAS. II. Titius Domum suam Cajo vendens, dixit: Vendo tibi Domum meam pretio mille anreorum, si nunc mihi ea solvas; vel mille & quinquaginta, si ea solvere cupis post annum. Q. an talis contractus sit licitus?

Respondeo cum distinctione. Si pretium mille & quinquaginta aureorum est intra latitudinem iusti pretii Domus, ita ut mille constituent pretium, medium, vel infimum; mille vero & quinquaginta pretium supremum, dico Titii contractum licitum esse; nam sicut posset Titius aureos illos mille & quinquaginta statim exigere, ita potest exigere illos post annum; eo præcipue quod potest venditor Domum suam vendere pretio supremo, cum sit dilata solutio; & medio tantum, vel infimo contentus, quando statim eadem solutio fiat. Si autem aurei mille supremum Domus pretium constituent, & ex eo solo titulo, quia scilicet solvi non debent, nisi post annum, Titius exigit pro pretio Domus mille, & quinquaginta, contractus

omni-

omnino illicitus est, quia idem est, ac si Titius mille mutuo daret, ut post annum quinquaginta supra sortem reciperet, in quo consistit usura, unde ab Innoc. XI. propositionem in num. 41. proscriptam habemus. Ira D. Th. 2. q. 78. art. 2. ad 7. Cirib. de Contract. c. 2. num. 79. Gobat. t. 2. n. 7. cas. 18. num. 568.

CAS. III. Paulus nuptias cum juvene Seja contracturus, vellet Patrini munus in Sororis Seje confirmatione subire. Q. an licite, & aliquod ex tali munere matrimonio cum Seja impedimentum oriatur?

Respondet Paulum non posse licite munus Patrini in Sororis Seje confirmatione subire, quia juxta praxim Ecclesiae, & ritum a Pontificali Romano praescriptum, neque Mas debet esse Patrinus Forminae, nec Formina Maris, cum hoc minime ob sexus diversitatem conveniat. Si tamen Paulus tale Patrini munus subiret, nullum ex tali munere Matrimonii cum Seja oriatur impedimentum; cum spiritualis cognatio, de qua unice dubium esse potest in casu, oriatur quidem inter Patrinum & confirmatum, huiusque Patrem & Matrem, non autem ad alios confirmati consanguineos extendatur, ut ex Trid. sess. 24. c. 2. de refor. matrim. videre est.

MENSE FEBRUARII.

CAS. I. Conjugatus ipsa die, quia petit copulam conjugalem, & quidem ob solam voluntatem, petit a Confessario facultatem accedendi ad Sacram Synaxim, ut Indulgentiam lucretur. Q. an talis accessus ratione dicti motivi sit concedendus?

Resp. affirmative. Quia quamvis opus conjugii ob solam voluntatem executum non careat omni culpa, & defectu veniali, ut constat ex damnata ab Innoc. XI. sub n. p. propositione, & pariter topola ex mera voluptate petita indicium sit animi parum ad res divinas dispositi, utpote quia ex tali actu magna soleat mentis distractio, & habetudo oriri; adhuc tamen, cum ex una parte peccatum illud veniale possit de facili expiari, animusque ipsius conjugati virtute confessionis, vel aliorum piorum actuum possit in se ipso colligi, apteque ad Sacram Synaxim disponi, & ex altera parte habeamus speciale lucranda Indulgentiae motivum, dicendum est, petitam facultatem esse Confessario concedendam. Hoc praesertim dicendum, si Indulgentia lucranda cum diei solemnitate conjuncta foret, cum talibus diebus ad Eucharistiam accedere maxime deceat. Ira Joannes Cler. de Euchar. decis. 35. num. 15. Paulus de Euch. punct. 3. num. 3. Suar. de Euch. disp. 68. sect. 2.

CAS. II. Confessarius formam sacramentalis absolutionis frequenter cum distractione voluntaria pronuntiat. Q. an graviter peccet.

Respondet cum distinctione. Vel Confessarius, qui formam sacramentalis absolutionis frequenter cum distractione voluntaria pronuntiat, advertit se aliquando in substantia formae errasse, vel nunquam se errasse cognoscit. Si primum, dico, ipsum graviter peccare, quia distractiones voluntarias tali tempore admittens, irritationis periculo Sacramentum exponit, quod sine gravi culpa contingere nequit? Si secundum, assero nullam adesse rationem, propter quam ipse Confessarius culpe levis reus censendus sit, cum purus attentionis defectus non imponet carentiam alicujus requisiti ad Sacramenti valorem, sicuti importaret defectus debita intentionis; neque gravem irroget injuriam Sacramento, quando nullum imminet substantialis er-

roris in prolatione formæ periculum. Eset itaque Confessarius noster reus culpæ venialis, quia sancta sancte tractanda sine debita reverentia exerceat, scilicet tamen super expresso periculo, ipsiutque Sacramenti contemptu, ut gravis culpæ reus damnandus non est. Ita Sporer de Sacram. part. 1. c. 2. sect. 3. num. 157. Tambut. de Sacram. l. c. 2. §. 1. num. 5. & 6. Gobat. 2. 1. tr. 7. num. 17.

CAS. III. Parochus cum occasione confessionis invenerit Cajum Doctrinæ Christianæ valde ignarum, recusat ejus matrimonio cum Berta contrahendo assistere, usque dum fiat instructus. Q. an bene se gerat.

Respondéo male se gerere. Ratio est, quia quamvis, sum juxta Synodum 5. Mediolanensem, tam juxta varia Decreta hac de re edita, sive sub Innoc. XII. anno 1697. die 1. Junii, sive sub Clem. XI. anno 1713. die 13. Sept. præcipiatur Parochus, ut explorato consensu pro sponsalibus requisito, non nisi sufficienter in fidei, ac Doctrinæ Christianæ rudimentis instructos ad Matrimonium contrahendum admittant; omnes tamen istæ leges debent semper intelligi de mysteriorum ignorantia extra confessionem detecta, salvoque semper sacramentali sigillo, ut omnibus compertum est. Cum igitur in casu nostro dicatur, Caji ignorantiam occasione confessionis a Parocho fuisse detectam, & ratione prædictæ ignorantie Cajum a Parocho ad matrimonium cum Berta contrahendum non admitti, Parochum male se gerere dicendum est; quia cum injuria Sacramenti, fractione sigilli, & penitentis gravamine utitur notitia in Confessione recepta, quod absque gravissima culpa fieri nunquam non potest. Ita cum Sanch. de Matrim. lib. 3. disp. 15. num. 19. Barbosa de Officio Paroch. cap. 21. num. 3.

MEMSE MARTII.

CAS. I. Poenitenti se accusanti de furto decem aureorum, simulque dicenti vix posse sine sui infamia Domino restituere; imponit Confessarius, ut dictam summam in Eleemolynas erogat. Q. an hoc Confessarii judicium sit approbandum?

Respondéo. Si, examinatis circumstantiis, difficultas restituendi sine infamie nota auferri potest per hoc, quod restitutio fiat per intermediam personam, vel per aliquam creditori præstitam compensationem, approbandum nullatenus erit Confessarii judicium: quia cessante amittendæ famæ periculo, urget semper restituendi præceptum obligans ad sumenda ea media, quæ ad satisfactionem creditori præstanda conducunt. Si autem vitari nequeat infamie periculum, & hoc non sit tantum ad aliquod tempus (in quo casu posset quidem debitor restitutionem differre, non autem ab illa per elargitionem eleemolynæ liberari) sed perpetuum, in tali casu cum nemo inferioris ordinis bona, ut sunt illa fortunæ, cum jactura bonorum superioris ordinis, ut sunt bona famæ, restituere teneatur, approbandum erit Confessarii judicium, obligationem restitutionis in illam eleemolynæ commutantis, cum talis etiam creditoris voluntas rationabiliter præsumatur. Ita Anaclel. tr. 9. in Decal. q. 6. n. 107. & 108. Gobat. 1. 1. tr. 7. n. 56. Nav. in Manual. c. 17. n. 57.

CAS. II. Maritus voto castitatis ligatus putat sibi licere petere debitum, ne grave uxori matrimonium reddatur, si ipse non petat. Q. an talis petitio in casu vere sit licita?

Respondéo Maritum voto castitatis obstrictum posse aliquando se ad usum conjugum.

conjugalem Uxori offerre, non quidem ut proprio appetitui morem gerat, sed gratia ipsius Uxoris, quæ fortasse etiam cum incontinentiæ periculo præ rubore non perit; in hoc enim casu petitio Mariti, ne grave reddatur Matrimonium Uxori, potius redditio est, quæ proinde per emissum votum non prohibetur. Aliter tamen dicendum est, si Uxor ipsa votendæ castitatis facultatem viro concessit, aut saltem voti a viro suo erasis conscia sit; tunc enim petere debitum ad ipsam Uxorem spectaret, cum sciret viro suo vi emissi voti veritatem esse ipsius debiti petitionem.

Ita Gobar. r. 1. tr. 10. num. 579. Sanch. de Matrim. disput. 7. num. 1.

CAS. III. Habet Titius duos filios, quorum ut unus ad Sacros Ordines promoveretur illi Castenetur, quo tota vivit familia, pro congruo patrimonio assignat. Q. an tale patrimonium ut legitimum possit admitti?

Respondetur negative per se loquendo. Ratio est, quia prædicti patrimonii designatio facta a Patre in unius filii favorem, esset in præjudicium alterius fratris, qui portione legitimæ sibi debita privaretur, & in totius familie damnum, cum in casu, quo Clericus ordinatus vellet fructus omnes ex Casteneto provenientes sibi servare, sicut posset, familia amplius, unde victum sumeret, non haberet. Cum autem legitimi patrimonii designatio sine alterius injuria, & læsione fieri debeat, talem nequaquam esse eam, quæ in casu nostro contingit, dicendum est. Dixi, per se loquendo, nam si Castenetur libere spectat. r. ad Patrem, & filius alter in perfecta constitutus ætate, una cum Patre juri suo cedens in favorem fratris, donationi portionis sue legitime consentiret, dicendum esset filium Clericum, tanquam legitimo Patrimonio provisorio posse ad Sacros Ordines promoveri. Ita Girib. de Sac. Ord. c. 4. num. 65. Marchia. de Sac. Ord. m. 2. c. 7. diffin. 3.

M E N S E A P R I L I S.

CAS. I. Sacerdos variis inquinatus impioribus, dum ad Confessarium accedit, fingit se esse Laicum, voto tamen castitatis obstrictum. Q. an valide confiteatur?

Respondetur affirmative. Ratio est, quia juxta communioris sententiam solenne castitatis votum essentialiter a simplici voto non differt, cum solemnitas addita voto speciem non mutat, sicut non mutat addita contrahui, vel juramento; licet proinde Sacerdos, qui, dum confitetur, fingit esse laicum, mentiatur, adhuc tamen, cum sufficienter exponat circumstantiam pro Sacramenti valore aspiendam, nempe voti ligamen, sequitur ejus fiduciam, atque mendacium, culpæ venialis rationem non egredi, sique nullatenus Sacramenti valori obesse. Neque obstat perfectionem a solempni voto importatam, majorem esse debere illa laici simplici castitatis voto obstricti, cum hæc major, vel minor perfectio per peccatum amissa, peccatum de una in alteram speciem non transferat, sed tantummodo plus minusve grave in eadem specie efficiat. Ita Pal. tr. 23. disput. unic. punct. 9. n. 6. Lugus de poenit. disp. 14. n. 149.

CAS. II. Rusticus quidam juvenis, qui certus est se duodecies commississe molliæ peccatum, confitetur se tale peccatum decies, aut duodecies commississe. Q. an sacrilege confiteatur?

Respondetur affirmative, nisi ignorantia eum excuset. Ratio est, quia certus de numero Peccatorum lethalium nequit talem numerum sub dubio exprimere, cum ex Trid. sess. 14. C. 5. omnia peccata non solum in specie,

cie, verum etiam sigillatim, hoc est quantum ad numerum, prout dicitur Conscientia, sint aperienda. Qui autem certus est se duodecies commisisse molliciti peccatum, & confitendo dicit se illud decies, aut duodecies commisisse, confitetur ut dicitur peccatum, quod in ejus conscientia certum est, sicque sacrilege confitetur. Hoc tamen non dicerem, si quis numero certo adderet sub dubio majorem; difficile enim est, quod tunc penitens graviter coram Deo delinquat, cum ista additio tantummodo majoris securitatis studio fieri soleat, & ex scrupulo, non ex malicia, ut in casu nostro contingit. Dixi *nisi ignorantia eum excuset*; nam sæpe rustici propter eorum simplicitatem certum etiam numerum sub expressione numeri indeterminati sine culpa exponunt, quod proinde advertere debent Confessarii, ut numerum certum inquirent. Ita Anaclet. tr. 14. disp. 8. q. 2. n. 31. La Croix L. 6. part. 2. c. 167. num. 618. Suar. disp. 22. sect. 5. num. 38.

CAS. III. Concionator ipsa die, qua publice loquitur contra lethale peccatum, lethali peccato obnoxius reperitur. Q. an concionando scilicet in tali statu novum peccatum committat?

Respondeo per se loquendo nullum peccatum saltem grave committere. Ratio est, tum quia nullum habetur præceptum divinum, aut humanum obligans sub lethali concionatores, ne verbum Dei in statu peccati lethalis populo exponant; tum quia actus concionandi non assumitur ut immediatum sanctificationis nostræ instrumentum, sicuti assumitur confessio Sacramentorum, ideoque non videtur tanta irreverentia actum illum in lethali exercere, ut qui sic illum exercet damnandus sit culpe lethalis. Dixi *per se loquendo*, nam per accidens fieri potest, ut, si vel prædicti concionatoris peccatum publicum sit, vel ideo nihil ducat in statu peccati concionem suam habere, quia Verbum Dei, ejusque fructum contemnat, ipse concionator ratione scandalii, vel contemptus, gravem injuriam Scripturæ, & Evangelio inferat, sicque novæ culpe lethalis reus fiat; & in hoc casu intelligi potest Angel. in comment. supra illa verba Psal. 49. *Peccatori autem dixit Deus &c.* ita Suar. tom. 3. in 3. parte disp. 16. sect. 3.

M E N S E M A I I.

CAS. I. Sacerdos Missam celebrare solet sine Crucifixo sub oculosposito; parva Cruce in Tabernaculi Ostiolo depicta contentos, Q. an absque culpa?

Respondeo non vacare culpa saltem Veniali. Ratio est, quia juxta Missæ Rubricas, quas per se violare absque culpa saltem levi non possumus, Crux tempore Missæ inter Altaris candelabra collocanda præscribitur his verbis: *Super Altare collocetur Crux in medio, & Candelabra saltem duo* part. 1. tit. 20. num. 1., & hoc ad representandum Altare Crucis, in quo Christus se ipsum obtulit Patri; clarum autem est Crucem a Rubricis præscriptam non illa esse, quæ in Tabernaculi Ostiolo depicta videtur; Eo vel maxime, quod, sive ex Episcop. Cæremon. L. 24 c. 12. sive ex ipsa praxi, & consuetudine Ecclesiæ edocemur, Crucem in Altaris ornatu pro Missa interviuentem cum Crucifixo esse debere, quod cum nullatenus de Cruce in Ostiolo Tabernaculi depicta verificetur, sequitur Sacerdotem hac parva depicta Cruce tempore Missæ contentum, a levi saltem culpa non esse immunem. Ita cum Gav. part. 1. in rub. missal. tit. 20. de Lugo disp. 20. de Euch. sect. 2. n. 79.

CAS.

CAS. II. Capellanus a Parocho reprehenditur, quia in Missa post Calicis sumpcionem solet aqua loco vini Calicem purificare. Q. an detur in casu reprehensionis motivum?

Respondeo affirmative: Nam Innoc. III. in cap. ex parte de celebr. Miss. inquit: *Respondemus, quod semper Sacerdos vino purificare debeat postquam totum acceptavit Eucharistia Sacramentum.* Item S. Pius V. in ep. ad Epil. Tarracon. die 8. Januarii 1571. assignavit quantitatem vini pro purificatione Calicis adhibendam Denique Rubrica Missalis part. 2. tit. 20. n. 5. præscribit, quod Sacerdos ministro vinum fundente se purificet, deinde vino, & aqua digitos super Calicem abluar. Cum autem ex his clare appareat Capellanum non sine culpa posse aqua loco vini Calicem purificare, iure merito a Parocho reprehendi dicendum est. Ita cum Azor. p. 1. l. 12. c. 29. q. 7. Tamb. de sacrif. Missæ l. 4. c. 9. num. 3. Pasqu. q. 209. n. 2. Gav. in rubr. Miss. par. 2. tit. 10. n. 5.

CAS. III. Parochus Capellanum habens valde eruditum, & pium, onera Parochi sustinentem, orationi tantum, propriæque quieti indulget. Q. an ita se gerens in conscientia sit tutus?

Resp. negative; Sicuti enim Parochus non est in conscientia tutus, quando legitime non impeditur munus prædicandi Verbum Dei per Capellanum exercet, cum hoc nisi in casu legitimi impedimenti ipsi Parocho non permittatur, ut ex Trid. sess. 3. c. 2. videre est; multo minus erit in conscientia tutus, quando generatim onera ipsi incumbunt, nullum habens legitimum impedimentum, Capellano exercenda relinquit. Neque refert Capellanum esse valde eruditum, & pium, magisque ipsum Parochum orationi, sua quiete indulgere; nam ad Parochum ut animarum Pastorem, non ad Capellanum, qui tantum adiutor est, loquitur Christus, dum dicit: *Pasce Oves meas*; ex quibus Verbis inferatur, Parochum orationi tantum, & quieti incumbentem in conscientia tutum non esse, cum, ut suo muneri satisfaciat, labori, & orationi, prout opus est, incumbere debeat.

M E N S E J U N I I.

CAS. I. Diaconus, absente Parocho, ex præsumpta ipsius licentia, Puerum in Ecclesia Parochiali solemniter baptizavit. Q. an peccaverit, & aliquam poenam incurrerit?

Respondeo affirmative quoad utramque partem. Ratio primæ est, quia licet Diaconus ex sibi commissis per Parochum facultate baptismum solemniter conferre possit, cum ad hoc sit Ordinatus, ut in Sacramentorum ministerio Sacerdoti inserviat; adhuc tamen si, prædicta commissione non existente, solemniter baptizat, cum sibi jurisdictionis actum usurpet, ad quem non est ordinatus, gravi culpa non vacat. Ratio secundæ partis desumitur ex dispositione legis in cap. 1. *Clerico non ordinato ministrante*, in quo habetur, quod si quis baptizaverit non ordinatus, irregularitatis poenam incurrat. Censeo tamen, quod si prædicta Diaconi præsumpta facultas non in simplici futuro consensu, vel ratificatione Parochi fundaretur, sed in talibus signis, quæ ipsius Parochi consensum præsentem manifestarent, ut coningeret, si Parochus jam alias significasset talem solemnem Baptismi administrationem per Diaconum sibi gratam fore, tunc Diaconus sic baptizans ab omni culpa, & poena remaneret immunis. Ita cum Salmat. in cursu morali c. 4. num. 20. Suar. de bapt. disp. 31. sect. 4. Girib. de bapt. c. 3. num. 8.

CAS.

CAS. II. Sacerdos ante celebrationem recordatur unius lethalis in ultima confessione obliti, & propter instantem necessitatem abque nova confessione celebrat. Q. an teneatur confiteri quamprimum?

Respondeo affirmative. Ratio est, quia de Sacerdote nostro vericator casus Concilii Trid. sess. 23. c. 7. nempe quod, instante necessitate, Missam celebrat abque illius peccati confessione, quam si posset, præmittere ex divino præcepto ante eandem Missam deberet, Ecclesiasticum enim præceptum confitendi quamprimum post Missam extenditur ad omnem casum, in quo dicta confessio ex divino præcepto ante Missam præmitti deberet, & propter urgentem necessitatem præmitti nequaquam potest. Cum autem certum sit, quod, quando ante Missam recordamur alicujus gravi peccati in ultima confessione obliti, tenemur prius; quam ad Altare accedamus, ipsum peccatum, licet inditeste absolutum clavibus subicere, ut de eodem d. recte absolvamur; hinc est, quod urgente celebrandi necessitate abque prædicti peccati prævia confessione, quamprimum post Missam ad eandem confessionem tenemur. Ita Card. de Lugo disp. 14. sect. 7. n. 151. Girib. de Euch. c. 9. n. 38.

CAS. III. Medicus vocatus ad visitandum infirmum gravi morbo laborantem, nullo facto verbo cum ipso infirmo, ut per contritæ Sacramentum animæ suæ consulat, de hoc tantum ipsos infirmi parentes monet. Q. an sit a culpa immunus?

Respondeo. Vel Medicus præse monet infirmi parentes, nec aliam sollicitudinem habet, ut certus fiat, an infirmus animæ suæ jam consuluerit, vel certo credit ejus monitum preventurum ad aures infirmi, ita ut paratus sit per se ipsum clare loqui ad infirmum, si ejus parentes pastare hoc negligerent. Si primum; dico, ipsum Medicum a gravi culpa non excusari, cum scis non obediat Decretis sive Concilii Later. sub Innoc. III. cap. infirmis de prenit. & remiss. sive Sancti Pii V. in Bulla, quæ incipit *super gregem*, per quam sub gravissimis pœnis præcipitur, ut omnes Medici, cum ad infirmos in lecto jacentes vocati fuerint; ipsos ante omnia moneant, ut idoneo Confessori confiteantur, neque tertio die ulterius eos visitent, nisi eis contineant, quod infirmi peccata sua confessi fuerint, quamque Bullam ipsi Medici, dum ad Doctoralem Lauream promoven-
tur, se observaturos jurant. Si vero dicatur secundum, dico ipsum Medicum esse ab omni culpa immunem ex illa regula: *Qui per alium facit, per se ipsum facere videtur*. Ita Card. de Lugo de Sacram. pœnit. disp. 15. sect. 3. n. 38. Dian. t. 2. tr. 3. resol. 193. n. 3. Homob. deflan. p. 2. cap. 8.

MENSE JULII.

CAS. I. Vir nobilis podagra detentus in Domo sua rurali non curat, sicuti potest, ad Sacrum diebus festis audientium, ut in privato ipsius Domus Oratorio celebretur. Q. an possit a peccato excusari?

Respondeo affirmative. Ratio est, quia Ecclesia præceptum tantummodo obligat Fideles ad audiendam Missam in Ecclesia, vel alio publico loco ad cultum publicum Deo deferendum electo; unde licet possit vir nobilis uti privilegio audiendi Missam in privato domus suæ Oratorio, ventilius tamen est, quod non teneatur, præsertim si stipendiarium quærens sacerdotem oporteat; quia nemo uti suo privilegio cogendus est, secus quod in alicujus favorem conceditur, in ejus onus converteretur. Hac ratione, licet.

licet possit quis vespere precedenti recitare Matrimonium dici sequentis, ad hoc non tenetur, etiam si pro die crastina impedimentum praevideat, Ita cum Diana part. 9. tr. 1. resol. 19. Homb. de cas. confc. vol. 1. respons. 41. Gobat. l. 1. tr. 3. num. 255.

CAS. II. Titius tempore Sacri de praecepto audiendi deliberato animo impuras fovet cogitationes. Q. an praecepto satisfaciatur, & tempore circumstantia sit in confessione aperienda?

Respondes quantum ad primum. Titium praecepto audiendi sacrum non satisfacere, si tempus, quo deliberato animo impuras fovet cogitationes, sit tempus notabile; cum etiam pura distractio voluntaria cogitatione indifferentes, si sit diuturna, attentionem illam auferat, quae una cum actu externo audiendi Sacrum praecipitur in cap. *Dolentes de celeb. Missae*; si vero in dictis cogitationibus deliberate fovendis tempus modicum infirmatur, erit quidem adhuc grave peccatum in specie luxuriae, sed cum leve sit in ordine ad praeceptum Sacri devotum audiendi, eidem praecepto satisfacere dicendum est. Quantum ad secundum dico, circumstantiam hanc temporis non esse necessario in confessione aperiendam; licet enim maiorem quandam deformitatem cum recta ratione importent deliberatae turpes cogitationes habitae Missae tempore, utpote specialiter ad cultum Dei dicato, & ratione huius circumstantiae aliquam etiam contra religionem malitiam contrahunt, adhuc tamen haec nova malitia necessario in Confessione aperienda non est, cum venialis terminus non excedat, nisi directe temporis ipsius Sacri contemptu procedat. Ita Suar. t. 1. de relig. l. 2. c. 28. n. 16. Cassian. n. S. Elia V. circumstantia n. 106.

CAS. III. Capellanus ruralis vocatus die festo a nobili femina ad celebrandum in privato Oratorio, sciens ibi tali die jam aliud Sacrum esse peractum, ire refusat. Q. an bene se gerat?

Respondes Capellanum bene se gerere. Ratio est, quia in Oratorio privato unica dumtaxat Missa in die celebrare licitum est juxta Pontificiae concessionis tenorem; & proinde si quis scienter Missam alteram celebraret, vel ad celebrandum induceret, gravi peccato obnoxius fieret, quia praedictum Oratorium respectu secundae, & tertiae Missae est locus omnino ineptus, utpote pro eisdem nullatenus approbatus. Et hoc valet, etiam si nobilis femina primam Missam in die festo non audivisset, neque e domo egredi ad aliam audiendam posset, nam cum absolute unica tantum Missa in Oratorio privatis permessa sit, ut constat etiam ex declaratione Clement. XI. sub die 15. Decemb. 1703. ipsa necessitas audiendi Missam in die festo non est motivum sufficiens, ut Missa altera celebraretur. Ita Girib. de Sacrif. Missae c. 8. §. 6. n. 29.

MENSE AUGUSTI.

CAS. I. Vidua quaedam Puerum bimulum solet secum ducere tempore Missae, cum non habeat, qui illum domicustodiat; sed iste modo sicens, modo cadens, modo clamans. & Matrem, & alios perturbat. Q. an praestet, ut Mater in casu Sacrum etiam in die festo omittat?

Respondes praestare, ut ipsa Mater in casu Sacrum etiam in die festo omittat. Tum quia reverentia debita loco sacro & Sacrificio, quodque in eo offertur postulat, ut puer domi remaneat, quando sine debita quiete, & decencia nequit in Ecclesia custodiri: Tum quia Sacri auditio non est

est necessario procuranda, quando notabilis aliqua perturbatio sive propria, sive aliena intervenit. Cum igitur ex terminis expositi casus, bimulo modo fiente, modo cadente, modo clamante, reverentia Ecclesię, & Sacrificio debita non fervetur, & magna perturbatio sive matrem, sive alios cruciet, dicendum est, pręstare, ut Mater, si non habet, qui bimulum domi custodiat, eum suo bimulo domi remaneat, & Sacrum etiam in die festo omittat. Ita Gobar. §. 1. tr. 5. cas. 14. n. 318.

CAS. II. Dubitat Famula, an satisfecerit pręcepto audiendi Sacrum, cum fere totum Sacri tempus in confessione peccatorum facienda insumpserit. Q. a Parocho dubii solutio.

Respondeo famulam pręcepto audiendi Sacrum nequaquam satisfecisse. Ratio est, quia licet; dum quis confiteatur pręsens sit corpore, & possit esse simul mente habendo eodem tempore mentionem audiendi Sacrum; adhuc tamen, cum Ecclesia ex una parte attentam Missę auditionem per modum orationis pręcipiat, & ex altera qui in enarrandis peccatis; & audiendis opportunis Confessariis consiliis tempus insumit, vere dici nequeat, quod Missam attente audiat, eidemque Missę per modum orationis assistat, famulam in casu nostro nequaquam pręcepto de audiendo Sacro satisfecisse dicendum est; & ita ad propositi dubii solutionem debet Parochus respondere cum Rosig. de Missa audienda art. 18. n. 9. Lugo disp. 22. sect. 2. n. 23. Girib. de observ. Fest. t. 8. s. 2. n. 34.

CAS. III. Parochus ruralis nova sacra Indumenta deferat ad Superiorem Conveniunt S. Francisci non multum a Parocchia sua distantis, ut ab illius benedictione donentur. Q. an bene se gerat?

Respondeo negative. Tum quia regularis Superior nullo jure potest sacra Indumenta ad ipsum aliunde delata benedictione donare, ut constat ex Decreto Alex. VII. sub die 27. Septemb. 1659. in quo sub §. 18. de Pręlatis Regularibus, habentur hæc Verba: *Ecclesiasticum suppellectilem pro servitiis dumtaxat suarum Ecclesiarum, vel Monasterium benedicant*: Tum quia iuxta scriptum Sacre Rituum Congregationis sub die 17. Januarii 1733. ad instantiam Eminentissimi Archiepiscopi nostri Prosperi Lambertini emanatum, ut ex ejusdem Notific. 20. volum. 1. apparet, pro dicta Indumentorum factorum benedictione in hac Diocesi delegati remanent Vicarii Foranei, sicque si Parochus noster aliqua indiger benedictione, ad propriam Vicarium, non ad S. Francisci Conventus Superiorem nova sacra Indumenta deferre debet, ut bene se gerat.

MENSE SEPTEMBRIS.

CAS. I. Numerum certum peccatorum ignorans confiteatur Titius se vices, aut circiter perjurasse, inde post Confessionem liquido deprehendit se perjurasse trices. Q. an hunc excessum teneatur in nova Confessione aperire.

Respondeo teneri. Licet enim ex communi doctrina non sit de novo exponendum unum, aut aliud peccatum, quod certo dignoscatur post confessionem, si, pręmissis sufficienti examine, incertus peccatorum numerus cum illa particula, *circiter*, expositus fuit, quia per additionem dictę particule etiam illę major numerus videtur sufficienter expressus: si tamen post Confessionem mentis occurrat numerus peccatorum notabiliter excedens numerum incertum in Confessione expressum, oportet eum iterum manifestare quia

quia dici nequit; quod per additionem illius particulæ *circa*, sufficienter expostus fuerit. Immo addendum hunc excessum in numero peccatorum, qui post Confessionem in memoriam cadit, non obscure indicare contigisse defectum etiam mediocri diligentia in discussione conscientia, sicque integrum præteritam Confessionem utpote invalidam repetendam fore. Ita cum Gobat. t. 1. num. 420. Lugo disp. 16. num. 79. Giribald. de peccat. tract. 7. cap. 7. num. 17.

CAS. II. Cum quodam die festo in Ecclesia rurali non reperiatur, nec aliunde pro tunc possit haberi, hostia consueta pro Sacrificio, dubitat Sacerdos, an sit minus malum Missam relinquere, vel cum parva formula celebrare. Q. quid in casu agendum?

Respondeo Sacerdotem debere cum parva formula celebrare. Ratio est, quia licet, nulla urgente rationabili causa, non sit recedendum a consuetudine, quæ juxta Card. Bona L. I. rerum liturg. cap. 19. Sæculo XI. inclinante introducta fuit, celebrandi cum hostia consueta; adhuc tamen, quando urget rationabilis causa, ut est ita audiendi Sacrum in die festo, potest sine hesitatione a consuetudine prædicta recedi, quia nec ullum adeit Ecclesiæ præceptum hoc vetans, nec ipsa introducta consuetudo in omni eventu ad eam servandam nos obligat, cum æqualiter in hostia majore, & minore sacrificium perficiatur. Quod si ex usu minoris formulæ aliqua populi Missam audituri admiratio prævideatur, idem populus de casu præmonendus erit, & sic omnis offensio, & admiratio cessabit. Ita cum Tamburin. de Sacrific. Missæ L. 2. cap. 8. §. 8. num. 16. Pasqual. de Sacrific. Missæ quest. 211. num. 2. Gobat. t. 1. tract. 3. num. 46.

CAS. III. Interdictus ab ingressu Ecclesiæ propter violationem præcepti Communionis Paschalis Missam frequenter audit in Oratorio privato. Q. an sine peccato, & violatione interdicti hoc fieri possit.

Respondeo affirmative. Ratio est, quia peculiare interdictum, quo puniuntur qui præcepto Communionis Paschalis, quamvis pluries admoniti, obedire detrectant, privat quidem omni participatione divinorum in Ecclesia; ita ut sic interdictis nec celebrare, nec dare, aut recipere Sacramenta, nec aliquod ministerium sacrum exercere, nec Missam, aut aliquod Officium divinum audire in ea possit sine gravi peccato, & violatione interdicti; extra Ecclesiam tamen ea omnia, quæ licita erant ante hanc censuram, licita remanent etiam post ipsam. Hinc cum nomine Ecclesiæ, in odiosa præsertim, non veniat Oratorium privatum juxta regulas 15. & 26. juris in 6. potest sic interdictus absque ulla culpa, & interdicti violatione Missam in Oratorio privato audire; sicut Sacramenta Pœnitentiæ, Eucharistiæ, & hujusmodi, si dispositus sit, sumere potest. Ita cum Suar. de censur. disp. 35. sect. 4.

MENSE OCTOBRI.

CAS. I. Villitus antequam triticum in area dividatur, exigit, ut tota tritici massa cribretur expensis, communibus, Domini scilicet agrorum, & Conductoris; quod tamen ægre fert ipse Conductor. Q. an Conductor possit sibi pro damno, si quod patitur, in bonis Domini compensare?

Respondeo cum distinctione. Vel agrorum Conductor consensum præbet, ut expensis communibus cribretur triticum, antequam in area dividatur, licet intra se aliquo modo hoc ægre ferat; Vel ostendendo se invitum, veluti

luti coacte, & propter metum majoris damni ad tales expensas concurrat. Si primum, dico locum non esse compensationi, etiam si ipse Conductor damnum aliquod experiatur, quia ipsi virore consentienti nulla injuria facta est. Si secundum, dico Conductorem licite posse sibi pro damno, si quod necessario ex tali facto patiatur, in bonis Domini compensare, quia iniuste in rebus suis laeso, debitis servatis conditionibus, competit compensatio. Dixi, si quod damnum necessario ex tali facto patiatur; benigne per usum ordinariæ industriæ posset adhuc fieri indemnus, non necessario ex Villæ facto, sed propriæ industriæ defectu damnum pateretur, sicque ad res Domini pro compensatione confugere licitum ipsi non foret. Ita etiam quoad substantiam Doctores communiter.

CAS. II. Plaustrum vini, cujus pretium currens erat quadraginta librarum, Petrus emit a Paulo pretio librarum triginta quinque, eo quod per duos menses traditionem ipsius vini expectare deberet. Q. an ille contractus in conscientia sit tutus.

Respondeo. Ut licitum sit merces minoris emere, quam actu valeant, debet Emptor aliquem justum titulum sic minoris emendi habere, ut contingit, dum ex anticipata solutione sequitur lucrum cessans, damnum emergens, periculum non habendi rem emptam, vel non habendi sinceram, vel quod tempore tradendæ mercis pretium futurum sit illud idem, quod ante tale tempus persolvitur; nullo enim ex his, aut similibus titulis interveniente, injustitia, & palliata usa committitur; cum ex quo quis præcise per aliquod tempus sua pecunia privetur, non recepta merce. lucrum in solutione minoris pretii exigit, quod licite fieri nequaquam potest, factumque restitutionis obnoxium est. Cum autem non alia causa assignetur, propter quam Petrus emit a Paulo pretio trigintaquinque librarum plaustrum vini, cujus pretium currens erat quadraginta librarum, nisi quia per duos menses ipsius vini traditionem debet expectare, ut ex terminis casus videre est, patet talem contractum in conscientia tutum non esse. Ita communiter cum Girib. de contract. 3. cap. 2. n. 85.

CAS. III. Ruralis Parochus prohibuit, ne in publico Orator intra fines suæ Parochiæ sito Missa celebreretur diebus festis ante Parochialem, quod egre ferunt plurimi ex Parochianis. Q. an iusta sit Parochi prohibitio.

Respondeo. Cum Sacra Congregatio plures decreverit, ordinarium sancire posse, ne diebus festis Missa in Oratoriis publicis celebreretur ante Parochialem, ut refert Illustrissimus, ac Reverendissimus Braschi in suo promptuario Synodi c. 107. n. 23. & 24. si Parochi prohibitio innixa est Episcopali decreto, aut alicui Synodali constitutioni, dicendum est, iustam esse Parochi prohibitionem, cum ad eundem spectet curare, ut in ejus Parochiæ Superiorum decreta, & Parochialia jura in suo vigore permaneant. Si autem Parochi prohibitio præcise ab ipso promaneat, dicendum est, eandem prohibitionem nullo jure subsistere, cum eandem Sacra Congregatio censuerit, Parochum ex semetipso facere non posse prædictam prohibitionem, ut patet ex Decretis 28. Januar. 1640. & 27. Junii 1741. apparet. Hinc cum Eminentissimus Archiepiscopus noster expresse mandaverit 2. Augusti 1735. ut in publicis Oratoriis ruralibus ultra milliarem a Parochiali Ecclesia non distantibus Missa ante Parochialem non celebreretur; in aliis vero ultra milliarem distantibus etiam ante Parochialem valeat celebrari, dicendum est, quod in hac Diocesi juxta Oratorii qualitatem Parochi prohibitio iusta, vel injusta censenda est.

MENSE NOVEMBRIS.

CAS. I. Titius ruralis Sacerdos, cum quadam die non invenisset, qui ejus Missæ interserviret, relicta Missa, seipsum devotionis causa propriis manibus Sacra Synaxi refecit.

Q. an laudanda sit talis devotio?

Respondeo per se loquendo laudari non posse. Ratio est, quia licet hic usus reficiendi propriis manibus Sacra Synaxi, qui antiquitus in Ecclesia viguit, ut ex innumeris Ecclesiasticæ historiæ monumentis apparet, nulla scripta lege prohibitus sit, adhuc tamen, cum multis ab hinc sæculis, talis usus in Ecclesia cessaverit, & opposita vigeat consuetudo, quam infringere per se loquendo non licet, dicendum est, devotionem Sacerdotis nostri seipsum devotionis causa Sacra Synaxi reficientis nequaquam posse per se loquendo laudari. Dixi per se loquendo; nam si dies occurrat vel magnæ Indulgentiæ, vel Sancti alicujus, quem maxime talis Sacerdos soleat venerari, ex his, vel alio simili gravi motivo Sacerdotem nostrum in casu, quo omnis alius desit Sacerdos, a quo Sacram sumat Eucharistiam, eandem posse e sacro Vase sumptam sibi laudabiliter propria manu porrigere dicendum est. Evitari tamen debet in casu proximi admiratio: quod de facili fieri potest vel per hoc, quod prædicta Eucharistiæ receptio fiat a Sacerdote januis Ecclesiæ clausis, ita ut alius nemo si præsens; vel per hoc, quod si qui sint adstantes, eos Sacerdos moneat, ne admirationis occasione sumant, si quod casus ei licitum est, ipsum facere intueantur. Ita cum Suar. t. 3. in 3. p. disp. 72. f. 3. Homob. de exam. Eccles. p. 1. tr. 4. c. 11. Girib. de Euchar. c. 6. n. 7.

CAS. II. Monita sæpe sæpius Cajia lactans, ne in lecto teneat Infantem sine debita cautione, non emendatur, & quadam mane Infantem in lecto mortuum invenit. **Q.** an possit a simplici Confessario absolvi.

Respondeo affirmative. Ratio est, quia licet Caja Infantem ante completum annum in lecto retinens sine debita cautione ipsum exposuerit suffocationis periculo, quod ex natura sub grande periculum est, & sub excommunicationis ferendæ censura l. 2. cap. 4. in Diocesana Synodo veritum, & ulterius rea sit suffocationis secuti, cum ipsam suffocationem, utpote sæpius admonita, prævidere deberet, & præcavere; adhuc tamen, cum ex terminis casus habeamus, ipsam Cajam quidem mane Infantem in lecto mortuum invenisse, non autem ipsum Infantem data opera, & præmeditato malo animo occidisse, nequit dici casum huic sub reservationem venire homicidii voluntarii, studiosque patrati, de quo unice dubitare possemus, & consequenter ipsam Cajam a quocumque simplici Confessario absolvi posse dicendum est. Quod si attente, ut par est, adverterent plures simplices Confessarii, non ita facile cogerent poenitentes mulieres ad subeundum plurimum aliquando milliariorum iter, ut ad Penitentiario pro absolutione obtinenda accedant. Ita cum Homob. de cas. reserv. part. 2. cap. 3. except. 13. Girib. de poenit. c. 15. n. 65.

CAS. III. Parochus sciens Titium, qui ad Parochialem Ecclesiam confugit, verum esse proditoris occasionis; eum petentibus laicalis curiæ ministris, nullo facto verbo concedit. **Q.** an stante certa scientiam proditoris bene se gerat.

Respondeo negat. Quia licet reus proditoris occasionis Ecclesiastica immunitate non gaudeat, ut constat tum ex jure communi in cap. 1. de homicidio, tum ex Bulla Greg. XIV. juxta illud Exod. Si quis per industriam occi-

occideret proximum suum, & per insidias, ab Altari meo evelles eum, ut moriatur; Extractio tamen a loco immuni fieri nequit nisi auctoritate Judicis ordinarii Ecclesiastici, & interventu personæ ab eodem Judice deputatæ, ut in Congregationibus sub Clem. IV. & Bened. XIII. sancitum est: Si igitur Parochus Titium, qui ad Parochialem Ecclesiam confugerat, laicalis curiæ ministris, nullo facto verbo, concessit, etiam stante certa scientia circa parricidii occasionem, male se gessit, ut ex discretissima Instructione, quam de hac re edidit Eminentissimus Archiepiscopus noster sub die 25. April. 1735. satis fuse apparet.

MENSE DECEMBRIS.

CAS. I. **C**ajus emit a Titio Domum ea conditione, ut, quandocumque voluerit, ipse Cajus possit pretium, quod dedit, repetere, & restituere. Domum. Q. an ille contractus sit validus.

Respondeo affirmative. Ratio est, quia nullo jure prohibitum est, ne pactum in emptione ponatur, quod in Venditoris gravamen, & Emptoris favorem veritatur, si gravamen Venditori impositum majori pretio compensetur. Tale enim pactum nullam usuram continet, cum in casu non interveniat purum mutuum, sed vera emptio, ut clare colligi potest ex eo, quod si Domus pereat, perit Emptori; & si ille nolit retro vendere Domum, nequit repetere pretium; qua de re dici nequit, Cajum dedisse mutuo pretium Titio cum facultate illud recuperandi pro libito, acceptis interim supra sortem fructibus, cum isti vere ipsi Cajo tanquam Domino Domus debiti sint. Ita cum Rosignol. de contract. prænot. 4. contr. 2. n. 1. & seq. Azor. part. 3. instit. mor. l. 8. c. 12.

CAS. II. Petrus uxoratus patrat adulterium, inde, mortua Uxore, petit ad Sacros Ordines promoveri.

Q. an tali promotioni aliquid obstat impedimentum?

Respondeo negative. Ratio est, quia dici nequit Petrum in casu Bigamiam esse bigamia interpretativa, & fictione juris, de qua dubitari unice posset; cum neque ducatur duxisse in matrimonium viduam, seu corruptam, neque secundum matrimonium, etiam si invalidum, contraxisse. Cum itaque mulier, quam, durante matrimonio, Petrus ex adulterio cognovit, non fuerit ab ipso cognita affectu maritali saltem apparenti, & externe tali, dicendum est nullam incurrisse irregularitatem, per quam, soluto matrimonio, a suscipiendis ordinibus arceatur, cum ita irregularitas pro simplici uxorati adulterio expressa in jure non habeatur, ut in cap. nuper, & cap. debitum de bigam. perspicuum est. Ita cum Silvest. V. Bigamia n. 1. Cassian. a S. Elia V. Bigamia n. 17.

CAS. III. Duo Parochi valde vicini, quorum subditi in parvo numero sunt, frequenter, nulla facultate petita, ab eorum Parceciis per aliquot dies absentes sunt; modo uno, modo altero absentis vices supplente. Q. an sine culpa hoc fieri possit.

Respondeo negative. Nam frequenter a Parcecia abesse est contra Parochorum statum, qui Residentiæ obligationem importat, ut ex Trid. & contra expressam Superiorum mentem, qui proinde variis pœnis absentes sine debita facultate perstringunt. Si igitur absentia ultra triduum esse non debet, licentia in hac Diocesi a Vicario Foraneo, & pro ipso a Parocho Seniore in scriptis obtenta esse debet: si ultra triduum; ab Ordinario, vel ejus Vicario Generali, ut Eminentiss. Archiepiscopus noster in Instructione a se

85
se edita sub die 6. Martii 1733. aperte præcipit, ac disponit, cum neque parvus numerus subditorum neque supplementum Parochi vicini, si-
ve alterius substituti sine obtenta in scriptis debita facultate a residentia
exercent, vel reddant absentes a culpa, & poenis immunes, ut ex plu-
rius datis Sacre Congreg. Decretis insuper laudata Eminentiſſimi noſtri
Inſtructione videre eſt.

ANNO MDCCXXXIX.

MENSE JANUARI.

CAS. I. **O**bfetrix partui aſſiſtens, videns Infantem vix natum morte
periclitari, digito in aqua luſtrali madefacto eum in fronte
ſignat, dum Baptiſmi formam proferit. *Q. an neceſſe ſit prædictum ba-*
ptiſma ſub conditione iterari.

Reſpondeo affirmative. Quocumque enim modo conferatur Baptiſma ex tri-
bus, quibus valide conſerri poteſt, tanta ſemper aquæ copia requiritur,
quantumvis prava, ut de ipſa certo verificetur, quod ſupra corporis par-
tem, quam tangit, aliquo modo decurrat, & fluat, cum ſine hoc fluxu
ablutio per baptiſmi formam ſignificata nequaquam poſſit haberi. Cum
autem per digitum in aqua luſtrali madefectum, quia Obſetrix Inſan-
tis frontem ſignat, non habeatur certo ea aquæ quantitas, quæ ad di-
ctum fluxum deſideratur, eo quod tale ſignum in minima etiam guttula
perfici queat; hic ne Inſans dubio remanenti Sacramenti valore ſummi
irreparabilis damni periculo exponatur, iterum ſub conditione baptizandus
eſt. Ita cum Suar. de bapt. diſp. 20. ſect. 2. Rotar. p. 3. appat. 3. 4.
num. 10. Ron. tr. 2. c. 2. num. 11.

CAS. II. Berta, quæ voto ſimplici caſtitaſis ligata matrimonium cum Ti-
tizio contraxit, ſcit Titium maritum ſuum adulterium paſſaſſe. *Q. an po-*
terente Marito teneatur a reddendo debito abſtinere.

Reſpondeo teneri, donec Titii Mariti delictum condonet. Ratio eſt, quia
non remiſſo per Uxorem Mariti delicto ipſe Maritus privatur jure peten-
di, cui tantum in Uxore reddendi debitum correſpondet; hoc autem po-
ſito, tali eſt Bertæ conditio, ut votum caſtitaſis a ſe emiſſum integre
ſervare valeat, proinde & teneatur, eo modo, quod ſimili voto adſtri-
ctus non poteſt reddere debitum intra biſtre ad deliberandum de me-
liori ſtatu eligendo a jure conſeſſum, quia tali tempore Conjuges debi-
tum reddere non tenentur. Dixi. Donec Mariti delictum condonet; quia
ex quo Uxor voto caſtitaſis ligata ſit, non per hoc privatur jure con-
donandi delictum Mariti, quæ proinde condonatione ſecuta, in iſto jus
petendi, in illam reddendi debitum reviviſcet. Ita cum Gitiſ. de matrim.
c. 19. num. 85. San. L. 9. d. 6. num. 14. & 15.

CAS. III. Clericus ſponte docens pueros Communitaſis elementa Gramma-
ticaſ quærit a Parocho, an ſub poena peccati eos ſimul fidei rudimentaſ
imbuere teneatur.

Q. Parocho reſponſum.

Reſpondeo Parochum debere reſpondere affirmative. Ratio colligitur; cum
ex Leonis X. conſtit. 7. anno 1514. emanata, in qua §. 32. abſque
ulla

„ ulla distinctione leguntur hæc, Statuimus, ordinamus, ut Magistri Scho-
 „ larum, & Præceptores pueros suos, sive adolescentes nedom in Gram-
 „ tica, ac cæteris hujusmodi instruere debeant, verum etiam docere tene-
 „ antur ea, quæ ad religionem pertinent, ut sunt, præcepta divina, arti-
 „ culi fidei &c.; Tum quia Sacra Concilii Congregatio huic dubio ad in-
 „ stantiam Archiepiscopi Spalatensis proposu-: „ an scilicet Episcopus co-
 „ gere possit Ludimagistros sive clericos, sive laicos a nemine conductos,
 „ ut pueros suos Doctrinam Christianam edoceant: die 17. Julii 1688. ex-
 „ presse respondit: „ Prius hortando, deinde præcipiendo cogere posse;
 „ Tum denique, quia hoc id clare præcipiunt, & Clem. XI. in suo Edi-
 „ cto 13. Septemb. 1713., & Eminentissimus Archiepiscopus noster in sua
 „ Instruktion 14. Octob. 1732. hac de re editis, per quæ omnia nonnisi
 „ affirmativum esse posse Parochi nostri responsum dicendum est.

M E N S E F E B R U A R I I.

CAS. I. **C**ajus impuber matrimonium, quod de præsentî contraxit cum
 Helena, hac post aliquot dies e vivis erepta, vellet cum Ti-
 tia ipsius Helenæ sorore inire. **Q.** an aliquod obstat impedimentum.

Respondeo affirmative; licet enim Matrimonium impuberum, malitiam non
 supplet ætatem; a jure irritum declaratum, eo quod præsumatur defe-
 ctus, judicii, atque consensus requisiti ad sic contrahendum; adhuc tamen
 tale matrimonium ex c. unic. de despons. impub. in sponsalia resolvitur,
 quia ius præsumit impuberes velle se obligare eo modo, quo possunt, &
 proinde, si nequeunt se obligare ex adducta ratione vinculo matrimonii,
 præsumit velle se obligare vinculo sponsaliorum nisi ex mente ipsorum
 contrahentium expresse constet oppositum. Hinc, cum ex sponsalibus va-
 lidis publicæ honestatis oriatur impedimentum, quod in primo gradu di-
 rimit matrimonium, dicendum est Cajum nequaquam posse matrimonium
 cum Titia Helenæ sorore inire. Ita cum Bon. de matr. q. 2. punct. 9.
 n. 51. Girib. e. 32. La Croix L. 6. p. 3. n. 52.

CAS. II. Franciscus Paterfamilias, cum ob temporalia negotia dissidium
 aliquod habeat cum proprio Parocho puerum ei recentem natum alteri Pa-
 rocho baptizandum deferat. **Q.** quid sit de Francisco, & alieno Parocho
 baptizante sentiendum.

Respondeo sentiendum esse Parochum, & Franciscum se male gessisse. Ra-
 tio est, quia licet Baptismus conferre non sit actus jurisdictioni, respec-
 tu illius, qui suscipere debet Baptismum, cum ante hujus susceptionem
 nemo Ecclesię subijciatur, est tamen actus habentis jurisdictionem circa
 fideles, quibus ille aggregandus est, qui Baptismum ipsum proxime est
 suscepturus. Hinc, cum talis sit ordo prædictæ jurisdictionis, ut quilibet
 Parochus tantummodo in populum sibi commissum eam valeat exercere,
 ut ex cap. placuit, cap. nullus, aliisque pluribus compertum est, sequitur
 Parochum nostrum se male gessisse, & quidem graviter, puerum bap-
 tizando, quis pars est populi spectantis ad alterius Parochi jurisdictionem.
 Ita pro Parocho sentiendum est, nisi aliter ex consuetudine, & usu
 permittum sit, vel nisi ignorantia eundem excuset. Licet autem hæc
 ignorantia facilius excusare possit Franciscum, eo quod Parochorum
 jura scire non teneatur, adhuc ab omni culpa non est censendus im-
 munis, cum agendo, ut in casu, specie quadam vindictæ, & injuriæ
 in

in proprium Parochum agere videatur . Ita cum Rotar. de bapt. cap. 4. num. 35. La Croix L. 6. p. 1. num. 274. Barbosa. de offic. , & potest. Parochi p. 2. num. 18. num. 7.

CAS. III. Capellanus recenter electus in ruralem Parochum, gaudet, quod ex immemorabili consuetudine in ejus parocchia non fuerit a Decessoribus Parochis instituta conciones, quia, cum sit rudis minervæ, putat sic excusari, si eas non habeat . Q. an vere a culpa conciones non habendo excusetur.

Respondeo negative . Ratio est, quia ex una parte Concil. Trid. diff. 5. c. 2. de refor. divinum exponens mandatum aperie omnibus animarum curam habentibus præcipit, ut diebus saltem Dominicis, & festis solemnibus commissas sibi plebes profua, & earum capacitate pascant salutaribus verbis : Cum autem ex alia parte non solum idem Concilium post supradicta damnet quamcumque consuetudinem, quæ decreti a se expositi executionem valeat impedire, sed insuper Innoc. XIII., & Bened. item XIII. summi Pontifices in datis super hoc negotio Bullis districte præcipiant, ut non obstante prætextu oppositæ immemorabilis consuetudinis, quam pravam vocant, adhuc supradictum Concilii decretum de salutaribus Verbis statutis diebus ad populum per Parochos habendis inviolabiliter observetur, nihil est, per quod Parochus vossit a culpa, & quidem gravi, valeat excusari.

M E N S E M A R T I I.

CAS. I. **M**ulier proprium infantem lactans, alternim lucri causa lactandum recepit, qui defectis pro duobus lactentibus non sufficientis viribus paulatim destitutus moritur . Q. an dicta Mulier graviter peccaverit, & ad aliquam receptæ pecuniæ restitutionem teneatur.

Respondeo cum distinctione . Vel dicta Mulier advertit se sufficientem pro duobus lactentibus lactis copiam non habere, proindeque ex ipso lactis defectu provenire virium destitutionem in puero, quem lucri causa lactandum suscepit; vel nullo modo prædicta advertit . Si hoc secundum dicatur, & simul dicta Mulier, quam debuit, diligentiam adhibuit in prædicti pueri cura; nec peccati alicujus rea, nec juxta regulas possessoris bonæ fidei alicui restitutioni obnoxia, censenda est . Si autem nutrimenti defectum; & ex hoc gravens pueri languorem prævidit, vel, ut contingere etiam solet, debitam diligentiam in eodem puero nutriendo, & curando omisit; tunc & ipsam Mulierem veluti homicidii ream graviter peccasse, & ne lucrum ex violata justitia reportet, ad instar malæ fidei possessoris ad restitutionem receptæ pecuniæ, non quidem integre, sed juxta prudentum judicium taxandæ, teneri, dicendum est. Ita communiter.

CAS. II. Parochus judicans nullum dari irreverentiæ periculum Parochiano amentis ad extremum vitæ deducta Viaticum Sacrosanctum præbet . Q. an bene se gerat.

Respondeo cum distinctione . Si Parochianus a nativitate amens est, nec aliqui unquam de admirabili Eucharistiæ Sacramento cognovir, male se gessit Parochus, quia perpetuo amentis, sive in vitæ decursu, sive in mortis articulo, etiam si nullum timeatur irreverentiæ periculum, ex laudabili Ecclesiæ consuetudine sacrosancta Eucharistia porrigenda non est; cuius ratio esse potest, quia ex una parte perpetuo timentibus cuivis par-

rulis hoc Sacramentum ad salutem necessarium non est, & ex alia, cujus distinguere nefciat communem cibum a Sacro, nequeunt huic reverentiam aliquam, ut valde conveniens est, ex interna fide, ac devotione exhibere. Si autem Parochianus tantum post rationis usum incidit in amentiam, aut lucidis aliquando gaudet intervallis, quibus & excellentiam Sacramenti dignoscere, & aliqua animi dispositione ad idem recipiendum se valeat præparare, tunc nisi aperte constet ipsum incidisse in amentiam lethali irretitum peccato, neque unquam hoc retractasse, eidem Sacrosanctum Viaticum porrigendo Parochum nostrum bene se gerere dicendum est, quia, si dum fuit, vel est aliquando mentis suæ compos, apparuit, vel apparet in ipso Parochiano erga hoc Sacramentum devotio; summo hoc bono privandus non est, posito semper, quod ex circumstantiis amentię, vel ex consuetis experimentis prudenter credatur nullum pari irreverentię periculum, ut in hypothesei nostri casus exponitur. Ita cum D. Tho. 3. p. q. 80. art. 9. Roneag. de Sacr. tr. 4. c. 7. num. 4. Girib. de Euch. tr. 4. c. 8. n. 10. & 11. alique commen.

CAS. III. Ut venationi ceteroquin licitę possit ruralis Sacerdos summo mane incumbere, solet Missam celebrare hora ante Auroram. Q. an graviter peccet.

Respondeo affirmative. Ratio desumitur sive a decima quinta Missalis Romani rubrica præscribente, ut tempus celebrandi Missas privatas ab Aurora incipiat, & ad meridiem terminum sumat, sive ex Ecclesię consuetudine præsertim in Italica regione nostra ubique recepta, quas generalis rubricę, & legitimę consuetudinis regulas sine peculiari privilegio, vel urgenti motivo, infringere nemini unquam licere compertum est. Quamvis autem non ita strictim sumendum sit Aurorę initium, & Meridiei, ut nequeat etiam Missa tertia, horę parte ante Auroram, incipi, & post meridiem terminari, quemadmodum Summi Pontifices Benedict. XIII. & Clem. XII. feliciter regnans in eorum Edictis hac de re editis explicaverunt, tanta nunquam erit licitę venationis honestas, ut Sacerdotem nostrum hora ante Auroram proprio arbitrio celebrantem a gravi culpa excuset. Ita communiter Auctores de Sacrificiis tempore agentes cum D. Thom. in 4. dist. 13. q. 1. art. 2.

M E N S E A P R I L I S.

CAS. I. **P**arochus non vult in Paschate Parochianum suum ad Communionem admittere, quia de injuria clam sibi illata veniam non petiit.

Q. an sit de justitia laudandus.

Respondeo negative. Vel enim Parochus Parochianum, a quo clam injuriam accepit, a Sacra Synaxi publice rejicit, & sic graviter famam parochiani sui lædit, ad quam salvandam occultis peccatoribus publice penitentibus Sacram Communionem denegandam non esse Theologi docent: Vel occulte eidem Parochiano prohibet, ne ad altare accedat, priusquam de injuria sibi illata veniam petierit; & pariter, eum sic agendo parorali abutatur jurisdictione, & loco dimittendis ex corde injurias, ut boni pastoris, est, de eisdem potius vindictam sumere videatur, nequam potest de justitia laudari. Denique, ratione temporis paschalis quo.

quo non accedentes ad Sacram Synaxim; ab ingressu Ecclesiæ publice interdicuntur, parochiano prædicto, & publicæ famæ dispendium, & gravia alia damna imminerent, quod utpote semper privatæ injuriæ reatum excedens, justum nunquam esse dicendum est. Ita cum Tambur. cap. 6. de communione §. 2. num. 10. Maderno quæst. 5. art. 9. num. 3. Girib. de sacram. cap. 6. num. 21.

CAS. II. Vidua pauper eodem in lecto dormit cum filio suo adulto, eo quod modum parandi alium lectum non habeat. Q. an hoc possit in casu licite fieri.

Respondeo. Si talis cubandi modus aliquam præbet matri, aut filio proximam peccandi occasionem, ex qua proinde frequentes lapsus sequantur, certum est separationem quocumque modo esse faciendam, eum omni præcepto prædictam peccandi occasionem etiam vitæ nostræ dispendio, quando alia remedia utilia non sunt, fugere teneamur. Si vero ex dicto cubandi modo nulla sequitur offensio Dei, vel nonnisi valde raro hoc accidat, eo quod tam mater, quam filius conscientie bonæ præsidio muniantur, & spiritualia adhibeant remedia, quibus tentationem vires solent extenuari; tunc urgente expositæ necessitatis motivo licite fieri posse, quod alias illicitum foret, dicendum est: nam ad fugiendam remoram peccandi occasionem, qualis in hypothesi esset nostra, grave subire incommodum, quale esset ex. gr. supra nudam humum, vel tabulam cubare, nulla sive Divina, sive Ecclesiastica lege obstringimur. Ita cum Giribald. de Pœnit. cap. 10. num. 30. La Croix de peccat. l. 5. num. 259. & seq.

CAS. III. Rusticus Juvenis tempore Bacchanaliorum cum aliis suæ ætatis, & conditionis viris, ac sœminis solet interesse Choreis, in quibus frequentes patitur motus pravi. Q. an possit absolvi, si nolit a tali chorearum ludo abstinere.

Respondeo affirmative stando terminis expositi casus. Licet enim choreæ, ut fieri solent, res sint plenæ periculis; adhuc tamen, cum ex natura sua sint res indifferentes, & possit quis servato Dei timore easdem absque culpa interesse, præsertim quando temporis circumstantia, urbanitas, & honesta societas aliquo modo id postulant; dicendum est rusticum nostrum absolvi posse, etiam si nolit a tali chorearum ludo abstinere. Neque refert juvenem istum in prædictis choreis motus pravi frequentes pati, quia cum motus isti præambula quidem sint & incitamenta ad peccandum, non autem sint peccata, quando motus ipsos non quærat, nec iidem consensum præbeat, ita ut morosa delectatione, turpi desiderio, vel opere peccet, quod casus noster non dicit, absolute indigne censendus non est. Ita cum La Croix l. 5. de peccat. num. 264. & l. 3. de præcept. Decal. num. 887. §. 9. aliisque communiter.

M E N S E M A I I.

CAS. I. **T**imens Parochus, in infirmus, quem Oleo sacro inungit, ante peractas omnes unctiones decedat, inungit Capellano præfenti, ut inferiores sensus ungat, dum ipse superiores inungit. Q. an Sacramentum dicto modo valide, aut licite conferatur.

Respondeo affirmative quo ad utramque partem. Ratio prima est, quia Sacramentum extremæ unctionis ex pluribus unctionibus, verborumque

formis partialibus coalescit, ita ut quolibet unctio cum sua particulari verborum forma in ordine ad producendum suum effectum integram, & ab alia unctioe, formaque independentem habeat significationem, sicque valide potest tum successive, tum simul a pluribus Ministris confici. Ratio secundæ est, quia posito Sacramenti valore periculum ipsum, ne infirmus ante peractas omnes unctiones decedat, licitum reddit, ut eodem tempore, quo unus Minister superiores sensus inungit, alter, qui præsens est, inferiores inungat, quamvis hoc extra necessitatis casum, utpote contra ritum, & praxim Ecclesiæ fieri absque gravi culpa non possit. Ita cum Girib. cap. unic. n. 42. Dian. part. 5. tract. 3. resol. 83. Barbol. de Offic. Paroch. cap. 22. n. 8.

CAS. II. Confessarius ignorans ignorantia crassa quemdam casum esse reservatum in Bulla Cœnæ, ab eo pœnitentem absolvit. Q. an prædicta absolutio sit valida.

Respondeo negative. Ratio desumitur ex Trident. sess. 14. cap. 7. dicente, persuasum semper in Ecclesia Dei fuisse, & verissimum esse, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem. Cum autem Confessarius noster, ut pro certo bono nullam habeat jurisdictionem in pontificio casus Bullæ Cœnæ, dato quod pœnitens ex prævia noticia censuræ illis annexæ in aliquem illorum inciderit, etiam si bona fide peccatum suum confessus sit, invalide est absolutus, nisi alia simul non reservata confessus sit, quibus directe absoluitur a reservato simul indirecte absolutus evadat. Neque ignorantia Confessarii aliquid prodest, ipsa enim utpote crassa reum quidem gravis negligentiae in addiscendis rebus ad proprium munus spectantibus Confessarium declarat, nullatenus vero pœnitentem juvat, cum nulla ignorantia etiam invincibilis præbeat Confessario jurisdictionem, ut pœnitenti beneficium absolutionis per se valide impendat. Ita communiter cum La Croix lib. 6. part. 1. n. 1548.

CAS. III. Titius electus in ruralem Parochum tribus jam transactis annis sui Parochialis Beneficii possessione percipit ejus parentes ipso infcio variis muneribus plura vota pro ejus electione a Parochianis obtinuisse. Q. Quomodo sic electus sibi consulere debeat.

Respondeo. Quamvis quolibet electio simoniaca ipso jura irrita sit, nisi vel sic electus expresse contradixit, vel ipso infcio ab alio in ejus odium peracta fuerit, ut ex cap. nobis fuit 27. & cap. sicut tuis litteris 33. de simonia aperte colligitur, ac proinde teneatur quilibet beneficium dimittere statim ac percipit se fuisse simoniace electum, etiam si ipso infcio alii in ejus favorem hos egerint; adhuc tamen cum Titius noster per triennium parochiale beneficium, ad quod mediis muneribus fuit electus, bona fide possederit, potest sibi consulere per regulam triennalis possessionis, & in ista sibi favente quiescere, nisi sponte velit pro majore animi sui quiete eidem beneficio renunciare. Ita cum Gomez de trien. possess. quest. 12. Ugolin. tab. 4. cap. 6. §. 9. Suar. L. 4. de simon. cap. 57. num. 39. Giribald. de simon. tract. 6. dub. 3. Anacl. tit. 3. de simon. num. 278.

CAS. I. **B**erta Vidua sæpe sæpius desiderat Maritum vivum non propter opus conjugii, sed propter sustentationem familiæ; at excitationis ex hoc aliquando venereis motibus, in iisdem turpiter delectatur. Q. an teneatur sub gravi peccato dicta Mariti desideria vitare.

R. respondeo negative. Ratio est, quia quamvis desiderium Berte inutile sit nullumque ex eo sibi, vel familiæ expectare possit emolumentum; tamen per se malum non est, cum ad sustentationem familiæ ordinetur, non vero ad excitandos in Berta venereos motus, cum illi, ut inquit casus, aliquando tantum contingant. Qua de re, cum per accidens sit, quod prædicti motus, in quibus Berta turpiter delectatur ex desiderio Mariti sæpe sæpius repetito excitentur, optimum quidem erit, ut Berta a diælis inutilibus desideriis absteineat, non tamen sub gravi culpa abstinere tenebitur. Eo modo quo si quis in ludo cæteroquin licite, cui sæpe sæpius dat operam, non nisi aliquando graviter irascatur, reus gravisculpæ censendus non est, licet nolit a tali ludo abstinere. Et ratio protutroque casu est, quia res esset nimis ardua, & cui imbecillitas nostra impar foret, si omne id, quod nos aliquando ad peccatum inducit, sub gravi culpa sugere teneremur. Ita cum de Lugo de Pœnit. sect. 10. n. 150. La Croix L. 6. dub. 3. num. 152. & seq. Girib. de Pœnit. c. 10. dub. 1. num. 8.

CAS. II. Dum in die festo pergit Parochus ad Altare Missam celebratus toto populo spectante monetur quemdam Parochianum duobus milliaris distantem morte periclitari. Q. quid agere debeat, si Confessarius alter desit.

R. teneri differe, aut omittere Missam. Ratio est, quia ex una parte præceptum Confessionis in articulo mortis fortius est, quam illud audiendi Missam in die festo, & ex alia parte nullum imminet damnum non audienti sacrum in die festo, quod hoc absque ejusdem culpa contingat. Maximum autem damnum imminere potest illi, qui morti proximus ob defectum opportuni Ministri non constituitur. Ad vitandam interea populi admirationem, illum de casu negantis necessitatis Parochus admonet ut vel alibi adeat Missam audiendam, si commode hoc fieri possit, vel ibi expectet, si forte tempus super sit post præstitum periclitanti subsidium, vel denique sciat se nullatenus peccare, si missæ auditionem ob defectum Sacerdotis celebraturi omittat. Et ita agere debet Parochus noster, si Confessarius alter desit, qui parochiano extreme indigenti valeat subvenire. Ita cum La Croix L. 6. part. 2. n. 223. alisque communiter.

CAS. III. Juvenis Famula volens nubere accedit ad Parochum, sub quo Patruj sui domicilium reperitur, altero relicto, sub quo habet domicilium fraternum, quia, priusquam alteri serviret, in Patruj Domo, non vero in illa Fratris vitam ducere consuevit. Q. an Patruj Parochus sit prædicti Matrimonii assistens idoneus.

R. affirmative. Quamvis enim per se loquendo in concursu duorum Parochorum, sub quorum uno Fratris, sub altero Patruj habeat domicilium juvenis famula nubere volens, primus, non secundus sit ejus Matrimonii assistens idoneus, hoc tamen non valet in casu, quo ante famulatum eadem juvenis fraternum jam reliquerit domicilium, illudque Patruj pro sua habitatione elegerit, ad quod proinde excluso illo fratris

animum revertendi retinet, quotiescumque famularum relinquit, nam cum in hoc casu fraternaliter domicilium de materiali se habeat, nullatenus ad prædictum Matrimonium celebrandi effectum debet considerari. Quæ de re dicendum in casu nostro juvenem famulam ad idoneum Matrimonium sui assistentem Parochum accessisse. Ita cum Pignat. t. 5. consult. 79. n. 3. Barbosa de Offic. Paroch. part. 2. c. 21. n. 34. & seq.

M E N S E J U L I I.

CAS. I. Joannes ex secta Calviniana factus Catholicus dubitat, an valeat baptismus, quem in aqua naturali a Ministro Calvinista sub hac forma recepit: Ego te baptizo in nomine Patris, & Filii, & Spiritus sancti secundum auctoritatem, quam tribuit mihi Calvinus. Q. an Catholico Ministro dubii solutio.

R. Cum Ecclesia Catholica semper ut validum approbaverit; & nunc quoque approbet baptismum ab hæreticis Ministris collatum quando reventis debita materia, & forma non deficiat intentio saltem generalis faciendi quod facit Ecclesia, ut ex Trident. sess. 7. can. 4. compertum est, valere baptismum, quod Joannes in casu nostro a Ministro Calvinista recepit, erit præsentis dubii solutio. Neque obstant verba addita formæ, illa etenim juxta naturalem sensum, quem habent, non videntur addita ad inducendam substantialem formæ necessariæ variationem, sed præcise ad significandam potestatem, quam Minister ex errore particulari a Calvino descendente se putat habere; quod Sacramenti valori nullatenus obest, nisi per eadem verba expresse intendit Minister non aliter Sacramentum conficere, quam per prædictam Calvinianam virtutem, in quo casu nihil efficere. Ita cum D. Thom. 3. p. qu. 64. art. 9. Lug. disp. 8. sect. 3. n. 1. Modern. de Sacram. q. 1. artic. 11. n. 15. Tambur. lib. 1. c. 2. §. 1. n. 7. & 8.

CAS. II. Accusans se poenitens de furto gravi, licet pluries interrogatus, non vult exponere Confessario quantitatem integram rei furatæ, ex quo inabsolutus remittitur. Q. quis damnandus, poenitens ne, an Confessarius.

R. esse damnandum utrumque, sed magis per se loquendo secundum. Ratio pro primo est, quia cum non solum probabilis, sed tutior & magis pia sit opinio, quæ docet poenitentem ad exprimendas in confessione circumstantias notabiliter in eadem specie aggravanter teneri, male se gerit poenitens, qui obstinato animo integram rei furatæ quantitatem exponere, licet pluries a Confessario interrogatus recusat. Ratio pro secundo est, quia sententia asserens prædictas circumstantias non esse necessario in Confessione aperiendas, est pariter vere probabilis, utpote innixa sive Trid. Sess. 14. c. 5. imponenti dumtaxat onus exprimendi una cum numero peccatorum circumstantias, quæ speciem peccati mutant, & asserenti nihil aliud in Ecclesia a poenitentibus exigi; sive auctoritati gravissimorum Doctorum, qui cum Angelico Præceptore sententiam eandem docent. Cum autem ex alia parte teneatur sub gravi Confessarius sequi sententiam vere probabilem poenitentis, aut Theologi communiter tradunt, dicendum est Confessarium magis per se loquendo esse damnandum, qui eundem poenitentem nolentem exponere quantitatem integram rei furatæ, licet alias bene dispositum, inabsolutum dimisit. Dixi, per se loquendo, quia si certæ quantitati rei furatæ annexa

nexa sit censura, vel reservatio, Confessarium nullo modo esse damnandum dicendum est. Ita cum Gob. t. 1. tr. 6. n. 380. Bossi p. 1. mor. tit. 1. §. 23. num. 225. Lug. de poenit. disp. 16. num. 107. & seq.

CAS. III. Cujusdam oppidi Parochus conquestus est, quia die Sabbati Sancti in Ecclesia Regularium in eodem oppido commorantium pulsantur campanæ ante sonitum Ecclesiæ Parochialis. Q. an jure possit, de hoc facto conqueri.

Respondeo affirmative. Ratio asserti colligitur tum ex verbis Bullæ 22. Leonis X. §. 14. præcipientis, ut Clerici tam Sæculares quam Regulares die Sabbati majoris hebdomadæ, antequam Campana Cathedralis, vel Matricis Ecclesiæ pulsaverit, Campanam in Ecclesiis suis pulsare minime possint, tum ex Decretis Sacrarum Congregationum, sive Rituum 6. Febr. 1608. sive Concilii 15. Mart. 1727. & Nostræ Diocesanæ Synodi l. 1. cap. 5. in omnes tam Sæcularium, quam Regularium Ecclesias eandem, ut supra, confirmantibus ordinationem. Licet autem in supradictis dispositionibus fiat sermo de Cathedrali, vel Ecclesia Matrice, adhuc tamen Parochus Noster, cui jura, decusque Ecclesiæ suæ tueri incumbit, jure merito de facto in casu exposito conquestus est, cum eadem ratio enim de Parochiali habenda sit; quando in Oppido, vel rurali loco alia dignior Ecclesia, cui jus Matricis conveniat, non reperitur, quam reperiri in casu nostro non constat. Ita cum Card. de Luca de præmin. disc. 42. num. 14. Ursaja inst. crim. l. 1. tit. 10. num. 195. Gavant. p. 4. tit. 10. rub. 31.

M E N S E A U G U S T I.

CAS. I. CUM quadam die intra octavam Paschæ Petrus e sua rurali parœcia ad Civitatem se contulisset, audiens in Cathedrali Ecclesia Episcopi Missam, de ejus manu cum aliis pluribus sumpsit Eucharistiam. Q. an adhuc præcepto Communionis in propria parœcia sumendæ teneatur.

Respondeo affirmative, cum enim distincta sint, ac separata omnium parœciarum confinia, dicendum est subditum alienæ parœciæ Sacram Eucharistiam in Cathedrali sumentem Communionis paschalis præcepto in cap. omnis utriusque sexus injuncto non satisfacere, præsertim post declarationes hac in re factas tum a Sacra Concilii Cong. Menſe Sept. 1649. tum sub Innoc. XI. 5. Feb. 1681. qui eadem ratione determinavit supradicto præcepto non satisfacere eum, qui in Ecclesiis Patriarchalibus Urbis Vaticana, aut Lateranensi ad Sacram Synaxim accederet. Neque aliquid refert Petrum Sacram Eucharistiam de Episcopi manu sumpsisse, nisi enim hoc faciat ex expressa ipsius Episcopi, vel proprii Parochi facultate, numquam per Communionem prædictam paschali præcepto satisfaciet, & proinde ad Communionem iterum in propria rurali parœcia sumendam tenebitur. Ita cum Card. de Lugo l. 1. resp. mor. dub. 15. num. 3. Pignatellus tom. 7. consult. 89. num. 18. Giribaldus de Euchar. cap. 8. num. 28.

CAS. II. Clericus ex quo docendo puero elementa Grammatices, & Arithmeticæ libras bis centum, & ultra 7uotannis lucretur, petit a Parocho, an hoc titulo possit ad Sacros Ordines promoveri. Q. Parochi responſum.

Respondeo. Quamvis librarum bis centum annum lucrum, quod recipit Clericus elementa Grammatices, & Arithmeticæ pueros docens, sufficiens for.

autasse sit ad congruam ejusdem Clerici sustentationem, adhuc tamen tale lucrum nec beneficium est, nec patrimonium in bonis stabilibus positum, quale ex mente Sacre Congregationis Concilii Tridentini interpretis pro valido collationis Ordinum titulo idem Tridentinum sess. 21. c. 3. de reformatione exposcit. Qua de re Sacra Congregatio dubiis ipsi propositis tum Mense Octob. 1589. tum 23. Maii 1609. in quibusque rebus, an ex lucris, per artem Musicam, per Magisterium Grammatices, per gradum Theologiæ, & hujusmodi acquisitis ad Sacros Ordines promoveri aliquis queat "respondit "non posse, sed requiri omnino vel beneficium, vel Patrimonium ad vitam promovendi honeste sustentandam sufficiens": ut in Istrutione Eminentiſſi, Archiep. Lambertini 1. Febr. 1734. hac de re edita sub num. 7. videre est. Et tale esse debet Parochi nostri responſum.

CAS. III. Confessarius. in Diocesi orat amicum suum Bononiam petentem, ut obtineat a Pœnitentiario facultatem absolvendi pœnitentem ab incestu in Confessione audito. Q. an violet aliquo modo Sacramentale sigillum. R. spondeo cum distinctione. Vel amicus Confessarii ex recepta incestus notitia venire potest in cognitionem illius, qui tale delictum patravit, & confessus est, vel hoc nequaquam moraliter contingere potest. Si primum dicatur ex quo vel locus, in quo Confessarius audit Confessiones, sit parum amplius, vel Confessarii amicus eos distincte cognoscit, qui solent pro expiatione conscientiæ ad eundem Confessarium accedere, responſio debet esse affirmans, quia sic, & Confessio redditur odiosa, & pœnitenti injuria irrogatur. Si vero dicatur secundum, ex quo ob rationes oppositas nullum sit periculum, ut reus prædicti sceleris dignoscatur, nullam in casu sigilli violationem contingere dicendum est. Meliori tamen consilio agat quilibet Confessarius, si pro obtinendis hujusmodi facultatibus reservatum casum in Confessione auditum per Epistolam sigillo obfirmatam Pœnitentiario exponet. Ita cum Leand. disput. 10. de pœnit. quæst. 39. Bonac. sect. 5. punct. 4. num. 1. Giribaldus. cap. 18. num. 25. & 26.

MENSE SEPTEMBRIS.

CAS. I. Rusticus quidam pluris confessus est gravia peccata Capellano, valde ignaro, qui nec reservata a non reservatis, nec a lethalibus venialia distinguit. Q. an illæ Confessiones sint necessario iterandæ.

R. spondeo negative. Quamvis enim graviter deliquerit Confessarius, qui necessaria scientia non munitus se ad Confessiones excipiendas exposuit, adhuc tamen si rusticus pœnitens bene dispositus ad dictum Confessarium bona fide accessit, fuit valide absolutus, cum ad Valorem directæ, vel indirectæ absolutionis præster materiam, formam, & intentionem Ministri, quas in Casu adfuisse pro certo puto, nil aliud desideretur. Habebit igitur dictus pœnitens onus iterum subiiciendi clavis reservata, si quæ possit a cæteris peccatis distinguere, habenti facultatem in illa, non vero iterandi Confessiones omnes apud indoctum Capellanum jam factas. Dixi, si bona fide accessit, nam si data operam talem Confessarium elegit, a quo non potuerit utiliter mederi, in hoc casu, cum semper sacrilege confessus sit, Confessiones omnes iterare necesse est. Ita cum Gobat. tom. 1. tr. 8. num. 193. Girib. de pœnit. c. 17. dub. 2. num. 10.

CAS.

95

CAS. II. Confessarius, qui de re turpi in Confessione audita morose de-
statatur, ne differat absolutionis verba proferre, nullo pro se præmisso
contritionis actus poenitentem absolvit. Q. an possit a nova gravi cul-
pa excusari.

R. negative. Ratio est, quia tale fingi nequit incommodum ex dilatione
absolutionis in exposito Casu, ut præcepto eliciendæ contritionis præ-
ponderet, cum longa temporis mora opus non sit, ut Confessarius ex
corde dicat: „Poenitet me offendisse Deum quia summe bonus est, nec
ultra hoc in æterno faciam.“ Quod si vere tempus deesset, ut con-
tingere posset, si Confessarius prædictus poenitentem suum in mortis ar-
ticulo convicturum videret, tunc reus novæ culpæ non foret, si secus
ageret, quia necessitas alium prompte absolvendi præcepto contritionis
in se ipso eliciendæ præponderaret. Ita cum Dicañtil. de poenit. disput.
10. dub. 8. num. 232. Girib. de Sacram. in gen. cap. 5. dub. 4. num.
15. & 21. Gobat. tom. 1. tr. 7. num. 198.

CAS. III. Sacerdos in Canonicum Collegiatæ cujusdam Oppidi electus nul-
lam unquam recepto Canonicatu fidei professionem emisit, ex quo post
aliquot annos augitur scrupulo, an teneatur ad aliquam restitutionem.
Q. quid respondendum.

R. Obligationem emittendi fidei professionem, quæ aperte colligitur sive
ex Trid. sess. 24. cap. 12. de reform. sive ex Pii IV. constitutione 89.
impositam esse dumtaxat provisis de beneficiis curam animarum haben-
tibus, aut de Canonicatibus, & Dignitatibus in Ecclesiis Cathedralibus,
non autem provisis in Collegiatis, sive istæ in Oppidis sint, sive in Ur-
bibus reperiantur, cum de istis in supra adductis legibus nulla mentio
habeatur. Ita respondit Sacra Concilii Congregatio tum in una Avenio-
nensi 1586. tum in alia Catanzari 9. Februarii 1726. Qua de re cum
Sacerdos noster, ex quo in Canonicum Collegiatæ assumptus sit, ad
prædictam fidei professionem non teneatur, nullo eadem non emissâ scru-
pulo angî debet, cum certum sit ad nullam quoque perceptorum fru-
ctuum restitutionem teneri. Ita cum Eminentissimo Lambertini in in-
struct. sub die 26. Augusti. 1736. Garzia de benef. 3. part. c. 3. n. 12.
Barbos. de potest. Episc. 3. part. alleg. 61. n. 15.

M E N S E O C T O B R I S.

CAS. I. **P**ostquam vovit Joannes, si Deus eum præservet per Mensem
a gravi peccato, in quod solebat incidere, sex julios in elee-
mosynam elargiri; ne teneatur, quod promisit, implere ultima Mensis
die, si prædictum peccatum deliberate committit. Q. an adhuc prædictam
elemosynam teneatur.

R. negative. Ratio est, quia conditionate vovens per se loquendo ad
voti executionem obligandus non est conditione non adimpleta, cum non
censeatur voluisse se obligare nisi posita conditione, quamvis quod dicta
conditio non ponatur in esse, ex ipsius culpa contingat. Cum itaque
Joannes votum suum emisit sub conditione, quod Deus eum a gravi cul-
pa per mensem præservet, quod idem est ac dicere, si ipse vovens, Deo
adjuvante, per mensem a gravi culpa ablineat, licet ex ipsius pravo fine
processerit quod conditio adimpleta non sit, ac proinde gravius idem cri-
men deliberate committendo peccaverit, adhuc ad sex julios in elemosy-
nam erogandos obligandus non est. Dixi, per se loquendo, quia si mens
Joannis fuisset se obligandi ad prædictam elemosynam in casu, quo per
ipsum

ipsum præcise flaret, ne apposita conditio adimpleretur, tunc oppositum concludendum foret. Ita cum Girib. de voto c. 3. n. 57. & 58. Suar. l. 4. de voto cap. 17. num. 20. Filliuc. tr. 26. cap. 6. num. 158.

CAS. II. Paulus, & Francisca ex Diocesi Mutinensi per annos 10. & ultra viventes in forma Matrimonii in hac Diocesi Bononiensi domicilium habent, Mortua autem Francisca vellet Paulus sub eadem parocchia aliam ducere uxorem. Q. an pro tali Matrimonio sufficiant consuetæ publicationes.

R. negative. Quamvis enim Paulus Francisca vixerint in forma Matrimonii per annos 10. & ultra in loco, ubi de præsentis domicilium habent, & Francisca mortua est, adhuc tamen, cum legitime non constet Franciscam fuisse veram Pauli uxorem, non sufficiunt pro novo contrahendo Matrimonio consuetæ publicationes, sed ulterius requiritur attestatio cum legalitate Ordinarii, sub quo idem Paulus testatur jam cum Francisca Matrimonium contraxisse, ut ex prædicta legitima attestatio appareat Franciscam fuisse veram Pauli uxorem, & proinde quod eadem defuncta Paulus ad aliam ducendam absolute liber evadat. Ita expresse colligitur ex responsione Sacræ Congregationis ad dubium octavum circa Matrimonia exterorum.

CAS. III. Pœnitenti obstinato animo recusanti se præsentare Superiore pro obtinenda absolutione a reservatis, permittit Superior dicta motus obstinatione, ut ab inferiori possit absolutionis beneficium obtinere: Q. an stante etiam tali facultate dictus pœnitens possit absolvi.

R. cum distinctione. Si dictus pœnitens præter famæ propriæ diminutionem, quæ institutioni Sacramenti intrinseca est prudenter timet aliud grave damnum Sacramento extrinsecum sibi imminere; si Superiori pro obtinenda reservatorum absolutione se sistat, in hoc Casu cum ipse jus habeat non accedendi, & ut possit per inferiorem absolvi; Superior facultatem concedere teneatur, stante tali facultate eidem, utpote qui optime potest esse dispositus, beneficium absolutionis per inferiorem Confessarium denegandum non est. Si vero dicta pœnitentis obstinatio in aliquo prudenti timore, ac judicio non fundetur, quam in illo propriæ infamationis cum Sacramenti usu connexæ, tunc etiam posita facultate, quam superior contra jus proprium concessit, ipsa pœnitens utpote qui injustum animum semper retinet perseverandi potius in peccato, quam accedendi ad Superiorem, si facultatem prædictam non concessisset, ita ind dispositus est, ut nequaquam absolutionis capax censendus sit. Ita cum Gobat. 1. tr. 7. num. 731. Card. de Lug. de pœnit. disp. 20. sect. 20. num. 238. & 240.

M E N S E N O V E M B R I S.

CAS. I. **C**ajus publicus Peccator Parocho, cui confitetur, minatur mortem, nisi ei præbeat tum Absolutionem Sacramentali, tum Sacram Eucharistiam. Q. an liceat aliquo modo in casu impio Caji voto indulgere.

R. respondeo licere quo ad secundum, non quo ad primum. Ratio asserti simul, & discriminis est quia, cum porrectio Eucharistiæ etiam indignis facta non sit per se ab intrinseco mala, illud præceptum Matthæi c. 7. expressum, non dandi Sanctum canibus, seu non porrigendi Eucharistiam indignis, est tantum obligans secundum quid, ac proinde sicuti peccatori occulto publice petenti tenetur Minister Sacram præbere Eucharistiam,

ut

ut famæ ipsius peccati consulat, ita peccatori etiam publice minanti mortem poterit Minister licite præbere Eucharistiā, ut propriæ consulat securitati. Ex adverso, cum prolatio Absolutionis supra indignum utpote falsa sit semper ab intrinseco mala, quemadmodum probat etiam Augustinus c. 18. l. contra mendacium, in nullo casu licitus esse potest, ideo præceptum de non absolvendis indignis obligat semper, & absolute. Nisi igitur petat Cajus Eucharistiā in odium religionis; & si dei, vel ad eandem positive dehonorandam, in quo casu ipsa porrectio impia foret, Parochus ex motivo vitandi mortem, non quidem per prolationem Absolutionis, bene vero per porrectionem Eucharistiæ poterit impio Caji voto indulgere. Ita cum Gobat. tom. 4. tr. 1. n. 273. & 276. Girib. de Sacr. c. 6. n. 22. & 24. Suar. de Euch. disp. 67. sect. 1. in fine, & sect. 4. in resp. ad 1.

CAS. II. Conjugata, ne filiis ultra vires gravetur, vovit debitum non petere, & maritum rogare ne petat, sed ex metu, ne maritus ab ipsa aliquis fiat, servato primo secundo, quod vovit, non servat. Q. an graviter contra votum deliquerit.

Respondeo negative, si metus sit vere prudens. Ratio est, quia voti obligatio cessare videtur, quoties ex ipsa voti executione aliquid grave damnum prudenter timetur, per quod votum non amplius de meliori bono dicatur, quodque, si tempore emissi voti cognitum fuisset, nunquam prudentis iudicio tale votum emissum foret. Hoc autem videtur sequi in nostro casu, nam si metus conjugis ut vere prudens ex circumstantiis dignoscatur, damnum, quod ipsa timet a marito, si eam roget, ne debitum petat, vere grave est, meliorique bono, de quo votum debet esse, repugnans, cum alienatio nuius conjugis ab alio soleat esse plurimum si ve spiritualium, si ve temporalium malorum origo, ut experientia teste in familiis quotidie videmus; ideoque sicuti nunquam Coniux prudenter vovisset rogare maritum, ne debitum peteret, si prædictus timor tempore emissi voti ipsius menti occurrisset, ira occurrens post votum eandem saltem in hac parte a voti executione excusat. Dixi, saltem in hac parte; quia, cum hac parte non servata possit coniux fieri prægnans, & proinde possit cessare finis non petendi, ne filii ultra vires graventur, poterit eodem gravitatis tempore debitum etiam petere, quin votifraga censetur. Ita cum Suar. lib. 4. de voto c. 9. n. 4. & c. 69. num. 1. & 4. Pal. punct. 20. num. 5. aliisque comm.

CAS. III. Cuidam rurali Ecclesiæ Altare Privilegiatum pro qualibet sexta feria concessum fuit sub conditione quod in eadem Ecclesia quinque saltem Missæ quotidie celebrentur. Q. an si Missæ aliquando sint pauciores, quam quinque, adhuc Indulgentia subsistat.

Respondeo affirmative, dummodo hoc raro contingat. Licet enim Sacra Concilii Congregatio approbante Pontifice Innoc. XII. declaravit 5. Jun. 1694. celebrationem Missarum in Aquis Privilegiati indulto præfinitarum quotidie necessariam esse; adhuc tamen dicendum, quod si aliqua die contingat præfinitum Missarum numerum integrum non habere, non per hoc totaliter conditio privilegii concessioni adnexa deficiat, ut ipsum quoque privilegium cessat; ita enim respondit eadem Sacra Congregatio sub Clem. XI. ad dubium num. 1. propositum die 30. Julii 1706. sub clausula a nobis posita, scilicet: Dummodo hoc raro contingat, ut dicti Pontificis Bullario part. 2. pag. 542. videre est; & hoc idem docet Gob. t. 1. tr. 3. num. 640. Dian. part. 9. tr. 2. resol. 9.

CAS. I. **D**um moritur ruralis Sacerdos piæ cuidam sodalitati ascriptus disponit, ut ejus corpus habitu ejusdem sodalitatis indorum ad tumulum deferatur. **Q.** an prædicta dispositio possit laudabiliter exequi. **R.**pondeo negative. Quamvis enim pius, ac laudabilis sit mos laicorum, si ad ostendendam venerationem, quam in vita erga Sancto habuerunt, disponent in morte, ut alicujus Religionis, vel Societatis habitu induti ad tumulum deferantur, quando eorum vita contumeliam non inferat Sacræ Vestis, & in religiosa Veste non sepeliantur post viram profusum irreligiosam, ut Theophilus Rainaudus part. 3. sect. 1. Eter. spirit. adnotavit; laudabilis tamen esse non potest talis dispositio, si sint a Sacerdote, vel alio clericali militiæ adscripto, cum quilibet ex his ad sepulturam deferri debeat ea Sacra indutus Veste, quam ordinis sui ratio deposcit, ut sub titulo de exequiis disponit Rituale Romanum, quam dispositionem omnino servandam esse præcepit etiam Clem. XI. per Edictum suum die 4. Febr. 1705. hæc de re editum, ut pag. 317. Bullarii ejusdem Pontificis manifeste apparer.

CAS. II. Parochus ruralis quodam die festo, quo teneret Sacrificium offerre pro populo celebrat pro defuncto præsentem cadavere, cum alius non addit Sacerdos pro eodem celebraturus, antequam sepulturæ tradatur. **Q.** an bene se gerat.

R.pondeo cum distinctione. Si Parochus talem charitatem exercet celebrando die festo pro defuncto præsentem, pro quo alter celebraturus non invenitur, cum intentione offerendi etiam Sacrificium pro populo altera die intra hebdomadam, bene se gerit, hoc enim modo ex una parte retinet, quantum potest, quod antiquissimi est instituti, ut scilicet Missa præsentem corpore defuncti pro eo celebreretur, antequam sepulturæ tradatur, sicuti sub titulo de exequiis inquit Rituale Romanum; neque ex alia parte populum suum privat eo spirituali auxilio, quod ipsi ex divino præcepto per Sacrificii Oblationem præstare tenetur, ut sess. 23. c. 3. Tridentinum docet. Si vero ita celebrat die festo pro defuncto præsentem cadavere, ut altero die non sit pro populo celebraturus, male se gerit, præfert enim consilium præcepto, & iustitiæ charitatem, quod omnibus ex communi doctrina æquum non esse, compertum est.

CAS. III. Petrus obligavit in testamento hæredem suum ad præbendas quolibet anno allucit puellæ Orphanæ centum libras, ut possit nubere. **Q.** an possit talem pecuniam Puellæ inutilem Patrem habenti præbere.

R.pondeo affirmative. Ratio est, quia licet Puella habens Partem inutilem nequeat toto sermonis rigore Orphana appellari, adhuc tamen, cum de habente inutilem Patrem verificetur, quod careat præsidio Patris illiusque opem desideret, sicuti de vere Orphana verificatur, dicendum est, filiam habentem inutilem Patrem legato centum librarum Puellæ Orphanæ nubenti relicto posse gaudere. Quemadmodum enim jus dans viduis privilegia, eadem mulieribus inuites viros habentibus concedit, cum parium eadem sit juris dispositio, ut ex cap. inter corporalia 2. de transl. Epist. & ex communi Doctorum mente colligitur. Ita in nostro casu loqui debemus. Hoc tamen facile non admitterem si Filia habens inutilem Patrem, cum alia Parte vere carente concurreret, hic illa esset ista pauperior, quo in casu illa adhuc eligi posset. Ita cum Amos. causis piis l. 4. c. 7. n. 45. & seq. Barb. tr. var. axiom. 174. u. 14. Dian. t. 6. tr. 8. ref. 45.

ANNO

A N N O MDCCXXX.

M E N S E J A N U A R I I.

CAS. I. VOverat Petrus in sacre Familie honorem tres Julio in elemosynam largiri, unum Viro seni, Mulieri lactanti altero. Agnoscentes autem Virum senem, qui Uxorem lactantem habebat, eidem Viro omnes tres Julios præbuit. Q. an voto a se emissio satisfecerit.

Respondeo affirmative. Ratio est, quia nec res, quam vovens vovit, nec voventis finis, ut ad voti complementum requiritur, in casu nostro considerantur. Non primum, nam dare viro seni uxorem lactantem habenti Julios illos, quos Petrus dare voverat mulieri lactanti, perinde se habet, ac Julios eisdem mulieri ipsi præbere, cum datum viro, qui caput est mulieris, ipsi mulieri per se loquendo datum intelligatur. Et præcipue in casu nostro, in quo id, quod per se a voto respiciitur, non est directu translatio domini duorum Juliorum in lactantem mulierem, bene vero ipsius mulieris sublevamen, quod per præstitum capiti familie subsidium ab ipso Petro obtinetur. Neque deficit secundum, nam finis a Petro vovente intentus, scilicet hopor præstandus Divo Josepho in viro senem, & Deiparæ cum Puerio Jesu in lactante muliere ipsius æqualiter, & foris expressus exhibetur, si lactans mulier ipsius viri senis sit uxor, quam si ipsimet vero extera censeatur, ut per se omnibus compertum est. Ita quoad substantiam cum Bonac. de voto dis. 5. q. 2. punct. 7. §. 3. num. 8. Less. 2. c. 76. dub. 16. num. 150.

CAS. II. Medicus, qui Infirmum confessione Sacramentali conscientiam suam expiare nolentem non deseruit, quia graviter ægrotantem, dubitat, an bene se gesserit. Q. dubit solutio.

Respondeo se bene gessisse. Ratio est, quia quamvis Medici præ oculo habere debeant, quam juramento servando excipiant, S. Pii Quinti Constitutionem ipsis Interdicentem, ne ulro post tertium diem ægrotum visitent, si ille renuat confiteri, hoc tamen in eo sensu est accipiendum, ut Constitutio laudata tamdiu servetur, quamdiu potest una cum charitatis præcepto, & spiritali ipsius Infirmi utilitate servari. Servari autem sic nequit in casu Infirmi graviter ægrotantis: enim hic nolens pro nunc confiteri a Medico deferatur, morbo magis in dies probabiliter ingravescente damnationis æternæ periculo facile exponitur, quod quam maxime charitatis præcepto, & spiritali ipsiusmet Infirmi utilitati opponatur nemo non videt. Ex adverso si Medicus talis Infirmi curam non fereat, non modica fulget spes, ut idem Infirmus paulatim corpore convalescat & spiritu convalescat; quod enim hædie non obtinetur, sorte Deo adjuvante, medicisque piorum hominum exhortationibus obtinebitur tertia. Bene itaque se gessit Medicus nolens, qui Pontificie Constitutionis mentem, rationemve potius, quam verba respiciens Infirmum suum utpote gravitatem ægrotantem non deseruit, quamvis conscientiam suam nonnisi expiare. Et ita pro dubii solutione respondendum est cum Suar. de pœnit. disp. 35. sect. 3. n. 4. Girib. de juram. c. 3. n. 68. Bon. disp. 4. punct. 16. num. 10.

CAS. III. Pater quamvis dives filio summe peroptanti ad Sacros Ordines promoveri vetulat constituere Patrimonium, ad cuius titulum quocumque alio deficiente ordinetur. Q. an graviter peccet.

Ref-

Respondeo affirmative. Ratio asserti colligitur ex naturali pietatis lege, vi cuius sicuti tenetur Pater Filiis, non habentibus unde vivant, alimenta præbere, cum juxta Apost. 2. ad Cor. 12. non debeant Filii Parentibus thesaurizare, sed Parentes Filiis; ita, nisi aliter Patrem iusta causa suadeat, puta, si attentata Filia infirmitas, vel morum improbitate eum nequaquam idoneum altaris ministrum fore adjudicaret, tenetur Pater Filio proptantem ad Sacros Ordines promoveri constituere Patrimonium, ad cuius titulum, quocumque altero deficiente ordinetur, cum Patrimonium ipsum alimenterum loco succedat; ratio enim naturalis & pietas sufficienter suadent patrem nequaquam posse absque gravi culpa Filios impedire, ne eum statim eligant ad quem a Deo vocatos esse cognoverit. Quod evidenter ex eo apparet, quia Parentes iuxta proprii status conditionem ad ea media Filiis præstanda tenentur, quibus per studia, aliasve exercitationes, ad sequendam futuram tempore Dei vocationem idonei fiant, ac inveniantur; quod omnino foret inutile, si postea ad eandem Dei vocationem exequendam possent nulla etiam concurrente rationabili causa impediri. Ita cum Reinsef, de præcep. dec. tr. 9. 2. n. 19 Rosig. de ord. in communi q. 3. art. 17. Marchin. de ord. in partic. part. 2. c. 7. n. 4.

MENSE FEBRUARI.

CAS. I. Joannes postquam Mutuo dedit quingentos aureos Titio, duxit in uxorem Sejam ipsius Titii filiam. Cum autem nequeat aut repetere mutuam pecuniam, aut dotem d. præsentem obtinere, ulquedum utrumque recipiat, obtinuit a Titio domum in pignus, ut interim ex eadem fructus utrique suo credito correspondentes recipiat. Qua licite possit prædictos fructus recipere.

Respondeo. Pro mutuata pecunia per se loquendo non posse, bene vero pro sibi debita dote. Ratio primi est, quia pactum Anticrifeus, quo scilicet inter Creditorem, & debitorem cautum est, ut Creditor tamdiu pignore utatur, pignorisque fructus percipiat quamdiu pecunia mutuata ad debitorem restituitur, juxta communem Theologorum, & Canonistarum sententiam usurarium est, ut colligitur ex text. in c. 1., & 2. de usuris. Nisi itaque ex vi mutui contingat in casu lucrum aliquod cessans, vel damnum emergens nequeat Joannes e domo in pignus accepta fructus mutuatae pecuniae correspondentes recipere; & si quos receptos haberet, eosdem, vel in sortem computare, vel restituere tenetur. Ratio secundi est, quia, per specialem juris dispositionem in C. Salubriter de usuris, statutum est, ut possit Maritus ex re pro dote uxoris oppignorata fructus recipere; & hoc propter damnum, quod sentit idem Maritus si in alenda Uxore quam aliter nisi recepta dote alere non teneretur, si in aliis matrimonii oneribus, ad quæ sustinenda dos ipsa pariter ordinatur. Ita cum Spor. de usura c. 4. sect. 3. num. 101., & seq. Less. L. 3. c. 20. num. 141. Girib. de contr. tr. 3. c. 3. num. 97., & 101.

CAS. II. Ruralis Sacerdos propriæ Matris, Sororisque importunis precibus victus una cum ejusdem quadam bacchanaliorum nocte choreis, in honesta tamen domo institutis, latratus interfuit. Q. an possit a gravi culpa excusari.

Respondeo affirmative. Quamvis enim male se gesserit Sacerdos noster

ex eo, quod omnibus sacrorum Altarium ministris secus agendum suadeant optime factæ sacrorum Canonum, ac Synodorum dispositiones, ut in Instructione, quam die 20. Decemb. anno 1737. hac de re edidit Ss. Dominus noster Bened. XIV. pro Ecclesiæ Bononiensis regimine, videre est, adhuc tamen; cum ex circumstantiis casus Sacerdos prædictus non alio fine, vel motivo sive larvatus incesse, sive choreis interfuerit, nisi ut morem gereret Marti, ac Sorori, quarum importunis precibus non valuit resistere, & ex altera parte choreæ, quibus larvatus interfuit, fuerint in honesta domo institutæ, peccare quidem potuit ex aliqua levitate, nimisque in priorum sanguinem affectu, non tamen graviter contra obedientiam, propriæque status obligationes eum deliquisse dicendum est, cum non appareat, vel scandali occasionem aliis deliquisse dicendum est, quod a Clericis, aliisque Altarium ministris arcendum directæ sunt supra laudatæ Ecclesiasticæ dispositiones.

CAS. III. Cajus aliquoquin pius vocatus ad sonos edendos in quadam Domo, ubi inhonestæ instituuntur choreæ, quærit a Confessario an possit tuta conscientia sonos edere in dicta domo. Q. quodnam erit Confessarii responsum.

Respondeo cum distinctione. Si Cajus sine gravi damno potest a sono in tali domo edendo abstinere, Confessarii responsum erit, Cajum non posse tuta conscientia sonos edere in dicta Domo. Ratio est, quia licet, ex quo sit vir plus, pro certo ponatur numeros, sub quibus sonos emittit, non esse per se directivos chorearum inhonestarum, ipsumque in talium chorearum aspectu nullatenus turpiter delectari, adhuc tamen, cum quilibet ex charitatis lege teneatur, quantum in se est, malum proximi impedire, vi ejusdem legis tenetur se a prædicta domo retrahere, ne per sonos a se editos aliorum impudicitias cooperetur. Si vero Cajus prudenter timeat grave aliquod damnum sibi imminere, puta, si gravem aliquam injuriam, aut vitæ sor lesionem timeret, tunc Confessarii responsum erit, ipsum posse tuta conscientia sonos edere in dicta domo, cum ex una parte choreæ tantum ex aliorum malitia turpes evadant, & ex altera nemo teneatur in magno proprii damni periculo aliorum peccata ex charitatis lege impedire. Ita cum Suar. disp. 10. de ch. sect. 3. num. 1. Pal. disp. 6. pun. 10. Girib. de scand. c. 7. num. 43. & 46.

M E N S E M A R T I I.

CAS. I. **N**oste diem Cinerum præcedente comedit Titius ad mediam usque noctem juxta sonitum Horologii cæteris per horæ dimidium tardioris. Q. an frerit Quadragesimale jejunium.

Respondeo cum distinctione. Si Horologium, ad cujus pulsationem usque Titius comedit, est ex præcipuis locis, quod aliis etiam vicibus soleat attendi pro regula, utpote per se bene directum, nullo modo Titius jejunii violator dicendus est, sequens enim prædicti Horologii pulsationem prudenter, & cum morali certitudine operatus est, quia quamvis sequatur veluti opinionem unius Auctoris, adhuc illa opinio tali solida ratione fulta est, ut nequaquam hanc tenens in propositionem sub n. 27. ab Alex. VII. damnatam incidere censeatur. Si vero prædictum Horologium, cujus pulsationem per horæ dimidium horologia cætera præcessere, talis naturæ est, ut non soleat attendi, utpote incostans, & male directum, tunc nequit idem Titius usque ad hujusmodi pulsationem

comedens a jejunii violatione excusari, eum hoc sit veluti sequi opinio-
nem unius Auctoris junioris, quæ nisi alicui solido fundamento nixa sit,
ex dampnata superius adducta propositione probabilis nequequam censenda
est. Ita cum La Croix de jejun. sect. 7. num. 471. Sanch. L. 2. de
matrim. disp. 41.

CAS. II. Capellanus die Sabbati Sancti missus a Parocho ad domus parœ-
ciæ benedicendas, ibi benedictionis beneficium largiri recusat, ubi juxta
Consuetudinem quatuor saltem ova non recipit. Q. an sit ab omni cul-
pa immunis.

Respondeo negative. Quamvis enim Capellanus Parochi vices gerens in be-
nedictione domorum parœciæ jus forte habeat, ut observetur loci consue-
tudo, ne si ipse sileat ab unius, & alterius exemplo Parochiani omnes
successive consuetudinem Parocho favorem destruere censum nitantur,
adhuc tamen cum ex una parte benedictionis beneficium largiri re-
cusans, ubi ova non recipit, præbeat rudi populo occasionem suspican-
di in ipso, vel in Parocho turpe avaritiæ vitium regnare, vel ova præ-
dicta in benedictionis pretium exigi, & ex altera parte alia non desint
media, quibus decentius jura Parochi tueantur, dicendum est Capella-
num agentem ut in casu esse nequaquam posse ab omni culpa immunem;
eo præcipue ita agendo soleant etiam jurgia, & contentiones oriri, quæ
cum difficillime possint omni culpa vacare, Altaris ministerium non parum
dedecet. Ita communiter.

CAS. III. Sacerdos in magno quodam oppido multæ exilimationis vir, ut
cuidam Concionatoris amico suo tempore Quadragesimæ verbum cap-
tet auditorum, eundem supra meritum extollit, alium vero ex omni
parte meliorem non parum deprimit. Q. quam culpam, quamve obliga-
tionem incurrat.

Respondeo cum distinctione. Si prædicta depressio zelum, ac mores Con-
cionatoris depressi graviter tangit, tunc absque dubio Sacerdos noster gra-
vem incurrit culpam, graveinque reparandi damna obligationem, cum
fama, & honor alteri debitus graviter lædi, ac derurpari sine gravi cul-
pa non possit, & Concionator depressus, qui omne jus habet ad pro-
priam famam, honoremque servandum, ad eorundem etiam reparatio-
nem jus habet, si in totum, vel in partem aliorum causa pereant. Si
vero facta depressio tangit præcise eloquentiam, ac dicendi modum ipsius
depressi Concionatoris, tunc quamvis peccet Sacerdos contra veritatem,
quia, ut inquit casus, Concionatorem amicum supra meritum extollit,
& alium deprimit ex omni parte meliorem, & contra charitatem, quam
erga proximum nostrum servare tenemur; gravis tamen culpe reus di-
cendus non est, nec ullam gravem incurrit iustitiæ obligationem, præ-
fertim cum Concionator depressus apud ceteros eruditos ejusdem Oppi-
di viros nullam propriæ excellentiæ diminutionem passurus sit, sed ali-
quam dumtaxat apud vulgares, & indoctos, quorum judicium parum
semper, & aut nihil existimatur. Ita communiter.

MENSE APRILIS.

CAS. I. Titius, qui a die Paschæ anni proximi elapsi 1739. confessus non est, cum in Paschate currentis anni 1740. nullius lethalis culpæ sibi conscius fuerit, absque ulla Confessione Sacramentali suscepit Eucharistiam. Q. an aliquod fregerit grave præceptum.

Respondeo negative. Tum quia Theologorum quamplurimum mens est annum Confessionis præceptum nonnisi lethalis culpæ reos afficere, quæ data opinione constat Titium nostrum nullius lethalis culpæ sibi conscius ex prætermissa in secundo Paschate Sacramentali Confessione nullum fregisse grave præceptum. Tum quia etsi illa admittatur opinio, quæ docet per positivum Ecclesiæ præceptum in C. Omnis utriusque sexus expressum omnes Christi fideles sive conscii, sive non culpæ lethalis ad faciendam semel in anno Sacramentalem propriæ conscientię expiationem teneri, adhuc dici potest Titium in casu nullum fregisse grave præceptum, cum laudatum Cap. non importet, quod Confessio non sit differenda ultra annum a Confessione ultima incipientem, sed præcise, ut semel saltem singulis annis fiat, quod proinde locum adhuc habere non potest in casu nostro; si Confessio in Paschate currentis anni 1740. omisse fiat, atrequam integer annus a Januario, vel Martio inceptus fluat. Ita cum Reinf. tr. 10. de præcep. Eccles. dist. 3. De Lug. de poenit. disp. 15. sect. 8. n. 157., & 161. Vasq. q. 90. art. 3. dub. 1.

CAS. II. Cum unus ex duobus Capellanis, quibus demandata est cura cujusdam Ecclesiæ Beatæ Virginis Mariæ miraculis claræ in Montanis dicatæ, tempore Paschali podagra laborans celebrare nequirit, ad impendendum Paschate præceptum petit ab altero, itemque Sacram Synaxim recepit. Q. an vere dictum præceptum impleverit.

Respondeo negative. Ratio est, quia quamvis Sacerdotes, qui in Paschate Missam celebrant, non teneantur Communionem de manu proprii Parochi sumere, vel in Parochiali Ecclesia celebrare; adhuc tamen quando vel noluit, vel ex aliquo impedimento prædicto Paschatis tempore celebrare nequeunt, censeri debent ut laici, & proinde ut præcepto sumendi Sacram Synaxim in c. Omnis utriusque sexus de poenit., & remis. expresso satisfaciant, vel ad Parochialem Ecclesiam debent accedere, vel ut alibi eandem sumant, facultatem ab Ordinario, vel a proprio Parocho obtinere. Cum autem hujus obientæ facultatis nulla fiat mentio in nostro casu, dicendum est Capellanum nostrum, qui impositus ob Podagram celebrare Sacra Synaxim Paschali tempore a socio Capellano recepit; nequaquam Paschalis Communionis præcepto satisfecisse. Ita cum Rosig. de Euch. q. 8. art. 3. n. 12. Lug. disp. 18. sect. 1. n. 31. Girib. de Euch. c. 8. num. 45.

CAS. III. Speciosæ Juvenis postquam per aliquod temporis spatium per dulcia verba spem nutrierit cujusdam Viduæ maxime peroperantis in sponsum, a qua munera interim varia receperat, eadem relicta, aliam scemnam in uxorem duxit. Q. an licite possit recepta munera retinere.

Respondeo affirmative. Cum enim dulcia verba: quibus a Juvene nostro nutrita fuit per aliquod temporis spatium spes Viduæ eundem maxime peroperantis in sponsum, vero promissoria non supponantur, dicendum est munera ab eodem Juvene in casu nostro recepta non fuisse sponsalitarias, sed pura dona provenientia a libera Viduæ ac voluntate ita agen-

zis, ut Juvenem facilius ad matrimonium secum contrahendum alliceret. Hoc autem posito, cum uirire præcise spes alterius non imponat onus dandi alteri, quod ab eo speratur, sequitur nullam contigisse in casu ex parte Juvenis iustitiæ violationem, & perinde ad nullam teneri receptionis in muliere illecta per munera ad actus turpes, quos receptis muneribus præstare recusat, quamvis cognoscat eadem munera sibi unice ad dictum finem ab alliciente præberi. Ita cum Barthol. a S. Fausto de Rest. disp. 27. quæst. 18. aliique.

M E N S E M A I I.

CAS. I. CUM quadam die Capellanus ruralis ex obitu Matris magno animi mœrore gravatus esset, petiit a Parocho, an absque culpa posset tali die Horarum Canonicarum recitationem omittere, cui Parochus respondit affirmative. Q. an bene responsam fuerit.

Respondeo negative. Nam sicuti a Divini Officii recitatione non excusatur corpore infirmus, quando absque gravi incommodo, & corporalis nocu-
menti periculo præstare eandem potest, ita, cum recitatio predicta magis spirituali animi solatio, quam ipsius gravaminis valeat inservire, dicendum est Capellanum nostrum nullam habere impotentiam, *moralem*, quæ eundem & si magno animi mœrore gravatum a Canonicarum Horarum recitatione excuset. Et quamvis difficile quam maxime sit, ut mens tetra proxime securæ mortis imagine oppressa, ac agitata prædictæ recitationi debita cum attentione, ac devotione incumbat, hoc non sufficit, tum quia distractio in casu foret involuntaria, tum quia per attentionem externam posset interioris defectum supplere. Ita cum Tambur. L. 2. in decal. c. 5. §. 8. n. 17. Sanch. L. 7. consil. 2. dub. 45.

CAS. II. Cum Ruralis Clericus obtinuerit Beneficium, cujus annui fructus sexaginta librarum proventum non excedunt, certo credit ad nullam Divini Officii recitationem teneri. Q. an nimirum, & plus quam par est sibi indulgeat.

Respondeo affirmative. Cum enim jura dicentia, Beneficium dari propter officium, indistincte de quocumque sive pingui; sive tenui beneficio loquantur, ut patet cum Cap. ult. de rescrip. in 6. tum sess. 9. concil. Later. sub Leone X. tum vers. decl. in S. Pii Quinti hæc de re edita Constitutione, constat Clericum nostrum nimirum sibi indulgere, dum credit se ex tenui sexaginta librarum proventu ad nullam Divini Officii recitationem teneri. Et quemadmodum qui sponte dat nomen militiæ, vel pauperem ducit uxorem tenetur militare, & uxorem alere, etiam si quod congruum est pro militis sustentatione, & pro alenda uxore integre non receperit; ita qui tenui Beneficium sponte acceptat, etiam ad illi adnexa quotidianam officii recitationem tenetur, quamvis fructus ab eodem Beneficio provenientes honestæ nequaquam sustentationi sufficiant. Ita cum Cleric. c. 17. Erot. num. 17. Corr. dispens. L. 4. c. 2. numer. 52.

CAS. III. Ruralis Parochus Presbyterum in sua parœcia commorantem ob-
jurgat, quia, & si pluries invitatus, publicis supplicationibus, quæ quolibet mense fieri solent, interesse recusat. Q. an jure merito fieri possit prædicta objurgatio.

Ref-

Respondeo affirmative. Ratio est, quia quilibet Sacerdos vi characteris maximi, quo est insignitus, laicis præbere debet exempla pietatis, ac devotionis, omnemque, quantum in se est, auferre debet ab eorundem oculis admirationis, ac scandali occasionem. Oppositum autem contingit in casu, in quo nullum certe pietatis exemplum, bene vero admirationis motivum præbet Sacerdos, noster, dum pluries etiam invitatus supplicationibus illis interesse recusat, quibus omnes ferme laici præsertim in ruralibus locis magno devotionis ardore assistere non dedignantur. Ut igitur idem Sacerdos agnoscat male se gerere, indeque ab errore suo retrahat, locus jure merito datur prædictæ objurgationi, eo vel maxime quod si Sacerdos titulo Patrimonii sit ordinatus, memor esse debet peculiari quodam vinculo sese Ecclesiæ servitio mancipasse, cum talis servitutis necessitas, vel Ecclesiæ commoditas in causa fuerit, ut idem in ministerium Altaris assumeretur, ut ex Trident. sess. 21. cap. 1. de reform. compertum est.

MENSE JUNII.

CAS. I. Titius transactis nonnullis diebus a copula habita cum Francisca Vidua, eidem se esse ex ejus concubitu factam asserent portionem abortus evasivam præbet, ex qua expulsio, & mors factus ex alio amante quatuor ante menses concepti secuta est. Q. an possit a simplici Confessario absolvi.

Respondeo affirmative. Ratio est, quia procuratio abortus, & mors inde secuta animati foetus ad reservatum casum non pertinent, nisi fuerint per se, & formaliter intentæ ab eo, qui portionem præbuit ipsarum causativam, nam ad incurrendam ex causa homicidii etiam in abortu secuti casus reservationem, hæc duo simul concurrere necesse est, nempe, ut hominis occisio vere sequatur, & ut eadem per se intenta, ac volita dici possit, cum in reservatione non materialis, sed tantummodo formalis abortus consideretur. Porro in nostro casu licet ex portione, quam Francisca Titius præbuit, expulsio, & mors animati foetus secuta sit, adhuc tamen dici non potest, quod hæc fuerit per se intenta, & formaliter volita Titio, nam ignorans hic Francisca quatuor ante menses fuisse ex alio amante factam, nil aliud intendere potuit, quam abortum factus inanimis, quem ex concubitu nonnullos ante dies cum ipsa habito eadem Francisca se concepisse asserbat. Cum itaque abortus in nostro casu secutus formalis dici non possit, utpote per se a Titio nullo modo intentus, Titium nullam incurrisse casus reservationem, & proinde potuisse a simplici Confessario absolvi dicendum est. De Lug. de just. disp. 8. sect. 6. num. 86. Tambur. L. 6. de præc. Decal. cap. 4. Girib. de Sacram. peccat. cap. 15. num. 67.

CAS. II. Postquam Berta externe tantum, & non ex animo sponsalia cum Titio inierit, eumque inde in sponsum ducere recusavit, hic nova sponsalia cum Caja ipsius Bertæ sorore contraxit. At ortis Cajam inter, & Titium dissidiis, hic iterum Bertam, quæ ipsum ducere parata est in uxorem querit. Q. quid agendum, ut Titius & Berta rite inter se Matrimonium contrahant.

Respondeo. Ad Sacram Pœnitentiarum pro opportuna dispensatione recur-

rendum fore. Ratio est, quia ex quo Berta externe tantum, & non ex animo prima sponsalia cum Titio inierit, perspicuum est subsistere quidem illa pro externo foro, pro interno vero non sic. Hoc autem posito sequitur ex adverso nova sponsalia, quæ Titius cum Caja Berta sorore contraxit, invalida pro externo, valida vero pro interno foro esse adjudicanda, ita ut ex valido in primo casu, invalidum in secundo, & ex invalido in primo, validum in secundo inferatur. Cum igitur impedimentum publicæ honestatis ortum ex sponsalibus cum Caja contractis sit mere occultum, & pro foro interno, in quo tantum ex dictis ipsa hæc sponsalia valida sunt, poterit Sacra Pœnitentiaria, quæ pro occultis impedimentis opportuna gaudet facultate, dispensationem pro casu nostro necessariam concedere, ut Matrimonium prædictum inter Titium, & Bertam rite, & valide celebretur.

CAS. III. Petrus, & Francisca ignorantes se esse in secundo gradu affines Matrimonium inter se publice contraxerunt. Cum autem de prædicto impedimento, quod per plures annos occultum remansit, modo ipsi putat conjugis consilii facti sint, pro opportuno remedio Parochum consulunt. Q. quodnam Parochi debeat consilium.

Respondeo cum distinctione. Si prædicti putati conjuges, qui ignorantes se esse in secundo gradu affines matrimonium inter se publice contraxerunt, de prædicto impedimento conscii facti non sint, nisi post lapsum decenniis, Parochi consilium erit, ut ad Sacram Pœnitentiarum pro opportuna dispensatione obtinenda recursus fiat. Cardinalis enim Summus Pœnitentiarius ex concessione ipsi facta ab Innoc. XII. per Bullam, quam pro Pœnitentiariæ regula edidit, in matrimonii contractis cum ignorantia impedimenti, consanguinitatis, vel affinitatis in secundo gradu, potest revalidationem opportunam concedere; dummodo prædictum impedimentum occultum remanserit per decennium. Si vero impedimentum, quo dicti putati conjuges publice contraxerunt, remansit occultum per plures quidem dispositione ejusdem Bullæ Innocentiæ supra laudatæ, ut ex Instructione hac de re edita a Sanctissimo Domino Nostro feliciter Regnante die 2. Octob. 1738. aperte videre est, & juxta has regulas debet consultus Parochus respondere.

MENSE JULII.

CAS. I. Sciens Parochus Titium rusticum, qui ne carceri propter debita traderetur ad Parochialem Ecclesiam confugerat, dolo, & fraude fuisse ab eadem extractum, indeque a Curæ Ministro captum, eidem Ministro sub excommunicationis censura præcipit, ut loco Sacro eundem Titium restitueret. Q. an Titio non restituto detur locus in casu supradictæ censuræ.

Respondetur negative. Ratio est, quia cum post Sacræ Congregationis Decretum die 22. Dec. 1716. emanatum, & a Summo Pontifice Clem. XI. approbatum illæ dumtaxat extractiones a loco immuni impostum suffragentur, quæ aut violenter patræ, aut sub fide salvi conductus secutæ fuerint, sequitur Titium nostrum, qui dolo præcise, & fraude extractus fuit a Parochiali Ecclesia, ad quam confugeret, nulla amplius Ecclesiæ immunitate gaudere. Hinc idem Titius ita ab Ecclesia extractus jure capi

pi potuit a Curie ministro, quin hic ullam incurrat excommunicationis censuram, & proinde dicendum Parochum ex ignorantia novi juris esse locutum, dum sub excommunicationis censuram Titium fore dixit loco Sacro restituendum, cum vere ex supralaudato Decreto constet Titio etiam non restituto nullum dari locum in casu supradictæ censure.

CAS. II. Casus villicus, ut e Civitate venientem expectet Dominum suum nobilem ac diuitem quem in Patrinum pueri sibi recenter nati eligit, ipse pueri baptismum ad trigessimum usque diem differt. Q. an dictum motivum a gravi culpa Cajum excuset.

Respondeo negative. Ratio est, quia cum ex una parte nulla alia parvulis præter Baptismum comparandæ salutis ratio relicta sit, & ex altera hisdem propter ætatis imbecillitatem infinita pene pericula impendant, facile intelligatur, ut inquit Catechismus Romanus part. 2. de bapt. num. 28. quam gravi culpa se se obstringant, qui eisdem Infantibus Sacramenti gratia diutius, quam necessitas postulat, carere patiantur. Hac de re tam ex Ecclesiæ praxi universim recepta, quam ex pluribus Synodis, & præsertim in prima Provinciali Mediolanensi, & in nostra Diocesana L. 2. cap. 2. de Baptism. statutum est, ne ultra nonum diem Baptismi Collatio differtur, cujus proinde statuti violatores prælaudata Synodus nostræ latæ excommunicationis poena perstringit. Nisi igitur Villicus noster ex ignorantia legis, & praxis universim receptæ a gravi culpa excusetur, neque motivum expectandi Dominum, quem in Patrinum elegit, ipsum a gravi culpa excusat. Ita cum Suar. disp. 21. sect. 1. Diana part. 9. tract. 6. resol. 1. Leand. disp. 1. quæst. 13.

CAS. III. Cuiusdam oppidi Parochus Cajus, qui jam promissit se daturum centum libras Xenodochio, antequam a Xenodochii Rectoribus eadem promissio fuerit acceptata, suavit, ut dictam pecuniam Parochiali Ecclesiæ donaret, ut factum est. Q. an talis donatio valeat.

Respondeo affirmative. Ratio est, quia quamvis promissio facta in causæ piæ favorem valida, & irrevocabilis ab aliquibus censeatur, etiam si nulla interveniat Promissarii acceptatio, adhuc tamen probabilius est nullam oriri in promissione prædicta sive naturalem, sive civilem obligationem, quamdiu ejusdem promissionis acceptio non accedat; cum omnis promissio per se respectivè sit juxta cujusvis contractus naturam, qui sine mutuo duorum consensu consistere nunquam potest. Cum itaque promissio facta Cajus in favorem Xenodochii neque dici possit acceptata a Deo quantum ad debitum, cum non supponatur ipsi Deo immediate facta per modum Voti, neque, ut inquit casus, acceptata fuerit a Rectoribus Xenodochii, dicendum est potuisse pro libito eundem Cajum absque alicujus injuria sive ex se, sive ex alterius suasionem easdem libras centum, quas Xenodochio dare proposuit; voluntate mutata Parochiali Ecclesiæ donare & consequenter donationem in casu facta valere. Ita cum Sporer de prom. cap. 2. sect. 2. num. 39. & seq. Lug. disput. 23. de just. sect. 3. num. 35. & seq. Sogar. tract. 138. num. 4.

MENSE AUGUSTI.

CAS. I. Puella honesta ex ira gravem alapam Clerico ad ejus sinum maximum extendenti, inflixit, cum tamen an vere eam tange-

re vellet, nec ne, certo non sciret. Q. an excommunicationis poenam, incurrerit.

Respondeo negative. Ratio est, quia ad incurrendam excommunicationis censuram necesse est, ut Clerici percussio ex suadente Diabolo facta sit, ita ut nequeat a lethali culpa excusari. Cum autem ira, ex qua Puella gravem alapam Clerico inflixit, non alio ex fonte, ut apporet, orta sit, quam ex zelo servandæ propriæ honestatis, dicendum est eandem Puellam utpote a gravi culpa in nostro caso immunem excommunicationis poenam nullatenus incurrisse. Et quamvis certo non sciret, an idem Clericus ad ejus sinum manum extendens eam vere tangere vellet, nec ne, hoc nihil obstat, cum ad iustum defectionis titulum vehementis imminenti injuriæ præsumptio sufficiens sit, non autem læsionis futuræ certitudo omnimoda requiratur. Potuit igitur Puella contra hujusmodi manus extensionem, quæ ut plurimum terminare solet ad tactum, prætermissa verborum defensione, quæ nihil, vel raro prodest, verberare se tueri, cumque ex tali facto commendanda potius sit, quam objuranda, nullam Excommunicationis poenam incurrisse dicendum est. Ita cum Bonac. in Bullam Cœnæ disp. 2. quæst. 2. punct. 6. §. 1. n. 3. abique communiter.

CAS. II. Paulus senex confitetur se in ætate adolescentiæ plura commississe obscœna, nec tamen recordari, an ea confessus fuerit, sed valde timere se ea silentio præterisse. Q. quomodo Confessarius in casu se geret.

Respondeo. Ex quo Paulus præcise non recordetur an obscœna, quæ in adolescentiæ ætate commisit, confessus sit, nulla oritur in ipso obligatio, eundem de hac re recordari non teneatur, præsertim post diuturni temporis lapsum, & ætate senili, in qua memoriæ vigor decrevit. Ex quo autem idem Paulus valde ulterius timeat; ne prædicta obscœna tacuerit, debet Confessarius mediis opportunitis interrogationibus investigare, unde nam oriatur hinc magnus timor; si enim valde timeat ex levi fundamento, uti scrupulosus accidere solet, prædictus timor nibili faciendus est; si vero valde timeat, ex quo sciens, vel dubitans obscœna, dum ea commisit, esse peccata, credat se ob ruborem, vel similem causam eandem in confessionibus factis silentio præterisse; in tali casu consulendum est idem Paulus, ut vel tantum obscœna, quæ timet tacuisse, clavibus de præsentibus subiciat, si bona fide in confessionibus factis processit, vel ne una cum obscœnis etiam integras repetat confessiones, si ex quo mala fide in eisdem faciendis processerit, sacrilege factas esse dignoscatur. Et hoc modo juxta circumstantias superius recensitas Confessarius in casu cum poenitente suo geret. Ita cum Giribald. de poenit. cap. 11. num. 4. & 6. Dian. part. 3. tractat. 4. resol. 108. Modern. quæst. 4. artic. 8. num. 14.

CAS. III. Parochus assistere renuit Matrimonio, quod Caja contrahere vellet cum Titio, qui a nativitate surdus simul, ac mutus est. Q. an bene se gerat.

Respondeo cum distinctione. Si Titius a nativitate surdus simul, & mutus nullo modo significet se intelligere, quod ad substantiam Matrimonii pertinere certum est, optime se gerit Parochus, si tali Matrimonio assistere renuit, ne illi assistat actui, quem ex necessariæ cognitionis, consensusque defectu jure merito invalidum, ac nullum putat. Si vero ex signis, & numeris ipsis Titii possit Parochus fieri moraliter certus eundem agnoscere quid agat Matrimonium contrahendo, male se gerit Parochus, si prædicto

Matrimonio assistere, alio non obstante impedimento, recusat. Ratio est quia si nullum datur dirimens impedimentum, & contrahentes agnoscunt quid agant, validum, & licitum est Matrimonium, cui proinde Parochus ex officio tenetur assistentiam suam præbere; dura secus nimis foret hominum ditorum conditio, si a conjugalis status electione absolute, & absque ullo discrimine prohiberentur. Ita cum Bos. de Matr. cap. 3. n. 33. Rosig. de sponsal. contr. 14. disp. 1. §. 9. Sanch. de sponsal. disp. 8. num. 11.

M E N S E S E P T E M B R I S.

CAS. I. Filius familias sub spe lucrandi officium valde honestum, & utile recusat recognoscere publicis externis actibus Patrem utpote vilis conditionis, licet eundem intente diligat, & externis etiam pecuniæ subsidiis adjuvet. Q. an dictus publicus agendi modus possit in casu licere.

Respondeo affirmative. Cum enim negligere tales actus externos in casu non proveniat ex defectu filialis obsequii in Patrem, sed ex fine lucrandi officium valde honestum, & utile, quo non tenetur filius Patris gratiam privari, dicendum est prædictum publicum filii cum Patre agendi modum posse in casu nostro licere. Eo præcipue quod Pater in casu nequit esse rationabiliter de dicto agendi modo invitus, cum ex una parte ipsi Patri cordi esse debeat filiorum honor, atque decens utilitas, & ex altera pietas filii in ipsum per subsidia ipsi a filio præstita sufficienter manifestetur. Quamvis itaque prædictus agendi modus filio in honore jam constituto non liceat, quia tunc publicis externis actibus recognoscere Patrem quantumvis vilem nullum ipsi filio præjudicium potest asserere, oppositum tamen dici debet in casu, ne filius, quod lucrari sperat, cognoscendo externis actibus Patrem magno sui detrimento amittat. Ita cum Rosig. de patr. potest. disp. 3. cap. 1. num. 13. Bonac. in 4. decal. præcep. disp. 6. q. unic. punct. 2. num. 4.

CAS. II. Franciscus obtinuit a Sancta Sede dispensationem impedimenti affinitatis, sed exprimendo copulam, quam habuit cum sua affine, non expressit intentionem, quam per dictam copulam habuit, obtinendi scilicet facilius dispensationem: Q. an obtenta dispensatio sit nulla.

Respondeo affirmative. Quamvis enim diversimode sentiant Auctores circa valorem, vel substantiam dispensationis super affinitatis, vel consanguinitatis impedimento a Sancta Sede obrentæ, quando in supplici libello reticetur vel copula habita, vel prava intentio obtinendi facilius vi copulæ habitæ dispensationem; adhuc tamen pro pravi dicendum est dispensationem obtentam sine pravia manifestatione prædictæ copulæ, praveque intentionis, nullam, ac subreptam esse, cum ita a Summis Pontificibus statutum sit, ut validus inter consanguineos, & affines detestabile incestus crimen impediatur. Hoc tamen intelligendam puto, primo quando prædicta intentio fuit exterius manifestata, cum Ecclesia de internis non iudicat, secundo quando eadem intentio fuit inter copulam habentes reciproca, cum æquum non sit, ut unus delictum alteri noceat, tertio denique quando alia sufficiens dispensationis causa enarrata non fuit, cum secus obligatio manifestandi sive copulam, sive intentionem in copula habitam non videatur amplius urgere. Ita cum Sanch. de Matr. l. 8. disp. 25. num. 30. & 31. Corrad. in praxi disp. l. 6. cap. 1. num. 36. & seq.

CAS.

CAS. III. Juvenis in ætate annorum viginti constitutus, cum esset gravi infirmitate detentus vovit, si convalesceret, determinato infirmorum Xenodochio toto vitæ suæ tempore inservire. Cum autem infirmitatem suam perfecte evaserit, vellet adhuc per aliquod tempus voti sui executionem differre. Q. an, & per quale tempus hoc liceat.

Respondeo. Licere, sed ad modicum tempus. Ratio primæ partis est, quia dum dicitur, quod conditionate vovens purificata conditione teneatur statim, seu quam primum potest, votum suum implere, ille particulæ statim, seu quam primum, accipi debent juxta communem prudentiam virorum sensum, in quo aliquam semper temporis dilationem admittunt sicuti alias similes obligatione sub dictis particulis enunciatas explicare solemus. Ratio secundæ partis est; quia ubi non datur rationabilis causa differendi ad notabile tempus voti facti executionem, licita esse nequit prædicta dilatio juxta illud, quo legitur Deuter. 23. *Cum votum voveris Domino Deo tuo, non tardabis reddere, & si mortuus fueris, reputabitur tibi in peccatum.* Cum autem, ex quo juvenis noster perfecte jam convalescerit, & attempta ejus annorum viginti ætate sit jam bene aptus, ut Xenodochio de præsentibus inserviat, nullo appareat rationabilis causa differendi ad longum tempus voti facti executionem, immo ex quo votum perpetuum sit, quo magis differretur ejusdem executio, minus de eodem reddatur Deo, dicendum remanet, nequaquam licere, ut idem juvenis ultra modicum aliquod tempus, puta ultra spatium quatuor, vel quinque mensium Xenodochio, ut vovit differat inservire. Ita cum Spor. de voto cap. 2. sect. 3. num. 111. & 117. Tambur. L. 3. in decal. cap. 12. §. 3.

M E N S E O C T O B R I S.

CAS. I. Capellanus institutus ut quotidie absque ulla vacatione juxta institutoris mentem celebret, dubitat, an juxta eandem celebrare teneatur sive in die Commemorationis Omnium Defunctorum, sive in Cœna Domini, si aliquando hac die ei celebrandum occurrat. Q. dubii solutio.

Respondeo, pro dubii solutione per se loquendo teneri prima, non autem secunda die. Ratio pro prima est, quia cum ex nulla positiva lege, vel approbata consuetudine vim legis habente satis constet applicationem Sacrificiorum tali die fieri debere juxta mentem Pontificis, vel Ecclesiæ Defunctorum omnium suffragium, nulla adest efficax ratio excusandi Capellanum nostrum, si tali die Sacrificium non offerat juxta mentem sui institutoris. Ratio pro secunda est, quia si die Cœnæ Domini aliquando celebrare contingat, hoc non de jure aliquando communi, sed ex peculiari Superiorum indulto, & favore tali personæ concessio procedit; tali autem favori derogare non potest dispositio institutoris, cum iste nequeat Capellano a se instituto aliam celebrandi obligationem imponere, præter illam, quæ de jure communi permissa est, ita ut illæ particulæ, quotidie, absque ulla vacatione &c. illos quidem respiciant dies, qui vel ob majorem decentiam, vel ab aliud motivum solent de jure communi ad non celebrandum concedi, non vero illos, in quibus ex peculiari aliquando favore, ac privilegio celebratur. Ita cum Pasqual. de Sacrif. q. 1133. & 1135. & aliis.

CAS. II. Rusticus Paterfamilias ex quo audierit plures gabellas impositas esse ad pompas in moderatas publice sustinendas, vehit ut plurimum in Civita-

vitare fructus cuiusdam sui prædii absque solutione gabellæ. Q. an licite hoc faciat.

Respondeo cum distinctione. Si ex ore vulgi præcise adivit Rusticus gabellas plures fuisse impositas ad pompas immoderatas publice sustinendas, dico eundem gabellas fraudando illicite operari, quia cum vulgus plurimum oblitescere soleat, quando imponuntur, vel augentur gabellæ, etiam si ex iusta, & rationabili causa hoc fiat, ipsius vulgi dictum nequaquam præber rationem vere probabilem quæ ad earundem gabellarum solutione excuset. Si vero gabellas prædictas sic esse impositas audivit Rusticus noster a viris honestis, & fide dignis, nunc censendum est rationem vere probabilem ipsi favere, ut licite possit vehere in Civitatem Prædii sui fructus absque solutione gabellæ, cum enim non tondere iudicet tales gabellas contra juris regulas fuisse impositas, optime potest ab earundem solutione excusari. Hoc tamen intelligendum est, dummodo absit periculum depauperandi se & familia in amissione rerum, quas vehit sine solutione gabellæ, stante enim tali periculo, cui licite se, aliosque exponere nequit, etiam si gabellæ non forent jure impositæ, easdem licite fraudare nequaquam potest. Ita cum Lugo disp. 36. dissert. 6. Lefs. L. 2. cap. 33. num. 67. Girib. de iust. cap. 5. num. 58.

CAS. III. Cum dies anniversaria, qua Missa de Requie juxta Testatoris mentem celebrari debebat, in duplex primæ classis festum incidit, judicavit Parochus eandem Missam die immediate sequenti, quæ erat de duplici tantum minori celebrandum fore. Q. an rectum fuerit Parochi prædicti judicium.

Respondeo negative. Ut enim celebrari possint Missæ de Requie in die, quæ sit de ritu duplici, sive majori, sive minori, requiritur copulativa, & quod tales Missæ sint a testatore præscriptæ, & quod dies, in qua celebratur, sit vere dies illius obitus annua, ita enim disposuit Sacra Rituum Congregatio, ut ex ipsius Decretis hac de re editis, die 22. Novemb. 1668. & 23. Sept. 1669. videre est. Cum igitur in nostro casu dies immediate sequens ad festum primæ classis, in quo missa de Requie celebrata non fuit, non sit amplius dies annua obitus Testatoris, dicendum est non potuisse tali die, utpote de ritu duplici quantumvis minori Missam antecedenti die omissam celebrari, sed debuisse in alteram diem nullo duplici ritu impeditam ejusdem Missæ celebrationem transferri, & proinde, cum secus a Parocho nostro fuerit judicatum, rectum non fuisse ipsius judicium censendum est.

M E N S E N O V E M B R I S.

CAS. I. **A**dolescens in arte scribendi peritus, ut cum Caia sibi affine Matrimonium sine sumptu contrahere posset, falsum construxit Breve Datarie, in quo opportuna dispensatio continebatur. Cum autem ejus fraude detecta confugerit ad Ecclesiam, petit ab Ecclesie Rectore, an esset in tali loco secutus, cui Rector affirmative respondit. Q. an bene responsum fuerit.

Respondeo affirmative. Quamvis enim Brevia, quæ solent a Dataria pro dispensationibus Matrimonialibus expediri, utpote nomine ipsius Pontificis scripta, jure merito inter Apostolicas Litteras enumerentur; adhuc tamen dicendum est adolescentem nostram, qui falsum Datarie Breve construxit, nequaquam Ecclesie, ad quam ejus fraude detecta confugit, securitate privari. Ratio est, quia inter casus a jure asyli exceptos, quos

quos Benedict. XIII. per suam Bullam, quæ incipit; *Ex quo Divina*, illis addidit Bullæ Gregorianæ, recensetur ille dumtaxat falsificantium, non vero falso construendum Apostolicas Litteras, uti ex verbi landatæ Bullæ apparet. Cum igitur ex una parte sit quid diversum veras Litteras falsificare, ac falsus construere; & ex altera lex in odiosis ex communi regula restringenda sit, non amplianda, dicendum superest Adolefcentem in easus pœnas quidem incurrisse in Bulla Cœnæ contentas, eum in illa tam Apostolicas Litteras falsificantes, quam falso fabricantes distincte, & expresse recensetur, non tamen Ecclesiastica Immunitate privari, cum in Benedictina Bulla falsificantium quidem, falso autem fabricantium mentio nullatenus fiat.

CAS. II. Petrus Confessorio suo exponit ad facilius obtinendam impedimenti consanguinitatis dispensationem falso in supplici libello narrasse se cum consanguinea, quam in uxorem jam duxit, carnalem copulam habuisse, quid agendum, ut Matrimonium prædictum ex invalido in validum transeat.

Respondeo. Ad Datariali iterum scribendum fore. Ratio est, quia licet alii obreptionis, vel subreptionis defectus, per quos dispensationes a Dataria obtentæ nullæ sunt, quamdiu occulti remanent, possint, ac soleant per favorabilem Pœnitentiariæ reteripsum sanari, ut contingeret ex. gr. si ipsa copula habita cum affine, quam quis in Matrimonium ducere intendebat, non fuisset in supplici Libello narrata, adhuc tamen easum copulæ falso narratæ ejusdem Pœnitentiariæ facultas nequam se extendit, eum in Innocenti XII. Bulla super Pœnitentiariæ facultatibus de revalidandis Matrimoniis nulliter contractis ex causa subreptionis occultæ Litterarum Apostolicarum efformata casus noster expresse excipitur per hæc verba: Præter quam, si falsitas consistat in narratione præcedentis copulæ, quæ tamen antea non intercesserat. Ut igitur Petri Matrimonium ex falsa copulæ narratione invalide cum consanguinea contractum in validum convertatur, nova impedimenti dispensatio ex iustæ causæ narratione a Dataria petenda est, ut Instructione a Sanct. Domino nostro die 2. Oct. 1738. hac de re edita sub num. 10. luculentissime edocemur.

CAS. III. Ut contra usurpatorem prædii ad Ecclesiam Parochialem spectantis expensas litis sustineat Parochus opportunam pecuniæ summam a Cajo recipiens, passivum censum super alio ejusdem Ecclesiæ prædio fundavit. Q. an licite, & valide prædictum censum fundaverit.

Respondeo negative, quo ad utramque partem. Ratio est, quia contractus quilibet, quo ad dominium aliquod sive directum, sive utile Ecclesiasticæ rei sive immobilis, sive mobilis pretiosæ, quæ servando servari potest, in alium sine debita facultate, & solemnitate transferatur, illicitus, & invalidus est, ut aperte colligitur tum in Extravag. Ambrosiæ, tum in cap. Nulli de rebus Ecclesiæ non alienandis. Cum autem prædictum dominium circa illam prædii partem, quæ pro quantitate receptæ pecuniæ censui subjecta est, in ipsum Cajum a Parocho transferatur, & ex altera parte nulla fiat mentio quod debita facultas, atque solemnitas in casu nostro fuerint, dicendum remanet factam census impositionem, etiam ad sustinendas contra alterius prædii usurpatorem, litis expensas fuerit ordinata, ita prohibitam esse, ut prorsus illicita, & irrita censeatur. Ita cum Bonac. de alien. bonor. Eccles. q. unic. punct. 2. n. 9. Riccio decis. 49. & 71.

MENSE DECEMBRIS.

CAS. I. **H**omo dives, simulque pius, & humilis proxime moriturus, disposuit, ut eo defuncto, ejus cadaver abique omni profusus funebri pompa ad tumulum deferatur, cui dispositioni Parochus restitit. Q. quoniam laudandus, dives ne, an Parochus.

Respondetur cum distinctione. Si pro funebri pompa id præcise intelligatur, quod ad nobilium, & aliorum graduum distinctionem fieri solet, non Parochi resistentia, sed divitis dispositio laudanda est, cum id elegerit vir pius, & humilis, quod magis Deo placere compertum est. Si vero funebri pompæ nomine veniat pii, ac religiosi illi ritus, quos in sepeliendis mortuorum corporibus Beatorum Apostolorum exempla secuta, ac regulis Sanctorum Patrum instructa servat Ecclesia, dicendum est Parochum, non vero divitem laudandum fore. Cum enim aperte præscribat Rituale Romanum tit. de Exequiis, ut Sacras Cæremonias, ac Ritus, quibus Sancta Mater Ecclesia in filiorum suorum exequiis ut solet, Parochi summo studio observare debeant, atque usu retinere, & hoc idem per edictum suum Clemens XI. confirmaverit, ut in ejusdem Bullario videre est, jure merito infertur, quod executioni mandari non debeat ultima defunctorum voluntas in ea parte, in qua eorum corpus absque ulla honorificentia ab Ecclesia instituta humani præscribant uti jam ab anno 1699. 15. Jun. etiam Romana Rota de funeralibus definivit.

CAS. II. Cum duo Peregrini Romam devotionis causa adeuntes quadam die in via rixati, baculis, quos præ manibus gerebant, graviter ad invicem se percussissent, reconciliatis inde animis pro obtinenda Sacramentali absolutione ad proximorum Parochum accesserunt, qui eisdem absolvit. Q. an vere potuerit a simplici Parocho absolvi.

Respondetur affirmative. Ratio est, quia si aliqua in oppositum dubitandi ratio adesse potest in casu, illa maxime est propter excommunicationis censuram, quæ lædentes Romipetas Bulla Cœnæ præstringit; prædicta autem ratio nihil evincit, nam laudata Bulla exprimit quidem interficientes, vulnerantes, ac mutilantes; simpliciter vero percutientes non exprimit; quos tamen exprimere debuissent, si etiam hos voluisset Pontifex lætæ excommunicationis poenæ subiectas. Cum itaque in poenis verba stricte sint accipienda, ut cap. in poenis de reg. jur. in 6. dicendum est, Peregrinos nostros, qui se invicem baculis percusserunt, nullam incurrisse censuram, quod valeat etiam si graviter se percutiendo, aliqua carnis confusio, tumor, vel macula in cute appareret, dummodo nullum verum vulnus intinctum sit. Posito autem quod Peregrini prædicti nulla reservata excommunicationis censura innodati remanserint, in dubium verti non potest eisdem potuisse a simplici Parocho absolvi. Ita cum Dur. l. 2. can. 10. quæst. 2. num. 2. Ugolin. c. 10. v. vuln. rantes n. 2. Bonac. in Bullam Cœnæ quæst. 11. punct. 1. n. 3.

CAS. III. Cajus juvenis ad donum perseverantiæ in castitatis virtute impetrandum diei sibi bene visæ singulis annis eligendæ in honorem Sancti Joannis Apostoli jejunium vovit. At talis jejunii inde petæsus opinatur per unicum jejunium perviligii Nativitatis Dominicæ posse simul votum a se emissum implere.

Q. an opinio prædicta admitti ut tutâ.

Ref.

Respondeo negative. Quamvis enim per se loquendo unico actu possit quis pluribus obligationibus satisfacere, adhuc tamen non videtur posse juvenem nostrum unico pervigilii Nativitatis Dominicæ jejunio, & Ecclesiæ præceptum, & votum a se emissum implere. Ratio est, quia votum jejunandi in honorem Sancti Joannis Apostoli a Cajō emissum videtur cadere supra jejunium alias non debitum; tum quia novam carnis afflictionem debuit idem Cajus intendere, dum eam ordinavit per votum ad donum perseverantiz in castitatis virtute impetrandum, tum quia, ut dicitur in casu, jejunii in voto promissi Cajus fuit inde pertaxus; quod nisi de novo jejunio intelligi apte non potest. Dicendum itaque, quod etsi Cajus sit liber in electione diei pro jejunio cum jejunium voverit diei sibi bene visæ singulis annis eligendæ, non tamen ita liber est, ut possit, tanquam tuta admitti opinio illa, quæ putat eadem die, qua jejunium aliquod ab Ecclesiâ præscriptum est, ut est illud pervigilii Dominicæ Nativitatis, posse simul jejunii votum a se emissum implere. Ita cum Girib. in primum Decal. præcept. c. 5. n. 7. Mazuch. n. 16.

A N N O M D C C X L I .

M E N S E J A N U A R I I .

CAS. I. **B**ertæ adulteræ mortem minatur Maritus, adulteris commissæ veritatem occultat, unde ipsa in Confessario consilium petit.

Q. quod illi sit consulendum.

Respondeo cum distinctione. Si novit Berta Marito certo innotuisse adulterium, consultus erit veniam injuriæ petere, ac pœnitentiæ signis Cœjugis iram lenire, ne forte ipsius furorem in se magis concitet, si cognitam veritatem voluerit pertinaciter occultare. Si vero Maritum de adulterio a Berta patrato leviter dumtaxat indicia, levemque habeat suspicionem, consulendum erit Bertæ, ut se adulterium commississe neget, negationemque, si opus sit, juramento confirmet, intelligendo, intra se non commississe adulterium, quod teneatur Marito interroganti aperire. Quamvis enim amphibologica, & æquivoca locutio, ubi nulla intervenit rationabilis causa, adhibenda non sit; licitus tamen est ejus usus, quando agitur de evitando gravi damno famæ, & vitæ, ut in nostro casu contingit. Neque uteretur Berta in casu restrictione pure interna, & mentali, quia de facili potest Maritus agnoscere, Uxorem non tenebi cum tanto propriæ infamæ, & vitæ periculo turpitudinem suam fateri. Ita Cardenas in propof. damnat. dissertat. 19: cap. 2. num. 17. Piselli p. 1. tract. 4. cap. 2.

CAS. II. Cajus perpetuo Carceri iusta de causa mancipatus pluries tentavit fugam, & demum fracto Carcere fugiit. Q. an peccaverit. sive tentando fugam, sive frangendo Carcerem.

Respondi. negative quo ad utramque partem. Ratio primæ partis est, quia perpetui Carceris pœna, pœnæ mortis æquiparatur, adeo gravis est ut reus, quandiu spes affulgeat, jus omne ad illam evitandam retineat, cum nulla potestas humana, nisi aliud postulet commune bonum, ad illam subeundam valeat obligare. Ratio posterioris est, quia cum licitum sit.

Et in casu fugam arripere, licita quoque esse debent media ad fugam, & consequenter ipsa Carceris, fractio, sine qua ex hypotesi fuga haberi non potest. Cum igitur hic non agatur vel de gravis communis boni periculo; vel de aliqua iudicis, aut ministrorum injuria, aut lésione, poterit, ad summum dici, Cajum teneri ad reparandum damnum securæ fractionis, nunquam vero eundem, sive tentando fugam, sive frangendo Carcerem, pecasse. Ita D. Th. 2. 2. q. 69. art. 4. ad 2. Lugo de iust., & jur. d. 40. sect. 4. n. 41. & 42.

CAS. III. Cum ruralis Parochus, ad consecrandam Particulam pro ministrando Viatico Parochiano moribundo, Missam celebrare deberet, noluit celebrare, quia Altare carebat luminibus opportunis. Q. an bene se gesserit.

Respondeo cum distinctione. Si pro carentia luminum opportunorum, carentia quorumcumque luminum absolute intelligatur, dico Parochum se bene gessisse. Ratio est, quia in quacumque hypotesi, sive diei festi, sive Viatici ministrandi, illicitum est, utpote contra reverentiam debitam Sacrificio, Missam absque omni lumine celebrare. Si vero intelligatur tantummodo carentia luminum in qualitate, aut numero per rubricas præscripto, male Parochum se gessisse dicendum est. Quamvis enim ex rubricarum lege duo saltem lumina ex cera quolibet Sacrificio sint adhibenda, lex ista præciso scandalo urgere non debet in casu necessitatis, qualis ille est, in quo noster Parochus reperitur; in hoc enim casu, & unicum lumen sufficere, & illud sive ex cera, sive ex oleo, aut sermo confectum sit, sufficienter posse intervenire communiter docent Auct. ut ex Azor. lib. 10. c. 28. q. 5. Girib. de Sacrif. Missæ tr. 5. c. 9. La Croix l. 6. p. 2. n. 308. §. 11.

MENSE FEBRUARII.

CAS. I. Titius nonnullis vix transactis horis ab ultima denuntiatione vellet Matrimonium cum Berta contrahere. Q. an Parochus liceat possit Titii votis annuire.

Respondeo negative. Quamvis enim ex Concil. Trid. sess. 24. c. 1. de refor. Matrim. expresse non habeatur, quod Matrimonii celebratio ad aliquod tempus, puta ad spatium duorum saltem, vel trium dierum, post ultimam denuntiationem differri debeat, adhuc tamen, cum finis denuntiationum sit, ut si aliquod obster impedimentum, detegi possit, atque opportune deferri, menti ipsiusmet Concilii, & Ecclesiæ valde consonum est, ut ultima peracta denuntiatione Matrimonium statim non contrahatur, sed duorum saltem, vel trium dierum spatium pro iisdem impedimentis, si quæ sint, opponendis supersit. Hac de re praxis est plurimum Synodaliū Constitutionum firmata, ut absque Ordinarii licentia ultima denuntiationis die Matrimonium non celebraretur, nisi ultimam denuntiationem fieri illa die contingat, ad quam immediate Adventus, vel Quadragesimæ initium subsequatur ita ex Auct. Eccl. Mediol. de instr. Matrim. part. 4. c. 2. Girib. de denunc. n. 10.

CAS. II. Sciens Sacerdos in Oratorio campestri recenter constructo, & nondum benedicto, ex duorum rixa secuta esse violentam sanguinis effusionem, Missam in eodem celebravit, antequam opportuna foret benedictione reconciliatum. Q. quot leges fregerit.

Ref-

Respondeo; unicam legem fregisse. Ratio est, quia, cum ex can. r. de consecr. d. 1. Missæ Sacrificium nequeat celebrari in Ecclesiis, vel publicis Oratoriis, nisi prius fuerint sacro Consecrationis, vel saltem Benedictionis ritu divino cultui dicata, clare apparet, Sacerdotem nostrum, qui Sacrum peregit in Oratorio Campestri recenter constructo, & sive ante, sive post, secutam Sanguinis effusionem nullatenus benedicto, contra supra laudatam legem egisse. Non apparet autem, quomodo aliam fregierit, cum dici non possit aliam fregisse, ex quo celebravit in loco polluto, nam cum loci Sacri pollutio a jure inducta, utpote importam legalem maculam, legali tantummodo sanctitati ex Consecratione, aut Benedictione ortæ opponatur, dicendum est Oratorium in casu nostro, utpote nullatenus consecratum, aut benedictum; neque proprie fuisse per violentam Sanguinis effusionem pollutum, & proinde stat Sacerdotem in eodem Oratorio celebrantem unicam dumtaxat legem fregisse, ut dictum est. Ita ex Pasqual. de Sacrif. qu. 539. n. 1. Anaclet. de Sacram. q. 12. n. 116.

CAS. III. Paulus accusans se in Confessione de re gravi furto sublata, non explicat tempus, quo rem ablatam apud se retinuit. Q. an prædicta Confessio habeat sufficientem integritatem.

Respondeo cum distinctione. Si Paulus tempore, quo apud se rem ablatam retinuit, per novum specialem actum, pluris renovavit propositum non restituendi: vel data pluries opportuna restituendi occasione, etiam cum advertentia ad Dominum rationabiliter invitum, potens restituere non restituit, ejus Confessio sufficienter integra dicenda non est. Ratio est, quia, cum novum elicere non restituendi propositum, vel data restituendi occasione non restituere, sit elicere novum actum, vel expressum, vel implicitum contra præceptum non retinendi alienam rem, quod, utpote negativum, semper, & pro semper obligat; hinc est, quod in casu Confessio ipsiusmet Pauli, utpote non explicans numerum peccatorum, sufficientem non habet integritatem. Si vero Paulus nunquam potuit restituere, vel semper fuit in eodem non restituendi proposito, nec aliquando majus domini malum secutum sit, tunc cum diuturnitas temporis nec numerum auget peccatorum, neque circumstantiam importet necessarie in Confessione aperiendum, dicendum est, Pauli Confessionem etiam non expresso tempore, quod apud se rem ablatam retinuit, sufficientem integritatem habere. Ita Bon. de restit. disp. 1. q. 6. num. 10., & 11. Girib. c. 5. num. 27.

M E N S E M A R T I I.

CAS. I. **R**usticus in formam pauperum petit a Santa Sede, & obtinuit Dispensationem ad contrahendum Matrimonium cum Caja sibi in quarto gradu affine: Antequam tamen Matrimonium contraheret, ex obitu cujusdam consanguinei sui, ei advenit pro statu suo pingui hæreditas. Q. an ex obtenta Dispensatione possit valide prædictum Matrimonium contrahere.

Respondeo cum distinctione. Vel dispensatio a Pontifice obtenta, & per Commissarium executioni demandata est, antequam Rustico adveniat pinguis hæreditas, vel non. Si primum, dico, Rusticum jam vere, & legitime dispensatum posse valide dictum Matrimonium contrahere, ablatum est

enim

enim obex validitati contractus Matrimonialis, quia etiam adveniente pingui hereditate reviviscere amplius non potest. Si secundum, dico; quod non existenti causa finali dispensationis, quando hæc petitur a Pontifice, vel cessante prædicta causa tunc temporis; quando Commissarius est dispensationem executurus, nequit amplius ipsa dispensatio executioni mandari, cum intentio Pontificis concedentis, & alteri delegantis executionem dispensationis nonnisi veritati expostæ causæ innitatur; & proinde dicendum, impedimentum adhuc perseverare; & Rusticum ex obtemperata dispensatione non posse valide prædictum Matrimonium contrahere. Ita Lay. l. 1. tr. 4. c. 22. de dispens. num. 14. & 15. Suar. l. 6. de Leg. c. 20. num. 13.

CAS. II. Cum quadam die festo non haberet Parochus ruralis vinum ad celebrandam Missam, celebravit in musto. Q. an licite, & valide consecraverit. Respondeo affirmative quoad utramque partem. Ratio, cur valide consecraverit, est, quia mustum, ex uvis maturis expressum, est verum Vinum de vite, quamvis impurum, & imperfectum, & proinde materia vere sufficiens pro Calicis consecratione. Ratio, cur consecraverit etiam licite, est, quia in casu necessitatis licitum est adhiberi vinum, etiam si non sit totaliter purum, & defecatum, quale est mustum ex uvis maturis expressum, ut colligitur ex cap. cum omne de consecr. dist. 2. ubi dicitur posse in necessitate botrum in Calice exprimi, & aqua misceri, & ita confici Sacrificium. Cum itaque habeatur in casu diei Festi necessitas audiendi Sacrum, & ex altera parte usuale vinum pro Sacrificio conficiendo nequeat, ut inquit casus noster, adinveniri, Parochum nondum valide, sed etiam licite in musto celebrasse dicendum est. Ita ex Tambur. de Euchar. l. 4. c. 1. §. 2. num. 2. Girib. c. 2. n. 15.

CAS. III. Sacerdos finita Missa, cum jam esset in Sacristia, fragmentum in Patena invenit. Q. quid facere debuerit.

Respondeo cum distinctione. Si Sacerdos fragmentum in Patena invenit antequam vestes Sacerdotales exneret, idem fragmentum, utpote Sacrificii a se peracti reliquiam, sumere tenebatur, cum hæc sumptio ejusdem Sacrificii, quod consecratur moraliter perdurare, complementum sit, ac perfectio. Si vero prædictus Sacerdos fragmentum invenit postquam vestibus spoliatus jam fuit, debuit vel in Tabernaculum illud deferre, si commode, & absque populi admiratione fieri potuit, vel tuto, & decenter illud servare, ut ab alio Sacerdote consumeretur, si adesset, qui eadem die celebraturus foret; vel denique in casu, quo sive Tabernaculum, sive alter Sacerdos celebraturus deficeret, debuit ab eodem sumi, qui Missam runc celebravit. Ita ex Adnot. SS. D. N. Benedicti XIV. de Sacris. sect. 2. §. 146. Zucher. ref. mor. de Euch. cas. 2. mens. Dec.

MENSE APRILIS.

CAS. I. **M**aritus quidam in absentia suæ Conjugis sæpius habuit delectationem de actu conjugii sive præterito, sive futuro, absque tamen periculo pollutionis. Q. an tales delectationes voluntarie eliciendo peccaverit.

Respondeo negative per se loquendo. Ratio est, quia delectatio specificatur ab objecto, & proinde talis est delectatio, quale objectum. Cum autem actus conjugii, qui in nostro casu est objectum, de quo Maritus in absentia

Con-

Conjugis delectatur, licitus sit ipsi Marito, licitum quoque ipsi erit de eodem Conjugii actu, sive futuro, sive præterito, delectari. Neque refert, talem delectationem in Conjugis absentia non posse conjugii cum copula: nam sicuti possunt Conjuges, quando non adest periculum pollutionis, honestis tactibus, & osculis invicem delectari absque peccato, etiam si copulam non intendant; ita absente eodem pollutionis periculo possunt per se loquendo absque peccato delectari de actu Conjugii, sive præterito, sive futuro, etiam si copula pro tunc nequeat obtineri. Dixi, per se loquendo, hoc est, attendita præcise natura prædictæ delectationis; nam præter aliquam inordinationem, quæ de facili in tali delectatione invenitur, nequit foras a veniali culpa excusari. Ita Girib. de Delect. mor. c. 16. n. 112. Laym. l. 1. tr. 3. c. 6. n. 12.

CAS. II. Titius in die jejunii morose delectatur de esu carniurn, quas mente revolvit. Q. an peccet contra jejunii præceptum.

Respondeo negative. Cum enim in die jejunii non interior de esu carniurn delectatio mente percepta, sed tantum externa carniurn manducatio, & quidem non aliquo naturæ jure, sed tantummodo positiva Ecclesiæ lege prohibita sit; sequitur Titium, qui de esu carniurn, quas mente revolvit, morosam fovet delectationem, nequaquam contra jejunii præceptum peccare. Nisi itaque Titius pravam foveret voluntatem carnes comedendi tempore vetito, quod casus noster non exprimit, nullo modo ipsum peccare contra Ecclesiæ præceptum dicendum est. Dixi, contra Ecclesiæ præceptum; quia cum in vanis hujusmodi cogitationibus superflua quæri soleat delectatio, non erit Titius ex hoc capite ab omni saltem levi culpa immunis. Ita Laym. l. 1. tr. 3. c. 6. n. 9. Ana. de præc. Dec. tr. 9. dist. 7. num. 18.

CAS. III. Capellanus accepta elemosyna ad celebrandam Missam pro re gravi, differt celebrationem per aliquot dies.

Q. an graviter peccet.

Respondeo cum distinctione. Vel res illa gravis, pro qua celebratio Missæ fuit imposita Capellano, est res aliqua pendens, & necessitas de præsentia urgens, vel non. Si primum, ita ut tempore illo, quo Capellanus distulit celebrare, infirmus ex. gr. jam obierit, Sententia pro lite prolata sit, vel simile aliud negotium transierit, dico, Capellannum neque posse a gravi culpa excusari, neque receptum Missæ stipendium posse retinere, cum egerit contra mentem illorum, qui Missam pro re gravi absque dilatione celebrandam postularunt, & Missa, re gravi jam transacta, nequeat amplius habere postulatum effectum. Si secundum, dummodo Missæ postulatorem omnimodam non exigant celeritatem, dicendum est, Capellannum per aliquot tantum dies, hoc est, ad modicum tempus differentem Missæ celebrationem, neque peccare, neque ad aliquam restitutionem teneri; cum Missa possit adhuc obtinere postulatum effectum, & modici temporis dilatio in Missarum celebratione etiam a Sacra Rituum Congregatione permixta sit. Ita ex Marchin. c. 31. num. 2. & 5. Ana. tr. 14. dist. 5. q. 8. n. 97. Girib. c. 6. num. 38. & 39.

M E N S E M A I I.

CAS. I. **F**Ranciscus detentus in Carcere tanquam reus causæ capitalis, petit a Confessario, utrum Judici interroganti denegare possit Delictum, quod vere commisit. Q. quid debeat Confessarius respondere.

Ref.

Respondeo cum distinctione. Si Franciscus scit, aut dubitat, se non esse legitime interrogatum, eo quod de crimine a se patratto non dentur sufficientia indicia, vel non præcesserit infamia, aut semiplena probatio; tunc Confessarii responsio erit, eundem Franciscum causæ capitalis reum posse absolute negare delictum. Ratio est, quia cum Iudex non servato juris ordine *jos* non habeat interrogandi Reum, illumque obligandi ad veritatem manifestandam, ut colligitur ex cap. cum oporteat, & cap. inquisitionis de accusationibus; neque Reus, quamdiu illi non constet, se esse juridice interrogatum, tenetur ad mentem Judicis respondere, sed licite potest in possessione suæ famæ, suæque vitæ servari. Si vero Franciscus ab opposito sciat, se esse juridice interrogatum, erit Confessarii responsio, ipsum teneri veritatem sateri, etiam si veritate manifestata morte plectendus sit, quia sicuti Iudex secundum jura interrogans habet veritatem manifestandam, ita Reus secundum jura interrogatus tenetur obedire, ac veritatem sateri. Ita D. Thom. 2. 2. q. 69. art. 1. Lessio c. 31. num. 12. Girib. de just. & jur. c. 6. n. 41. & 45.

CAS. II. Uxor obtenta dispensatione impediendi dirimentis occultri reddit debitum Marito petenti, non prius certiorato de nullitate prioris Matrimonii. *Q. an licite reddat.*

Respondeo negative. Ratio est, quia Matrimonium etiam obtenta impediendi dirimentis dispensatione non potest revalidari, nisi ex parte utriusque Conjugis ponatur novus consensus, cum nullus contractus validus sit, ubi consensus contrahentium desideratur. Cum autem nequeat unquam poni novus consensus a Coniuge impediendi ignaro, nisi prius notitiam certam habeat de nullitate prioris consensus, & Matrimonii, hinc sequitur, Marito non prius certiorato de nullitate Matrimonii prioris, juxta consuetam clausulam obtentæ dispensationis, non posse licite Uxorem debitum reddere, cum ista copula respectu Uxoris concisæ nullitatis prædictæ non Matrimonialis, sed vere, & formaliter fornicaria dicenda sit, ut ex sapientissima Instructione a Sanctione D. N. Benedicto XIV. hac de re edita 2. Octob. 1738. aperte videre est.

CAS. III. Petrus fingit se velle redimere Censum annuum, quem Paulo solvit, ut ab eodem Paulo diminutionem fructuum extorqueat, cum de facto neque possit redimere, neque velit. *Q. utrum prædicta fructuum diminutio possit ut valida in conscientia fore tueri.*

Respondeo negative. Ratio est, quia Petrus fingendo se velle redimere annuum Censum ad extorquendam a Paulo fructuum diminutionem, non nisi per dolum, & fraudem ipsiusmet Pauli Censualitæ consensum obtinuit. Cum autem dolus, & fraus, dantes causam contractui, ipsum contractum irritum reddant, sequitur, non posse factam fructuum diminutionem tanquam validam in conscientia fore tueri. Non quidem, quia Petrus jus non habeat redimendi suum Censum; sed quia cum nolit; nec possit proxime Censum suum redimere dolose se gerit, ut fructuum diminutionem, quam unice querit, valeat obtinere. Ita de Lugo de contract. disp. 21. n. 171. La Croix l. 3. part. 2. n. 1018.

CAS. I. **P**arochus in Montanis, ad restaurandam Ecclesie suae Capellam B. V. dicatam, unam ex duabus argenteis Lampadibus, eidem Capelle dono datis ab Ecclesiae Patrono, vendidit, dubitans an ipsi talis venditio in praedicto casu liceret. Q. an aliquam excommunicationis poenam incurreret.

Respondeo negative. Nam etiam dato, quod lampas argentea, quam Parochus noster vendidit, non excipiat a lege Extravaganis Ambrosiae per cap. terrullas 12, q. 2., dici adhuc non potest dari in Casu locum. Censurae per dictam Extravagantem inflictae. Ratio est, quia laudata Bulla non perstringit excommunicationis Censura alienantes sine consensu Apostolico Ecclesiae bona sive immobilia sive mobilia pretiosa, nisi hoc faciant ex certa scientia legis prohibentis, ut constat ex illis Bullae verbis. *Si quis contra hujus nostrae prohibitionis seriem quidquam alienare presumpserit.* Cum igitur Parochus lampadem vendiderit praefate dubitans, an ipsi in casu restaurandi Capellam talis venditio liceret; non vero sciens, hoc sibi esse absolute interdictum, ausu temerario praesumpserit praedictam rem alienare, dicendum est, potuisse quidem peccare ea ignorando, quae scire ex proprio munere tenebatur, non tamen aliquam incurrisse excommunicationis censuram. Ita ex Gavanti in Manual. Episc. v. alencio n. 24. Suar. de censur. disp. 4. sect. 10. n. 2.

CAS. II. Bononiensis Presbyter, domicilium habens in Dioecesi Mutinensi, Officium, ac Missam celebrat de Sanctis Bononiensibus, quia in Bononiensi Dioecesi possidet Beneficium. Q. an licite.

Respondeo negative. Ratio est, quia cum potentius sit vinculum domicilii, & residentiae, quam Beneficii, obligatio recitandi Officium tali ritu, & forma, nequit confurgere ex Beneficio tali loco existente, quandium obstat habitatio Beneficiarii in alio loco, ut in casu nostro contingit. Sicuti, proinde extraneus tenetur se accommodare moribus, & legibus locorum, in quibus habitat; ita Beneficiarius debet se accommodare consuetudini celebrandi, & recitandi Divinum Officium juxta ritum loci, in quo residentiam suam tenet. Et haec est praxis, juxta quam omnes Sacris Ordinibus initiati Missam celebrare solent, Canonicaeque horas solvere de Sanctis illius Ecclesiae, in qua eos morari contingat. Quia de re Bononiensem Presbyterum in Civitate Mutinensi commorantem, qui ratione Beneficii, quod possidet in Bononiensi Dioecesi, Missam, & Officium de Sanctis Bononiensibus celebrat; nequaquam licite se gerere dicendum est. Ita Gavanti in rubric. Breviar. sect. 2. cap. 2. num. 18. Filluc. tr. 23. cap. 7. num. 221.

CAS. III. Capellanus devotus, ac bene affectus erga Parochum suum, solet in Canone Missae, post expressum Episcopi nomen, illud Parochi recensere. Q. an possit ab omni culpa excusari.

Respondeo negative. Cum enim ex praecipio S. Pii Quinti in principio Missae relato praecipitur, ut nemo aliquid addat, vel omittat in Missae celebratione, sed ea praefate servet, quae approbatis ritibus praescribuntur, dicendum est, Capellanum nomen sui Parochi in Canone addentem non posse ab omni culpa per se loquendo excusari. Dixi, ab omni culpa; quia cum additio unius tantum nominis, & quidem non ex fine introductione-

ducendi novum ritum, sed solummodo ex affectu nimio erga Parochum, materiz parvitatem non excedat, nequit in casu adinveniri culpa lethalis. Dixi, per se loquendo, quia si Capellanus devotus ex errore invincibili operatur, erit nedum a gravi, verum etiam ab omni culpa immunis. Ita ex Gav. in Rubric. de Missal. part. 2. tit. 8. num. 1. Tamb. de Sacrif. l. 1. c. 5. §. 3. n. 6.

M E N S E J U L I I.

GAS. I. **S**Uscipis duobus oneribus nonnullarum Missarum, applicavit Sacerdos prima Sacrificia ad mentem illius personæ, quæ primo pro iisdem oneribus stipendium data erat. **Q.** an prædicta applicatio licita fuerit.

Respondeo negative. Ut enim fructus Sacrificii valde, & licite alicui applicetur, necesse est, ut in Sacerdote Sacrificium applicante detur intentio absoluta, & determinata, hoc est, ab omni eventu in futurum contingente independens; Nam si Sacrificium applicari potest juxta mentem illius, qui primo ex duobus daturus est eleemosynam, vel fructus Sacrificii debet in scientia, & acceptione Dei manere suspensus usque dum eleemosynæ primo datæ conditio adimpleatur; vel debet de præsen- ti illi prodesse, qui conditionem eleemosynæ primo adimplebit. Neurrum autem dici potest. Non primum; secus posset nunc etiam applicari satisfactorius Sacrificii fructus per eo, qui est in actuali lethali peccato, ut illi profit, quando futuro tempore justificabitur; quod dici nequit. Non secundum, secus esset in facultate illius qui potest ponere, vel non ponere conditionem, reddere sibi proficuum, vel non proficuum fructum Sacrificii, qui sibi jam fuit transacto temore applicatus; quo pariter nihil absurdius dici potest. Hac de re Sacra Rituum Congregatio 15. Novembris anno 1605. sub Clemente XIII. illorum consuetudinem, qui Missas celebrent pro iis, qui primo sunt stipem elargituri, tanquam a Vetusto Ecclesiæ more aberrantem, explosit, ac improbavit. Ita ex Homob. de exam. Eccles. tr. 4. c. 14. num. 130. Marchin. tr. 5. par. 2. c. 31. n. 9., & 10.

CAS. II. Ludens Titius rusticus cum filiofamilia suæ conditionis una die obulos quadraginta amisit, altera die sexaginta lucratus, est. **Q.** an hoc lucrum possit Titius retinere.

Respondeo, posse Titium absolute retinere obulos quadraginta, quos jam altera die amisit: Sicuti enim Titius perseverante eodem ludo, in quo amisit, poterat licite recuperare pecuniam amissam, ita potest eandem in novo ludo recuperatam licite retinere; nam cum dictæ pecuniæ dominium ex consensu ipsiusmet Titii acquisierit vi ludi filius familias, postest hic eodem modo vi novi ludi lucrata pecuniæ dominium in eundem Titium transferre. Quantum vero ad alios viginti obulos supra quadraginta, filiofamilia qualitas est attendenda: si enim constet, prædictum filium ex præsumpto Patris consensu plenam habere dictæ pecuniæ dispositionem; tunc etiam viginti supra quadraginta lucratus obulos poterit Titius retinere. Si vero non levis adsit suspicio, quod hic pecuniæ excessus vel sit furto e paterna domo sublati vel contra rationabilem voluntatem Patris ludo exponatur; cum sit lucrum pecuniæ, quam filius alienare non potest, erit suo Domino restituendum.

CAS. III. Parochus nulla obtenta facultate cædit arbores frugiferus sui Beneficii, ut eas vendat, & pretium in usus suæ Ecclesiæ necessario convertat. Q. an aliquam poenam incurrat.

Respondeo affirmative. Nam si arbores frugiferae absque nulla facultate a Parocho incisæ in magna sint quantitate, ita ut ex prædicta incisione notabilis deterioratio fundi sequatur, poenam incurrit Parochus Ecclesiæ communicationis in Extrav. Ambitiosæ inflictam, quia inter arbores solo cedunt, & judicantur pars fundi, quam Beneficiarius sine consensu Apostolico nec alienare potest, nec reddere deteriolem, ut ex decis. Rot. Rom. docet Don. p. 69. num. 16. Gav. in Manual. Epil. tit. de rebus Ecclesiæ non alien. num. 18., & Boss. num. 422., & 439. Si vero incisæ arbores in tanta non sint quantitate, ut prædictæ Extravagantis poena incurratur; incurrit Parochus in hac Diocesi poenam suspensionis ab officio, & beneficio ad Archiepiscopi beneplacitum, nec non compensationis illarumque damnorum, cum arborum non casualium incisio, etiam titulo excedendi earum pretium in usus necessarios Ecclesiæ, sub prædictis poenis verita sit, si absque Ordinarii vel ejus Vicarii facultate in scriptis obtenta fiat, ut aperte ex Synod. l. 3. c. 10. videre est.

MENSE AUGUSTI.

CAS. I. Petrus, qui plura habuit fornicandi proposita, per lapsum notabilis temporis interrupta, non vult numerum salium popositorum in Confessione aperire, unde inabsolutus a Confessario rejicitur. Q. an sit jure rejectus.

Respondeo affirmative. Ratio est, quia cum Petrus plura habuerit fornicandi proposita, hæcque per lapsum notabilis temporis fuerint interrupta, dicendum est, eundem Petrum non unum, sed plura commisisse interea peccata, quæ numero censentur multiplicari, quoniam ipsi voluntatis actus moraliter interruptuntur. Cum autem ad Confessionis integritatem omnia, & singula peccata, non solum quo ad speciem, sed etiam quo ad numerum, explicare necesse sit, ut habetur ex Trid. sess. 14. c. 5., & ex alia parte noluerit Petrus propositorum suorum numerum aperire, dicendum est, eundem Petrum, utpote inabsolutum, fuisse jure merito absque absolutione rejectum. Ita ex Girib. de integrit. confess. cap. 7. num. 36., & communiter.

CAS. II. Rusticus in voluntaria ebrietate graviter percussit Clericum quod ante ebrietatem ex malo animo, quem nutrebat in ipsum, se facturum prævidit. Q. an in Excomm. Papæ reservatam incidit.

Respondeo affirmative. Nam ad incurrendam censuram nihil aliud requiritur, nisi quod una simul cum interno actus peccati ponatur ipsum factum externum sub censura prohibitum, etiam si inter internum peccati actum, & ipsum factum externum aliqua temporis mora intercedat. Cum itaque Rusticus, ex malo animo, quem nutrebat in Clericum prævideret ex una parte delictum a se in ebrietate parandum, & ex alia parte se voluntarie inebriando noluerit jam prævisi, inde patris mali periculum evitare, dicendum est, taliter posuisse peccatum, & factum sub censura prohibitum, ut ratione actus ante ebrietatem elicit, & ratione gravis percussio in ebrietate secuta in excommunicationis censuram contra violentam manu iniectionem in Clericos laicam, & Pontifici reservatam, incidere,

rit. Nisi igitur ignorantia juris laboraverit Rufficus, cenferi nequaquam potest a dicta cenfura immunis. Ita ex Suar. de cenfur. difp. 3. lect. 1. n. 20. Bonac. difp. 1. q. 1. punct. 4. n. 10.

CAS. III. Diaconus fimulans externe fe habere intentionem, quam vete non habebat, accipiendi Sacerdotium intra annum, Beneficium Curatum obtinuit, licet mutata inde voluntate Sacerdos intra annum effectus fit. Q. an fructus Beneficii tali anno correspondentes poffit in conscientia retinere.

Refpondeo affirmative. Quamvis enim ex difpofitione e. commiffa de elect. in 6. non folum mortaliter peccet, fed etiam ad reftitutionem perceptorum fructuum teneatur, qui Beneficium Curatum accipit abfque anime fufcipiendi Sacerdotium intra annum a iure prefcriptum; adhuc tamen, cum in laudato texto habeatur, prefcriptam difpofitionem quo ad fructus non valere, quando qui Beneficium obtinuit, mutata voluntate promotus ad Sacerdotium fuit, clare inferitur, Diaconum noftrum, qui mutata voluntate intra annum Sacerdos effectus eft, ita conditionem ab Ecclefia exigitam adimpleviffe, ut poffit in conscientia obtenti Beneficii fructus etiam primo anno correspondentes tanquam fibi debitos retinere. Ex quo itaque fraus aliqua ex parte ipfius Diaconi eo tempore, quo Beneficium Curatum obtinuit, intercefferit, inferri quidem potest, ipfum graviter peccaffe, non tamen ad aliquam perceptorum fructuum reftitutionem teneri, cum ipfa fraus quantum ad fructus retinendos, per voluntatis mutationem, & conditionis impofitæ adimplementum fufficienter purgetur. Ita Layman lib. 4. tr. 2. cap. 14. num. 10. aliique ex Bard. de offit. Par. c. 6. num. 15.

M E N S E S E P T E M B R I S.

CAS. I. **A**ccufans fe poenitens de copula habita cum Meretrice, recusat folvere pretium, quod pro obtinendo illius corporis ufu promiferat. Q. an hoc ftante poffit abfolvi.

Refpondeo negative, probabilius loquendo. Ratio eft, quia, quando in contratu onerofa, etiam de re illicita facta, una pars adimplevit, quod iam promiferat, æquum eft, ut etiam altera pars fuam adimpleat promiffionem; cum etiam res illicita fi pretio æftimabilis; non quidem ut illicita eft, fed ratione periculi, aut damni, cui fe expofuit, qui rem illicitam executus fuit, aut ratione voluptatis, vel utilitatis perceptæ ab eo, qui opus illicitum fieri procuravit. Hac itaque de caufa, qui Meretrici pretium fpondit pro obrinendo illius corporis ufu, eodem ufu jam confecuto pretium folvere tenetur, cum Meretrix non fe obligaverit ad gratis faciendum, quod illicite fecit, fe folum dependenter a pretio, quod turpi conditione jam adimpleta folvi omnino licite potest. Et proinde fi Poenitens fe accusans de copula habita cum Meretrice recusat folvere pretium, quod pro obtinendo illius corporis ufu promiferat, tanquam injuftus rei alienæ poffeffor, probabilius loquendo, abfolvendus non eft. Dixi, probabilius loquendo, quia oppofita etiam opinio fua probabilizare non valet. Ita Homob. in exam. Ecclef. p. 2. tr. 9. c. 6. q. 24. Diana tom. 3. tr. 7. refol. 59. §. 2. Girib. de reftit. cap. 4. numer. 8. & feq.

CAS. II. Dum Sacerdos peracta Consecratione Signum Cruéis fupra Calicem

cum Hostia efformat, Hostia a manibus in Calicem cadit; unde fere tota remanet madefacta. Q. qua ritu prosequendum sit Sacrificium.

Respondeo cum distinctione. Si commode extrahi potest a Calice aliqua sensibilis Hostiæ pars, quæ non sit Sanguine madefacta, debet Sacerdos nihil reiterando prosequi Missam, caeremonias, & signa consueta cum prædicta residua Hostiæ parte faciendo usque dum integrum Sacrificium perfecerit. Si vero Hostia ita remaneat madefacta, ut extrahi non possit a Calice pars sensibilis, & ad perficiendum de more Sacrificium idonea; nihil a Calice extrahi debet, sed omittis Signis, & Crucibus, quæ cum ipsa Hostia, vel supra ipsam Hostiam fieri solent, debet Sacerdos una cum Corpore sumere Sanguinem signans se cum Calice, & dicens: Corpus, & Sanguis Domini nostri &c. & ita usque ad finem Sacrificium prosequendum est. Ita ex Rubr. Miss. tit. 10. num. 10. Gav. in eisd. Rubr. p. 3. & D. Th. q. 83. art. 6. ad 6.

CAS. III. Franciscæ vovit recitare quotidie septies Pater, & Ave in honorem B. V. sed ob negligentiam sæpe sæpius non recitavit. Q. an graviter in tali omissione peccaverit.

Respondeo negative. Ratio est, quia ex una parte nequit vovens ex communi mente Doctorem se obligare sub gravi ad ponendam materiam levi, cum Deus talem obligationem, utpote imprudenter factam, non acceperet, & ex altera parte singulæ illæ recitationes fuerunt juxta terminos casus ex mente Franciscæ vovens singulis diebus affixæ, & proinde cum omisso unus recitationis non habeat continuationem cum omissione alterius, dicendum est, quæcumque omissionem, etiam sæpius repetitam, nunquam omissionem gravem inferre. Nisi igitur Franciscæ ex erronea conscientia putaverit se teneri sub gravi ad singulas illa recitationes, nunquam in tali omissione, quantumvis fuerit omisso totius materiæ pro qualibet die per Votum promissæ, & fuerit sæpe sæpius repetita, eandem Franciscam graviter peccasse dicendum est. Ita cum Dian. p. 4. tr. 5. resol. 36. Sporer de voto tr. 3. c. 2. sect. 3. n. 89.

MENSE OCTOBRI.

CAS. I. **P**eccatori Excommunicato occulto Communionem publice petenti Sacerdos Particulam præbuit non Consecratam, ut Sacramenti reverentiæ consulere.

Q. an bene se gesserit.

Resp. negative. Tum quia, dum peccatori occulto, loco consecratæ, præbetur Particula non consecrata, intervenit simulatio, quæ in Sacramentorum administratione tanquam perniciofa, & execrabilis ab Innoc. XI. in prop. 29. proscripta est. Tum quia ex tali porrectione Hostiæ non consecratæ præbetur occasio idololatriæ, quæ longe gravius, & deterius peccatum est ipso peccato indignæ sumptionis. Sicuti igitur ad reverentiam Sacramento servandam licitum non est peccatori occulto publice perenti Sacramentum denegare, cum ipse Christus Dominus a participatione sui Corporis non repulerit Judam, quamvis ipsum indignum esse non ignoraret; ita pro eadem reverentia Sacramento servanda nequit loco consecratæ porrigi Hostia non consecrata; tum quia non sunt faciendæ mala ut eveniant bona; tum quia major est reverentia, quæ in casu patrat a Sacerdote quam sit illa, quæ in suscipiente vitatur. Ita ex.

D. Th.

- D. Th. in 3. part. q. 80. art. 6. ad secundum Dian. part. 4. tr. 4. ref. 47. Suar. tom. 3. in tertiam part. dist. 67. sect. 4.
- CAS. II. Postquam mulier permittente Marito copulam habuit cum Mariti Fratre, eidem Marito petenti debitum negat. Q. an jure negare possit.
- R. affirmative. Nam quamvis unius Conjugis delictum non debeat alteri præjudicium inferre, si alter Conjugis innocens sit, ut colligitur ex cap. discretionem, de eo, quia cognovit Consanguineam: attamen, quando alter Conjugis patrati sceleris consensu, vel suasionem particeps fuit utrique debet eandem poenam incutere, cum ex adducto cap. habeatur, ei tantum non debere onerare affinitatem Conjugis post Matrimonium iniunctam, qui hujusmodi iniquitatis particeps non extitit cum hic suo jure non debeat sine sua culpa privari. Cum itaque, ex quo Mulier copulam habuerit cum Mariti fratre, permittente Marito, clare apparet Maritum suo consensu fuisse participem patrati incestus; sequitur, nedum ipsam Mulierem ratione affinitatis cum Marito contractæ privatum esse jure petendi debitum, sed hoc eodem jure privatus quoque esse ipsum Maritum. Dato autem, quod Maritus in tali privatus sit, ipsi, utpote illicite petenti, jure merito debitum negari potest. Ita ex Girib. de Matrim. cap. 19. num. 55. Sanch. de debito conjug. lib. 9. disp. 27. num. 3.

CAS. III. Putans vir quidam pius sexaginta dumtaxat milliaribus Lauretum Bononia distare, ad B. V. Lauretanam peregrinationem vovit; sed inde distare cognovit milliaribus certum, & quinquaginta. Q. an teneatur prædictum votum implere.

- R. negative. Cum enim certum sit ex una parte ad voti valorem requiri consensum voventis in rem voto promissam, & ex alia parte nihil sit magis contrarium consensui, quam error, nec voluntas feratur in incognitum dicendum est, virum pium, qui peregrinationem vovit ad B. Virginem Lauretanam ex errore, quo putavit Lauretum sexaginta dumtaxat milliaribus Bononia distare, cum distet milliaribus centum, & quinquaginta, ad inter hoc subeundum nullatenus obligari. Eo præcipue quod voventis ex regula generali ad voti adimplementum non obligatur in eo eventu, qui si menti voventis tempore emissi voti occurrisset, verosimiliter fuisset ab ipso vovente exclusus. Dicendum itaque, quod cum emissum Votum ex defectu consensus circa notabilem circumstantiam peregrinationis promissæ non valeat, vir pius nullatenus tenetur prædictum votum implere. Ita Suar. tom. 2. de relig. de voto L. 1. c. 11. n. 8. Beat. p. 1. q. 33. ref. 2.

MENSE NOVEMBRIS.

CAS. I. **C**ajus post Confessionem in Paschate factam advertit se duo peccata lethalia ex oblivione omisisse. Q. an intra eundem annum teneatur iterum confiteri.

- R. cum distinctione. Si Cajus in Paschate alia lethalia confessus est, confiteri iterum non tenetur. Ratio est, quia præceptum Confessionis Sacramentalis semel saltem in anno faciendæ juxta Decretum Concil. Later. sub Innoc. III. nihil aliud importat, quam ut quisque, postquam diligenter se excusserit, & conscientię suæ sinus omnes, & latebras exploraverit, ea peccata confiteatur, quibus se Dominum, & Deum suum

mor-

mortaliter offendisse meminerit ut inquit Trid. sess. 14. c. 5. Cum igitur Cajus ea peccata in Paschate confessus sit, quibus se Dominum mortaliter offendisse recordabatur, dicendum est, ita satisfacisse annuæ Confessionis præcepto, ut vi talis præcepti peccata ex oblivione omnia iterum intra eundem annum confiteri non teneatur. Si vero peccata, quæ in Paschate Cajus confessus est, fuissent tantum venialia, advertens post Confessionem se peccata lethalia ex oblivione omisisse, intra eundem annum confiteri iterum teneretur: quia cum annuæ Confessionis præceptum nonnisi circa lethalia versetur, dicto præcepto non satisfacisset. Cajus per solam venialium Confessionem, & proinde teneretur intra eundem annum, sive de obliis, sive de aliis lethaliibus, si quæ de novo commisisset, iterum confiteri. Ita Lugus disp. 15. n. 164. Dian. p. 4. tr. 4. resol. 206. Girib. de pœnit. c. 5. n. 46.

CAS. II. Res injuste sublata perit apud furem, sed periisset etiam apud Dominum ex incendio in ejusdem domo secuto. Q. utrum Fur ad aliquam teneatur restitutionem.

R. negative. Quia si Fur in casu ad aliquam tenetur restitutionem, hoc esse debet vel ratione rei acceptæ, vel ratione injustæ acceptionis. Neutrum autem dici potest. Non primum; nam res accepta amplius non datur, cum ex hypothese apud furem perierit. Non secundum, cum injusta acceptio non inducat restituendi obligationem, nisi fuerit causa efficax damni, qualis non est in casu, quo res furto sublata etiam apud Dominum ex incendio in ejus domo secuto periisset. Dicendum proinde, quod si Fur nullo modo ex re furto sublata factus sit ditior, & res eadem, quæ apud ipsum perit, eodem modo apud Dominum ex incendio periisset, ad nullam tenetur restitutionem: sicuti Nauta liberatur a quocunque onere restitutionis; licet invito Domino Merces transfulerit ab una Navi ad aliam deteriolem, in qua perierunt, quando etiam prima Navis, a qua Merces translata sunt, in eadem tempestate naufragium passa est. Ita ex l. 1. ad Legem Rod. de jact. Less. de rest. l. 2. c. 12. n. 92. Tamb. l. 8. tr. 3. c. 2. §. 8.

CAS. III. Cum Titius creditor agrum sterilem, & incultum, quem a Cajo debitor recepit in pignus, excoluerit, fructus aliquos inde percepit. Q. an eosdem fructus licite valeat retinere.

R. negative. Ratio est, quia quamvis Titius fructus ex agro perceperit; ex quo ipsum propriis expensis, & laboribus excoluerit; adhuc tamen certum est, quod tales fructus spectant ad Cajum, qui dedit agrum in pignus, dum fructus eo ipso, quod ex aliquo fundo nascantur, ad Dominum fundi pertineant, ut clare constat ex l. 1. cod. de act. pignor. & c. 1. de usur. Nisi igitur constet de expressa, vel saltem præsumpta Domini voluntate libere concedentis, & condonantis tales fructus, debent fructus ipsi, extractis expensis, & laboribus in agro colendo insumptis, vel Domino fundi, vel in sortem computari; secus Creditor tales fructus sine justa causa supra sortem recipiens ex re aliena, nullatenus posset ab injustitiæ labe excusari. Ita ex Rosig. de contract. 3. prænot. 12. n. 3. & 4. Nav. in Manu. c. 17. n. 216.

MENSE DECEMBRIS.

CAS. I. **P**aulus Presbyter accepta Eleemosyna pro Sacrificio in talis animæ Suffragium offerendo, Sacrificium obtulit quadam die. fe4

sed absque intentione satisfaciendi debito contracto per eleemosynam.

Q. an teneatur Sacrificium novum offerre.

Respondeo cum distinctione. Si Paulus nunquam habuit intentionem applicandi Sacrificium juxta illius mentem, qui Eleemosynam præbuit, clarum est, Paulum nequaquam debito a se contracto satisfecisse, quia nulla præexistente determinata intentione, habitualiter saltem durante, dici nequit, quod pro uno potius, quam altero Sacrificium offeratur. Si vero ab apposito accepta Eleemosyna pro Sacrificio in talis animæ Suffragium offerendo, habuit aliquando intentionem applicandi Sacrificium juxta mentem petentis; dicendum est, quod etiam si ea die, qua Paulus obtulit Sacrificium, novam non habuerit intentionem satisfaciendi debito contracto per Eleemosynam; taliter eidem debito satisfecerit, ut ad nihil amplius teneatur. Ratio est, quia cum applicatio Sacrificii sit veluti ejusdem donatio, quæ a Deo acceptatur, etiam antequam fiat ipsiusmet Sacrificii actualis oblatio, necesse non est, quod voluntas applicandi pro tali anima existat, quando fit Sacrificium, sed fufficit præcise fuisse, & retractatam non esse. Et hæc est praxis, juxta quam pii etiam Sacerdotes non sunt solliciti de renovanda intentione ea die, qua offerunt Sacrificium, dummodo jam habitam non retractaverint. Dicendum proinde, neque Sacerdotem nostrum in hac hypothefi amplius teneri pro sui debiti satisfactione Sacrificium novum offerre. Ita Girib. de Sacrif. Missæ cap. 4. num. 3. Cacheran. tr. 9. cap. 4. §. 2. num. 30. Lug. disp. 8. sect. 6. num. 93.

CAS. II. Ut diutius devote populum in Ecclesia retineat, solet ruralis quidam Parochus Natalitia Nocte tres Missas successive celebrare. Q. an licite hoc faciat.

Respondeo negative. Quamvis enim olim non defuerint Theologi, & Canonistæ, qui, teste Diana pluribus in locis, & de Lugo de Euchar. disp. 20. sect. 1. num. 25., docuerint licitum esse post primam Natalitiæ Noctis Missam successive immediate duas alias celebrare; hoc tamen dici amplius non potest, cum per plura tum Sacræ Rituum Congregationis, tum Synodali Constitutionem Decreta tales Missas successive celebrare vetitum sit. Cum enim pluries Sacræ Rituum Congregationi propositum fuerit dubium: An liceret Sacerdotibus, Natalitia Nocte Celebrantibus tres Missas successive celebrare, eadem Congregatio semper respondit: Non licere: ut constat ex Decretis emanatis die 7. Decembris 1641. die 9. Augusti 1653, die 20. Aprilis 1664, die 25. Novembris 1678. Confirmatis postremo sub Clemente XI. die 18. Decembris 1702. Quibus Decretis innixa Synodus nostra Diocesana, sub pœna suspensionis ipso facto incurrenda, prædictas tres Missas successive celebrare vetat, ut cap. 5. de celebratione Missæ videre est, & ex Pignatell. tom. 7. consult. 25. Giribald. de Sacrif. Missæ cap. 7. num. 14.

CAS. III. Berta, ad magis fovendum amorem in Puerum Jesum, in Missa Nocturna Natalis Nomini enixe petit Sacra refici Communionem; cui petitioni Parochus annuit. Q. an Parochus bene se gesserit.

Respondeo negative. Nam ex super adductis pro secundo hujus mensi Casu Decretis sive Sacræ Rituum Congregationis, sive Synodi nostræ Diocesanae, æqualiter vetitum fuit, tres successive Missas Natalitia Nocte celebrare, ac Sacram Synaxim in Missa, quæ celebrari permittitur, deposcentibus exhibere. Cum autem prædicta Decreta vim legis habeant & obedientiæ obligationem inducant, Parochum nostrum, qui Bertæ petitioni

ni annuit, male se gessisse dicendum est. Ita cum supradictis, aliisque communiter.

A N N O D C C X X X I I .

M E N S E J A N U A R I I .

CAS. I. **T**Empore Jubilæi, quo concessa fuerit facultas commutandi vota, petit Petrus a Confessario commutationem juramenti ad Dei honorem facti de non amplius aleis ludendo. Q. an stante legitima permutandi causa, potuerit tale juramentum Confessarius permutare.

Respondeo affirmative. Ratio est, quia cum juramenta promissoria in honorem Dei emissi nil aliud sint quam promissiones reddendi Deo juratam rem; ita ex communi mente Doctorum induunt naturam voti, ut moraliter loquendo vinculum juramenti prædicti a vinculo voti non differat, cum unum æque, ac aliud eandem omnino obligationem inducat. Licet proinde, fide aliis juramenti sermo sit, quæ diversam a voto important obligationem, privilegium, quod communi juri adversatur, ne uno ad aliud nequeat extendi, poterit in nostro casu privilegium commutandi vota extendi ad commutationem juramenti in honorem Dei emissi de non amplius aleis ludendo, cum juxta regulam juris, quod in non æquiparatorum dispositum est, etiam id altero dispositum censeatur. Ita Anac. de juram. n. 41. & de voto n. 52. Laym. l. 4. tr. 3. c. 11. Homob. tr. 7. q. 77.

CAS. II. Antonius occidendo Cajum ex defectu plenæ advertentiæ venialem tantummodo culpam commisit. Q. an teneatur sub gravi culpa rescarcire damnum occisi Caji familiæ inde secutum.

Respondeo negative. Ratio est, quia, sicuti si in Caji occisione nulla prorsus intervenisset culpa ex eo, quod per motum primo primum, vel per casus omnino fortuitum ipsiusmet Caji occisio accidisset, nullatenus ad reparandum damnum occisi Caji familiæ secutum Antonius teneretur; ita, si ex defectu plenæ advertentiæ gravis culpa non intercessit, nulla debet ipsi Antonio obligatio gravis imponi, cum æquo repugnet, quod habeatur effectus absque ulla causa, ac quod effectus major sua causa admittatur. Et sicuti in foro externo gravi poena puniri non solet illud delictum, quod in eodem foro non probatur ex negligentia graviter culpabili, vel alia gravi legali culpa accidisse; ita in foro interno, seu conscientie nemo ad gravis damni reparationem damnandus est, qui in eodem damno causando gravis theologicæ culpæ reus non fuit. Ita Less. l. 2. c. 7. n. 27., Lug. disp. 8. sect. 5. Girib. de reffit. dub. 4. n. 26.

CAS. III. Rusticus Paterfamilias constitetur se diligere filios suos plus quam Deum, unde tanquam reus gravi culpæ increpatur a Confessario. Q. an sit confessarii increpatio.

Respondeo cum distinctione. Vel Confessarius ex confessione agnoscit, Rusticum Patremfamilias filios suos plus, quam Deum diligere amore appreciativo, ita ut propter nimium amorem, quem nutrit in filios, ita si pat ipsos male vivere, ut Deum ipsum offendere non vereantur, vel tantummodo agnoscit, Patrem filios plus, quam Deum diligere amore pure intensivo, vi cujus ex ea intimius doloris tenfa afficiatur ex infortuniis filio-

Horum, quam ex offensa ipsius Dei; Si dicatur primum; cum ex præcepto dilectionis Dei teneamur Deum super omnia appetitively diligere, ita ut simus parati omnia potius amittere, quam ipsum Deum, Confessarii exprobratio iustissima erit, juxta illud Matth. 10. Qui amat filium; aut filiam super me, non est me dignus. Si vero dicatur secundum; injustam esse Confessarii objurcationem dicendum est, cum præceptum dilectionis Dei nos ad Deum super omnia intensive diligendum non cogat. Ita ex Palao de Char. disp. 1. punct. 2. n. 5., Girib. c. 4. n. 13., & seq., Sanch. L. 2. c. 33. n. 2.

MENSE FEBRUARII.

CAS. I. **R**uralis Parochus recusat absolvere Rusticum a peccato gravis percussionis Clerici, Sanctæ Sedi reservato, licet sciat, eundem Rusticum propter incommoda ætatis, & corporis, esse perpetuo impeditum. Q. an bene se gerat.

Respondeo affirmative. Cum enim ex Decreto Clementis Octavi, ita referretur Pontificis gravis Clerici percussio, ut etiam quacumque necessitate, nisi sit necessitas articuli mortis, cuicumque inferiori Confessario adempta sit absolventi facultas; nullam dari in Rurali Parocho facultatem ad absolutionem Rustico nostro impendendam, compertum est. Neque refert, Rusticum nostrum esse perpetuo impeditum; quamvis enim ut eximatur a lege adeundi Apostolicam Sedem, non eximitur tamen a lege se præsentandi eo modo, quo potest, Episcopo, cum ab ipso, in casu impedimenti prædicti, absolutionis beneficium valeat obtinere. Poterit igitur Parochus, si aliqua gravis urgeat necessitas, & facilis non pateat aditus ad Episcopum, Rusticum suum absolvere cum onere se præsentandi Episcopo, eo tempore, & modo, quo poterit. Cæterum si eundem extra mortis articulum absolvere per se loquendo recusat, bene se gerere dicendum est. Ita Bonac. de censur. disp. 2. quest. 3. punct. 6. n. 16., Girib. cap. 2. num. 25., Suar. de prænit. disp. 30. sect. 3. n. 12., Lug. disp. 20. sect. 10.

CAS. II. Titius dispensatus in Quadragesima ad comedendas carnes præcise ex motivo, quod valde ei noceant cibi Quadragesimales, iis diebus, quibus comedit carnes, jejunium non servat. Q. an graviter peccet.

Respondeo affirmative. Ratio est, quia cum abstinence a carnibus non præcipiatur ab Ecclesia tanquam res pertineas ad essentiam jejunii, sed præcise ut res magis ad carnis mortificationem conducens, sequitur, ut qui diebus esurialibus Quadragesimæ dispensatus est ad comedendas carnes præcise ex motivo, quod valde ei noceant cibi Quadragesimales, adhuc ad carnis sue mortificationem, per comestionem unicam teneatur. Et sicut ex quo jejunii præceptum pluribus veluti partibus moralibus consistet, nempe unica comestione, abstinence a carnibus, & nonnunquam etiam ab ovis, & lacticiis, sequitur, ut possit quis aliquando ovis, & lacticiis vesci, nec tamen plus quam semel comedere, aut caribus uri; vel si nondum quis vigesimum primum annum excessit, possit pluries se cibo reficere, nec tamen caribus vesci, ita insertur, ut semel edendi lege teneatur, qui carnes ex super adducto motivo jejunii tempore conceduntur. Cumque hæc doctrina ita sit confirmata per iterata Edicta, quæ Sanctissimus Dominus noster Benedictus XIV. die 30. Maii, & 2. Augusti 1741. promulgavit, ut nulla amplius oppositæ opinioni probabilitas remaneat; dicendum est, certo graviter peccare Titium, qui diebus, qui-

quibus comedit carnes, jejunium in unica comestione non servat. Ita ex. D. Tho. in 4. dist. 15. art. 4., Cajet. in 2. 2. q. 147. art. 6., La Croix L. 4. q. 140. n. 1269.

CAS. III. Cajus, cui onus incumbit familiae, vetulam, ac cœcam Matrem acrioribus verbis quotidie increpat, eo quod eadem velit se negotiis domesticis non sine aliquo eorum damno immiscere. Q. an peccet Cajus contra quartum præceptum Decalogi.

Respondeo cum distinctione. Si verba, quibus utitur Cajus ad increpandam quotidie Matrem cœcam, & vetulam, adeo aspera sint, ac dura, ut contemptum præferant Matri, & amoris, ac reverentiæ Matri debita adversentur, Cajum peccare, & quidem graviter, contra quartum Decalogi præceptum, pro certo dicendum est, cum ex vi prædicti præcepti teneantur filii non solum corde diligere, sed etiam ore, & externis actibus parentibus amorem, & reverentiam exhibere. Si vero acrioribus verbis utatur Cajus non quidem ratione alicujus odii, quod habeat in Matrem; vel ex aliquo reverentiæ defectu in eadem, sed præcise, ut illa domesticis negotiis non se immisceat, & hoc modo detrimentum familiae evitet, dico, Cajum contra quartum Decalogi præceptum non peccare, cum reverentiam Parentibus debitam adhuc integram servet, nisi fortasse ex modo loquendi elata voce, vel alia circumstantia, excessus aliquis in prædicta increpatione contingat, quo casu dicere deberemus, Cajum non fore a levi saltem culpa immunem. Ita ex Tambur. L. 5. in decal. c. 2. §. 2., Tolet. L. 5. c. 1., Trullench. L. 4. c. 1. dub. 2. n. 2.

M E M S E M A R T I I.

CAS. I. **P**aulus una hora post solis ortum comedit ex pane, & pisciculis in quantitate septem unciarum, non advertens esse diem jejunii, de quo inde admonetur. Q. an teneatur tali die adhuc servare jejunium.

Respondeo affirmative. Ratio est, quia cum ex una parte non dicatur in casu, quod pluries de mane Paulus comederit, sicque unicam comestionem, in qua natura jejunii consistit, reddiderit impossibilem, & ex altera non sit contra jejunii substantiam, quod comestionis ordo invertatur, dicendum est, Paulum posse adhuc, cum de jejunii die admonetur, jejunium servare, & proinde ad jejunium tali die servandum teneri. Igitur, cum pro ea refectiuncula, quam Paulus licite fero fecisset, possit ea cibi quantitas inservire, quam Paulus, non advertens esse diem jejunii, sumpsit una hora post solis ortum; eamque comestionem, quam faceret in prandio, optime possit in casu usque in cœnam differre, dicendum est, ita Paulum agere debere, & sic servare jejunium. Ita cum Girib. de jejun. n. 75., Bossio cas. 18. n. 105., Filliuc. rr. 27. c. 2. n. 29.

CAS. II. Franciscus contractis sponsalibus cum Berta, Copulam habet cum ipsa, inde justam invenit causam resiliendi a sponsalibus, quæ quamvis daretur etiam ante Copulam, tamen ignorabatur. Q. an secuta Copula possit ex dicta justa causa a sponsalibus resilire.

Respondeo affirmative. Ratio est, quia cum voluntas in incognitum non feratur, nemo censetur per proprios actus illis juribus renuntiare, quæ actionis tempore se habere non agnoscebat. Ex proinde quamvis Franciscus antimum ostenderit permanendi in sponsalibus contractis cum Berta, per Copulam habitam cum ipsa; adhuc tamen, cum ante prædictam Copulam ignoraverit jus quod habeat recedendi a promissione, sequitur neque post Copu-

Copulam amittere proprium jus, sicque posse a contractis sponsalibus rescindi: Eo nimirum modo, quo uxor ignorans Mariti adulterium, & proinde etiam jus, quod ipsa ad divortium acquisivit, non censetur juri suo renuntiare per hoc, quod Marito debitum reddat, neque animus cohabitandi cum eodem Marito, dum ejus adulterium ignoratur, aufert ab eadem Uxore jus ad petendum divortium, dum patratum adulterii delictum detergitur. Ita Lessius L. 2. c. 42. dub. 7. n. 34. Filliuc. tr. 10. c. 8. q. 11. n. 269.

CAS. III. Filius familias statuit nomen dare militiæ, propter quod petit a Patre pecuniam suo statui convenientem.

Q. an Pater teneatur in conscientia filii votis annuere.

Respondeo affirmative per se loquendo. Ratio est, quia filii ex una parte in eligendo vitæ statu, sive status perpetuitatem importet, ut est status Religionis, Ordinis Sacri, & Matrimonii, sive status perpetuus non sit, dummodo ipsi filio, ejusque familiæ conveniens sit, liberi censi debent. Cum autem ex altera parte teneatur Pater jure naturæ alimenta filiis præbere juxta propriam conditionem, ac qualitatem; non est, per se loquendo, cur filio, qui statuit nomen dare Militiæ, nulli dedecus afferenti, pecuniam proprie statui convenientem negat. Dixi, per se loquendo, nam si ex hoc, quod talis filius daret nomen Militiæ, aliquid grave damnum vel domesticæ gubernationis, vel ipsi Patri accideret, aliter esset loquendum; Cum enim in his, quæ ad domesticam pertinent gubernationem, Filius Patri subditus sit, idemque Filius teneatur, vi naturalis pietatis, etiam Religionis ingressu abstinere, ut Patri in extrema, vel gravi necessitate constituto subveniat, Patrem in circumstantiis non teneri in conscientia Filii votis annuere dicendum est. Ita ex Thom. Sanchez in Decal. L. 4. cap. 35. num. 25. & seqq. aliisque communiter.

MENSE APRILIS.

CAS. I. Paulus exoratus ignorans Catharinam esse conjugatam, adulterium cum ipsa committit, cum promissione Matrimonii in casu pro Mulier, quam habet de præfenti, moriatur.

Q. an mortua Pauli Uxore, & Catharinæ Marito, possit Paulus ducere Catharinam.

Respondeo negative. Quemadmodum enim si Paulus uxoratus adulterium committeret cum Catharina nullatenus uxorata cum promissione eam ducendi in uxorem statim ac liber evadat a primo conjugio, non potest etiam mortua propria uxore ducere Catharinam; ita licet Paulus uxoratus adulterium committat cum Catharina, quam ignorat esse uxoratam, cum promissione eam ducendi in uxorem statim ac mulier, quam de præfenti habet, moriatur, etiam hac muliere mortua una cum Catharinæ Marito, nequit ducere Catharinam. Ratio pro utroque est, quia, cum ad contrahendum in casu criminis impedimentum non requiratur, quod uterque sciat se duplex adulterium patrare; sed sufficiat, quod unus agnoscens conjugium alterius, cum ipso adulterium committat cum promissione Matrimonii, si liber a tali conjugio evadat, dicendum est, sufficere; quod Catharina sive libera sit, sive conjugata non agnoscat, sciat Paulum esse uxoratum; ut adulterium cum ipso patratum sit, & dicatur ex utraque parte formale, prout requiritur, ut una cum promissione Matrimonii impedimentum inducat. Ita ex Anac.

Ancl. de impedim. crim. num. 93. Citibald. cap. 14. num. 13. Rontagl. cap. 17. num. 2.

CAS. II. Solus Titius conscius est impedimenti affinitatis ortæ ex copula illicita inter Antonium, & Bertam.

Q. an dum fiunt publicationes pro Matrimonio teneatur hoc impedimentum Parocho revelare.

Respondeo affirmative per se loquendo. Ratio est, quia quando agitur de vitando alterius gravi damno, & peccato, tenetur quis mali causam manifestare, etiam si probare non possit, & præsertim ubi Superioris præceptum hoc postulat. Sumus autem in casu: nam in Matrimonio cum impedimento dirimente celebrato, non solum gravis injuria irrogatur Sacramento, quod si contractum est nullum, sed etiam grave damnum, sive spirituale ipsis contrahentibus, qui sic scienter contrahendo peccant, sive temporale proli, quæ hoc modo nascitura est illegitima, irrogatur. Quamvis propterea solus Titius conscius sit impedimenti affinitatis ortæ ex copula illicita inter Antonium, & Bertam dum fiunt publicationes, tenetur per se loquendo prædictum impedimentum Parocho revelare. Dixi per se loquendo, nam si vel speraret profuturam esse privatam admonitionem, ut contrahentes opportunam peterent dispensationem, vel sibi grave damnum imminere timeret ex illa occulti criminis denuntiatione, in hoc casu ex communi sententia ad prædictam denuntiationem non teneretur, quia vel necessaria non foret, vel lex illam in casu non obligaret. Ita ex Girib. de denunt. n. 45. & 48. Boff. c. 7. n. 173. & 159. Palao punct. 13. §. 6. n. 5.

CAS. III. Petronius, vir alioquin bonus, filium habens ludo, & ebrietatibus deditum, veritus uxoris indignationem, ipsiusque filii audaciam, omnia dissimulat.

Q. an possit in casu ab omni culpa excusari.

Respondeo negative. Ratio est, quia si cæteri, quibus paterna non incumbit sollicitudo, curam tenentur habere suorum domesticorum, (qui enim suorum maxime domesticorum curam non habet, teste Apost. 1. ad Cor. 5. est infidelis, & infideli deterior); Multo magis Pater curam filiorum habere debet, cum ad filios recte educandos naturalis pietatis lege, ac peculiari quodam vinculo adstringatur. Cum proinde omni studio teneatur Pater filios a peccatis maxime gravibus avertete, atque in hunc finem objurgationes, ac punitiones opportune adhibere; nisi agnoverit Petronius, ipso etiam objurgante, nulla fore in filio emendationis spem, immo magis ex impudenti uxoris itacundia, ipsiusque filii audacia delicta augeri; clare insertur, eundem Petronium, qui delicta filii ludo, & ebrietatibus dediti, omni penitus omissa objurgatione dissimulat, non posse ab omni culpa excusari. Ita Sot. L. 5. q. 2. art. 1. Navar. cap. 24. num. 18. Azor. part. 2. L. 2. cap. 4. quæst. 17. & 18.

M E N S E M A I I.

CAS. I. Sciens Parochus, Antonium suum Parochianum sepulchrum elegisse extra Ecclesiam Parochialem, illum morti proximum ad revocandam electionem sanctam coepit, & de facto revocavit.

Q. an dictus Parochus in aliam Censuram inciderit.

Respondeo negative. Ratio est, quia Excommunicationis pena per Clementis Quinti Constitutionem inflicta contra eos, qui ad electionem sepulchri, vel ad mutationem electæ aliquem inducunt, ad eos tantummodo casus

se extendit, quibus aliqui ad vivendum, jurandum, vel fide interposita, seu alias promittendum inducuntur, ut ex verbis ipsius Constitutionis, quæ incipit *Cupientes, de panis*, videre est. Cum autem in nostro casu nulla fiat mentio de voto, juramento, vel alio simili vinculo promissionis, perspicuum est, laudatam Constitutionem nequaquam ad casum nostrum extendi. Deinde cum prædicta Constitutio in Parochorum favorem edita sit, & juxta regulas juris, quod in favorem alicujus inductum est, in ipsius damnum retorqueri non debeat; ex hoc etiam capite, Parochum nostrum nequaquam in censuram incidisse, dicendum est. Ita communiter apud Sayronem L. 4. c. 12. n. 8. Suar. disp. 22. sect. 4. num. 25. Filliæ. tr. 15. c. 7. q. 3. Bonac. de excommunic. extrav. Bull. Cœnæ disp. 2. q. 6. pun. 4. n. 2. & 3.

CAS. II. Rusticus quidam confitetur, se inopiam præsum dixisse nullam Dei inesse suæ familiæ providentia, quovis audito, Confessarius Pœnitentem inabsolutum ad Pœnitentiores mittit. Q. an Confessarius bene se gerat.

Respondeo negative. Ratio est, quia cum agatur de persona Rustica, quæ regulariter loquendo ea non distinguit, quæ sunt distinguenda, antequam Confessarius pœnitentem ad Pœnitentiores inabsolutum mittat, inquirere debet primo, an pœnitens pauperaris rædio affectus ita ex puro impatientiæ impetu protulerit blasphemæ verba, aut ad improbum ipsorum sensum non plene adverterit; nam in tali casu, sicuti a gravi culpa, ita etiam a reservatione exsusetur. Secundo, dato, quod Pœnitens prædicta verba proferendo lethalem culpam contraxerit, debet Confessarius inquirere, an etiam corde crediderit, Deum revera familiæ suæ providentiam non habere: si enim hoc Rusticus credidisset, cum esset formalis hæresis reus, ad Pœnitentiores inutiliter mitteretur, qui ab hæresis crimine absolvere nequeunt. Terrio denique, si Pœnitens vere incidisset in casum blasphemæ hæreticæ, & non hæresis, Confessarius debet examinare, an detur locus absolutionis indirectæ, dum interim facultas pro impetrendâ absolutione directâ obtineatur. Cum itaque nihil ex his egerit Confessarius noster, non nisi male se gessisse remanet concludendum.

CAS. III. Cum Berta fuerit sæpe a Marito verberibus corrupta, utpote valde loquax, & querula, fugiens quadam die se recepit in paternam domum, a qua recusat ad Maritum reverti. Q. an Confessarius possit Bertam absolvere, si renuat ad Maritum redire.

Respondeo cum distinctione. Si Maritus graviter, & cum excessu Bertam uxorem verberibus sæpe corripiat, dico, eandem Bertam, utpote quæ ratione simplicis loquacitatis non præbeat ipsi Marito rationabilem causam graviter verberibus corripienti, jus habere recedendi a Marito; & proinde, etsi ad Maritum redire nolit, non posse ex hoc capite absolutionis beneficio privari. Si vero Maritus leviter tantum Bertam verberet, prout habita ratione personæ, conditionis, & status, id judicat pro ejusdem uxoris emendatione opportunum, dico, Bertam jus non habere recedendi a Marito, cum Maritus jure suo possit uxorem ratione nimix loquacitatis etiam moderatis verberibus castigare. Sicque quamdiu Berta in hoc casu ad Maritum redire recuset, præsertim si Maritus de tali reditu sollicitus sit, indisposita erit, ut eidem absolutionis beneficium conferatur. Ita Cirib. in 4. Decal. præcept. c. 2. n. 1. Bonac. punct. 7. n. 1. & 1. Filliæ. tr. 28. par. 2. c. 9. q. 3. n. 141.

MENSE JUNII.

CAS. I. **F**amulus quidam quinquaginta successivis furtulis Domino suo nec diviti, nec pauperi furatus est viginti quatuor julios sine prævia intentione perveniendi ad talem summam, & sine advertentia ad priora furtula, dum singulis vicibus furatus est. **Q.** an teneatur sub gravi prædictos julios restituere.

Respondeo affirmative. Quamvis enim ex quo Famulus paulatim furatus sit summam viginti quatuor juliorum sine prævia intentione perveniendi ad talem summam, & sine advertentia ad furtula antecedenter commissa, rite colligatur, ipsum nunquam in prædictis furtulis graviter peccavisse, adhuc tamen, cum obligatio gravis restituendi non solum ex gravi injusta acceptione, sed ex notabili etiam rei acceptæ quantitate confurgat, dicendum est, famulum sub gravi ad restitutionem teneri. Et quemadmodum plures leves obligationes oriæ ex pluribus levis rei emptionibus successivis gravem unam constituunt obligationem solvendi rem emptam, si hæc ad quantitatem gravem pervenerit, ita plures leves obligationes oriæ ex pluribus rei levis furtulis successivis taliter possunt moraliter continuari, ut ratione notabilis rei alienæ simul sumptæ gravem restituendi obligationem inducant, quod ex proscripta per Innoc. XI. propositione 38. satis manifeste apparet. Ita communiter ex Navar. in man. c. 17. n. 139. Sanch. L. 7. Mor. c. 21. n. 2. & 9. Girib. de furto dub. 3. n. 19. & 20.

CAS. II. Antonius nonnullas arbusculas in agro alieno recidit valoris tunc scutorum decem, valituras tamen triginta, ut spes erat, post annos decem. **Q.** quid solvere debeat Domino agri.

Respondeo, solvere debere juxta prudentis viri judicium. Ratio est, quia ex una parte, cum restitutio commensuranda tantummodo non sit valori præsentis rei, in qua damnum proximo illatum est, sed existimationi damni provenientis ex ipsa ablata, vel destructa aliena re, sequitur, quod licet Arbusculæ in agro alieno recisæ non excedant de præsentis valorem scutorum decem, adhuc tamen, cum vigeat spes, ut post nonnullos annos scutorum triginta valorem habituræ sint, non satisfaciatur Antonius propriæ obligationi erga Dominum agri, si præcise summam scutorum decem restituat. Ex altera autem parte, cum spes scutorum triginta de futuro totidem scutorum valorem de præsentis non habeat, sed tanto minus valeat, quanto majoribus infortuniis ipsæ arbusculæ in toto decennii lapsu obnoxie sunt; hinc est, quod consideratis omnibus circumstantiis, nonnisi juxta prudentis experti viri judicium summa illa, major scutorum decem, & minor scutorum triginta, taxari potest, quam Antonius Domino agri solvere debet ad reparandum damnum, quod per arbuscularum incisionem illatum est. Ita ex Navar. l. 4. c. t. n. 52. Azor. 3. par. l. 4. c. 25. Bonac. de rest. disp. 1. q. 3. pun. 1. n. 8.

CAS. III. Vir dives, & nobilis vult mensas luforias in suo rurali Palatio tenere diu noctuque paratas ad nobilium virorum, ac scæminarum honestam recreationem, etiamsi sciat aliquos inde occasionem arripere ad fovendos turpes amores. **Q.** an possit a gravi culpa excusari.

Respondeo negative. Quamvis enim aliis ministrare rem omnino indifferenter, ut esset pro viro divite, ac nobili parare mensas pro ludo moderato, & brevi cum delectu temporis, & personarum, possit ab omni culpa

vacare: tamen cum tenere mensas luforias diu; nocturneque paratas, viris simul ac sceminis, licet nobilibus, præsertim quando quis certo scit aliquos inde occasionem arripere ad fovendos turpes amores, quod ex plurimisque contingentibus prævidere difficile hanc est, non sit amplius res indifferens, bene vero res mala, media qua aliis præbeatur occasio peccandi; dicendum est, virum nobilem, utpote qui in casu aliorum peccatis absque ulla necessitate cooperatur, esse nequaquam posse a gravi culpa immunem. Ita Suar. de Charit. disp. 10. sect. 4. Coninch. disp. 12. n. 217. aliique.

MENSE JULII.

CAS. I. Rusticus non habens, nec inveniens panem, quo vivat, accipit a Domino suo mutuos decem julios cum obligatione eos restituendi tempore messis. Q. an adveniente messis tempore teneatur acceptos julios Domino reddere.

Respondeo affirmative. Ratio est in primis, quia licet prædictus Rusticus esset in casu extreme pauper in re, talis tamen non erat in spe, & proinde sicuti non potuisset clam, vel manifeste surripere a Domino decem julios, nisi cum onere restituendi tempore debito; ita non potuit subvenire propriæ necessitati mutuos accipiendo a Domino eisdem decem julios, nisi sub eodem onere restitutionis Secundo; quia etiam si in extrema necessitate omnia dicantur communia, valde tamen probabile est, quod ad subveniendum ipsius Rustici necessitati non teneatur Dominus donare, sed licite posset mutuos dare decem illos julios, quibus ipso Rusticus indigebat. Hoc autem posito, sicut jure potuit a Domino contractus mutui iuri, & Rusticus de facto ex pecunia vi contractus mutui acquisita necessitati propriæ subvenit; ita non est cur vi ejusdem contractus, adveniente messis tempore, pecuniam mutuo acceptam restituere non teneatur. Ita ex Bonac. de rest. in gen. q. ult. punct. 1. num. 35. Navar. l. 4 c. 4. n. 21. & alii apud eosdem.

CAS. II. Confessarius cum ignorantia vincibili excommunicationis in eum latæ, qui extra mortis articulum complice in peccato turpi absolvit, talem absolutionem elargitus est. Q. an prædictam excommunicationis poenam incurrat.

Respondeo cum distinctione. Si Confessarii ignorantia ita vincibilis est, ut sit aperte volita, & affectata, dico Confessarium nequaquam posse ab excommunicationis poena excusari. Tum quia nolle scire censuram, est species quædam contemptus in Superiorem, & proinde, ne commodum ex delicto recipiatur, non debet gratiam immunitati ab ipsa censura poena importare. Tum quia ignorantia affectata reddit actum ex ipsa provenientem directæ, & per se voluntarium, & proinde ita scientiæ æquiparatur, ut a censuræ scientiam, & temeritatem, exigentibus non excuset. Si vero Confessarii ignorantia, licet graviter culpabilis, ex parte volita, & affectata non sit, cenfeo, eundem esse a dicta, censura immunem. Ratio est, quia ad incurrendam excommunicationis poenam pro casu nostro impostam audacia requiritur, & temeritas; ut ex terminis Bullæ Benedicti XIV. feliciter regnantis sub die 17. Junii anno 1741. videre est. Cum autem non dicatur operari ex audacia, & ausu temerario, qui ex ignorantia quantumvis vincibili operatur, nisi hæc sit expresse volita, & affectata.

ctata, quæ scientiæ æquiparatur, dicendum est Confessarium esse in hoc casu ab excommunicationis pœna immunem. Ita ex Suar. disp. 4. sect. 10. n. 2. Palao tom. 1. tr. 2. disp. 1. punct. 13. n. 1. Leand. disp. 9. q. 21.

CAS. III. Sejus cogit passim rurales famulos diebus festis viridaria rigare, & Soli exponere frumenta, & alia grana. Q. an ad prædicta opera famulos cogendo peccet.

Respondeo circa primum, quod est, viridaria rigare: dicendo, quod cum tale opus nunquam fieri soleat sine aliqua necessitate, & proinde, veluti ex natura sua, cum necessitas illud faciendi moraliter conjungatur, nullum per se videtur importare peccatum, cum in cap. ult. de feriis opera servilia diebus festis prohibeantur, nisi necessitas urgeat, quæ legem non habet. Circa secundum autem, quod est, frumenta, & alia grana Soli exponere, observandum est, an adsit necessitas hoc faciendi; si enim grana in ingentem massam, gradioreque acervos congesta tabernæ aliquam contrahere possent ex humore non satis exsiccat; tunc etiam festis diebus Soli exsiccanda exponi possunt absque peccato, ex-supra jam pro primo adducta ratione: si vero hæc præcisa necessitas pro die festo non urget, ut contingit quando frumenta, & grana non sunt in tanta quantitate, dicendum non posse opus hoc plane servile diebus festis præstari, & proinde Sejum nostrum rurales famulos hujusmodi grana festis diebus Soli exponere cogentem peccare. Ita Sanc. in conf. 5. c. 2. dub. 18. n. 11. Palaus punct. 10. n. 3. Regín. l. 13. c. 50.

MENSE AUGUSTI.

CAS. I. Rusticus in via publica invenit anulum cum lapido lapillo, quem vitreum esse putans, vendidit vili pretio alteri rustico, qui pariter lapillum vitreum esse putabat. Q. an emptor, certior inde factus, lapillum esse adamantinum, teneatur initum contractum rescindere.

Respondeo affirmative. Ratio est quia mutuo-contrahentium consecui, ad valorem cujuscumque contractus requisito, nihil ex communi axiomate est tam contrarium, quam error. Cum itaque Rusticus in casu nostro anulum adamantinum pro vitreo vili pretio vendiderit, alterque Rusticus eodem pretio vitreum, non adamantinum, anulum se emere existimaverit, & proinde tam venditor, quam emptor ex errore, & ignorantia circa substantiam rei verrente contractum suum inierint, dicendum est, emptorem, statim ac certior factum sit, lapillum annuli, quem vitreum putabat, esse adamantinum, initum contractum, utpote nullum, rescindere omni jure teneri. Ita cum D. Tho. p. 2. qu. 6. art. 8. Less. l. 2. c. 17. n. 27. Girib. de contr. c. 1. n. 29.

CAS. II. Parochus ruralis quadam die curiositate motus Calvini librum scienter legit, ignorans, ignorantia tamen crassa, & supina legentibus hæreticorum libros impositam esse excommunicationis censuram. Q. an prædictam Censuram incurrerit.

Respondeo negative. Quamvis enim legentibus etiam ex mera curiositate libros hæreticorum imposita sit excommunicationis censura, & quidem Pontifici in primo Bullæ Cœnæ capite reservata, si prædicti libri contineant hæresim, vel trahent de religione; adhuc tamen cum ad incurrandam prædictam censuram non sufficiat habere scientiam facti, id est, cognoscere librum esse auctoris hæretici, sed etiam juris scientia requiratur, hoc est,

est.

est, necesse sit scire tali lectioni annexam esse censuram, dicendum est, Parochum nostrum excommunicationem in casu non incurrisse. Ratio est, quia scienter legere librum Calvinii cum ignorantia, quod lectio prædicti libri suo excommunicationis censura vetita sit, etiam prædicta ignorantia crassa sit, & supina, non est legere cum tali scientia, quæ ad incurrendam poenam sufficiat, cum poena hæreticorum libros legentibus imposita non nisi a directe, & vere scientibus incurrat. Ita Duard. l. 2. quæst. 36. num. 3. Sanch. l. 2. cap. 10. num. 38. Bonac. disp. 1. q. 2. punct. 4. num. 8.

CAS. III. Plures Famuli stipendium accipiunt a Nobili Viro ære alieno valde gravato, unde hic sit magis impotens ad satisfaciendum Creditoribus suis. Q. an illi, statum Domini non ignorantes, in conscientia sint tui.

Respondeo cum distinctione. Si Famuli certo moraliter sciant, virumobilem ex stipendio ipsis soluto impotentem magis reddi ad satisfaciendum Creditoribus suis, & ex alia parte ipsorum copia necessaria non sit ad conservandum decorem, & statum familiæ Domini convenientem; tanquam probabilius dicendum est, eosdem Famulos non posse a Domino stipendium recipere, vel retinere acceptum, nisi forte tantumdem eidem Domino inserviendo acquirerint. Si vero ex adverso non habeant Famuli certitudinem moralem de majori impotentia Domini ad debita solvenda, vel ita sint necessarii, ut Dominus sine ipsis cum decore sibi, suæque familiæ debito vivere nequeat; tunc, Famulos stipendium a Domino recipientes omnino in conscientia tuos esse, affirmamus: Sicut enim Dominus, ne a statu sibi debito decedat, excusatur, si non satisfaciatur Creditoribus suis, ita excusari debent & Famuli, ut proinde non teneantur vel a domo recedere, vel a recipiendo stipendio abstinere. Ita Navar. cap. 17. num. 270. Vasq. de rebus. cap. 11. dub. 2. n. 82. Tambur. tract. 4. cap. 7. §. 1. num. 34. Bonac. disp. 1. quæst. 8. punct. 2. num. 30.

M E N S E S E P T E M B R I S.

CAS. I. **R**usticus confitetur, se aliquam exercuisse operationem ignorantem, an esset venialiter tantum, an vero etiam mortaliter mala. Q. pro qua culpa stare debeat Confessarii iudicium.

Respondeo. Stare debere pro culpa veniali. Ratio est, quia nulla actio censeri debet graviter peccaminosa, nisi ejus malitia sit formaliter, vel virtualiter volita; quod ut contingat, suspicionem, seu dubitationem de gravi culpa occurrere necesse est; secus omnia fere rusticorum, personarumque idiotarum peccata, ut sunt imprecationes, verba obscœna, & hujusmodi, essent dicenda lethalia, utpote commissæ ab illis, qui ea quidem mala esse cognoscunt, venialia autem esse, vel lethalia prorsus ignorant. Cum igitur non dicatur in casu, quod Rusticus operationem exercuerit suspicando, seu dubitando, eam esse posse graviter peccaminosam, sed præcise quod illam exercuit ignorans, an esset venialiter tantum, an etiam moraliter mala, sequitur quod nullo modo periculum malitiæ gravis adverterit, & proinde quod de levi tantum culpa damnandus sit. Ita Boss. de peccat. §. 15. num. 79. Diana p. 5. tract. 15. resol. 31. Girib. de act. hum. cap. 3. num. 36. & 37.

CAS. II. Beria non adhuc certa de morte Mariti novum contraxit Matrimonium cum Cajo, quod intelligens Parochus eidem Bertæ dixit, eam tunc

durante incertitudine non posse petere, nec reddere debitum. Q. an Pa-
rochus vera docuerit.

Respondeo, vera Parochum docuisse quo ad petitionem, non sic quo ad
debiti redditionem. Ratio primæ partis est, tum quia Berta per Matrimo-
nium tali incertitudine contractum nullum jus acquisivit in corpus
alterius, cum possessio mala fide incepta nullum tribuat ius, tum quia
petendo in casu se exponeret fornicationis periculo, nempe periculo co-
gnoscendi virum, qui vir suus non sit. Ratio secundæ partis est, quia
cum Cajus non dicatur conscius incertitudinis Bertæ, potuit bona fide
Matrimonium cum Berta contrahere, & proinde, cum vi juris in cor-
pus Bertæ acquisiti, & vi bonæ fidei, in quæ supponitur perseverans,
possit licite a Berta perere debitum, illa debitum perenti Cajō denegare
nullatenus debet. Totā hęc doctrina fundatur in cap. Dominus de se-
cundis nuptiis, in quo expresse habentur hęc verba — Super Matrimo-
niis, quæ quidam ex vobis contraxerunt nondum habita cœnjugis adhuc
conjugis certitudine, respondemus: Si aliquis de morte primi cœnjugis adhuc
sibi existimat dubitandum, ei, qui sibi nupsit, debitum non denegat
postulanti, quod a se tamen noverit nullatenus exigendum. Ita ex Gi-
ribaldi. de Matrim. cap. 19. num. 77. aliisque communiter.

CAS. III. Cum Titius ab amico olim su. gravem quendam passus fuisset
injuriam, statuit, ipsum, quæviscumque obvium haberet, non amolius
salutare. Q. an Titius in tali proposito perseverans possit absolvi.

Respondeo negative. Quamvis enim non teneamur ex charitatis præce-
pto exhibere proximo specialia amicitie, & benevolentie signa, qua-
lia sunt, eum blandis alloqui verbis, & in salutatione prævenire; ad-
huc tamen cum omisso salutationis in casu, quo quis aliquem, ut po-
te sibi amicum, solitus erat antea salutare, sit de facile signum odii,
vindictæ, & inimicitie, & possit vel in gravem proximi injuriam,
vel in aliorum scandalum cedere, dicendum est, omissionem prædictam
præcepto diligendi proximum adversari. Nisi igitur Titius & ex corde
injuriam remittat, & manifestet animum suum ad salutationis antiquæ
officia paratum, saltem, quando aliet, utpote offensus, ipsum in saluta-
tione perveniat, idem Titius ita indispotus est judicandus, ut benefi-
cio sacramentalis absolutionis donandus non sit. Ita cum Valent. tom. 3.
d. 3. quæst. 3. punct. 2. Tambur. in Dec. L. 3. cap. 1. §. 3. n. 12.

M E N S E O C T O B R I S.

CAS. I. **F**rancisca est moraliter certa, Caium pravis affectibus, deside-
riis, & verbis esse graviter peccaturum, si ipsa tempore bac-
canaliorum ad choreas accedat, ad quas alix scemine sine tali periculo
accedunt. Quæritur an teneatur sub gravi culpa a tali accessu abstinere.

Respondeo negative. Quemadmodum enim non tenetur Mulier semper, vel
diu domi se continere, sed licite potest moderare exire siue causa vishi-
tandi consanguineas, & amicas, siue causa honestæ, proprioque statui
convenientis recreationis, & huiusmodi, etiam si sciat aliquem ex in-
firmitate ob ejus intuitum peccaturum, cum ad vitandum proximi pec-
catum etiam ex fragilitate proveniens nemo vi charitatis proximo de-
bitæ cum gravi fuisset incommodo teneatur; ita licet Francisca sit mo-
raliter

saliter certa, Cajum esse graviter peccaturum, si ipsa bacchanaliorum tempeste ad choreas accedat, non teneretur a choreis saltem toto prædicto tempore, vel diu abstinere, sed licite poterit ad easdem, dummodo honestæ sit, modeste, ac temperanter accedere, quin talis accessus charitatis proximo debet adversetur. Eo præsertim quod, cum Caius non tantum ex fragilitate, quam ex malitia, pravis scilicet desideriis, & verbis sit peccaturus, nullatenus culpa ipsius Franciscæ adscribendum videtur, si ad impedienda peccata Caji toto bacchanaliorum tempore, quod nimis arduum fortasse illi esse poterit, a choreis abstinere parata non sit. Ita ex Giribald. in pr. Decal. præcept. cap. 7. num. 63. & communiter.

CAS. II. Caja juvenis modesta, quamvis sciat, sui præsentiam, colloca- tionem esse Titio, cum quo sponsalia contraxit, occasionem plurimum pec- catorum, non vult se ab oculis Titii subtrahere, dicens: Si terga verto Titio, hanc mihi propitiam nubendi occasionem amitto. Q. an prædicta nubendi causa Juvenem Cajam sufficienter excuset.

Respondet affirm. Quamvis enim ad extenuandam spiritualis ruinæ occa- sionem a Titio acceptam teneatur Caja ex charitatis lege rarius, quam poterit, ad secum loquendum Titium ipsum admittere; adhuc tamen cum vi charitatis prædictæ non teneatur Caja privari jure sibi jam ex spon- salibus acquisito; dicendum est, neque teneri se absolute ab oculis Titii subtrahere, licet sciat, illum hac occasione in peccata plura lapsurum. Quod potiori jure dicendum videtur, si Caja aliam non speret æque sibi propitiam invenire nubendi occasionem, neque continentiar statum sus- tinere parata sit; tunc etiam cum justam habeat causam fovendi licitis modis amicitiam Titii, etiam si Titius ex sui infirmitate, aut malitia tali occasione abutatur, poterit Caja eandem amicitiam sive modesta sui præsentia, sive moderata confabulatione fovere, quantum opus est, ne cum gravi suo incommodo prædictam cum Titio nubendi occasionem amittat. Ita ex Giribald. in pr. Decal. præcept. cap. 7. ut supra.

CAS. III. Armenta Caji ducebant famuli ad pascua, eaque sinebant, in- scio tamen Cajo, vagari per proximos Sempronii Campos, unde ingens frugibus damnum secutum est. Q. an Cajo in casu teneatur de damno Sempronii campis illaro.

Resp. negative. Quia neque ex Caji mandato, suasionem, aut alio impul- su, neque ex ipsius Caji negligentia graviter culpabili, sed ex simplici famulorum incuria, ac culpa, inscio ipso Cajo, ingens damnum Sempro- nii Campis illatum est. Cum autem conveniens non sit, ut qui damni aliteri illati culpabilis causa non fuit, teneatur in foro conscientie, præ- sertim ante omnem Judicis sententiam, ad reparationem ipsius damni in aliena re, sive ex armentis, sive ex alia causa, secuti dicendum est, ne poena investigetur, ubi culpa non est, Cajum in casu nequaquam de damno proximi Sempronii Campis illaro teneri. Ita Catd. de Lug. de just. disp. 8. num. 41. Molin. disp. 713. Less. de just. l. 2. cap. 9. dub. 17. Tam- bur. in Decal. l. 6. cap. 4. §. 2. num. 4.

MENSE NOVEMBRIS.

CAS. I. Taxator a Principe pretio pro qualibet frumenti mensura, Mer- cator quidam frumentum vendidit, exigendo, & recipiendo pro qualibet mensura duos Julios ultra taxam. Q. an dictus Mercator contra justitiam peccaverit.

Respondeo cum distinctione. Si frumentum venditum a Mercatore in casu non excedit in bonitate frumentum vulgare, cuius pretium a Principe taxatum est, & solet ab aliis Mercatoribus communiter observari, dicendum est, Mercatorem contra iustitiam peccasse. Ratio est, quia pretium legale taxatum a Principe, seu Magistratu supponitur iustum, nisi manifeste constet oppositum, & proinde illud non solum in foro externo, sed etiam in foro conscientiae servandum est. Si vero frumentum prædictum melioris sit conditionis, & notabiliter vulgare frumentum in bonitate excedat, dummodo, duo iusti supra taxam recepti non excedant venditi frumentum pretium naturale, erit Mercator ab omni iniustitiæ labe immunis. Sicut enim triticum longe inferioris tritico communi vendi debet pretio inferiori, ita, si in bonitate sit longe melius, pretio taxam excedente, jure merito, & absque ulla iniustitia, vendi potest. Ita Homob. consultat. 2. part. 6. resp. 15. Diana part. 1. tract. 8. resolut. 52. Giribald. de Contr. cap. 2. num. 58.

CAS. II. Confessarius in quadam rurali Parrocchia, ut populum alliciat ad frequentiam Sacramenti poenitentiae, non alias solet, etiam pro gravibus culpis, poenitentias imponere, quam opera alias debita, ex. gr. auditionem Sacri in die festo, & similia. Q. an iste agendi modus esse possit ab omni culpa immunis.

Respondeo negative. Ratio est, quia licet in eo casu, quo Confessarius prudenter timet; ne acidiosus poenitens, multis gravatus delictis, sit executurus condignam satisfactionem, si plura libera opera ei pro poenitentia imponatur, possint una saltem cum aliquo libero opere etiam opera alias debita pro eadem poenitentia imponi; adhuc tamen regulariter loquendo debent Sacerdotes poenitentiae Ministri, quantum spiritus, & prudentia suggererit, pro qualitate criminum, & poenitentium facultate, salutare, & convenientes satisfactiones injungere, nec si forte peccatis conniveant, alienorum peccatorum participes efficiantur, ut inquit Trid. sess. 14. cap. 8. Cum autem tota hæc doctrina destruat, si generaliter motivum alliciendi populum ad Sacramenti frequentiam licitum redderet, ut non alia opera etiam pro gravibus culpis poenitentibus imponatur, præter ea, quæ jam sunt aliis titulis debita; dicendum est, modum agendi, quem tenere solet Confessarius noster, esse non posse ab omni culpa immunem. Ita Lug. disp. 25. num. 67. Averf. q. 13. sect. 3. Giribald. de Poenit. cap. 12. num. 44. & 45.

CAS. III. Titius, ne a suo statu decidere cogatur, non solum antiqua non solvit, sed nova etiam congerit debita. Q. an utrumque Titio liceat.

Resp. negative. Quamvis enim possit alicui aliquando licere solutionem debitorum jam contractorum differre, ne subire cogatur grave incommodum decidendi a proprio statu, si status iste sit iuste acquisitus, si nihil in superfluo sumptus infumatur, & Creditoribus ex tali dilacione æquale incommodum non imminet; adhuc tamen nemini licere potest nova congerere debita, ne a proprii status decore decidat. Ratio est, quia nova congerere debita in eo statu, quo quis videt se impotentem ab solvenda antiqua, aliud non est, quam surripere alienam rem cum impotentia restituendi, & cum evidenti prædictæ impotentiae cognitione, quod non nisi invito Domino contingere potest, cum nemo unus ex Creditoribus sponte consentiat amittere quod sibi debitum est. Cum autem; ut constat ex damnatione Innocentiana prop. 36. nonnisi in extrema necessitate, vel

taltem ita gravè, ut æquiparari possit extremæ, qualis certu non est illa conservandi decorem proprii status, surari licitum sit: sequitur, licitum non fore Titio in casu nova congerere debita, ne decidere a suo statu cogatur. Ita cum Layman l. 3. tr. 2. cap. 12. Lug. disp. 21. num. 6. Carden. part. 3. disp. 23. num. 36.

MENSE DECEMBRIS.

CAS. I. **P**etro recidivo imposita fuit a Confessario pro pœnitentia recitatio integri Rosarii, & unius tertie partis quoties in idem peccatum incideret. Dum autem redit ad pœnitentie tribunal, confitetur, prima recitatione completa, secundam tribus, vicibus omisisse. Q. an omissas Rosarii partes tenetur iterum recitare.

Respondeo negative. Nam illa tertia Rosarii pars a Petro recitanda quoties in idem peccatum incideret, utpote quæ fuit imposita a Confessario non ut iudice, sententiam supra exposita criminis proferente, sed ut Medico, remedia præscribente ad præcavendum relapsum, non est pars integralis Sacramenti, nec proinde ut talis vel ad remissionem pœnæ transactis peccatis debita, vel ad specialia a Deo auxilia impetranda pro præcavendis peccatis futuris ex opere peccato conducit. Sicque quamvis dici possit, quod peccaverit Petrus ea media non exequendo, quæ ipsi data sunt, ut se a relapsu coerceat; adhuc tamen cum nequeat amplius haberi finis intentus a Confessario, qualis fuit vitandi in pœnitente secundum, & tertium relapsum; dicendum est, Petrum non amplius ad omissas Rosarii partes teneri. Ita æquivalenter apud Dian. Card. tom. 1. tract. 6. resol. 21. Sanch. tom. 1. l. 3. cap. 5. num. 17. Fagund. in Decal. tom. 1. præcep. 2. l. 1. cap. 8. num. 21.

CAS. II. Confessarius Pœnitenti, qui solet injunctas graves pœnitentias non adimplere, imponit quidem pro atrocibus delictis pœnitentiam gravem, sed non nisi sub onere venialis culpæ, si eam omittat. Q. an licite possit sub levi tantum culpa pœnitentia dicta imponere.

Respondeo affirmative. Quemadmodum etiam licite Confessarius in Sacramento Pœnitentie judicium exerceat nomine Christi, & judicii natura postulet, ut pœna commensuretur culpæ; adhuc potest, attenta rationabili causa, & majori Pœnitentis utilitate pœnitentiam levem pro gravibus culpis imponere, quin ex hoc possit inferri Confessarium agere contra Sacramenti institutionem, ita licet Confessarius non proprio, sed Christi nomine satisfactionem imponat, & sacramentalis judicii natura requiratur, gravis pœna sub præcepto gravi imponatur; poterit adhuc pro majori Pœnitentis utilitate gravem pœnam sub levi præcepto, absque ulla Sacramentalis judicii latione imperare. Ratio est, quia tam in primo, quam in secundo casu ita Sacramentum Pœnitentie institutum est, ut Sacramenti Minister facultate ligandi, atque solvendi sibi credita eo modo ut possit; quem Pœnitentis saluti utiliorem fore crediderit. Cum igitur Confessarius noster ex rationabili causa vitandi majora delicta sui Pœnitentis, qui solet pœnitentias injunctas non adimplere, eandem est graves sub levi tantum onere imponat, licet omnino hoc vere dicendum est. Ita Card. de Lug. de pœnit. disp. 25. sect. 4. num. 49. Dian. t. 1. tr. 6. resol. 31. num. 5. Suar. de pœnit. disp. 38. sect. 7. num. 5.

CAS. III. Titius absque filiis moriens, de maxima bonorum suorum parte dispo-

disposuit in favorem cujusdam Ecclesiæ; Fratri autem valde egeni ne obulum quidem reliquit. Q. an Titius ita agens sit in conscientia tutus. Respondeo negative. Ratio est, quia si charitas omnino postulat, ut graviter indigenti saltem ex bonis naturæ, & statuti superfluis subveniatur, multo strictior, & urgentior est hæc obligatio erga Fratres in gravi constitutos necessitate. Hinc cum Titius plura habens bona, quippe qui de maxima bonorum suorum parte in Ecclesiæ favorem disposuit, ne obulum quidem reliquerit Fratri valde egeni, videtur dicendum, in conscientia tutum non esse. Quamvis enim non teneatur Frater Fratri aliquid ex iustitia in testamento relinquere; si tamen Frater iustitias valde egenus sit, tenetur mortis tempore, quando habeat unde libere possit disponere, ita ex charitatis, ac pietatis lege Fratri funeritui providere, ut eidem juxta indigentis gradum subveniat. Ita ex Laym. l. 3. tr. 5. cap. 5. num. 17. de Lug. disp. 24. num. 175. Bonac. de contr. disp. 3. quæst. ult. punct. 3. num. 13.

A N N O M D C C X L I I I .

M E N S E J A N U A R I I .

CAS. I. Capellanus Ruralis ex negligentia Missam celebrat ad longum tempus absque Clericali Tonsura, qua de re a Parocho tanquam gravis culpæ reus corripitur.

Q. an jure sic corripitur.

Respondeo negative. Cum enim simplicis tonsuræ delatio sub pœna quidem privationis privilegiorum, vel privationis, aut inhabilitatis beneficiorum, non autem sub aliqua forma lethalem culpam indicante præcipiatur, ut in cap. 6. sess. 23. Concil. Trid. & in Bullis Sixti V. hæc de re editis videre est; dicendum remanet, Capellanum nostrum nequaquam fore per se loquendo de gravi culpa damnandum. Si tamen negligentia Capellani prædicti vel clarum præferret Ecclesiasticarum legum contemptum, vel cum rudis populi admiratione, atque scandalo conjungeretur, tunc ratione harum circumstantiarum jure merito a Parocho de gravi culpa correptum fordicendum est. Ita ex Marchino de Ord. in part. tr. 2. part. 1. cap. 6. num. 3. & seq. Dian. moral. instit. part. 2. tr. 4. resol. 183. Henrig. L. 10. cap. 11.

CAS. II. Titius nonnullis gravatus debitis, nec habens unde ea solvat, cum invenerit Annulum aureum, cujus frustra quæxit Dominum, vellet ad solvenda debita annulum inventum infumere. Q. an licite possit.

Respondeo affirmative. Si enim aliquid oblat, est, quia res inventa, cujus Dominus opportunis etiam adhibitis diligentis, ignotus, est, præsertim si illa maneat in propria specie, debet juxta præsumptionem Domini voluntatem in pauperes, vel alias pias causas erogari, & quo videntur, eadem rem infumi non posse pro solvendis debitis, quibus aliunde inventor ipse gravatur. Cum autem Titius in nostro Casu, ex quo non habeat unde debita solvat, dici possit ex una parte pauper, & ex altera inventum annulum infumere, ne ipse debitor vexetur Creditoribus, quibus ex bonis propriis satisfacere est impar, sit revera annulum in piam causam, infumere, dicendum est nihil obitare, quin Titius licite agat, utpote qui agit juxta præsumptam incerti Domini voluntatem, annulum.

lum aureum infumendo in extinguendis debitis, quibus aliunde satisfacere potens non est. Ita Girib. de restit. cap. 5. num. 34. Rolig. prænot. 8. num. 2. Lug. disp. 20. num. 3.

CAS. III. Petrus bona fide per aliquod tempus possedit Agrum, deinde postquam per annum dubitaverit, Agrum esse alienum, certo alienum esse cognovit. Q. quid restituere teneatur.

Respondeo: Petrum teneri primo ad restitutionem Agri, si Agri ipsius Dominium præscriptionis legitimè beneficium non acquisivit. Secundo, deductis expensis, teneri ad restituendos fructus pariter non præscriptos; qui, loquendo de ordinaria præscriptione inter præsentis, sunt fructus correspondentes ultimo triennio sive bonæ, sive dubiæ fidei possessionis, dummodo tamen idem Petrus anno dubiæ possessionis moralem diligentiam pro veritate rei inquirenda adhibuerit; in tali enim Casu per dubium superveniens bonæ fidei possessio non interruptitur, ac proinde neque præscriptionis continuatio impeditur. Quod si Petrus non adhibuit diligentiam prædictam, tunc cum initio dubiæ possessionis jam evaserit malæ fidei possessor, annulus illic inter utiles ad præscribendum non poterit amplius enumerari. Denique si Petrus oona fide possedit Agrum pro tempore insufficienti ad aliquam sive ipsius Agri, sive ejus fructuum legitimam præscriptionem, dico: Petrum teneri restituere Agrum, totumque id, in quo factus est ditior integro tempore sive dubiæ, sive bonæ fidei possessionis, cum legitimum titulum non habeat retinendi sive fundum, sive fructus ex aliena fundo percentos, servatis semper regularis expensarum, ut supra dictum est. Ita Girib. de just. & jur. cap. 4. num. 70. & 77. Laym. L. 3. tr. 1. cap. 8. num. 10. Covarruv. §. 7. num. 3.

M E N S E F E B R U A R I I.

CAS. I. Rusticus graviter ab altero vulneratus quamvis ex denegata pace agnoscat Offensorem suum sumpturum inde occasionem perseverandi in odio, & ira, dicit se quidem ex corde remittere offensam, velle tamen injuriæ sibi illatæ juridicam satisfactionem. Q. an possit absolvi, si in tali proposito perseveret.

Respondeo affirmative, tam si nomine juridicæ satisfactionis veniat compensatio damni, quod Rusticus in bonis vitæ, & fortunæ passus est, quam si veniat prosecutio actionis coram Judice, donec sequatur punitio Rei. Ratio primi est, quia nemo tenetur cedere juri suo, sed licite potest pro damno sibi illato debitam petere compensationem. Ratio secundi est, quia sicuti Judex, ex motivo punitivæ justitiæ, licite potest injustos aliorum Offensores punire; ita ex eodem motivo poterit Offensus licite petere a Judice, ut injuria sibi illata puniatur. Ex quemadmodum potest Judex, reum punire, etiam prævidet illum inde occasionem furgorum odii, & iræ, ita licet idem prævideat Offensus, poterit sui Offensoris juridicam petere punitorem, scandalum enim passivum Rei, & Offensoris, Judicio, aut Offensi delicto imputari non potest. Si itaque Rusticus noster, dimisso vere, & practice omni odio, & affectu vindictæ, ex puro amore, zeloque justitiæ velit injuriæ sibi illatæ jurisdictionem, satisfactionem, non est cur absolvi non possit, etiam si in tali proposito perseveret. Ita Suarez de Charit. disp. 5. sect. 5. Homob. de exam. tract. 6. cap. 25. quæst. 113. Tambur. L. 5. in Decal. cap. 1. §. 3. num. 9.

CAS. II. Petronius, qui intra Ecclesiam existens grave vulnus infixit Rustico

co extra foras Ecclesie commoranti, petit a Parocho, utrum in eadem vel in aliera Ecclesie immunitatis beneficio valeat gaudere. Q. quodnam Parochi debeat esse responsum.

Respondeo cum distinctione. Si grave vulnus, quod Petronius in illa Ecclesiam existens infixit rustico extra fores Ecclesie commoranti, ita grave sit, ut secum ferat vel vulnerati rustici mortem, vel alicujus membri mutilationem, Parochi responsum esse debebit, eundem Petronium, secuta morte, aut mutilatione predicta, non illius tantum, e qua vulnus infixit, sed cuiuscumque etiam alterius Ecclesie immunitati privari, hoc enim expresse colligitur ex Bulla Benedicti XIII. quæ incipit = Ex quo divina = Si autem grave vulnus rustico inflictum tale non sit, ut mortem, aut aliquam rustici mutilationem secum ferat, Parochi responsum erit, Petronium tam in illa Ecclesia, e qua patravit delictum, quam in aliera quocumque asyli jure gaudere, cum delictum ab eo paratum nullibi per canonicas lege ab asyli jure excludatur.

CAS. III. Cajus non parum avaritiæ deditus, cum horrea frumento plena possideat, in gravis indignationis actum prorumpit, ex quo audierit indictas esse publicas preces ad obtinendam pluviam pro ortu fatorum. Q. an sufficienter se exprimat in Confessione dicendo, se gravem indignationis actum commisisse.

Respondeo negative. Nam in primis debet exprimere, se talem indignationis actum ex motivo avaritiæ commisisse, cum malitia avaritiæ ab illa simplicis indignationis diversa sit. Secundo, et si Cajus actum indignationis fortasse non elicerit contra indictas supplicationes, ut sunt res ad Religionem spectantes, sed præcise, quia sunt medium ad pluviam obtinendum pro ortu fatorum, adhuc Caji peccatum adnexum sibi videtur habere irreligiositatis malitiam, quæ utpote ab illa indignationis, & avaritiæ diversa, ad confessionis integritatem exprimenda patenter est. Ita de Pœnit. Auctores communiter.

MENSE MARTII.

CAS. I. Postquam Bertz, de Mariti consensu, cum ejusdem Mariti Fratris copulam habuit, petenti Maritio nolle amplius debitum reddere. Q. an jure possit debitum denegare.

Respondeo negative. Quamvis enim ex quo Innoc. Tertius respondens Proposito Magdeburgensi in Cap. *De secretionem tuam* de eo, qui cognovit confanguineam, dicat affinitatem post matrimonium inique contractum ei non debere officere, qui hujusmodi iniquitatis particeps non extitit, soleant plures Auctores ex adverso inferre, delictum natus Conjugis alteri etiam nocere, quando aliter etiam Conjuges parati sceleris consensu, vel tuasione particeps sunt; adhuc tamen non videtur hoc ita affirmandum, ut Bertz Maritus in Casu jure petendi debitum privatus sit. Tum quia argumentum a contrario desumptum non est efficax in jure ad inducendam poenam, qualis est privatio juris ad petendum debitum, quando talis poena in jure expressa non reperitur. Tum quia crimen committitur a consentiente Marito non vere, & proprie ipsum crimen incestus, & tantum secundarie, & reductivè, pro quo in laudato capite nulla predicti juris petendi debitum privatio imposita est: Cum itaque ex jure clare non constet, Bertz Maritum in Casu jus petendi amisisse, dicendum est, neque Bertz jure merito, pos-

posse Marito potenti debitum denegare. Ita Dian. t. 2. tr. 6. resol. 242. n. 4. Anton. a Sp. S. n. 620. Decalil. & alii.

CAS. II. Titius dum absolvitur, recordatus peccatis lethalis, quod non aperit Confessario nisi post prolatam absolutionem. Q. an valide sit absolutus.

Respondeo negative per se loquendo. Ratio est, quia Titius in Casu sciens, & volens reticuit peccatum aliquod, quod antequam integre prolata foret essentialis forma absolutionis confiteri, poterat, & debebat, rogando Sacerdotem, ne absolutionem inceptam perficeret, antequam ei novum crimen confiteretur, sicuti ad Sacramenti valorem ex Trid. sess. 14. c. 5. necessarium omnino esse prespicuum est. Cum igitur idem Titius non aperiendo peccatum suum Confessario, nisi post prolatam absolutionem, reddiderit Confessionem dimidiatam, & in materia necessaria non formaliter integram, dicendum est, non fuisse per se loquendo valide absolutum. Dixi, per se loquendo, nam si intervenisset vel perturbatio mentis, quæ ut plurimum solet in Casu contingere, vel bona fides, qua Titius putasset, interrumpendam non esse absolutionem propter reverentiam debitam Judici proferenti sententiam, in tali casu Titius ita excusaretur, ut valida absolutus censendus foret, a peccatis quidem ante absolutionem expositis directe, ab altero vero indirecte, sicque cum onere illud iterum clavibus subjiciendi, ut per absolutionem directam tollatur. Ita Succher. de Sac. Pœnit. ad Cas. 1. Janu. & communiter.

CAS. III. Petrus, ne cogatur imperfectam relinquere domum, quam cepit laute ædificare, cum nequeat alia modo pecuniam invenire, eandem mortuam sub usura accepit.

Q. an licite hoc fecerit.

Respondeo affirmative. Nam cum mutuum petere sit petere rem per se indifferentem, & licitam, utpote quæ fieri potest absque peccato, & non nisi per accidens, & ex malitia alterius occasione peccandi alteri fiat, sequitur, nos non teneri, iusta accedente ac rationabili causa, a tali petitione abstinere. Cum autem causa perficiendi domum, quam Petrus cepit laute ædificare, iusta ac rationabilis sit, cum secus, nequeat Petrus vel commoditatis gratia in domo sua habitare vel eandem aliis locare gratio utilitatis, infernum, Petrum posse in Casu, si alia via non possit, ex pecunis sub usura acceptis inceptam domum perficere. Quando tamen Petrus ita laute domum cepisset ædificare, ut tale ædificium ipse Petri conditionem, ac statum multum excederet, jam licite prosegui non posset, quod omnino illicitum, & inceptum, proinde illa cessaret rationabilis Causa, propter quam tantum licite pecuniam sub usuris accipere posset, ut dictum est. Ita Suar. de charit. disp. 10. sect. 3. num. 1. & 4. Bufemb. L. 2. tr. 3. c. 2. art. 2. Bonac. de Pec. dist. 2. q. 4. punct. 2. num. 21.

M E N S E A P R I L I S.

CAS. I. Paterfamilias tempore carnisprivii ad esum carniū legitime dispensatus, ne plures paraceatur mensæ, ad integram familiam facultatem sibi concessam per Medicum extendi curavit.

Q. an licite.

Respondeo negative. Ratio est, quia Paterfamilias curando, ut per Medicum extendatur ad totam familiam facultas circa esum carniū, sibi tantum

tum legitime concessa, ex illo motivo, ne scilicet plures parentur mentis, Medicum inducit ad id, ad quod ius Medici nullatenus, se potest licite extendere; cum ad Medicum quidem spectet judicare de morbis, vel morborum periculis, non autem de inopia, & impotentia parandi plures Mensas, de qua, si vere detur, judicare debet Ecclesia. Dixi, si vere detur; nam equali, vel forte minori sumptu eo, quo Paterfamilias parcam, & sobriam sibi tantum concessam salubrium carniem Mensam ad integram familiam extendere paratus est, poterit eidem familiæ Mensam alteram in Quadragesimalibus cibis parare, quando ejus necessitati subvenire poterat, non vero gula indulgere; ex quo sequitur, quod, cum facultas in Casa a Medico pro familia concessa, dici debeat absque justo motivo, & dolose obtentia, illicite omnino Paterfamilias se gesserit. Ita ex Bened. XIV. vol. 1. inst. 15.

CAS. II. Ex quo quidam Parochus elapsis annis nonnullos Parochianos extra Parochiam in Paschate communicantes non reprehenderit, Paulus hoc anno absque expressa ipsius Parochi licentia in aliqua Parochia Paschali communione resectus est. Q. an Paulus prædictus Paschali præcepto fecerit satis.

Respondeo negative. Ratio est, quia quamvis Parochus elapsis annis aliquos suos subditos extra Parochiam sacrum Synaxim fumentes non reprehenderit, adhuc certum est, neminem posse sine expressa Episcopi, vel Parochi sui licentia Paschale Communionis præceptum extra propria Parochiam adimplere. Hinc cum dici debeat in Casu, vel Parochum ex rationabili motivo non reprehendisse Parochianos prædictos, vel pastoralis sui muneri non satisfecisse, eosdem Parochianos non corripiendo, nullatenus a violatione Paschalis præcepti ex præterito Parochi silentio potest excusari Paulus noster, dum absque expressa ejusdemmet Parochi sui licentia sacra Synaxi extra Parochiam resectus est. Ita Girib. de Euc. c. 8. 28. aliique communiter.

CAS. III. Medicus non solet suos infirmos de confessionis peragenda necessitate admonere, nisi vere judicet eosdem lethali morbo affectos fore, ne ipsa admonitio despectui habeatur. Q. an bene se gerat.

Respondeo negative. Cum enim Medici omnes, dum doctoralem lauream recipiunt, jurent se servaturos Sancti Pii Quinti constitutionem, in qua expresse præcipitur, ut cum vocati fuerint ad infirmos, ipsos ante omnia moneant de facienda Confessione Sacramentali, indiscriminatum loquendo de infirmis omnibus in lecto jacentibus, siue lethali morbo affecti sint, siue aliter non lethali graventur, sequitur, non bene se gerere Medicum nostrum, qui suos infirmos de confessionis peragenda necessitate admonere non solet, nisi vere judicet eosdem fere lethali morbo affectos. Neque satis excusari potest ex adducto motivo, ne scilicet ipsa admonitio despectui habeatur, nam vel hoc non accidit, sicuti non accidit, dum infirmi omnes ad Xenodochia accedentes etiam si lethali morbo affecti non sint, statim de eorum conscientia per Confessionem Sacramentalem expianda admonetur, vel & si penes aliquem prædicta admonitio despectui haberetur, adhuc alienus defectus Medicum non excusaret, cum hic teneatur, quantum in se est, observantiam a se juratæ Constitutionis incorruptam servare. Ita SS. Noster Bened. XIV. vol. 2. Notif. 2.

CAS. I. **C**ajus mutat Menſe Majo decem modios tritici Petro cum pacto, ut ſibi Menſe Auguſto mutuet decem corbas vini, quo ſcit Petrum abundare, & ſibi prævidet deſuturum. **Q.** an talis contractus uſuram involvat.

Reſpondeo affirmative. Cum enim, ex generali regula, omne pactum, vel gravamen, ſive onus additum mutuo præter id, quod ei proprium, & intrinſecum eſt, reddat contractum uſurarium, ſequitur uſuram involvere contractum illum, quo Cajus mutat Menſe Majo decem modios tritici Petro cum pacto, ut ſibi viciffim mutuet Menſe Auguſto decem corbas vini, quo ſcit Petrum abundare, & ſibi prævidet deſuturum; obligatio enim iſta, quæ prætio æſtimabilis eſt, importat onus additum mutuo ultra id, quod mutuo proprium, & intrinſecum eſt, ut clare patet. Ita La Croix L. 3. p. 2. de uſur. dub. 7. q. 151. n. 905. Bonac. diſt. 3. quæſt. 3. punct. 3. & aliis.

CAS. II. Duo Ruſtici tempore Miſſæ de præcepto de domeſticis eorum negotiis per notabile quidem tempus, ſed interpolate, ad invicem colloquuti ſunt. **Q.** an præcepto audiendi Sacrum ſatiſfecerint?

Reſpondeo negative. Ratio eſt, quia cum locutio, licet, interpolate, de domeſticis negotiis per notabile tempus habita excludat per nobilem. Miſſæ partem attentionem externam ab Eccleſiæ præceptam, per quam quis efficitur religioſe aſſiſtens, & moraliter præſens Sacro, dicendum eſt, non ſervari eum locutione prædicta ſubſtantiam actus ab Eccleſiâ imperati, ſicque præceptum de audienda Miſſa non adimpleri. Hinc ſicuti non ſatiſfacere Eccleſiæ præcepto ille, qui interpolate diſcederet, & rediret, dummodo diſceſſus etiam interpolatus notabili Miſſæ parti correfponde-ret: ita eidem præcepto non ſatiſfaciunt ruſtici, qui de domeſticis eorum negotiis per notabile ſpatium notabili Miſſæ parti correfpondens ad invicem locuti ſunt. Ita Gob. n. 288. La Croix n. 653. Paſq. t. 2. q. 1324. n. 6. & ſeq.

CAS. III. Jodex anceps, cuiſam parti adjudicaret, quamdam hæreditatem ob rationes, quas pro utraque parte putat æquales, illam tandem adjudicat parti, quam ſibi magis in alio negotio profuturam ſperat. **Q.** an hoc fieri poſſit ſine læſione juſtitie.

Reſpondeo negative. Si enim Judici liceret in Caſu totum adjudicare illi parti, quam ſibi magis in alio negotio profuturam ſperat, licitum æquali jure eſſe poſſet eidem Judicii pecuniam accipere pro ſerenda ſententia in favore unius præ alio, quando litigantes pro ſe opiniones æque probabiles habent, quod poſt jam proſtigatam ab Alex. VII. propoſitionem dicti amplius nequit. Si igitur poſt accuratam cauſæ diſcuſſionem, inſpectisque cum juris, tum facti momentis pro utraque parte adductis, Jodex adhuc anceps eſt, cuiſam parti hæreditatem adjudicet, debet vel partium conſenſu Arbitros deputare, vel ſuadere, aut imperare compoſitionem, ita ut tandem cuilibet parti dimidium hæreditatis adjudicaretur; ſecus nonniſi injuſte eundem Judicem agere dicendum eſt. Ita Anacl. de act. hum. diſt. 3. n. 62. aliique communiter.

CAS. I. **D**UM inspectis Doctrina, & pietate Capellani Rualis nonnulli ex Parochianis jurarunt, se non alium prater ipsum in demortui Parochi Successorem nominaturos, alter simul proponitur Sacerdos, qui Ecclesie utilior censetur. Q. an secundus Sacerdos licite possit ab omnibus in Parochum nominari.

Respondeo affirmative. Cum enim ex fine primario instituendi Ecclesiastica beneficia, qui fuit major Dei cultus, & majus Ecclesie bonum, clare constet, in electione ad beneficia, præsertim Parochialia, adesse obligationem sub gravi eligendi digniores, illos nempe, qui utpote magis idonei ad promovendam spirituales proximi utilitatem, & ad conservanda legitima Ecclesie jura, ipsi etiam Ecclesie utiliores existimantur; Manifestum est, a fortiori, licite posse Parochianos in demortui Parochi Successorem nominare Sacerdotem illum, qui ceteris paribus Ecclesie utilior censetur. Neque obstat, quod Parochiani juraverint, se non alium præter Capellanum in demortui Parochi Successorem nominaturos, quia juramentum prædictum, accedente Sacerdote digniori, non tenet, cum majori Divino cultui, Ecclesieque utilitati adversetur. Ita D. Thom. 2. 2. q. 63. art. 1. De Lugo disp. 35. de just. & jur. sect. 2. num. 10. An tract. 11. num. 43.

CAS. II. Capellanus, qui per sinceram promissionem a duobus ex tribus Compatronis acceptam, certus est, Parochiali Beneficio se fore præsentandum; ut majori honore eligatur, tertium etiam Compatronum aliquo non levi munere ad ipsum præsentandum inducit. Q. an absque labe aliqua Simonie hoc egirit.

Respondeo negative. Cum enim ex communi Theologorum, & Canonistarum Doctrina Simoniam committat qui dat temporale pro spirituali, vel e contra; nequit a Simonie labe excusari ille, qui ut ad Parochiale beneficium eligatur, aliquem ejusdemmet beneficii Compatronum ad sui præsentationem non levi munere inducit; sic enim verificatur, quod per temporale paret sibi viam ad spirituale, in quo Simonia consistit. Neque refert, quod Capellanus in Casu munus præbeat tertio Compatrono præcise, ut majori honore eligatur, cum per sinceram promissionem a duobus aliis compatronis acceptam certo credat, se fore Parochiali Beneficio præsentandum; nam cum duos alios Compatronos, vel aliquem ipsorum possit adhuc poenitere factæ promissionis, inducendo per non leve munus tertium Compatronum ad sibi favendum, sub specie majoris honoris, sternit sibi viam ad Beneficium certius acquirendum, quod a Simonie labe excusari non potest. Ita quoad substantiam Suar. Bonac. & alii.

CAS. III. Sejus perfecte adoptatus in Filium a Titio, mortuo Titio, vellet matrimonium contrahere vel cum Berta Titii Filia, vel cum Rosa, quæ ipsius Titii Uxor fuit.

Q. Berram ne, an Rosam ducere possit.

Respondeo, Bertam ducere posse, non Rosam, Ratio primæ partis est, quia licet cognatio legalis orta ex perfecta adoptione etiam in linea transversali dirimat Matrimonium, & prinde nequeat Matrimonium contrahi inter Filias adoptantis & adoptatum; hoc tamen verum est solum pro tempore, quo durat patris potestas; ideoque hac soluta;
vel

vel morte adoptantis, vel emancipatione filiorum; potest adoptatus Filiam naturalem adoptantis ducere, vel Filius naturalis adoptantis Filiam ducere adoptatam. Ratio secundæ partis est, quia cum inter adoptatum & uxorem adoptantis, vel adoptantem & uxorem adoptati cognatio legalis sit ad inlar affinitatis carnalis, patit impedimentum perpetuum, adeo ut nunquam possit adoptatus Matrimonium contrahere cum uxore adoptantis, & e contra, cum semper duret reverentia debita tali modo conjunctis, super qua ex antiqua Ecclesiæ consuetudine tale impedimentum fundatur. Ita ex Rosig. n. 13. & 15. Sanch. disp. 63. num. 23. & 30. Girib. de Matrim. c. 12. n. 44. & 45.

MENSE JULII.

CAS. I. Quidam capitis pœna bannitus accedens ad simplicem Confessarium confessus est, petens suorum criminum absolutionem. Cum tamen pluribus Censuris, & Casibus reservatis inodatus existeret, noluit illi confessarius absolutionis beneficium impertiri. Q. an bene Confessarius se gesserit.

Respondeo negative. Ratio est, quia sicuti potest Princeps, & Respublica, ob difficultatem capiendi capitis pœna Bannitos, quemlibet in Ministrum & executorem Sententiæ in illos latere deputare; ita potest hoc titulo quilibet de populo, tanquam Minister Justitiæ a Republica constitutus, eosdem Bannitos licite occidere, & quidem etiam proditorie, & per Insidias, si alia via eos occidendi non suppetat. Ex hoc autem, quod capitis pœnas Bannitus possit licite a quocumque occidi; præsertim si intra profectantis territorium reperiatur, inferitur, eundem bannitum, si aliunde sit bene dispositus, a quolibet etiam simplici Confessario absolvi posse, utpote qui semper versatur in satis probabili mortis periculo, pro quo ex Tridentini Doctrina nulla est sive Censurarum, sive criminum reservatio. Male proinde se gessit Confessarius in Casu, qui, ratione Censurarum, & casuum reservatorum, noluit bannito petenti absolutionis beneficium impertiri. Ita Homob. tom. 1. consult. part. 2. resp. 120. Bostius mor. nar. rit. 3. n. 12. De Lugo disp. 10. n. 82.

CAS. III. Cum imposuerit Petro Confessarius pro Sacramentali satisfactione, ut per Mensem quolibet die festo duas Missas audiret, Petrus propriæ negligentie indulgens, pro adimplenda sibi imposita satisfactione, solitus fuit duas Missas in duobus Altaribus eodem tempore celebratas audire.

Q. an Perus propriæ satisfecerit obligationi.

Respondeo negative. Quamvis enim possit quis eodem tempore, & actu satisfacere pluribus obligationibus, quando aliter non consistet de mente imponentis obligationes, adhuc tamen quando aliter constat, nonnulli diverso tempore, & actu reventi obligationibus satisfieri posse dicendum est. Cum igitur Confessarii, imponentes pro Sacramentali satisfactione auditionem plurium Missarum, intendat communiter imponere onus audiendi plures Missas diversis temporibus, ut apparet ex communi sensu Confessorum, & praxi poenitentium, satis perspicuum est, Petrum, qui pro adimplenda sibi imposita satisfactione de audiendis quolibet die festo per Mensem duabus Missis, solitus fuit, propriæ negligentie indulgens, duas Missas in duobus altaribus eodem tempore celebratas audire,

nequaquam obligationi sibi impositz satisfecisse. Ita Joan. de Lugo de Sacr. Euchar. disp. 22. sect. 1. n. 10. Tutrian. disp. 16. part. 2. dub. 7. Girib. de obser. sect. c. 2. n. 18.

CAS. III. Rusticus tanquam gravis Sacrilegii reus arguitur a Confessario, quia cum recordatus fuerit unius lethalis peccati in ultima Confessione obliti, dum erat proxime recepturus Sacram Synaxim, hanc recepit, quin saltem Contritionis actum pramiserit.

Q. an jure ita arguatur.

Respondeo negative: si enim rusticus, dum recordatus fuit lethalis peccati in Confessione pravia obliti, non poterat recedere a Sacra Mensa, quia circumstantibus praberetur occasio temere judicandi contra ipsum; in tali Casu, cum jam per praviam Confessionem formaliter integram fuerit etiam a peccato lethali oblito indirecte absolutus, nullam habuit obligationem pramittendi Contritionis actum, ut licite ad Sacram Mensam accederet. Si vero rusticus idem obliti peccati memor recedere poterat a loco, in quo proxime recepturus erat Sacram Synaxim absque supradicta sui infamazione, vel proximi admiratione, ut facile contingere poterit, cum plures soleant in pravi recedere, vel se retrahere ab altari, etiam dum actu administratur venerabile Sacramentum, quia aliqua sequatur infamia, vel admiratio, tunc recedere debuit ab altari, ut, pramissa nova Confessione peccati obliti, ad Sacram Synaxim opportuna accederet dispositione; & ita nunquam jure merito pro non pramisso Contritionis actu arguendus fuit. Ita Girib. de Euch. c. 4. n. 29. Suar. disp. 66. sect. 4. Bonac. disp. 4. q. 4. punct. 1. n. 17. & 18. Tamb. L. unic. c. 1. §. 7. n. 61. & 62.

MENSE AUGUSTI.

CAS. I. Titio Clerico assignata fuerunt in patrimonium omnia paterna bona, annuatim redtentia aliqd plus ultra taxam ducentarum librarum, cum onere tamen alendi patrem senem, quousque vivat.

Q. an tale patrimonium possit ut legitimum approbari.

Respondeo negative. Ratio est, quia ut patrimonium possit tanquam legitimum approbari, debet constitui super bona stabilia libera, & juxta Synodales leges ducentarum librarum fructum annuatim redtentia. Hoc autem de bonis Titio Clerico a Patre senem in Patrimonium assignatis nequaquam verificatur: quamvis enim, ut inquit Casus, predicta bona aliquid plus ultra taxam reddant; cum vero aliquid plus non denotet summam sufficientem ad integram Patris sustentationem, sed prae se partem aliquam diminutam sustentationis, clare appareat, quod, deducta integra Patris sustentatione, integrum non remanet pro filio patrimonium ducentarum librarum; sicque constat, patrimonium predictum nequaquam posse tanquam legitimum approbari. Ita ex Notif. 6. vol. 2. SS. D. N. Bened. XIV. edita 1. Febr. an. 1734.

CAS. II. Berta ex Pauli mandato rapta a Sejo, Sejum potius quam Paulum in Conjugem ducere parata est. Q. an Sejum ducere possit.

Respondeo affirmative. Cum enim rapiens nomine alterius quidem auxilium, & favorem raptui praebere, non vero committere raptum, sequitur, Sejum, qui non pro se rapuit Bertam, sed prae se pro Paulo, & ut ipsiusmet Pauli mandatum exequeretur, non posse dici, nec

vere esse raptorem. Cum autem ex alia parte impedimentum raptus dirimens Matrimonium non oriatur, ut constat ex Tridentino sess. 24. c. 6. nisi inter raptam, quamdiu est in manu raptoris, & ipsumverum Raptorem, qui in casu nostro est solus Paulus raptum mandans, non vero Sejus mandati executor, clare inferitur, inter Sejum & Bertam nullum raptus impedimentum adesse, ratione cuius nequeat inter eosdem, si mutuo consentiant, Matrimonium valide celebrari. Ita Girib. de imped. raptus n. 61. Averf. q. 12. sect. 3. aliique commu.

CAS. III. Petrus nonnulla gravia peccata confessus est ex dolore quidem offensæ Deo illatæ, sed sine proposito formali, & expresso ea vitandi in futurum; immo actu iudicans, se quamprimum in eadem crimina relapsurum. **Q.** an prædicta Confessio absolute invalida dicenda sit.

Respondeo negative. Ratio desumitur ex Tridentino sess. 4. c. 4. decernente, quod ad Sacramenti Pœnitentiæ valorem nil aliud requiratur, quam dolor ex motivo supernaturali conceptus, qui voluntatem peccandi excludat. Cum autem tam bene-excludat voluntatem peccandi propositum formale; & explicitum, quam propositum virtuale, & implicitum, inclusum in dolore universali, qualis est dolor de offensæ bonitatis divini, dicendum est, defectum formalis propositi invalidam non reddere Confessionem. Neque illa non peccandi voluntas in Sacramento Pœnitentiæ requiritur viriatur per iudicium, quo quis iudicat se brevi in eadem crimina relapsurum; nam cum propositum sit actus voluntatis, & iudicium sit actus intellectus, nullam dicunt ad invicem ex natura sua oppositionem, cum videamus, quod etiam in hominibus sanctis flet cum bono proposito iustus timor, ne ex veritate voluntatis humane de bonis in malos mutantur. Dixi ex natura sua, quia si de hominibus fragilibus sermo sit, timor de futuro relapsu præilare potest, ut in proposito ira nurent; ut ex huius defectu ipsa Confessio omnino invalida dicenda sit. Ita Zacher. de pœnit. ad cas. 1. & 2. jun. n. 22. & 29. & alii.

MENSE SEPTEMBRIS.

CAS. I. Julia vidua, cum ex occulta fornicatione reddita fuit prægnans; verita ne ejus turpitudine, turgescens ventre, aliorum oculis patefiat, ira domi se continet, ut etiam diebus festis ab audienda Missa abstinere. **Q.** an Sacrum non audiens possit a gravi culpa excusari.

Respondeo negative, dummodo non possit sine sue turpitudinis nota summo mane; aut in aliquo Oratorio remoto Missam de facili audire. Ratio est; quia quotiescumque non potest quis absque propriæ famæ læsione præceptum aliquod servare, ad idem servandum non teneretur, præsertim si tale præceptum sit Ecclesiasticum, quale est illud de Missa audienda in die festo; cum Ecclesia, utpote pia Mater, subditos sibi fideles non intendat cum gravi eorum incommodo obligare. Cum itaque Julia vidua grave subiret incommodum, si cogeretur, occasione audiendæ Missæ in die festo, propriam turpitudinem ex turgescente ventre aliorum oculis patefacere, dicendum est, non teneri in Casu Missam audire; ideoque Sacrum non audiens, etiam in die festo, ab omni, sique multo magis a gravi culpa excusari. Ita Pasqualig. de Sacrif. tom. 2. q. 1336. num. 4. March. de ord. tr. 5. p. 3. c. 17. n. 19. Laym. l. 4. tr. 7. c. 4. num. 16.

CAS. II. Franciscus interrogatus a Confessario de numero peccatorum mortalium, responder, se nunquam fuisse solitum illum exprimere. Q. an Confessiones præteritas repetere teneatur.

Respondeo cum distinctione. Vel Franciscus solitus fuit non exprimere numerum peccatorum ex ignorantia prorsus inculpabili, aut saltem non graviter culpabili, vel ex malitia, seu ignorantia graviter culpabili. Si dicatur primum, Franciscus non videatur absolute obligandus ad repetendas confessiones præteritas, cum silentium inculpabile, vel tantum leviter culpabile circa numerum peccatorum lethalium, si ipsa peccata exposita sint in genere, vel specie una eum dolore universalis, & sincero proposito non peccandi de cetero, ipsiusmet Confessionis valorem non vitiet, ut in Confessione moribundi, aliique Casibus manifestum est. Dixi, non videretur absolute obligandus ad repetendas Confessiones præteritas, nam saltem in confuso nunc, dum est admonitus, teneatur exprimere multitudinem numericam peccatorum, quam reticuit, ut scilicet, quantum potest, peccata sua, prout ea habet in conscientia, in Confessione præsentis exponat. Si postea dicatur secundum, jam ex se patet, Confessiones præteritas nullas esse, immo fuisse sacrilegas, & proinde a Francisco, si modo velit valide confiteri, integre, quantum fieri potest, repetendas fore. Ita Cleric. de Pœnit. decis. 31. num. 4. & 5. Zucchi. cas. 1. Febr. n. 18. Girib. c. 11. n. 4. & seq.

CAS. III. Joannes raptus amore Franciscæ, eidem quadam die ante Imaginem Divi Antonii dixi: Ego, teste hac Sacra Imagine, duco te in Uxorem; illa vicissim respondente: & ego duco te in Maritum; inde post mensem idem Joannes infirmatur, & moritur. Q. an Franciscæ, mortuo Joanne, possit cum Cajo Joannis Fratre Matrimonium contrahere.

Respondeo negative. Licet enim certum sit, promissionem inter Joannem & Franciscam non habere valorem vel Matrimonii, cum defuerit præsentia Parochi, & testium, ex Tridentini lege necessario requisita, vel sponsaliorum, cum hæc contrahantur per verba de futuro, non de præsentis; adhuc tamen, cum conjugium, in Casu attentatum, invalidum sit defectu solemnitatis a Concilio requisitæ, non vero defectu consensus, dicendum est, oriri ex ipso impedimentum publicæ honestatis, cum hoc etiam a Matrimonio, invalido, dummodo tale non sit defectu consensus, ex satis communi Doctorem mente oriatur. Posito autem prædicto publicæ honestatis impedimento, elarum est, mortuo Joanne, Franciscam nequaquam posse cum Cajo Joannis fratre Matrimonium contrahere. Ita Girib. tr. 10. c. 13. nu. 33. Bon. q. 3. punct. 11. n. 18. Diana p. 9. tr. 6. resol. 53.

MENSE OCTOBRI.

CAS. I. POEaitens, cui fuit imposita a Confessario eleemosyna pauperi elargienda, pecuniam pro eleemosyna destinatam insumpsit in alenda Matre paupere, etsi eidem Matri ex alio titulo alimenta præstare deberet.

Q. an obligationi a Confessario impositæ satisfecerit.

Respondeo negative. Ratio est, quia cum Filius jure naturali pietatis teneatur Matri alimenta præbere, dum Matri sit elargitus pecuniæ pro eleemosyna destinatæ, nequit amplius proprie dici eleemosyna, cum dici

pe-

potius debeat solutio debiti legalis, ad quam solutionem potest per Iudicem Filius compelli casu, quo hic sit satis dives, ut solvere possit. Cum itaque meus Confessarii, imponentis pœnitenti, ut eleemosynam pauperi largiatur, non sit mens imponendi alicujus legalis debiti solutionem, bene vero opus satisfactorium, ad quod alio titulo ipse pœnitens non teneatur, dicendum est, pœnitentem in nostro Casu, qui in alenda Matre paupere pecuniam insumpsit, quam tenebatur in eleemosynam elargiri, obligationi sibi a Confessario imposite nequaquam satisfecisse. Ita Cleric. de Pœnit. decis. 34. num. 11. Surd. de aliment. tit. 7. qu. 37. Diss. part. 6. tract. 4. resol. 34.

CAS. II. Fictus mendicus secus viam sedens omni externo conatu per Christi vulnera transeuntes adjurat, ut sibi eleemosynam præbeant. Q. an usu dictæ adjurationis graviter peccet.

Respondeo negative; quavis enim fictus medicus contra religionem peccet, eleemosynam per Christi vulnera in falsa mendicitate implorans, adhuc tamen, cum supponatur in ipso ficto mendico animus, & vulnera obrinendi quod petiit, non ita vane, & irrisorie Christi vulnera contemnitur, ut graviter laedatur divinus honor, & proinde neque ut idem fictus medicus gravis quippe reus in usu dictæ adjurationis dicendus sit. Dixi, in usu dictæ adjurationis; nam si fictio mendici in gravi proximi damnum cederet, ut eveniret, si ille copiosam eleemosynam a transeuntibus consequeretur, quod certe graviter peccaret, non quidem contra religionem, sed contra justitiam, unde & obligationem haberet restituendi pecuniam, quam sub eleemosynæ titulo receperat. Ita Palavius disp. 4. punct. 1. num. 5. Cleric. in cap. 42. quest. 5. & 6. Tambur. L. 3. in Decal. cap. 8. §. 1. num. 4.

CAS. III. Cum Parochus loci Aquis Rhœni circumdati frequenter laboret capite, relicto in Parœcia idoneo Sacerdote, qui ejus vices supplere valeat, solet Mensibus Julio, & Augusto in alio non valde distante salubriori loco morari. Q. an in conscientia sit tutus.

Respondeo negative. Tum quia Parochus ex quo propter aeris intemperiem frequenter laboret capite, non inde habet causam sufficientem, quæ ipsum a residentia excuset, ut constat ex Sacræ Congregat. Decretis sive anno 1573. sive die 7. Julii ann. 1604. in hac re emanatis. Tum quia licet aeris intemperies a residentia excusaret, non poruisset adhuc Parochus noster, etiam relicto in Parœcia idoneo Sacerdote, ab eadem absque expressa Ordinarii licentia per duos menses abesse, ut pariter juxta formam Concil. Trid. sess. 23. cap. 1. Sacra Congregat. sub die 7. Octobr. anni 1604. decrevit. Cum itaque in nostro casu nulla fiat mentio dictæ facultatis ab Ordinario expresse obtentæ, dicendum est, Parochum, qui solet mensibus Julio, & Augusto in alio a Parœcia non valde distante salubriori loco morari, in conscientia tutum non esse, ut ex erudita SS. D. Nostri Bened. XIV. Instructione sub die 6. Martii anno 1733. disfulse videre est.

MENSE NOVEMBRIS.

CAS. I. Cum parvam dumtaxat Plateam distet a Parochiali Ecclesia Domus cujusdam Rustici, putat hic satisfacere præcepto diei festi, Missam audiens e fenestra Domus suæ, unde Celebrantem commode intuetur. Q. an verum putet.

Respondeo negative. Ratio est, quia si fenestra domus per plateam, licet parvam, sejuncta est ab Ecclesia, audiens Missam e tali fenestra nisi addit tanta populi multitudo, ut ab Ecclesia ad Rustici domum pertingat, neque physice, neque moraliter dici potest Sacrificio assilens, & præsens, sicuti ad satisfaciendum præcepto diei festi necessarium est. Cum enim præsentia fundetur non in majori, vel minori, distantia, sed in communicatione locorum, si loca ex eorum dispositione ita separantur, ut invicem non communicent, excluditur non solum physica, sed etiam moralis præsentia, quamvis per accidens sensu percipiatur quod fiat, ut contingit in his, qui in duobus ejusdem domus cubiculis solo pariete medio separatis reperiuntur, qui quamvis se ipsos loquentes ad invicem audiant, non tamen sibi ipsis præsentem vel physice, vel moraliter sunt. Quamvis itaque Rusticus e fenestra suæ domus commode Celebrantem valeat intueri; adhuc, cum nequeat dici, quod sit intra Ecclesiam, vel sit pars multitudinis Sacrificio in Ecclesia peracto assilentis, dum putat se e tali loco satisfacere diei festi præcepto, falsum putare dicendum est. Ita Pasqual. tom. 2. quest. 1304. num. 5. Rosign. art. 11. & alii.

CAS. II. Rosa juvenis Bononiensis cum a nonnullis mensibus ad Mutinensium Diocesim locum non valde distantem transierit; recenti ab Ordinario Bononiensi liberi sui status attestantibus, matrimonium ibi contraxit. Quod intelligens Bononiensis Parochus, sub quo Rosa habet domicilium paternum, judicat, Matrimonium a Rosa contractum nullum esse. Quid an rectum sit Parochi Bononiensis judicium.

Respondeo negative. Ratio est in primis, quia ad Matrimonii valorem non requiritur, quod contrahatur coram Parocho sponsæ, cum possit æqualiter contrahi coram Parocho viri, & proinde licet Rosa habeat domicilium paternum sub Parocho Bononiensi, adhuc potest valide in Mutinensi Diocesim loco Matrimonium contrahere, si sibi sponsi sui domicilium reperitur. Secundo, quia cum dicatur, quod Rosa a nonnullis mensibus ad Mutinensium Diocesim locum transierit, jam animum habere potuit ibi figendi domicilium, vel quasi domicilium acquirendi, in qua hypothese potest etiam valide Matrimonium contrahere coram Parocho illo, sub cujus Paroecia Rosa ipsa moratur. Quia de re Parochus Bononiensis, licet habeat in propria Paroecia domicilium paternum Rosæ, adhuc non recte judicat, Matrimonium ab eadem Rosa in Mutinensi loco contractum nullum esse. Ita ex declarat. Sacre Congreg. sub ann. 1573. L. 1. decret. pag. 125. ut ex instruct. 13. volum. 2. Bened. XIV. clare apparet.

CAS. III. Postquam Lucius Matrimonium cum Livia contraxit, certior factus est, ipsum a prima juventute in Liviæ Baptismo Patrini munus exercuisse. Quid quo sit recurrendum, ut Matrimonium prædictum sanetur.

Respondeo cum distinctione. Si impedimentum cognationis spiritualis, de quo certior factus est Lucius, exterorum quoque notitiæ preventum est, ita ut occultum dici non possit, ad Datariam faciendus est recursus, ut Matrimonium invalide contractum sanetur, cum Sacra Penitentiaria nullam circa impedimenta publica habeat facultatem. Si autem dictæ cognationis impedimentum publicum, aliisque notum non sit tunc pro revalidando hujusmodi Matrimonio ad Sacram Penitentiam tribunal recurrere satis est. Cum enim loquendo de impedimenti occultis, a quorum dispensatione, vigore Bullæ Innocentii XII. abstinere debet

debet major Poenitentiarius, enumeretur illud cognationis spiritualis fo-
lummmodo, quando sermo est de Matrimonii contrahendis, non vero
quando sermo sit de Matrimonii contractis; sequitur, quod si impedi-
mentum in nostro casu occultum sit, possit Matrimonium cum tali im-
pedimento contractum per simplicem summi Poenitentarii dispensationem
sanari. Ita ex instruct. 20. tom. 4. Sanctissimi Domini Nostri Benedicti
XIV. feliciter regnantis ..

M E N S E D E C E M B R I S .

CAS. I. **C**Ajus mutuo datus Petro summam auri, obligat sese ad eam
intra triennium non repetendam: Sed quia probabiliter pu-
tat, aliquod lucrum cessans, vel damnum emergens sibi tali tempore
eventurum, tria pro quolibet centenatio annuatim petit. Q. an sine la-
be usurae hoc petere possit.

Respondeo affirmative. Quamvis enim mutuas nequeat aliquid recipere
vel pro sola carentia pecuniae, vel pro obligatione pecuniam non repe-
tendi intra triennium; potest tamen aliquid recipere pro damno probabi-
liter emerfuro, aut pro lucro intra praedictum tempus probabiliter cessa-
turo, quanti scilicet arbitrio prudentis potest hoc periculum aestimari;
cum mutuas non teneatur cum sui probabili detrimento beneficium ex
sua pecunia mutuario praebere. Cum igitur Cajus mutuans nullatenus
servetur indemnis nisi mutuatarius se obliget ad compensandum integrum
damnum, quod ex mutuata pecunia eidem Cajo forte emergat, aut
lucrum; quod cesset; si tria pro quolibet centenatio spei lucri, vel pro-
babilitati damni commensurantur, poterit ea Cajus annuatim licite pe-
tere, & hinc ab omni usurae lae excusari. Ita P. Viva in exposit. prop.
42. ab Alex. VII. proscriptae, alique.

CAS. II. Antonius, dum male ageret cum Seja, invasus fuit stricto ense
a Titio Sejae Marito. Qua de re, putans alia via non posse vitam pro-
priam tuere, Titium praeveniendo occidit. Q. an per talem occisionem
irregularitatem incurrit.

Respondeo negative. Ratio est, quia licet Antonius deprehensus fuerit
in adulterio cum Seja Titii uxore, tamen fuit adhuc injuste a Titio
invasus ad mortem, cum hic non possit vel uxori in adulterio de-
prehenae, vel Antonio cum eadem adulteranti mortem propria aucto-
ritate inferre, ut constat ex 19. ab Alexand. VII. proscripta proposi-
tione; sicque cum idem Antonius, etsi propria culpa causam dederit
homicidio, potuerit jure naturae & vitam propriam tuere, potuit etiam
licite, alio deficiente modo sese defendendi, invasorem suum praev-
eniendo occidere. Cum autem ex Clement. Si furiosus de homicid. ab-
soluit, & absque ulla distinctione habeatur, quod irregularitatem ne-
quaquam incurrat, qui suum invasorem cum moderamine inculpatae tu-
telae se defendendo occidit, sequitur, Antonium, occidendo invasorem
Titium, irregularitatem nullatenus incurrisse. Ita ex Lessi. L. 2. cap. 9.
dub. 1. num. 237. Dian. part. 3. tract. 5. resol. 47. Girib. in 3. Decal.
praeccept. cap. 1. num. 43.

CAS. III. Verula minus, ac verberibus territa, maleficio in Catellum trans-
latu, destruxit maleficum, quod ad perdendum Titii puerulum jam pa-
traverat. Q. an hoc contigerit absque novo peccato.

Respondeo enim distinctione. Si sermo sit de Vetula destruente maleficium jam patratum in puerum medio maleficio translato in catellum, dicendum est, factum hoc non contigisse absque novo peccato. Ratio est, quia adhibere novum maleficium, vel maleficium transferre de Puerio in Catellum, eum sit Magicæ artis usus, tacitam, vel expressam involvens dæmonis invocationem, est res intrinsece mala, quæ proinde, ad evitandum etiam quodcumque grave sibi imminens damnum, numquam licite potest executioni mandari. Si vero sermo sit de Antonio, qui minis, ac verberibus vetulam induxit ad destruendum maleficium, quod ad perendum ejus puerum jam paraverat, respondendum est, quod Antonius, dummodo judicaverit posse vetulam destruere maleficium patratum in puerum absque nova dæmonis ope, novoque maleficio, eandem ad hoc præstandum licite cogere potuit minis etiam, atque verberibus, si aliud remedium non suppetebat; quia mens Antonii in casu fuisset curare dumtaxat puerum, evertendo diaboli opera, vetulæque maleficæ execrandæ impietatem, quod quam maxime licitum dicendum est. Ita ex Anael. tract. 5. dist. 2. quæst. 5. num. 49. & 50. Less. L. 2. cap. 8. dub. 8. u. 8. Giribald. loco cit. sup. num. 49.

A N N O M D C C X L I V.

M E N S E J A N U A R I I.

CAS. I. Titius habens votum castitatis, confessus est se commississe peccatum fornicationis, non aperiendo ex oblivione circumstantiam voti: inde putavit errorem corrigere in nova Confessione, dicendo: Violavi votum castitatis in re gravi, non explicando fornicationem.

Quæritur an hæc secunda Confessio errorem primæ sufficienter correxerit.

Respondeo affirmative. Quamvis enim non liceat circumstantiam peccati tamquam novum distinctumque peccatum in eadem Confessione aperire, quia tunc pro uno individuo peccato ad duplicem moralem speciem pertinentem subrogaretur duplex numero peccatum, quod non esset consistere peccatum commissum, sed alia non commissum; adhuc tamen, quando in una Confessione exposita est una malitia peccati, & ex oblivione omissa est alia malitia ejusdem, tunc sufficit, quod in secunda Confessione hæc posterior dumtaxat malitia exponatur, perinde ac si esset peccatum physice a primo distinctum. Hinc est, quod Titius, qui voto castitatis obstrictus confessus est se commississe peccatum fornicationis, non aperiendo ex oblivione circumstantiam voti, dicens in secunda Confessione, se in re gravi violasse votum castitatis, etiam non expressa fornicatione, errorem primæ sufficienter correxit. Ita de Lug. disp. 16. de Pœnit. num. 652. Dian. part. 1. tract. 7. ref. 45. Viva prop. 50. ab Innocent. XI. damnat. num. 1.

CAS. II. Complacet sibi Franciscus de pollutione, quam passus est in somnis; sed quia nullam habet delectationem sensibilem, putat se nullatenus.

ous in tali complacentia peccare. Q. an verum puter, se putando ab omni peccato immunem.

Respondeo negative, per se loquendo. Ratio est, quia sicuti nemo potest sibi complacere de homicidio in somnis, vel in ebrietate parrato, ita nec de solutione naturæ, quam in somnis passus est, cum tam in primo, quam in secundo casu complacentia, utpote de objecto turpi, & illicito, illicita omnino sit. Dixi, per se loquendo; nam sicuti licita esse potest complacentia de homicidio in somnis parrato, quando ea habetur ob motivum præponderans, ex. gr. ob ingentes, res, bonum spirituale, vel quid simile, quod inde emergat, ita licita esse potest complacentia, absque ulla voluntaria sensibili delectatione de pollutione in somnis secuta, quando talis complacentia sit ob motivum præponderans, puta, ut quis evadat a tentationum vexatione immunis, vel valetudinem ad magis inserviendum Deo recipiat. Ita P. Viva prop. 49. ut sup. num. 18. Less. L. 4. cap. 3. num. 105. Anac. tract. 9. dist. 4. num. 54. & 55.

CAS. III. Dum Fundator cuiusdam Capellanix in ejusdem fundatione dixerit: Eligatur Sacerdos, qui quotidie celebrans, oret pro anima mea; dubium ortum est, an Sacerdos teneatur Sacrificium quotidie pro Fundatore applicare Q. Quid pro solutione dubii respondendum.

Respondendum affirmative. Quamvis enim hæc duo, Missam pro Fundatore applicare, & orare pro eodem separabilia sint, & proinde si exprimator unum, & non alterum, possit obligatio in unum, & non in aliud ferri; adhuc tamen, cum tanta sit conjunctio verborum illorum, quibus usus est Capellanix Fundator, dicendo: Eligatur Sacerdos, qui quotidie celebrans, oret pro anima mea, dicendum videtur, ipsum Fundatorem Oblationem, & implicite etiam Sacrificii applicationem pro anima sua exegisse. Si enim noluisse utrumque, debuisset expressius hoc indicare; quia si ex aliqua circumstantia clare constet oppositum, præsumendum semper est, quod communiter accipit, hoc est, a Fundatore applicationem Missæ populi. Ita Tamb. L. 3. cap. 1. §. 3. n. 28. De Lug. disp. 21. sect. 1. num. 23. Barbosa, tom. 2. de potest. Episc. alleg. 24. num. 35.

MENSE FEBRUARII.

CAS. I. Capellanus ruralis, qui ex Confessionibus jam pluries auditis scit Rusticum quemdam in occasione proxima voluntaria versari, ab eodem Pœnitente iterum quodam die festo vocatus, se ab ejus Confessione audienda excusar. Q. an hoc licite facere possit.

Respondeo affirmative, dummodo non adsit periculum, quod alii malum de rustico suspicentur. Ratio est, quia cum se excusare in casu ab audienda Rustici Confessione non sit per se loquendo aliquid de auditis Confessionibus revelare, nec sit exercere aliquem actum circa ipsam Pœnitentis personam, qui rationabiliter esse possit Pœnitenti ingratus, dicendum, licite se posse Capellanium ab audienda Rustici Confessione excusare. Immo quemadmodum non solum licite, sed etiam laudabiliter negatur Pœnitenti absolutio, ut a sua peccandi consuetudine respiciat, ita ob eundem finem poterit laudabiliter negari Confessio, cum eodem modo in utroque casu res utilis Pœnitenti agatur. Dixi, dummodo non adsit periculum, quod alii malum de Rustico suspicentur; quia tunc ex Confessarii facto aliqua saltem indirecta sigilli fractio sequetur.

queretur, quæ omnino illicita est. Ita cum Tamb. L. 3. de poenit. cap. 6. §. 3. num. 15. plerique alii.

CAS. II. Dubitans Parochus, an puer in mortis articulo constitutus ad rationis usum perveniret, noluit illum Sacro Oleo inungere, dicens: in tali dubio puerum non esse inungendum. Q. an bene sensit, & bene se gesserit.

Respondeo negative. Ratio est, quia Parochus vi sui muneris toties tenetur Sacramenta sive necessaria, sive ad salutem utilia ovibus suis præbere, quoties & Sacramenta possunt sine irreverentia conferri, & oves possunt illis indigere; positis enim duabus hic circumstantiis, oves jus habent ad Sacramenta vel absolute recipienda si sint absolute capaces, vel si sub dubio capaces, ad ea recipienda sub conditione: Sed puero nostro ex una parte potest Sacramentum Extremæ Unctionis sine irreverentia conferri, cum ejusdem sub conditione recipiendi sit capax; & ex altera parte potest idem puer sub dubio usus rationis Extremæ Unctione indigere, tum ad abstergendas peccatorum reliquias, tum ad superandas Diaboli tentationes, si & peccatorum, & tentationum capax sit: ergo nec bene sensit, nec bene se gesserit Parochus noster, qui dubitans, puerum in mortis articulo constitutum ad rationis usum esse perversum, & illum noluit Sacro Oleo inungere, & dixit, non esse in tali dubio inungendum. Ita Pasqualig. in theor. & prax. quest. 375. Paulus tract. 26. punct. 8. n. 4. Sbogaz. tr. 78. num. 27. Dian. part. 3. tract. 4. resol. 296.

CAS. III. Parochus habens eleemosinas pauperibus suæ Parœciæ distribuendas, eas distribuit illis, qui solent ipsi confiteri, licet sciat alios esse in Parœcia pauperiores. Q. an possit ab omni culpa excusari.

Respondeo negative. Tum quia præsumendum est, quod Testatores, vel alii, qui Parocho reliquerunt eleemosynas Parœciæ pauperibus distribuendas, ipsas reliquerint, ut ibi juxta prudens Parochi judicium ordinarie loquendo distribuantur, ubi major paupertatis necessitas dignoscatur: Tum quia dum Parochus eleemosynas sibi ob prædictum finem relictas illis dumtaxat distribuit, qui solent ipsi confiteri, videtur aliquo modo violare jus aliorum magis indigentium, qui ipsi æque cogniti supponuntur. Tum denique quia Parochus eleemosynas distribuendo, ut in casu præbet pauperibus id scientibus occasionem accedendi ad ipsum titulo quidem Confessionis, sed ob finem obtinendi eleemosynas, & proinde exponit animas sibi commissas periculo simulandi sanctitatem, & faciendi Confessiones invalidas, ut in similibus casibus non infrequenter contingit. Parochus igitur se gerens ut in exposito casu, præscindendo ab aliquo rationabili peculiari motivo, nullatenus potest ab omni culpa excusari. Ita communiter.

M E N S E M A R T I I.

CAS. I. Juvénis corruptæ vitæ dixit pluries Sociis suis, tempore Bacchanaliorum voluptates venereas licitas esse. Q. an sit denunciandus.

Respondeo affirmative. Ratio est, quia sextum Decalogi præceptum, per quod prohibentur venereæ voluptates, cum sit negativum, eas semper prohibet absque ulla temporis exceptione. Hinc cum dicere, quod tempore.

pore Baccanaliarum licitum sit venereis voluptatibus frui, sit prædicto Decalogi præcepto directe oppositum, sequitur, juvenem nostri casus, impute falsæ, & hæreticæ dogmata proferentem, nisi ex joco ea protulisse a Sociis dignoscat, esse hæreticæ pravitate Inquisitionibus denunciandum, ut ex Edicto ipsimet sanctæ Inquisitionis compertum est.

CAS. II. Confessarius, audita Petri Confessione satis proluxa, coram aliis dixit, Petrum nondum absolvi, quia Confessionem suam non adhuc fini- vit. Q. an dicta locutio sigillifractionem importet.

Respondeo affirmative. Cum enim, communiter loquendo, proluxa Confessio, præsertim in viris extra casum Confessionis generalis, vel denoret multa peccata, vel certe gravem aliquem ipsius Pœnitentis defectum significet; dicendum est, quod Confessarius, qui coram aliis dixit, Confessionem Petri fuisse proluxam, ipsumque Petrum non obtinuisse absolutionem, quia Confessionem nondum finivit, indirekte saltem, & virtualiter dixit, Petrum vel multa patrasse peccata, vel gravem aliquem defectum habere, & proinde, cum nulla fiat mentio in casu, quod Petri Confessio sit Confessio generalis, de qua nemini ignotum est esse proluxam fractionis sigilli reus idem Confessarius censendus est. Ita Granado de Sacram. contr. 7. tract. 11. num. 2. Tamb. L. 5. de pœnit. cap. 3. num. 15. & alii.

CAS. III. Cajus famulus Domino suo graviter ægrotanti, & serio minitanti prirationem ejusdam legati, in ejus favorem jam facti, si ei non ministraret vinum, hoc ipsi ministravit; ex quo, morbo ingravescente, mortuus est. Q. an sit irregularis.

Respondeo cum distinctione. Si Cajus motem Domini sui, nequaquam prævidit ex propinato vino secururam, dicendum est, mortem prædictam per accidens respectu ipsius Caji esse securam, & proinde sicuti reus homicidii ex gravi Theologica culpa dici non potest ipsemet Cajus, ita neque ex secuta morte irregularis dicendus est, cum irregularitas ex delicto, utpote grave malum, non nisi ex gravi culpa incurratur. Si vero Cajus vel habuisset præceptum a Medicis de vino non ministrando, vel aliunde scivisset vinum in casu ægroto Domino fore mortiferum; tunc dico, eundem Cajum, qui, ne Legato sibi a Domino facto privaretur, vinum Domino porrexerat, cum in causa fuerit, ut ingravesceret morbus, indeque sequeretur Domini moris, tanquam ipsius mortis securæ voluntarium auctorem, irregularitatis impedimentum, canonicum incurrisse. Ita ex Dian. parr. 4. tract. 1. resol. 21. Leandr. disp. 16. quæst. 5. Girib. de censur. cap. 6. num. 99. & seq.

MENSE APRILIS.

CAS. I. Joannes eximie peritus in cognoscendo gemmarum valore, emit gemmam pretio per alios minus peritos taxato, sed longe minori vero gemmæ valore. Q. an talis emptio sit ab omni culpa, & obligatione immunis.

Respondeo affirmative. Ratio est, quia res, quæ prærium a Principe taxatum non habet, tanti valet, quanti communiter æstimatur, licet emptor ex peculari sua cognitione sciat, rem plus valere, quam a viris in tali arte peritis communiter æstimetur. Hinc quemadmodum, qui ex speciali & extraordinaria cognitione agnoscit in falce herbarum, quæ ad cibum hominum, vel pabulum animalium venduntur, herbam adesse præ-

tio-

tiosam, magnæque virtutis, potest herbas illas emere pretio currenti, & communi, quia vili pretio communiter æstimatur; ita cum in nostro casu Joannes emerit gemmam pretio per Peritos taxato, licet ipse, utpote in cognoscendo gemmarum valor eximie peritus, iudicet eandem gemmam pluris valere, erit ab omni culpa, & obligatione immunis, salva enim est tota ratio commutativæ iustitiæ, quæ in emptionis contractu intercedere debet, si res ematur tanti, quanti a viris in tali negotio peritis communiter æstimatur. Ita Rosig. cont. 2. disp. 4. §. 3. Tamb. L. 8. Decal. tract. 3. cap. 7. §. 11. num. 38. Giribal. de contr. cap. 2. num. 105. & seq.

CAS. III. Audiens Parochus a Titio, hominem proxime moriturum velle confiteri; ad illum ingressus, absente Titio, nullum potest extorquere doloris signum, neque ullum ab adsstantibus consequenti testimonium de petitione absolutionis. Q. an hoc non obstante debeat moribundum absolvere.

Respondeo affirmative. Ratio desumi potest ex Rituali Romano, quod nullatenus distinguens testimonium datum in præsentia, ac in absentia moribundi, absoluto disponit, quod si moribundus confitendi desiderium sive per se, sive per alios ostenderit, absolvendus est. Hac de re licet Clemens VIII. Decreto publico reproboverit Confessionem factam per nuncium, tamen declaravit casum de moribundo, qui, absente Sacerdote, Confessionem petiit, & postea sensibus destitutus accedenti ad ipsum Confessario nullum aptius doloris signum dare potest, non comprehendit in supradicto Decreto, ut Cardinalis Bellarminus, & Archiepiscopus Armacanus se ab eodem Pontifice audivisse anno 1608. testati sunt. Debet igitur Parochus noster, quia a Titio audivit, moribundum velle confiteri, eundem moribundum sub conditione absolvere, etiamsi nullum ab adsstantibus habere ulterius possit testimonium de petitione absolutionis. Ita Madern. quæst. 4. art. 10. Marchan. da pelle part. 3. cap. 13. num. 8. Boff. part. 1. Mor. tit. 1. §. 25. num. 363. & seq. Girib. de poenit. cap. 9. num. 29. & seq.

CAS. III. Lucius ex quo Missam audierit, quæ solet nocte Natalis Domini celebrari, putat, se non teneri Natalitio die altam Missam audire. Q. an verum puet.

Respondeo affirmative. Licet enim ad magis fovendam Fidelium devotionem in die, quo memoria recolitur singularis Mysterii nati Dei, introducta sit consuetudo audiendi tres Missas; nullum tamen præceptum ex prædicta consuetudine firmarum est. Unde sicuti non tenentur Sacerdotes tres Missas tali die celebrare, ita, naturam sequendo celebrationis, taliter libera censenda erit arrium Missarum auditio; & qui nocte natalitium diem præcedente, & ad eundem diem spectante, Missam unam audivit, verum putet, putando se nullatenus ad alteram natalitio die audiendam teneri. Ita Filliuc. tract. 5. cap. 7. num. 207. Leand. de præcept. Eccl. tract. 2. disp. 19. quæst. 19. Pasqualig. 1253. n. 3. & 4. Bonac. de sacr. disp. 4. quæst. ultim. punct. 11. num. 10.

M E N S E M A I I.

CAS. I. **P**etronius, initis cum Francisca vidua Sponsalibus, certior factus est, eam post primi Conjugis mortem fuisse fornicatam unde,

unde vellet Sponsalia rescindere. Q. an habeat justam causam rescindendi.

Respondeo affirmative, sive ante, sive post Sponsalia cum Petronio inita Fornicatio Franciscæ secuta sit. Ratio est, quia promissio Sponsaliorum non obligat, quotiescumque post promissionem vel oritur, vel detegitur notabilis aliqua turpitudinis, quæ si ante promissionem fuisset cognita, nullatenus detecta fuisset ipsa promissio. Cum igitur satis verosimile sit, quod Petronius noluisse inire Sponsalia cum Franciscâ, si eius impudicitia confici fuisset, sequitur, quod, cum nonnisi per errorem, & prædictæ turpitudinis ignorantiam consensum suum in Sponsalia præbuerit, possit, errore detecto, ab iisdem Sponsalibus reflire. Ita Lessl. l. 2. cap. 42. dub. 7. num. 34. Saach. l. 1. disp. 63. Bonac. de spons. quest. 1. punct. 8. num. 16. & 17.

CAS. II. Eadem vidua Franciscâ, etsi prævideat grave damnum secuturum Filiis ex primo Marito susceptis, omnem ponit artem, ut ad secundas nuptias transeat. Q. an absque gravi culpa possit ad optatas nuptias transire.

Respondeo cum distinctione. Si Franciscâ passura sit pariter grave damnum casu, quoad secundas nuptias non transeat, dicendum, etiam præviso notabili damno primi Mariti filiis secuturo, posse ad secundas nuptias transire. Ratio est, quia cum lex Charitatis unicuique dicat, magis se ipsum diligere, quam alios, nequit obligare prædictam Mulierem ad impediendum damnum filiorum medio damno sive temporali, sive spiritali, quod ipsa sustinere cogatur, si in viduitatis statu permaneat. Si vero eadem Franciscâ nullum, vel leve in statu viduitatis detrimentum passura sit, tunc cum vi naturalis pietatis in filios, teneatur, quantum absque sui gravi incommodo potest, ipsorum damna impedire, sequitur, quod, præviso gravi filiorum damno, non possit absque gravi culpa ad secundas nuptias transire. Ita communiter.

CAS. III. Rosa famula scit, alteram famulam sui sociam impudice cum Amasio versari iis nocturnis horis, quibus Domina solet extra domum morari, nec tamen Dominam monet, ne ejus animum exasperet, suamque sociam infamet. Q. an Rosæ silentium possit peccato excusari.

Respondeo negative. Ratio est, quia, cum unicuique mandaverit Deus de proximo suo, ut habeatur Eccl. 17. lex Charitatis obligat nos ad impediendum proximi peccatum, quotiescumque hoc absque gravi nostro, vel alterius incommodo impedire posse speramus. Cum igitur Rosa, monendo Dominam, sperare possit in casu ut altera famula sui socia ultro nocturnis horis cum Amasio non versetur, & proinde gravi proximi peccatum auferatur, nequit ipsius Rosæ silentium a peccato excusari. Neque timor exasperandi animum Domine, vel peccantem famulam infamandi, sufficienter silentem Rosam excusat; nam Domine exasperatio vel erit tantum fortasse in Rosæ apprehensione, vel & si reapse sit secutura, tanta non erit, ut aliquid grave damnum vel ipsi Rosæ, vel ejus sociæ imminet. Ut autem, quantum fieri potest, etiam ordo Charitatis servetur, primum Rosæ onus erit, eandem famulam secreto admonere, ut ab indigna conversatione abstineat; nam si post secretam admonitionem vult adhuc in peccato suo perseverare, imputare debet sibi ipsi, si apud Dominam, cui deregatur delictum, famam suam amittere coacta sit. Ita cum D. Thom. 2. 2. quest. 33. art. 1. Cirib. in 20. Decal. præcept. cap. 3. n. 54. & seq. & aliis.

CAS. I. **P**etrus, qui a tribus mensibus confessus non erat, & in varia incididerat peccata lethalia, nullo præmissio confessionis examine, confessus est, quin tamen aliquod omiserit peccatum lethale.

Q. an prædicta Confessio valida fuerit.

Respondeo negative, per se loquendo. Ratio est, quia Petrus accedendo ad Confessionem post lapsum trium mensium sine diligenti propriae conscientiae discussione graviter peccavit: cum prædicta diligens conscientiae discussio sub poena peccati mortalis ex Concil. Trid. Decreto ad Confessionem præmittenda sit. Neque excusari potest, quod confessus sit eum debita integritate, quæ est finis, ad quem ordinatum est discussionis prædictæ præceptum; nam Petrus in casu per accidens quidem fuit integre confessus; at, quantum ad se attinet, se ipsum evidenter exposuit periculo omittendi alicujus gravis peccati accusationem; quod periculum, per se loquendo, ipsam Confessionem invalidam reddit. Dixi, per se loquendo; nam si Petrus sit homo rudis minervæ, & bona fide ad Confessionem faciendam, etiam examine non præmissio, accesserit, vel Confessarius hoc advertens, defectum examinis in Petro per proprias interrogaiones suppleverit, tunc Petri confessio valida dicenda est. Ita Card. de Luca disp. 12. part. 9. §. 2. nu. 203. Card. de Lug. de poenit. disp. 16. num. 593. Cleric. de poenit. dec. 22. num. 15. & seq.

CAS. II. Moribundus cum non agnoscat se aliquo gravari peccato lethali, renuit pariter confiteri venialia, quæ patravit; qua de re Parochus re-eussat Sacrum Viaticum eidem præbere.

Q. an Parochus bene se gerat.

Respondeo negative. Ratio est, quia licet optimum sit, & valide utile confiteri peccata venialia; nullum tamen datur de ipsorum confessione præceptum, sive pro tempore vitæ, sive in articulo mortis; & proinde, cum moribundus non agnoscat, se aliquo gravari lethali peccato, si inde renuat etiam venialia confiteri, nequit Parochus ex hoc præciso motivo eidem moribundo Sacrum Viaticum denegare. Debet igitur Parochus omni uti suasionem, ut moribundum ad patratorem venialium confessionem inducat, tum ad indirectam remissionem mortalis, si quod forte lateret in anima, tum ad augmentum gratiæ sanctificantis, tum ad remissionem partis poenæ in Purgatorii igne luendæ; tum ad consequendum Indulgentiarum effectum, tum denique ad satisfaciendum universali consuetudini piorum Fidelium. At si moribundus adhuc renuat confiteri, poterit illum dissonere ad ipsorum saltem venialium internam detestationem, ipseque taliter disposito sacrum Viaticum præbere debet, ut præcepto de hoc Sacramento in extremis vitæ recipiendo fiat satis, secus enim agendo, Parochus noster male se geret. Ita cum Gobat. tr. 6. n. 253. Cleric. de poenit. dec. 33. n. 22. & seq.

CAS. III. Confiteretur Pœnitens, se per unum mensem gravia mala ex corde imprecatum esse Francisco, & per idem tempus turpiter concupivisse puellam.

Q. an talis Confessio sit sufficienter distincta.

Respondeo cum distinctione. Si Pœnitens aliquando intra mensem adus illos iræ, & concupiscentiæ retraxerit, vel nimirum frequenter in eisdem lapsus est, dico, Confessionem factam, ut in casu, non esse sufficientes

cientes distinctam. Ratio est, quia quando actus interni vel retractantur, vel non sunt nimium frequentes, ex ipsorum retractione, vel contrabili interruptione potest de facili colligi ipsorum numerus, si non praeclus, saltem valde proximus vero; & proinde idem numerus actuum, prout est in conscientia, post diligentem ipsius conscientiae discussionem, ad servandam necessariam Confessionis integritatem, debet exponi, ut ex doctrina Concil. Trid. sess. 14. c. 5. & ipsa Fidelium praxi probatur. Si vero poenitens nunquam per mensem retractavit actus suos, & in eisdem quolibet die valde frequenter lapsus sit; tunc dico, ejus Confessionem exposito modo peractam sufficienter esse distinctam; cum ex una parte intelligitur, tales actus esse humano modo secutos, & proinde per varias humanas actiones fuisse interruptos; & ex altera iidem actus valde frequentes, & non retractati censeantur in genere moris unum peccatum, licet realiter tot actus sint, quot fuerant ipsorum physicae interruptiones. Ita Canus in relect. de poenit. part. 5. De Lugo disp. 16. sect. 14. a. 566. Tambur. de poenit. L. 2. cap. 1. §. 5. num. 32. & seq.

MENSE JULII.

CAS. I. **M**edicus pulsum tangendo aegrotantium Puellarum pravae motus in se experitur, aliquando cum delectatione morosa, aliquando etiam cum desiderio malo conjunctos.

Q. an teneatur a talium infirmarum curatione abstinere.

Respondeo affirmative. Tum quia casus non dicit, Medicum incidere frequenter in actus illos pravae, ita ut intelligamus, cum in occasione proxima peccandi versari; sed tantum aliquando, per quod nobis dumtaxat insinuat occasione peccati remota, ad quam evitandam nemo tenetur a proprio officio abstinere. Tum quia cum Medicis perdifficile sit, ratione lucri cessantis, & fortasse etiam dedecoris emergentis, se iam suscepto officio retrahere, etiamsi in curatione infirmarum frequenter incidant in motus pravae cum delectatione, vel desiderio malo conjunctos, dici potest, ipsos involuntariam esse praedictam peccandi occasionem, & proinde excusari, si in praedicta cura perdurent. Hoc tamen intelligendum est, dummodo Medicus in tali statu constitutus quærat, quantum potest, per proprios bonos actus periculum peccandi extenuare; si enim nulla vult ponere diligentiam ad vitanda peccata, tunc ad removendum voluntarium peccandi periculum debet, quocumque posthabito damno, ab infirmarum suarum curatione abstinere. Ita Anton. a Spir. S. tract. 5. disp. 3. num. 144. Leand. disput. 7. quæst. 47. Girib. de poenit. cap. 10. num. 14 & seq.

CAS. II. Antonius graviter a Philippo offensus determinavit, in vindictam, quendam Philippi domum incendere; sed ex ignorantia incendit domum Alberti amici sui.

Q. an teneatur reparare damnum Alberto illatum.

Respondeo affirmative. Ratio est, quia quicumque per actionem formaliter proximo injuriosam advenienter positam directe, vel indirecte proximo intulit damnum, titulo ipsius damni illati tenetur ad reparationem ejusdem, licet, inferendo damnum, qualitatem ignoraverit particularis personæ, cui illud intulit; sicuti qui scienter ad mulierem conjugatam accedit, adulterii culpam, & poenas incurrit, licet ignoret, quisnam sit maritus.

maritus uxoris, ad quam accedit; & ille, qui occidit Petrum, putans occidere Paulum, damna ex homicidio secuta reparare tenetur, & tamquam veri homicidii reus plectendus est. Cum itaque Antonius domum incendiando ex ira, & motivo vindictæ, posuerit advertenter injustam actionem formaliter proximo injuriosam, ex qua directe & per se damnum proximi secutum est, tenetur ad reparandum damnum Alberto ex combustionem domus illatum, licet non Alberti, sed Philippi domum incendere cogitaret, cum obligatio reparandi damnum non sit desumenda ex actione formaliter injuriosa tali determinatæ personæ, sed ex actione formaliter injuriosa proximo, ut etiam in supra adductis adulterii, & homicidii exempli videre est. Ita Diana tom. 8. tract. 5. ref. 91. n. 2. Bonac. de rellit. disp. 2. q. ult. sect. 2. punct. 2. n. 8. Sporer. tr. 5. n. 5. præcept. cap. 3. sect. 2. num. 4.

CAS. III. Clericus quidam post susceptum Subdiaconatum juravit, se nolle amplius comcediis interesse; at cum quadam die socius esset viri gravis, & senis, eundem comitatus ludicræ representationi interfuit.

Q. an graviter fregerit juramentum.

Respondeo affirmative. Ratio est, quia quando juramentum supponitur validum sive ex parte personæ, quæ illud emisit, sive ex parte materiæ, circa quam emissum est, si potest sine peccato servari, graviter peccat qui illud non servat, & est perjurius. Cum autem juramentum, quod Subdiaconus noster emisit de non amplius interessendo comcediis, validum supponatur sive ex parte personæ, cum Subdiaconus in ea sit ætate, ut plenam habeat cognitionem, sive ex parte materiæ, cum ipsæ comcediæ Clericis, præsertim Sacro Ordine initiatis, nequaquam liceant; idemque juramentum potuerit absque peccato servari, ut per se patet: dicendum est, Clericum nostrum, qui gravem, senemve virum comitatus ludicræ representationi post juramentum interfuit, non posse a gravi perjurii culpa excusari; cum juramenti obligatio per societatem prædictam nullatenus auferatur. Ita communiter.

MENSE AUGUSTI.

CAS. I. **C**ajam confitetur, se per annum omisisse jejunia de præcepto, & Missas in die festo, ut Marito sub minis verberum sic jubenti obtemperaret.

Q. an omissiones prædictæ possint a peccato excusari.

Respondeo cum distinctione. Si Cajæ Maritus ex eo, quod sit gulæ deditus, vult Cajam Uxorem in cœna sociam; & zelotypia laborans, Cajam domo exire non patitur ad Missam audiendam; tunc dicendum, Cajam non peccare, si ad vitanda verbera obediat Marito, cum non teneatur in casu ad observantiam legis humanæ cum incommodo ira gravi, quale est procul dubio dura verbera sustinere. Si autem Cajam novit, & credit, virum suum ita jubere in contemptum Dei, & Religionis, quia scilicet non curat de Præceptis Dei, & Ecclesiæ; tunc, cum hoc sit ab intrinseco malo, tenetur Cajam mortem potius subire, quem obedire Marito; & proinde omissiones a Cajam expositæ in confessione nequaquam possunt a peccato excusari. Ita Corrad. quest. 2. lit. C., Scot. in 4. dist. 22. quest. 1. art. 4.

CAS. II. Sacerdos Confessarius quidam supra indispositos Pœnitentes, absque in-

intentione eos absolvendi, proferre exterius formam absolutionis, ne circumstantes dignoscant aliquem recedere absolutum.

Q. an licite hoc faciat.

Respondet negative. Ratio est, quia quamvis regulariter loquendo simulatio materialis tam verbis, quam signis exterioribus facta ob iustam causam liceat, & possit esse honesta, cum etiam de Christo dicatur (Luc. 24.) quod finxit se longius ire; nihilominus quoties simulatio aliqua externa est Deo aliquatenus injuriosa, tunc in nullo casu licita esse potest. Cum autem simulare administrationem Sacramenti Pœnitentiæ per simulationem verborum absolutionis, sine intentione absolvendi, sit Deo injuriosum, quia est, uti fiste, & fraudulentè, atque adeo indebite forma a Christo ad Sacramentum conficiendum instituta; hinc est, quod neque ad occultandum absolutionis defectum circa indispositos Pœnitentes licitum esse potest, absolutionis formam sine absolvendi intentione proferre. Pœnitens igitur Confessarius aliquam orationem submissa voce in casu supra Pœnitentem indispositum recitare, ne circumstantes dignoscant illum recedere inabsolutum; non tamen Sacramenti administrationem per verba a Christo instituta, contra reverentiam Sacramento debitam, simulare cum hoc semper illicitum sit, ut constet ex propof. 29. ab Innocent. XI. proscriptam apud Vivam n. 7. & 11.

CAS. III. Mercator videns indigentiam Caji ad emendam mercem pretio summo pecunia credita, & ab revendendam infimo pecunia numerata, eidem Cajo dixit: Mercem meam, quam modo vendo tibi credito, paratus sum, si inviges pecunia presentis, viliori petio redimere.

Q. an talis locutio in casu Mercatori liceat.

Respondet affirmative, saltem speculative loquendo. Ratio est, quia posito, quod tam pretium summum, quo merces venditur pecunia credita, quam pretium infimum, quod Mercator paratus est eandem mercem redimere pecunia numerata, sint intra latitudinem iusti pretii, & ex altera parte nullum intervenerit pactum, quo Cajo teneatur mercem pretio crevit emptam soluto pretio tradere venditori; nihil prohibere videtur, quin Mercator, qui mercem vendidit, licite possit ad eandem redimendam se Cajo paratum offerre: sicut enim quilibet alias licite emere potest a Cajo hanc mercem, ita licite illam emere potest, qui ejusdem venditor fuit. Dixi, saltem speculative loquendo; quia cum facile sit, quod manifestata Mercatoris dispositio ad mercem pretio infimo redimendam, attenta maxime Caji indigentia, pactum aliquod implicitum de mercis retrovenditione involvat, ut in foro externo præsumitur; dicendum, Mercatorem debere in praxi a locutione in casu exposita, tamquam ipsi non licita, abstinere. Ita de Lug. disp. 16. de iust. n. 228. Viva supra propof. 40. ab Innoc. X. damnat. & alii.

M E N S E S E P T E M B R I S.

CAS. I. **D**Evotæ mulieri, quæ non solet alio modo confiteri, quam in genere dicendo: Confiteor omnia mea peccata venialia, recusat Confessarius absolutionem præbere, dicens; ipsam teneri ad salvandum Sacramenti valorem aliqua exprimere venialia, quæ in particulari commisit.

Q. an Confessarius bene se gerat, & verum dicat.

M

Re-

Respondeo affirmative. Cum enim ex una parte valde dubium sit, an peccata venialia, solum in genere confessa, sint materia certo sufficiens ad Sacramenti valorem; & ex altera, ubi de valore agitur Sacramentorum, tutior pars sit eligenda; dicendum est, non esse recedendum a braxi, juxta quam Fideles omnes, qui de venialibus continentur, aliquid in particulari solent semper exprimere. Ex his autem sequitur, Parochum verum docere, dum dicit; devota mulierem ad salvandum Sacramenti Pœnitentiæ valorem teneri aliqua saltem venialia exorire ex iis, quæ in particulari commisit; & bene se gerere, si eidem Mulieri non alio modo, quam in genere venialia confitenti recusat absolutionem præbere. Ita Suarez disp. 23. sect. 1. num. 10. & alii.

CAS. II. Dubitatur de valore Baptismi pueri ab Obstetrice ignara domi collati, hinc iterum in Ecclesia sub conditionem idem puer solemni ter baptizatur. Mortuo prædicti pueri Patre, vellet Patris Matrem pueri in uxorem ducere.

Q. an pro tali Matrimonio obstat cognationis spiritualis impedimentum. Respondeo affirmative. Ratio est, quia quando, citò dubio certa Baptismus privatim collatum, puer iterum sub conditione solemni ter baptizatur, cum primus baptismus possit esse invalidus, & proinde validus possit esse secundus, presumendum est, contrahi cognationem spirituale. Cum autem cognatio spiritualis inter Patrem, & Matrem, qui infantem in solemni baptismo suscepit, & Matrem suscepti infantis matrimonium impediatur, & dirimat, ut ex Trid. sess. 24. can. 2. de reform. compertum est; hinc dicendum, tale cognationis spiritualis impedimentum ad matrimonium in casu nostro celebrandum obitare. Ita Anton. a Spir. Sancto disp. 7. de Matrim. sect. 9. num. 384. Girib. c. 12. n. 34. cum aliis.

CAS. III. Mœvius, & Berta volentes inter se secreto contrahere Matrimonium, e Civitate Tridenti, cujus erant cives, domicilium transulerunt in locum non valde remotum, ubi Concilium Tridentinum promulgatum non est, eo solo animo, ut absque Parocho, & testibus Matrimonium contraherent, quod & contraxerunt.

Q. an valide contraxerint Matrimonium prædictum.

Respondeo affirmative. Ratio est, quia quamvis Mœvius, & Berta in eum locum se transulerint, ubi Concilium Tridentinum non est promulgatum præcise, ut ibi absque Parocho, & testibus Matrimonium inter se contraherent, adhuc tamen in eundem locum, ut inquit casus, proprium domicilium transulerunt. Quando autem Vir, & Mulier habent in aliquo loco domicilium, vel in eundem quasi domicilium acquirunt, possunt etiam juxta leges ejusdem loci Matrimonium valide contrahere inter se; & proinde si in eo loco promulgata non sit lex Tridentini præscribens, quod ad Matrimonii valorem præsentia Parochi, & duorum Testium requiratur, Matrimonium sine tali præsentia contractum validum dicendum est, & ita declaravit Sac. Congreg. ut in Brevis Urbani VIII. sub die 14. Augusti anni 1617. apud Card. de Log. resp. mor. dub. 36. num. 4. La Croix L. 6. part. 3. de Matrim. num. 710. aliosque videre est.

MENSE OCTOBRI.

CAS. I. Filius Familias furatur aliquando nummos Patri suo, ut possit cum amicis ludere, & honestis recreationibus interesse.

Q. an iura conscientia id faciat.

Respondeo cum distinctione. Si attenda qualitate Patris; nummi, quos ab ipso surripit Filius, ita sint in modica quantitate, at Pater nec quoad substantiam, nec quoad modum rationabiliter esse possit invitus, & perfecta qualitate Filius, ipsi liceat aliquando cum amicis ludere, & honestis recreationibus interesse; tunc dici debet, quod Filius vere furum non committat, nec contra voluntatem Patris agat, & proinde quod in conscientia sit tutus. Si vero Filius in surripendis nummis a Patre, vel ratione ablata pecunia, vel ratione modi clam surripendi, vel ratione finis, propter quem nummos surripit, possit agnoscere, Patrem esse rationabiliter invitum; tunc cum verificetur vel quod furum committat, vel quod alio modo contra rationabilem Patris voluntatem operetur, semper alicujus culpæ, sive lethalis, sive venialis, reatum incurrit, & proinde agendo ut in casu, in conscientia tutus non erit. Ita communiter.

CAS. II. Noluit ruralis Parochus Infirmum ab mortem. Sacro Oleo inungere, quia carebat superpelliceo, & Stola.

Q. an bene se gesserit.

Respondeo negative. Nam posito casu, quo infirmus ex hac vita, sit migraturus absque Extrema Unctione, si ista nequeat sine præfatis vestibus ministrari, censendum est, Ecclesiam dispensare a prædicto vestitum ritu, ne infirmus absque Sacramenti, si non absolute necessarii, saltem valde utilis, fructu decedat. Sicut enim Sacramentum Pœnitentiæ, etiam nulla urgente necessitate, saltem privatim absque superpelliceo, & Stola licite ministratur, ita Sacramentum Extreme Unctionis, quod Sacramenti Pœnitentiæ complementum quodammodo esse videtur, saltem quando urget necessitas, poterit sine prædictis vestibus ministrari. Et quemadmodum excusat aliquando necessitas, si hoc Sacramentum sine lumine, & consuetis precibus conferatur; ita necessitas poterit excusare, si conferatur sine superpelliceo, & Stola, cum istæ vestes non aliquo posteriori iure a Ritual Romano præscriptæ sint, ac lumen cum consuetis precibus præstentur. Si igitur ruralis Parochus infirmum ad mortem noluit Sacro Oleo inungere ex eo præcise, quia carebat superpelliceo, & Stola, male se gessisse dicendum est. Ita Pasqualig. de theor. & prox. quest. 444. Gobat. tom. 1. tract. 8. cas. 22. n. 903. Dian. tom. 2. inst. 2. resol. 19. num. 5.

CAS. III. Constitutus in Sacris persolvit ut plurimum Canonicas Horas in loco, in quo pluries exerrus est se pari distractiones mentis non leves.

Q. an satisfaciat præcepto recitationis earundem Horarum.

Respondeo cum distinctione. Si distractiones mentis non leves tales sint non solum intensive, sed etiam extensive, ita ut sine debita mentis attentione, & devotione notabilis pars Divini Officii recitetur, dicendum est, toties istæ recitationis præcepto non satisfieri, quoties notabiles istæ distractiones contingunt; ex quo enim quis voluntarie ponatur in loco, qui ratione elamoris, tumultus, ludii, & similibus directe ad distractiones mentis impellit, censetur se velle voluntarie distrahere, & con-

frequenter nolle satisfacere Ecclesie præcepto, quod est de studiosa, & arrecta recitatione, ut colligitur ex cap. *Dolentes* de cleb. Miss. Si vero distractiones prædictæ, licet intensive non leves, leves tamen sint extensive, quia non multum in mente orantis perdurent, tunc aderit quidem in casu aliquod saltem veniale peccatum; sed præcepto recitationis Canoniarum Horarum factum esse satis dicendum est. Ita Gavarr. in rub. tom. 2. sect. 1. cap. 6. tit. 4. Marchin. de ordin. tract. 3. part. 6. cap. 12. num. 3. & seq. Girib. de Hor. Can. cap. 3. num. 188.

M E N S E N O V E M B R I S.

CAS. I. **P**aulus in sua familia Primogenitus, satis dives, acceptat adhuc juvenis Beneficium pingue animo illud renunciandi Fratris minori adhuc parvulo, quando ipse ut jam habet in mente, ducturus est uxorem.

Q. an sine gravi culpa hoc fieri possit.

Respondetur cum distinctione. Si Pauli Beneficium sit simplex, nec habet adnexum Ordinem Sacrum, & Paulus eo animo acceperit, ut velit proprio muneri satisfacere, donec mutando statum idem Beneficium cum debita facultate dimittat; tunc a culpa saltem gravi excusari dicendum est. Ratio est, quia etiam detur in casu aliqua fraus, & ordini debet perversio; nullo tamen jure probatur, Paulum teneri sub gravi culpa habere animum perseverandi in statu Clericali cum jura immo ei permittant ad nuptias transire, ut ex cap. *Joannes*, & cap. *Diversis* de Cleric. conjug. clare colligi potest. Si autem Beneficium prædictum importet aliquod onus, seu ministerium, quod Sacrum Ordinem petat; dicendum est, Paulum non esse a gravi culpa immunem. Ratio est, quia munus aliquod, seu ministerium sibi assumens, debet omni jure curare, ut se idoneum reddat ad exercendum munus suum; & proinde si Paulus Beneficium recipiens, quod Ordinem Sacrum importat, intentionem non habet accedendi ad Ordines Sacros, immo positive intendit post aliquod tempus minori Fratri relinquere Beneficium, & ipse ducere uxorem, a gravi culpa excusari non potest. Ita Sotus L. 10. de just. quest. 5. artic. 6. Tolet. L. 5. cas. 5. n. 5. Sanch. L. 7. de Matrim. disputat. 45. num. 14. & seq.

CAS. II. Oblitus quidem Parochus consecrare Hostiam publice deferendam in consueta Mensis supplicatione, ad impediendam populi admirationem, Particulam consecratam affixit Hostiæ grandiori non consecratæ, & utramque publice derulit.

Q. an licite hoc fecerit.

Respondetur negative. Parochus enim agendo, ut in casu, ad vitandam populi admirationem, eundem populum in idolatriæ saltem materialis crimen induxit. Nam cum Fideles adorent per modum unius quicquid adorationi expositum vident, jam una cum consecrata Particula etiam grandior Hostiam non consecratam adorant. Cum autem, ut per se perspicuum est, nequeat Parochus sine gravi culpa prædictæ idolatriæ, etiam si non formaliter talis, populo suo occasionem præbere, illicitè se gessisse dicendum est. Ita Tambur. de Sacrif. L. 2. cap. 8. §. 8. num. 23. de Lug. d. p. 8. f. d. 11. num. 188. Girib. de Sacrif. cap. num. 88.

CAS. III. Pœnitens, qui exponendo peccata, oblitus fuit aperire Confessionis, se esse excommunicationis censuram interitum, fuit per hæc præcise ver-

ba absolutus: Ego te absolvo a peccatis tuis. Q. an valide a peccatis fuerit absolutus.

Respondeo affirmative. Ratio est, quia quamvis juxta Ecclesie præceptum absolutio a Confutis debeat præcedere absolutionem a peccatis; tamen nullibi reperitur, quo Ecclesia velit irritam esse absolutionem a peccatis obtentam a Pœnitente, qui omnino inculpabiliter oblitus est Confessario aperire, se esse excommunicatione irretitum; nimis enim esset onerosum Pœnitenti invalidam absque propria culpa fecisse suorum criminum Confessionem. Licet igitur per prædictum Ecclesie præceptum illicitum sit absolvere a peccatis, non premissa censurarum absolutione; in casu tamen, quo Pœnitens bona fide accedat, & censuræ inculpabiliter oblitus, peccata sua rite dispositis confessus sit, validam obtinuisse peccatorum absolutionem dicendum est. Ita cum Suar. de conf. disp. 10. sect. 3. num. 15. Lug. disp. 16. num. 612. Grib. de pœnit. cap. 11. num. 10. & 11. Cleric. de pœnit. decil. 25. num. 5.

MENSE DECEMBRIS.

CAS. I. **M**ater unico filio suo, Clericali habitu jam induto, dicit, illum esse illegitimum. Hinc dum hic in dubio versatur, an Matri danda sit filius quærit, an possit Sacris Ordinibus initiari. Q. quid tali Fuit respondendum.

Respondendum, posse dubium deponere, & Sacris Ordinibus initiari. Ratio est, quia ex una parte ex sententia satis communi filius, qui communiter censetur ex legitimo matrimonio natus, non tenetur credere Matri asserenti etiam cum juramento, illum esse illegitimum; alleganti enim suam turpitudinem cum præjudicio tertii non debetur fides, ut in regulis Juris habetur. Cum autem ex altera parte irregularitas Jote Canonico introducta contra illegitimos filios, posita sit ob turpitudinis notam, quam tales filii ex eorum nativitate juxta communem hominum estimationem contrahere judicantur, dicendum est, filium clericali habitu jam indutum, qui talem turpitudinis notam apud alios non habet, nullum irregularitatis impedimentum habere, sique tunc posse omne dubium, quod ex Matris dicto ortum esset, deponere, Sacrisque Ordinibus initiari. Ita Diam. part. 3. tract. 5. ref. 30. Lug. disp. 13. sect. 3. nu. 62. Anac. tract. 9. disp. 4. num. 32. Grib. de rehit. cap. 4. num. 103.

CAS. II. Rusticus habitans in Bononiensis Diocesis confinio, cum peccatum reservatum paraverit, pergit ad vicinam Diocesis Mutinensis Pæccatiam, ubi dictum peccatum reservatum non est, ubique constitetur, & reperat absolutionem. Q. an valide sit absolutus.

Respondeo affirmative. Ratio est, quia casuum reservatio ex communi doctrina principaliter, & directe officit Confessarium, ejusdem arcuando jurisdictionem, ne a quibusdam peccatis absolvat, licet indirecte tangat etiam Pœnitentem, qui a tali Confessario, cujus jurisdictio arcuata est, a reservato casu absolvi non potest. Cum itaque Rusticos Bononiensis habens peccatum in Diocesi Bononiensi reservatum, confessus sit idem peccatum in Diocesi Mutinensi, in qua reservatum non est, si alias sit bene dispositus, validam obtinuit a Mutinensi Confessario absolutionem. Ita Suar. de pœnit. disp. 30. sect. 2. num. 4. Anac. tract. 14. disp. 9. n. 2. aliique communiter.

CAS. III. Tarquinius occidit in rixa Clericum, ignorans, homicidam in casu inter alias poenas incurrere irregularitatem. Q. an casu tali ignorantia adhuc evaserit irregularis.

Respondeo affirmative. Cum enim irregularitas sit quoddam impedimentum Canonicum, quod ex juris dispositione nonnullis defectibus, nonnullisque criminibus adnexum est, sequitur, quod etiam homicidium committens nesciat, ex ignorantia juris, tali delicto adnexam esse irregularitatem, adhuc ipsam irregularitatem incurrat. Quenadmodum enim licet aliquis ignoret, ex copula illicita oriri impedimentum affinitatis, vel ex adulterio cum promissione Matrimonii oriri impedimentum criminis, adhuc predicta crimina parrando, inhabilitatem ad Matrimonium cum personis a jure exceptis contrahendum incurrit; ita quavis Tarquinius, qui homicidium in rixa commisit, ignoraverit irregularitatem impedimentum cum homicidio contrahi, adhuc licendum est, quod evaserit irregularis. Ita Saar. de Conf. dist. 40. sect. 5. Anac. tract. 13. dist. 3. num. 5. & alii.

A N N O M D C C X L V.

M E N S E J A N U A R I I.

CAS. I. Villicus, & Hortolanus ejusdem Vir Nobilis Missam audient diebus festis in Oratorio privato Domus ruralis ejusdem Domini, putantes ibidem satisfacere precepto de Missa diebus festis audienda. Q. an vere satisfaciunt.

Respondeo negative. Ratio est, quia Pontifex in Brevis Concessionis pro celebraendis Missis in Oratoriis privatis, semper ponit hæc verba: *Volumus autem, quod Familia es servitibus tuis tempore dicte Missæ actu non necessariis, ibidem Missæ hujusmodi interesse, ab obligatione audiendi Missam in Ecclesia diebus festis de præcepto omnino liberi censeantur.* Cum igitur Villicus, & Hortolanus non veniant nomine illorum Familiarum, qui Domino tempore Missæ actu necessarii sint, dicendum est, eosdem in casu præcepto de Missa diebus festis audienda non satisfacere. Ita ex clausula Brevium super adducta, & ex Decretis tum Clem. XI. sub die 13. Decemb. 1703. tum Benedict. XIV. feliciter regnantis sub die 7. Januar. 1741.

CAS. II. Capellanus Ruralis, qui solet audire Titii Confessiones, dixit coram aliis, Titium esse scrupulosum. Q. an fregit sacramentale sigillum.

Respondeo affirmative, nisi aliunde extra Confessionem Titius pro scrupuloso jam dignoscatur. Ratio est, quia non solum peccata, sed etiam occultis defectus, sive physici, sive morales, sub sigillum Confessionis cadunt, quoties ex horum defectuum revelatione veretur a, confusio, vel aliud damnum Pœnitenti imminet; ex quo eadem Confessio gravis, & odiosa, sive per se, sive per accitens, sive directe, sive indirecte redatur. Cum autem ex quo Confessor coram aliis dicat, Titium esse scrupulosum, aliqua de facili veritas, & confusio in eodem Titio oratur, dicendum est, in aliquo saltem, & indirecte fractionem sigilli habere.

haberi. Dixi, nisi aliunde Titius pro scrupuloso jam dignoscatur, quia in hac hypothefi Confeltarius de re per fe nota locutus fuiffet, nullumque ex Confessione fequeretur gavamen, quod gravem, odiofamque eidem Titio Confeltionem effuat. Ita Giribald. de Penitent. cap. 18. num. 21. Tambur. cap. 3. num. 16. & feq. Homob. cap. 20. p. 1. exam. quæft. 3. aliique.

CAS. III. Capus agrum sterilem, & incultum in pignus dedit Alberto, qui agrum ifum in pignus accentum excolendo, nonnullos fructus inde percepit. Q. ad quem percepti fructus pertineant.

Refpond. pertinere ad Cajum. Ratio eft, quia fructus ex aliquo fundo percepti tamdiu ad fundi Domino fiftant, quamdiu oppofitum per expreffum, aut faltem præfumptam Domini voluntatem non confiet. Licet igitur Alberto, qui agrum sterilem, & incultum fibi datum in pignus excoluit, poffit ab inde perceptis fructibus tantum fubtrahare, quantum pro expenfis & laboribus fuis compenfandis fatis fit, fructus tamen reliques ipfi Cajo, tamquam Domino fundi reftituere debet, cum fecus rei pignoratæ fructus facere utram fit. Ita ex cap. 1. & 2. ufuris, ex Rofign. de Contr. contr. 1. prænot. 12. num. 3. & Girib. tract. 3. cap. 3. dub. 9. Tambur. L. 9. tract. 1. cap. 6.

MENSE FEBRUARII.

CAS. I. Antonius falſis rationibus, & calumniis impedit Clericum quemdam, quamvis dignum, a confecutione Beneficii, ut aliter longe digniori poſſet conſectri, ſicuti factum eſt. Q. ad quid Antonius teneatur.

Refpondeo. Cum quifquis jus habeat, ne falſis rationibus, & calumniis in bonis propriis tam a quocunque lædatur, Antonius, qui famam Clerici læſit, teneatur vi juſtitie eandem, quantum poſſibile eſt, reſarcire. Quamvis autem ex tali in uita tam læſione Clericus, quamvis dignus, Beneficium non obtineat; Antonius nihilominus non teneatur ad aliquam proventum Beneficii non adepti reſtitutionem. Cum enim fit contrar. Eccleſie aut Reipublice intentionem, digna Beneficia conferre, & quare omiſſi; ſequitur, dignum in concuſſu dignioris nullum jus, aut rationabilem ſpem habere, ut ei Beneficium conferatur; & proinde cum Antonius nullum jus, nullamque rationabilem ſpem Clerici læſerit, dicendum eſt, eundem Antonium ad nullam in hac parte reſtitutionem teneri. Ita D. Thom. 2. 2. q. 62. att. 2. ad 4. Emin. Gotti de reſtit. dub. 3. §. 1. & num. 5. & 6.

CAS. II. Petrus, licet pluries graviter peccaverit, recuſat præbere Deo in hac vita aliam ſatisfactionem præter Sacramentalem illi impoſitam a Confeltario. Q. an eſſe poſſit a gravi culpa immunis.

Refpondeo affirmative. Quamvis enim optimum fit, per prænitates voluntarie assumptas ſatisfacere Deo in hac vita pro peccatis commiſſis; nullum tamen de hoc extrat præceptum; nam Tridentinum Concilium ſeſſ. 14. de poenit. cap. 8. diſſerens de ſatisfactione, quæ fit per prænitates voluntarie in præſenti vita assumptas, oſtendit quidem, uberrimum ex eiſdem ſectum provenire; ſed nunquam talem ſatisfactionem vi præcepti neceſſariam dicit, niſi quando in Sacramento ſcintilla a Confeltario impoſita eſt. Pterit igitur Petrus abſque culpa, præſtitiſſi gravi, poſt adimpletam ſatisfactionem ſibi a Sacerdote in Sacramento præ-

nitentia injunctam ab ulteriori satisfactione per poena temporali, propius reatibus jam rite confessis debita, abstinere, eamque sibi servare in alia vita expiatorio Purgatorii igne luendam. Ita Cleric. de Pœnit. de-
cif. 3. num. 3. Cirib. cap. 12. num. 56. & alii.

CAS. III. Medicus præbuit pharmacum Mulieri prægnanti cum gravi periculo foetus iam animati. Q. an licite hoc fecerit.

Respondeo affirmative. Ratio est, quia licet nunquam licitum sit directe occidere innocentem, ut contingeret, si pharmaci portio ad foetus animati expulsiōnem directe ordinaretur; licitum tamen est sive Matri prægnanti, ex urgenti, honestoque motivo tuendæ, vel recuperandæ propriæ sanitatis, sumere pharmacum ad eandem sanitatem directe ordinatum, sive Medico talem pharmaci portionem prægnanti Matri præbere, licet ex ejusdem pharmaci portione grave periculum mortis in animato foetu prævideatur; quia in tali casu mors foetus præter intentionem agentis, & per accidens sequeretur, sicuti in pluribus aliis casibus absque ulla agentium culpa contingit. Ita Leand. de irreg. tract. 2. disp. 11. quæst. 3. & 4. Andreas a Matre Dei tract. 13. cap. 2. num. 64. Cirib. de præcept. Decal. tract. 10. num. 145. & 146.

M E N S E M A R T I I.

CAS. I. Titius noctu furatus est aliquam Fœni quantitatem a quodam Rustico; quia tamen die sequenti Milites residuum fœni ab eodem Rustico surripuerunt, putat ad nullam restitutionem teneri. Q. an verum potest.

Respondeo negative. Ratio est, quia qui injuste aufert alienam rem, ad restitutionem ejusdem rei tenetur, etiam si talis res ab aliis fuisset inde surrepta; nam fur qui prævenit furando rem, quam alter injuste abstulisset, suscipit in se illud idem onus restituendi, quo pariter alter haberet. Cum igitur Milites, qui a Rustico surripuerant residuum fœni, teneantur per se loquendo ad reparandum damnum Rustico illatum, & si illam fœni quantitatem surripuissent, quam Titius antecedente nocte furatus est; ita sequitur, quod etiam Titius, qui Milites præveniendo, fœni quantitatem surripuit, ab ejusdem fœni valorem Rustico compensandum teneatur. Ita Bonac. de rellit. in gen. disp. 1. quæst. 3. punct. 10. num. 3. Cirib. cap. 2. num. 29.

CAS. II. Ruralis quidam Sacerdos rimens, ne ipsi deficient Missarum elemosynæ, supra onus, quod adhuc habet quinquaginta Missarum celebrandarum, novas oblatas elemosynas pro aliis quinquaginta Missis accepit. Q. an licite hoc secundum onus accepit.

Respondeo negative. Cum enim quilibet Sacerdos habens onera Missarum celebrandarum non possit nova onera licite suscipere, nisi, juxta Decretorum in hac re existentium tenorem, intra modicum tempus possit oneribus omnibus satisfacere; & pariter, juxta eadem Decreta, hoc modicum tempus ultra mensem non extendatur, clare colligitur, Sacerdotem habentem jam onus quinquaginta Missarum celebrandarum non posse licite novas sibi oblatas elemosynas pro aliis quinquaginta Missis accipere, quia neque intra spatium trium mensium oneribus satisfacere valeat. Hoc tamen valet per se loquendo; nam si facto verbo cum iis, qui-

qui novas eleemosynas exhibent, & contenti illi sint, ut ad duos fere menses satisfactio iteratur, poterit in hoc casu & ruralis, & quilibet alius Sacerdos ultra onus, quod habet, licite novum onus suscipere, cum volenti, & contentienti nulla injuria fiat. Ita communiter.

CAS. III. Interdictus publice propter violationem præcepti Communionis Paschalis, paratus parere prædicto, recurrit ad Parochum, ut confiteatur peccata sua, & ab eisdem obtineat absolutionem. Q. an Parochus extra casum necessitatis possit dictum Parochianum absolvere.

Respondeo affirmative, dummodo talis peccatorum Confessio extra Ecclesiam fiat. Ratio est, quia hoc genus Interdicti, quod incurritur propter violationem præcepti Communionis Paschalis, non privat hominem participatione Sacramentorum; sed tantum privat foritali ingressu Ecclesiarum, tanquam loci sacri ad Deum orandum; colendumve solemniter instituti, & Ecclesiastica Sepultura. Si igitur ille, qui tali Interdicto innodatus existit, paratus est parere Ecclesiarum præcepto, & se præsentare coram Ordinario, vel ejus Delegato, ut ab Interdicto absolvatur; poterit Parochus, etiam quolibet secluso necessitatis casu, ejusdem Confessionem extra Ecclesiam audire, eidemque, si rite dispositus inveniat, Sacramentalis absolutionis beneficium impertiri. Ita cum aliis Suar. disp. 35. sect. 4.

MENSE APRILIS.

CAS. I. Duo Famuli in quadam taberna ratione ludi rixati sunt. Post nonnullas horas unus ex illis nova convicia in alium protulit, qui ita accensus stricto ense coninatorum suum occidit. Q. an occisor, qui statim post factum in Ecclesiam se recepit, Ecclesie gaudeat immunitate.

Respondeo cum distinctione. Si factum exposuit rixæ occasione extra ditionem Ecclesiasticam contingit, dicendum est, occisorem Ecclesie immunitate gaudere. Ratio est, quia illi tantum hujusce confugii beneficio ubique privantur, qui vel proditorie, ut ex Bulla Greg. XIV. vel animo præmeditato, ut ex Bulla Bened. XIII. proximum suum occiderunt; nullatenus vero si homicidium tantummodo in rixa, & ex ira furoris, ut in casu nostro contingit, secutum sit. Si vero occisio prædicta intra Ecclesiasticæ ditionis terminos evenit, dicendum est, confugium ad Ecclesiam occisori nullatenus protuturum. Ratio est, quia pro omnibus ditionis Ecclesiasticæ locis viget Pontificis lex, vi cuius quicumque homicidium patrat etiam in rixa, dummodo casuale non fuerit, vel ad propriam defensionem, a prædictæ immunitatis beneficio excluditur, ut ex Bulla Clement. XII. quæ incipit *In Supremo*, videre est.

CAS. II. Paulus jam morituros, licet voluntarias poenitentias nunquam amplexus sit, putat se satisfecisse pro poena temporali, propriis peccatis debita, offerendo pro tali satisfactione auditiones Sacri in die festo, jejunia & alia huiusmodi, ad quæ ex Ecclesia præcepto jam tenebatur. Q. an probabile sit, quod Paulus putat.

Respondeo affirmative. Ratio est, quia ad satisfaciendum Deo pro poena temporali debita peccatis, jam quoad culpam remissis, non requiruntur necessario opera supererogationis; sed adhibendo etiam debita, siue ex præ-

cento, five ex voto; sufficient: sicuti enim servando præcepta mere-
mur vitam æternam, ita per opera facta ex præcepto possumus Deo de-
bitam præbere satisfactionem; eo præcipue quod opera prædicta, utpo-
te sensualitates opposita, sunt aliquo semper modo prævalia, & per con-
sequens etiam satisfactoria sunt. Qua de re quemadmodum Ecclesia jeju-
nia, & alia pia opera nobis præcepit, ut mediis iisdem honorem simul,
& satisfactionem Deo præbeamus; & largitas Divinæ misericordiae ran-
ta est, ut idem opus dignetur recipere five pro solutione obsequi, five
pro culparum nostrarum satisfactione; ita probabile erit quod Paulus
putat, nimirum, ipsum per opera alias debita Deo pro temporalibus se
luenda pœna satisfecisse. Ita Clericatus de Pœnitent. decis. 4. num. 7.
Giribaldus cap. 12. num. 6. Suarez disput. 37. sect. 6. Lug. disput. 2. p.
sect. 6. num. 41.

CAS. III. Petronius egreditur de modo Cais, & ad alia distractus, non est
de ostio diligenter claudendo sollicitus, unde Fures Cais domum ingres-
si, grave damnum ipsi Cajo intulerunt. Q. an Petronius ad reparationem
perditi damni teneatur.

Respondeo negative. Ratio est, quia quamvis Petronius per omissionem
illius diligentie, quam solent accuratiores homines adhibere, faciliorem
furibus aditum ad ingrediendam Cais domum reliquerit, non fuit tamen
per se causa voluntaria damni per fures Cajo illati, neque gravis alicuius
juris, vel Theologicæ culpæ contra commutativam iustitiam reus
fuit; cum, ut inquit Casus, omisso diligentia in ostio claudendo ex
simplici solum advertentia secuta sit. Cum igitur furum in domo Cais
secutum ad purum casum fortuitum reducat, dicendum est, Petroni-
um, qui ad alia distractus per accidens de ostio domus Cais diligenter
claudendo non fuit sollicitus, nullatenus ad reparationem damni per fu-
res Cajo illati teneri. Ita Anasl. tract. 9. quæst. 6. num. 77. Giribaldus
de reilit. cap. 1. num. 33. Bonac. punct. 3. s. unic. num. 6.

M E N S E M A I I.

CAS. I. Juravit Debitor de satisfaciendo Creditori suo intra præfixum ter-
minum certæ diei. Annuente autem Creditore, terminus solu-
tioni præfixus ad aliam diem differtur. Q. an Debitor sit perjurus, si in-
tra hunc novum terminum Creditori suo non satisfaciatur.

Respondeo negative. Ratio est, quia cum juramentum sit lex, quam ju-
rans sponte sibi ipsi imponit, juramenti obligatio ultra ipsiusmet ju-
rantis intentionem extendenda non est. Sicuti igitur ex vi notæ termi-
ni ad debiti solutionem concessit non teneret amplius Debitor ad solu-
tionem intra primum tempus solutioni præfixum, super quo jurame-
tum cadebat; ita erit dicendum, quod mutato ex Creditoris consen-
su tempore solutionis, cesset, nisi fuerit renovata juramenti obliga-
tio; & proinde si Debitor intra novum terminum Creditori suo non
satisfaciatur, agat quidem contra pactum de novo firmatum, non ta-
men perjurus sit. Ita Bonacina de juram. disput. 4. punct. 17. num. 13.
& alii.

CAS. II. Parochus in confinio Diocesis existens vocat Parochum alterius
Diocesis ad Confessiones audiendas in propria Ecclesia, & ipse audit in
Ecclesia Diocesis alterius irrequisito Episcoporum consensu. Q. an hoc
valide, & licite fieri possit.

Resp.

Respondeo affirmative quoad utramque partem, ubi non viget opposita consuetudo. Ratio est, quia cum quilibet Parochus habeat ex vi Beneficii Parochialis Ordinariam jurisdictionem in propriis Subditis, potest illam delegare cuilibet Sacerdoti approbato, & proinde etiam alteri Parocho sive ejusdem, sive alterius Dioecesis. Hac de re Sacra Cong. Episc. die 25. Maii anno 1640. Episcopo Civitatis Plebis praecepit, ne ullo modo Confessiones suorum Subditorum a Parochis etiam vicinarum Dioecetum ad suam ratione alicujus festi juxta solitum accedentibus audiri impediret. Dixi, ubi non viget opposita consuetudo, hac enim existente, non poterit Parochus unius Dioecesis in altera, licite, saltem, Confessiones audire, inquit Episcopi illius consensu, ut eidem Episcopo Plebis praedicta Sacra Congregat. sequenti anno 1641. referipit. Ita Diana part. 1. tract. 11. resol. 8. Leand. disp. 11. qu. 58. Girib. c. 14. num. 49. & 50.

CAS. III. Bernardus vendidit equum Sempronio, cui defectum oculum equi non aperuit, cum super hoc minime fuerit interrogatus; sciebat tamen, Sempronius non empturum equum, si equi defectus detegatur. **Q.** an graviter peccaverit, & ad restitutionem aliquam teneatur.

Respondeo cum distinctione. Si defectus oculus equi talis sit, ut equum reddat alteri noxium, vel inutilem, dico. Bernardum graviter peccasse, & ad rescindendum contractum teneri; Ratio est, quia qui per gratiam dolum, dantem causam contractui, rem aliquam vendit, graviter peccat contra iustitiam, & contractum irritum facit. Cum tamen, quando taceat vitium reddens rem venditam emptori incutiem, aut noxiam, venditor res per gravem dolum dantem causam contractui, hinc est, quod ita vendens graviter peccat, & ex natura contractus ad pretii accepti restitutionem tenetur. Si vero defectus oculus equi non reddat equum noxium, vel inutilem ad finem ab emptore intantum, dico. Bernardum, dummodo equum jullo pretio vendiderit, & de occulto defectu nullatenus fuerit interrogatus, neque peccasse, neque ad aliquam restitutionem teneri. Ratio est; quia in casu occultans defectum equi, ut sibi consuleret, utitur jure suo, nec ulli facit injuriam; & proinde, quamvis Sempronius non fuisset emptor equum, si defectum equi agnovisset, dicendum adhuc est, stare contractum, & Bernardum esse sive ab omni peccato, sive ab omni restituendi obligatione immunem. Ita D. Thom. 2. 2. quæst. 73. artic. 3. in c. Girib. de contract. cap. 2. num. 90. & 100.

MENSE JUNII.

CAS. I. **S**ejus per notabile tempus distulit adimplere poenitentiam sibi a Confessario impositam, illamque postea in statu peccati adimplevit. **Q.** an graviter peccaverit.

Respondeo affirmative quoad primam, negative quoad secundam partem. Ratio primæ partis est, quia quando tempus poenitentiae non est a Confessario determinatum, mens Confessarii est, ut exequatur quamprimum commode potest, sicut in operibus implendis ex voto, absque similibus contingit; hinc est, quod si absque rationabili causa, ut supponimus, sed præcise ex gravi negligentia per notabile tempus distulit Sejus poenitentiam sibi a Confessario impositam adimplere, nequit per se a gravi culpa excusari. Ratio secundæ partis est, quia sicuti graviter non pec-

cat, qui præcepta jejunii, Missæ audiendæ, Officii recitandi, & hujusmodi in statu peccati lethalis exequitur; ita neque qui in eodem statu penitentiam Sacramentalem adimpler, præsertim cum per penitentiam in tali statu peccatum impediatur ad summum remissio peccatorum temporalis peccatis correspondens quod non importat talem irreverentiam, ut ad culpam lethalem trahenda sit. Hac de re neque Confessarii solent interrogare, utrum penitentia fuerit in lethali peccato, neque de hoc solent penitentes, bonæ aliquando Conscientiæ, se accusare. Ita Maderus quat. 5. art. 1. Lugo disp. 25. num. 32. Girib. cap. 12. n. 16. & 62.

CAS. II. Rusticus jurans, ac verba inhonesta sæpe proferens cognoscit semper se peccare, non distinguendo an lethaliter, vel venialiter peccet. Q. an jurando, & inhonesta verba proferendo, sit a lethali culpa immunis.

Respond. affirmative. Ratio est, quia nulla actio censeri debet graviter peccaminosa, nisi ejus malitia sit formaliter, vel virtualiter voluta, quod ut contingat, dubitatem, vel suspitionem de culpa gravi occurrere necesse est; secus omnia fere rusticorum, personarumque idiotarum peccata essent dicenda lethalia, utpote commissa ab illis, qui ea eadem mala esse cognoscunt, venialia autem esse, vel mortalia præfuso ignorant. Cum igitur non dicatur in casu, quod Rusticus jurando, & inhonesta verba proferendo dubitet, vel suspicetur, se graviter peccare, sed præcise, quod illa verba proferat intorans, seu non distinguens, an sint venialiter tantum, an etiam lethaliter peccaminosa, sequitur, quod nullo modo periculum malitiæ gravis advertit, & proinde quod de levi tantum culpa dammandus sit. Ita Bossius Moral. var. part. 1. tit. 5. §. 15. num. 79. Diana part. 5. tract. 5. resol. 31. Maderus. quest. 3. art. 5. num. 6.

CAS. III. Parochus non vult assistere Matrimonio, quod intendit contrahere Titius, quod ille Orationem Dominicalem, & Decalogi præcepta ignoret. Q. an bene se gerat.

Respond. negative. Quamvis enim optimum sit, ut Parochus suaver, & prudenti ratione ad breve tempus Matrimonium retardet, ut qui ignorat Orationem Dominicalem, & præcepta Decalogi, in his addiscendis curam ponat; non debeat tamen, nec licite possunt a Matrimonio contrahendo absolute arceri illi, qui scientes quantum ex necessitate scire tenentur, ignorant, aut memoriæ imprimere nequeunt ea, quæ alii Fideles scire solent; ut inter cetera sunt præcepta Decalogi, & Oratio Dominicalis. Ita apud Riccium in praxi Fori Eccles. decis. 678. iuxta primam impres. & resolut. 576. in secunda Edit. ex Bossio cap. 15. n. 5. & Diana part. 4. tract. 4. resol. 85.

MENSE JULII.

CAS. I. Franciscus in Testamento suo disposuit, fructus cujusdam Fundi infirmi debere quotannis pro Missarum celebratione; tractu autem temporis isti fructus, propter fundi meliorationem, sunt duplo majores. Q. an duplo major debeat esse numerus Missarum celebrandarum.

Respond. affirmat. Ratio est, quia si Testator, potens amplissime disponere de rebus suis, non assignat nec numerum Missarum quotannis celebrandarum, neque quantitatem fructuum in celebrandis Missis infundendorum; sed absoluta disponit, fructus Fundi determinati debere quotannis

nis

nis in Missarum celebratione infumi, mens Testatoris alia esse non potest, quam quod omnes fructus, detractis laboribus, & expensis in ipsiusmet fundi melioratione insumptis, in Missarum celebratione infumantur. Quemadmodum igitur si fructus annui fierent propter fundi deteriorationem pauciores, celebrarentur Missæ pauciores; ita ad servandam, sicuti oportet, Testatoris mentem, si fructus propter fundi meliorationem sunt etiam duplo majores, detractis, ut supra, laboribus, & expensis, debent omnes in augendo etiam a duplum Missarum numero infumi. Ita Vasquez. de Sacrifi. novæ legis q. 1078. n. 5.

CAS. II. Sempronius volens vendere Prædium, quod est Proculi Prædio contiguum. Hic agit de venditione cum viro propententi molesto vicinis; ex quo Proculus homo pacis movetur ad illum emendum summi pretii solutione. Q. an contractus iste sit validus.

Respondeo affirmative. Ratio est, quia fictio, & fraus in casu versatur quidem circa causam impulsivam emptionis, non tamen circa substantiam rei venditæ, neque Sempronius a Proculo Emptore pretium ultra supremum iustum extorquet. Quemadmodum igitur, licet non infrequenter contingat, quod Mercatores fictione utantur, ac mendacio, ut merces suas summo pretio vendant, dicendo ex. gr. panum auglicum esse, vel parisiensiem, totque libras pro qualibet ulna recipere jam potuisse, & huiusmodi, quæ ficta, & falsa omnino sunt, & nihilominus nisi vel in qualitate mercis, vel in pretii quantitate notabilis emptorum læsio contingat, contractus emptorum Mercum subsistunt, & validi sunt; ita, licet Sempronius male se gesserit in usu huius fictionis; Contractus nihilominus cum proculo celebratus validus dicendus est. Ita ex Vasquez 1. 2. q. 7. art. 5. Sanch. in oper. mor. lib. 4. c. 3. n. 8. Bon. de contr. dif. 3. q. 1. punct. 2.

CAS. III. Parochus in quodam Oppido, ut reedificet partem collabentis Ecclesiæ, solet pro qualibet Missa, quæ quotidie a pluribus Sacerdotibus in eadem Ecclesia celebratur, duos solidos de consueta elemosyna retinere. Q. an licite.

Respondeo negative. Ratio desumitur tum ex iure communi eam. *De his, sub tit. de Ecclesiis adificandis*, tum ex Concil. Trident. sess. 21. c. 7. *de reformat.* quibus in locis habetur, quod Ecclesiæ reedificatio vel ad Patronum, si iuris Patronatus illa sit, vel ad populum, vel ad Beneficiarios Ecclesiæ, vel ad Parochum ipsum pertineat, ut proinde ratione reedificationis prædictæ nullatenus fraudandi sint Sacerdotes parte elemosynæ, illis debita pro celebratione Missarum. Cum igitur nequaquam spectet ad Sacerdotes Missam præcise in Ecclesia celebrantes subsidium pro celebrantis Ecclesiæ reedificatione præbere, illicitè Parochus ille se gerit, qui solet pro qualibet Missa, quæ quotidie a pluribus in ejus Ecclesia celebratur, duos solidos de consueta elemosyna retinere. Ita ex iuribus supra allegatis, ut ex instruct. 12. vol. 5. Ss. D. N. Bened. XIV. videre est.

MENSE AUGUSTI.

CAS. I. **C**onstitetur Vir nobilis, in communibus pauperum necessitatibus nunquam solere elemosynas largiri, licet pia hæbeat sui statui superflua; quod intelligens Confessarius recusat ipsi præbere beneficium Absolutionis. Q. an Confessarius bene se gerat.

Respondeo negative. Ratio est, quia quamvis non solum in extrema, sed etiam in gravi proximorum necessitate teneatur divites, vi divini præ-

ce-

cepti, eleemosynam ex proprio statui superfluis elargiri, in communibus tamen pauperum necessitatibus non nisi ex consilio talem eleemosynam elargiendum esse dicendum est. Hoc de re quia nemo sibi suadet, aliqua stricta lege ad prædictam eleemosynam in communibus pauperum indigentibus teneri, neque Confessarii solent divites Pœnitentes circa dictæ eleemosynæ omissionem interrogare, neque isti accusare se solent, quod eleemosynam communiter indigentibus non erogaverint, licet commode potuerint erogare. Si igitur Vir nobilis per omissionem prædictæ eleemosynæ nullum transgreditur grave præceptum, male Confessarius se gerit, dum ex hoc capite regular beneficium Absolutionis eidem præbere. Ita ex D. Th. 1. 2. quæst. 32. arr. 5. Card. de Laur. tom. 4. disp. 13. art. 4. Cler. de pœnit. decis. 10. num. 3.

CAS. II. Francisca angitur scrupulo, valde dubitans de valore ultimæ a se habite Confessionis, quia ipsam faciendo non renovavit peccatorum dolorem, quem die antecedenti elicuerat. Q. an valida dici debeat prædicta Confessio.

Respondeo affirmative. Ratio est, quia Sacramentum Pœnitentiæ administratur per modum iudicii; cum autem in iudiciis conclusio in causa, & publicatio sententiæ admittant notabile tempus intermedium, poterit hoc etiam in iudicio Sacramentali admitti. Quamvis itaque optimum sit, ante Absolutionem renovare dolorem; adhuc tamen, dummodo dolor elicitus non fuerit retractatus, vel novum peccatum, aut complacentia de præteritis non supervenerit, dicendum est, dolorem antecedenti die elicitum ita moraliter perseverare etiam pro die sequenti, ita ut Francisca nullatenus de valore Confessionis, sine expressa, & formali renovatione doloris peritæ, debeat dubitare, cum ipsius Confessio valida dicenda sit. Ita ex Gob. rr. 6. n. 157. Tamb. l. 1. c. 2. §. 4. & 5. Cler. de pœnit. decis. 13. num. 8.

CAS. III. Quidam Confessarius Rûralis pluries absolvit Pœnitentem ab incestu in primo gradu affinitatis, non advertens esse peccatum reservatum. Q. an Confessarius prædictus sit a gravi culpa immunis.

Respondeo affirmative. dummodo nullam habuerit reservationis dubitationem. Ratio est, quia cum voluntas nostra nequeat moveri, & excitari ad querendam scientiam illius rei, de qua nullam habemus cogitationem; si nulla de incestus reservatione dubitatio præcessit, inadvertentia in absolvendo a reservato casu, hoc sive hoc pro unica vice, sive pluries contigerit, fuit omnino invincibilis, & ipsi Confessario involuntaria, proindeque ipsum a peccato excusat, cum ad peccandum non sufficiat, remote posse, & debere ignorantiam juris auferre; sed requiratur posse proximum, quod habetur, quando aliqua de lege accidit cogitatio, vi cuius voluntas ad querendam legis notitiam moveatur. Qua de re dixi, dummodo Confessarius nullam habuerit reservationis dubitationem; hac enim interveniente, ratione inadvertentiæ vincibilis, & culpabilis, opposito modo concludendum est. Ita ex Suar. de cens. disp. 4. sect. 8. num. 14. & seq. Sanchez lib. 1. cap. 16. num. 20. & 21. Castro. Palao. rr. 1. punct. 15.

CAS. I. **C**um Clericus quidam obtinuerit Beneficium non contemnendum, solet infumere in emptione librorum omnes Beneficii fructus, qui suæ honestæ sustentationi superflui sunt.

Q. an licite possit hoc facere.

Respondeo negative. Ratio est, quia cum ex Sanctis Patribus, & Conciliis fructus Beneficiorum vocentur vota fidelium, pretia peccatorum, patrimonium Christi, & pauperum, detracta congrua Beneficiarii sustentatione, inseparabilis est ab Ecclesiastico Beneficio obligatio erogandi fructus, qui superflui, in pauperum alimoniam alioque pios usus in honorem Ecclesie, & Dei; hæc enim intentione saltem implicita Beneficia a Fidelibus creata sunt. Poterit igitur Clericus noster partem aliquam fructuum Beneficii non contemnendi infumere in emptione librorum proprio sibi necessariorum, vel convenientium; non tamen omnes Beneficii fructus, qui propriæ superflui sustentationi, in librorum emptione licere infumere; cum hoc in pauperum, aliorumque piorum operum detrimentum vertatur. Ita Salm. de iur. & jur. c. 2. num. 41. Cler. de pœnit. decis. 10. num. 5. & seq.

CAS. II. In Molendinis, quibusdam, excepta Missæ auditione, nulla sit inter festivos, & feriales dies distinctio. **Q.** an hoc a Parocho sciente possit licite tolerari.

Respondeo cum distinctione. Si ex aliqua rationabili causa derur consuetudo legitimæ præsertim, ut Molendina quædam diebus festis æque ac in ferialibus aperta sint, & molant, dico, hoc posse licite a sciente Parocho tolerari, etiam si, excepta Missæ auditione, nulla appareat inter festivos, & feriales dies distinctio; cum præceptum abstinendi in die festo ab operibus ferilibus, ubi urget rationabilis causa, atque necessitas, non obliget, ut notum est. Si vero nulla orgeat rationabilis causa, sed ex mero abusu hoc sit introductum, & hoc possit a Parocho aliquo modo impediri, hoc tolerando, male Parochum se gerere dicendum est. Ita ex Act. Eccles. Mediol. tom. 1. & ex instr. 24. vol. 3. Bened. XIV. l. 1. p. 1. & Archiep. Nostri.

CAS. III. Joannes domui, familiæque Religiosorum quotidie interfuit, Communionem tempore Paschalis in istorum Ecclesia recepit. **Q.** an Ecclesie præcepto de Communione Paschali satisfecerit.

Respondeo cum distinctione. Si Joannes ita domui, ac familiæ Religiosorum quotidie interfuit, ut sub eorumdem obedientia vivat & intra eorum domum, seu Monasterium resideat, dico ipsum Joannem præcepto Ecclesie de Communione Paschali satisfecisse, cum in casu interveniant illæ omnes conditiones, quæ ex Conc. Trid. sess. 24. cap. 1. de reform. requiruntur, ut quis a Communione Paschali in propria Parocchia sumenda eximatur. Si vero Joannes, licet domui, ac familiæ Religiosorum quotidie interfuit, sub eorumdem obedientia non vivit, vel intra eorum Monasterium non residet, dicendum est, præcepto Communionis Paschalis nequaquam satisfecisse propter rationem oppositam a Nosradicta; ut ex cap. cii. Concil. & ex pluribus Sac. Congreg. Decretis hæc de re editis, & præsertim in una Landen. 14. Apr. 1685. in una Spolet. 19. Apr. 1632. in una Barchin. 21. Jan. 1713. & in una Ulyssiponen. 22. Novemb. 1721. videre est.

MEN.

CAS. I. **M**ortuo quodam Presbytero, qui pinguem præbendam per nonnullos alios possedit, notabilem pecuniæ summam obtinuit Petronius ejusdem Presbyteri hæres, qui proinde ex tali pecunia vellet sibi domum ædificare. **Q.** an licite possit prædictus hæres in edificio domus obrentam summam infumere.

Respondeo negative. Si enim fructus Ecclesiastici, qui congruæ sustentationi præbendati superant, debent in pios usus infumi, quia cum tali onere, & pacto saltem implicito a Fidelibus profecti sunt, sequitur, quod si quis eos titulo sive donationis in vita, sive hereditatis post Præbendati mortem accipiat, acceptus fructus in eisdem pios usus infumere teneatur. Eo præcipue quod, quemadmodum hæres representat personam defuncti quoad illius boni, ita eandem subire debet obligationem, quam circa illa defunctus habebat; & proinde sicuti ex hac ratione res devicta per votum faciendæ elemosinæ transit ad hæredem cum eadem obligatione, ita fructus, qui a Præbendato in pauperum alimoniam, aliusque pios usus debent infumi, cum eadem obligatione ad hæredem transeunt; & quidem potiori jure, cum magis intrinseca, & annexa videtur ecclesiasticis fructibus obligatio prædicta, utpote fundata in natura, & conditione talium bonorum, quam annexa sit alicui rei obligatio ex voto, utpote quæ præcisa ab extrinseco, & ex voluntate votantis proveniens est. Non potest igitur hæres Presbyteri præbendati in ædificanda sibi domo obrentam summam infumere. Ita Card. de Lugo de just. & jur. disp. 23. sect. 6. n. 102. Sanch. consil. mor. lib. 2. c. 2. dub. 34. n. 3. Cler. de Penit. decr. 10. n. 22.

CAS. II. Parochus Puerperam, quæ alios precorator filios, asserentem festinare se mori, & enixe petentem Extremam Unctionem, noluit Sacro Oleo inungere, adherens judicio Obstetricis negantis periculis prædictam mulierem esse in mortis articulo constitutam. **Q.** an bene se gesserit.

Respondeo negative. Ratio est, quia posito dubio prudenti de periculo vitæ, & rationabili timore de morte Puerperæ, hæc casus censenda est Sacramenti Extreme Unctionis, saltem collati sub conditione: Dari autem in casu nostro hunc timorem vere prudentem de periculo mortis Puerperæ, compertum est, si advertamus ex una parte facilitatem erroris in judicio Obstetricis negantis periculum mortis, & ex altera insolitam vocem Puerperæ asserentis se mori, Extremamque Unctionem enixe poscentis, quod alias fecisse experia parius dolores, casus non dicit. Cum igitur in dubio periculis mortis potuerit optime Parochus, saltem sub conditione, Puerperam Sacro Oleo inungere, eundem Parochum, qui judicio Obstetricis adherens in favorem periculi agere recusavit, male se gessisse dicendum est. Ita Pasqu. theor. & prax. quæst. 384. & seq. Gobat tom. 1. tract. 8. cas. 22. n. 834. Rosig. art. 3. n. 4.

CAS. III. Parochus per integrum diem solet non infrequenter a Parocia sua abesse, nullo ibi relicto idoneo Sacerdote, certus tamen, nullum ibi infirmum tali tempore reperiri.

Q. an possit ab omni culpa excusari.

Respondeo negative. Ratio deducitur ex Edicto Sanctissimi Domini Nostri sub n. 17. vol. 1. pastoralium instructionem hac de re edito, in quo aperte prohibetur est Parochi a Parocia suis etiam pro unica tantum die abesse, nisi ibi Sacerdotem pro audiendis Confessionibus approbatum relique-

linquerit, qui pro aliquo repentino casu possit Parochi vices supplere. Quamvis itaque certus sit Parochus, dum absens sit a Paroecia, nullum ibi reperiri infirmum, adhuc tamen cum facillime possit repentini casus accidere, in quibus pro Sacramentorum administratione, aliisque indigentis, Parochi, vel alterius Sacerdotis pro audiendis Confessionibus approbati praesentia necessaria omnino sit, dicendum est, Parochum nostrum, qui solet non infrequenter per integrum diem a Paroecia sua abesse, nullo ibi relicto idoneo Sacerdote, nunquam posse ab omni culpa excusari.

MENSE NOVEMBRIS.

CAS. I. Sacerdos celebrans in Oratorio privato solet omnibus diebus festis pie, nobilique foemine Missam audienti Sacram Eucharistiam praebere. Q. an licite hoc faciat.

Respondeo negative. Ratio est, quia in facultate, quae, positis quibusdam conditionibus, solet a Pontifice concedi pro celebratione Missarum in Oratoris privatis, nullatenus comprehenditur facultas administrandi Sacram Eucharistiam personis ipsius, quarum contemplatione celebrandi facultas concessa est. Hac de re (ut aperte docet Sanctissimus Dominus Noster instruct. 13. vol. 2.) praxis est, quod petatur ab Ordinariis locorum pro dicta Eucharistiae administratione nova facultas, quae neque concedi solet, nisi pro aliquo particulari casu, in quo gravis necessitas id concedi occurrat. Cum itaque in casu nostro non exprimitur obtenta ab Ordinario facultas, dicendum est, illicito Sacerdotem nobili foeminae in Oratorio privato Missam audienti Sacram Eucharistiam praebere. Ita ex Quart. ad Rubr. Miss. part. 3. tit. 10. dub. 10. Dian. part. 4. tract. 2. resol. 44. & 45. Girib. de poenit. c. 8. n. 47.

CAS. II. Titius Bertam duxit in Uxorem, eaque defunctam, vellet ducere Cajam, quae fratris Bertae jam mortui uxor fuit.

Q. an licite possit illam ducere.

Respondeo affirmative. Ratio est, quia Titius, per copulam habitam cum Berta uxore sua, contraxit quidem affinitatem cum omnibus Consanguineis Bertae, non autem cum Bertae Affinibus ex vulgata regula, quod affinitas affinitatem non pariat. Cum igitur Cajo, ex quo fuerit uxor fratris Bertae, facta sit dumtaxat Bertae affinis, non consanguinea; sequitur, neque consanguineam esse, neque affinem Titio; proindeque nihil ex hoc capite obitare, quin idem Titius, defuncta uxore Berta, licite possit in uxorem ducere Cajam, quae fratris Bertae jam mortui uxor fuit. Ita Giribald. de Matrim. cap. 13. num. 12. Sanch. L. 7. disput. 67. num. 3. Rosign. dist. 3. §. 1.

CAS. III. Perditus quidam juvenis, qui pluries se jactavit, ac gloriatus est de peccatis Furti, Luxuriae, Blasphemiae, & hujusmodi, dum confitetur dicit tantummodo: Gloriatus sum de peccato mortali.

Q. an satisfecerit Confessionis integritati.

Respondeo affirmative, per se loquendo. Ratio est, quia cum tota malitia, quae in peccato jactantiae reperitur in ea sita sit, quod peccatum, & offensio Dei assumatur tanquam medium ad captandam gloriam, & laudem apud homines, ad quem finem de materiali se habet, quod sic hoc, vel illud peccatum; sequitur, quod optime, & integre confiteatur qui tantummodo dicit: De peccato mortali gloriatus sum. Dixi,

N

per

per se loquendo; oppositum enim dicendum esset, si perditus juvenis complacentiam simul de peccatis illis habuisset, de quibus gloriatus est; quia cum complacentia specificetur ab ipso objecto, de quo quis cum ipsa gloriatus est, ad exprimendam, sicuti oportet, peccati speciem, debent illa omnia objecta, quorum complacentia habita est, in Confessione aperiri. Et quia scilicet instantia præsertim de peccatis Luxuriæ admixtam habet complacentiam de iisdem; hinc est, quod hac ratione scriptissime adest obligatio exprimendi objecta illa, de quibus quis se iactavit, & gloriatus est. Ita Palaeus t. 1. tr. 2. disp. 2. punct. 11. n. 5. Diam part. 3. tr. 4. resol. 161. Girib. de Pœnit. cap. 8. num. 65. & seq.

MENSE DECEMBRIS.

CAS. I. **R**uticus in mortuis articulo constitutus duo peccata confitetur, unum Reservatum Episcopo cum excommunicatione annexa, alterum reservatum Papæ.

Q. ad quid teneatur, si convalescat.

R. Respondo cum distinctione. Si Ruticus ignorabat excommunicationis penam peccatis sui annexam, ad nihil teneatur, si convalescat: quidem non tenetur ad aliquid ratione reservationis, cum (ut habetur cap. 7. sess. 14. Concil. Trid. in Ecclesia Dei constitutum semper fuerit, ut in mortuis articulo nulla sit reservatio: neque tenetur ratione censure, cum in eandem utpote penam non incidat, qui eam ignorat. Si vero, quando Ruticus patravit delicta, sciebat illis annexam esse excommunicationis censuram, tenetur, si convalescat, præstare se Papæ, & Episcopo, vel Delegatis ab ipsis, non quidem, ut a Censuris iterum absolvatur, cum fuerit directe absolutus, sed ut paratum se ostendit obedire Superiorum inandatis, cum non aliter fuerit in mortis articulo absolutus a reservatis Censuris, quam sub penam reincidendi in eadem specie Censuras, nisi, postquam convalescit, se præstent cui debet, ut dictum est. Ita ex cap. *ens qui de sent. excomm. in 6.* Girib. de Pœnit. c. 16. n. 47. & communiter.

CAS. II. Lelius habebat Agnum Dei cereum a Sancto Pio V. benedictum; & quia audivit, eum esse magni valoris, illum duobus aureis vendidit, quamvis hoc non licere cognoscere.

Q. an possit per simplicem Confessurum absolvi.

R. Respondo affirmative. Quamvis enim Lelius peccaverit peccato Simonie realis vendendo rem sacram pro pretio temporali, & etiam egerit contra prohibitionem a Greg. XIII. hac de re specialiter editam; adhuc tamen nihil obstat, quin possit ab hoc peccato per simplicem Confessurum absolvi. Licet enim reatus Simonie realis scienter contracte in Ordinum susceptione in collatione Beneficiorum, & in Religionis ingressu puniatur excommunicationis censura Pontifici reservata, ut ex Clem. VIII. Decreto Doctores docent; hos tamen Simonia, que in aliis rebus committitur, dicendum non est, quæ de ipsa pariter in reservationum Decretis expressa mentio non habeatur: Cum autem nullibi constet, quod Simonia, que in venditione Agni Dei patravit, sub aliqua reservatione vel censura reservata prohibita sit, dicendum, nihil obstat, quin Lelius, qui reus censetur Simonie prædictæ, possit etiam a simplici Confessario Absolutionis beneficium obtinere. Ita ex Bonac. de Simon. disp. 1. q. 4. §. 2. n. 6. & q. 7. §. 2. n. 17. & 18. Girib. cap. 2. num. 24.

CAS.

CAS. III. Uxor Marito concessit, ut votum emitteret Castitatis, eoque emisso, adhuc debet.

Q. an licite debitum reddat.

Respondeo affirmative. Ratio est, quia cum Uxor ex hoc precise, quod Marito concessit, ut votum amitteret Castitatis, non se privaverit iure petendi, vel reddendi debitum; etiam Maritus post votum illicite petat, adhuc Uxor licite eidem debitum reddit. Quamvis enim, quando circumstantia, quæ reddit petitionem illicitam, se tenet ex parte actus, illicitum quoque sit petenti correspondere; quando tamen circumstantia prædicta se tenet præcise ex parte personæ, ut in casu, illicitum non est per redditionem debiti illicitæ petenti assentiri. Hoc tamen non videretur dicendum, si Uxor consensum præbendo in votum Castitatis a Marito emissum, licentiam dedisset votandi omnimodam, & integram Castitatem, in hoc enim casu Uxor cessisset omni proprio iuri, & sic Marito debitum illicite petenti nonnisi illicite redderet. Ita Bonac. de Matrim. quest. 4. punct. 3. num. 7. Sanch. L. 9. disp. 36. num. 4. Girib. cap. 19. num. 86.

A N N O M D C C X L V I.

M E N S E J A N U A R I I.

CAS. I. Cajus videns omnia sibi adversa fortuna contingere, putat vere in mente sua, Deum esse erga se immisericordem, huncque cogitatum suum aperit Amico, dicens: Indica mihi Confessarium benignum, quia habeo peccatum grave nimis; Deum enim credidi absque misericordia esse.

Q. an ille inciderit in casum Bullæ Cœnæ tamquam formaliter hæreticus.

Respondeo negative. Ratio est quia ad incurrendam Excommunicationem Casus Bullæ Cœnæ requiritur, quod hæresis sit exteris manifestata, cum Ecclesia non iudicat de interno, neque illud puniat; Cajus autem noxiter domi suæ putavit Deum immisericordem in mente sua, ut ex terminis casus. Quod si id pottea manifestavit amico, hoc egit, non ad tuendam, aut promittendam hæresim, sed potius ad detestandam, sicque fuit pura narratio hæresis alias conceptæ, ordinata ad tollendam culpam. Poterit itaque a quolibet simplici Confessario absolvi. Ita communitur cum Giribaldo tr. 4. in omnium præcepti Decalogi, cap. 2. dub. 5.

CAS. II. Quidam Sacerdos in familiaribus colloquutionibus solet frequenter abuteri peccatis & facinorosis verbis, ac sententiis Sacræ Scripturæ.

Q. an indicandus sit reus peccatis levis sacrilegii.

Respondeo affirmative, loquendo de verbis Sacræ Scripturæ formaliter talibus, numerum d'ctis a Spiritu Sancto. Ratio est, quia violat res sacras proprie tales, ac frequens abusus verborum Angelis venerabilium continet consumptum, saltem impliciter, ipsiusmet Dei, gravem injuriam irrogat Spiritui Sancto, cujus sunt verba, ut ex Grassio lib. 2. cap. 19. num. 17. vocante hujusmodi abutum immane scelus. Ita ex Gobar. de blasph. cap. 20. num. 720. Regin. lib. 19. cap. 4. num. 57. Accedit etiam

scandalum, attenta qualitate personæ Sacerdotis. Dixi = loquendo de verbis Sacra Scripturæ formaliter talibus = quia si abuteretur quibusdam verbis, quæ extant in Sacris paginis, relatis ex aliis, & quidem viris profanis, ut sunt illa Festi Aët. 15. ad Cæsarem appellasti; ad Cæsarem ibis = a gravi sacrilegii culpa excusari posset.

CAS. III. Clericus beneficiarius multoties committit alteri recitationem Divini Officii; eique cedens partem fructuum illis diebus correspondentem, credit se ab omni culpa immunem.

Q. an bene sentiat.

Respondeo negative. Ratio est, quia obligatio recitando Officium Divinum in Clerico Beneficiario, quicumque sit, est personalis obligans sub gravi, orta ex ipsomet Beneficio, cuius possessionem adeptus est, cum iure illud administrandi; cui obligationi si non satisfacit, tenetur, fructus restituere, quæ restitutio est veluti poena correspondens culpæ. Quare Clericus noster cedens alteri partem Beneficii, subit poenam, vetum non se exonerat culpa contracta propter transgressionem personalis obligationis recitandi Horas Canonicas. Ita ex Alario lib. 2. verbo: *Hæ Canonica*. Sanchez lib. 2. consil. cap. 3. dub. 62. Giribaldus, Leanda, alique. Colligitur etiam ex Constit. S. Pii V. declarantis, eum, qui Choro addictus Officium non recitat, licet sit præfens, præter fructuum, & distributionem amissionem, grave peccatum committere. Accedit Propositio damnata ab Alex. VII. num. 21. dicens = Habens Capellaniam collativam, aut quodvis aliud Beneficium Ecclesiasticum, si studio liminarum vacet, satisfacit suæ obligationi, si Officium per alium recitet.

M E N S E F E B R U A R I I.

CAS. I. **P**arochus habens Beneficium pingue non vult docere per se ipsum doctrinam Christianam filios pauperum, sed tantum quosdam filios divitum, qui singulis mensibus quædam munera ad eum deferunt.

Q. an sit Simoniacus.

Respondeo cum distinctione, vel intervenit pactum, aut expressum, aut tacitum cum Parentibus puerorum deferendi ea munera, vel nullum intervenit pactum: si hoc secundum, Parochus non est Simoniacus, quia cum Simonia sit studiosa voluntas vendendi, aut emendi aliquid spirituale, vel spirituali annexum, pro temporali, adeam requiritur aliquod pactum, vel saltem ut res accipiat per modum pretii communicationis, aut motivi, ut ex communi Doctorum. Si primum, probabilis Parochus est Simoniacus. Ratio est, quia docere Catechismum est quid spirituale, quod Simoniz subiacere potest, ut cum communi tradit Suarez lib. 4. cap. 13. n. 24. & Parochus ea munera reciperet tamquam pretium. Neque dici potest, quod ea reciperet aut titulo laboris, aut titulo congrue sustentationis, cum ad huiusmodi laborem ex officio teneatur, & Beneficio pingui supponatur satis superque provivus; ergo videtur, quod difficulter possit a Simoniz labe expurgari.

CAS. II. Filius familias, dum luderet, deprehensus a Patre, ad eoque vehementer obiurgatus ad declinandam illius iram, vovit se non amplius lufurum; mortuo autem Patre, dubitat, an adhuc obligetur voto.

Q. Confessarii iudicium.

Ref.

Respondeo, *Filium Familias probabilis non amplius adstringi voto*. Ratio est, quia causa nedom impulsiva, sed etiam motiva, & quidem principalis votendi videtur Filio fuisse, declinare iram Patris, ut exponitur in casu: Cum igitur, mortuo Patre, cesset hæc ratio motiva, & principalis votendi, cessat etiam obligatio voti, quæ tamdiu durat, quamdiu durat causa motiva, & finalis votendi, ut cum Azorio, Silvestro, Suarez tenent Bonac. disp. 4. q. 2. p. 3. n. 10. Antonius a Spiritu Sancto, & communiter Doctores; quia votum non obligat ultra mentem, & intentionem votentis; votens autem non censetur habuisse intentionem se obligandi, cessante causa finali, & motiva voti.

CAS. III. Sempronius tempore Quadragesimæ dispensatus ad carnes vigore Indulgi Apostolici, in vespertina quoque refectioe, cum aliquo nonnullorum scandalo, usus est carnibus, reservata tamen quantitate.

Q. an, spectata Epistola encyclica SS. D. N. Benedicti XIV. non solum peccaverit, sed etiam incidit in casum reservatum num. 7.

Respondeo negative. Ratio est, quia casus reservatus num. 7. continet scandalosam solutionem Quadragesimæ, non scandalosam solutionem Jejunii: Sempronius autem vespere vescens carnibus solvit jejunium, quia Pontifex in Epistola encyclica, quæ incipit = Libentissime quidem amplectimur = statuit, dispensatos ad carnes non posse in vespertina refectiuncula ea quantitate carnis vesci, quæ Jejunantibus permittitur, sed opus habere eo cibo, quo utuntur homines jejunantes rectæ, & meticulous conscientiæ. Atramen Sempronius non solvit scandalosæ Quadragesimæ, a qua supponitur dispensatus vigore Indulti Apostolici; ergo peccat, sed non incidit in Casum reservatum. Si vero in Indulto Apostolico observantia Jejunii esset apposita per modum conditionis, sine qua non liceret uti eodem Indulto, ut contigit anno 1740. in Indulto huic Civitati a Pontif. felic. regn. concessio, tunc probabilis censerem, Sempronium incidere in casum reservatum, quia adhuc vere scandalosæ solveret Quadragesimam.

M E N S E M A R T I I.

CAS. 1. **T**itius ingressus cujusdam Artificis officinam cum duobus Sociis, ipsis insciis, clam surripit thecam auream: inquisitos autem de furto, thecam secreto restituit; sed ut consulat quoque famæ suæ, eosdem Socios adhibet testes, qui jurent, ipsum nihil penitus surripuisse. **Q. an** sit reus perjurii.

Respondeo affirmative, quatenus inducit ad jurandum falsum, licet putatum verum. Ratio est, quia virtus Religionis, quæ prohibet, ne quis falsum juret, prohibet etiam, ne alios ad falsum jurandum inducat. Neque obstat, quod Socii existiment, Titium nil surripuisse; nam hæc probat dumtaxat, in Sociis iuramentum esse materialiter falsum, & inculpabile; at non excusat Titium a malitia perjurii, quia illa attestatio sociorum est ipsimet Titio formaliter falsa, cumque ab ipso sit voluta, & procurata, reddit illum perjurii reum, eo modo, quo quamvis blasphemia viro amenti sit materialiter mala, ei tamen, qui amentem induceret ad blasphemandum, esset mala formaliter, & culpabilis; ita cum Suarez tom. 3. de Rel. lib. 3. de Juram. c. 14. n. 8. Bonac. tom. 2. disp. 4. qu. 1. p. 111. Tamb. Sanchez, alique communius.

CAS. II. Petrus Typographus in Confessione se accusat, quod feria secundam Paschatis quatuor circiter horas insumpsit in componendis characteribus, altero vero die, videlicet feria tertia, totidem horis torculari expressit. Confessatus eundem arguit, ut violatorem utriusque diei festi. Q. an iuste.

Respondeo cum distinctione. Si Petrus de utroque se accusat, quod putaverit utrumque contra diem festum merito a Confessario arguitur; tum quia egit contra conscientiam, tum quia juxta sententiam, probabiliter, nedum characteres in torculari exprimere, de quo non est dubium, verum etiam eos componere, inter opera mechanica recensetur, ut tenent Suarez de Virt. Relig. lib. 2. cap. 25. num. 8. Paulus parte. 2. tr. 3. disput. 2. quæst. 5. n. 5. Facundes, & alii apud Girib. hic dub. 5. n. 43. quia compositio characterum per se non ordinatur ad locutionem, sicuti ordinatur scriptio, sed est preparatio materię, & veluti fabricatio instrumenti Mechanici ad opus Mechanicum, scilicet, ad ipsam impressionem ordinati. Si vero Titius de utroque se accusat ad majorem suę conscientię quietem, putavit tamen primum sibi licuisse, non secus ac characteres scribere; tunc dico, injuste argui a Confessario de utriusque diei Festi violatione, quia hæc quoque est opinio valde probabilis apud Homobon. lib. 2. p. 4. resp. 34. Dianam part. 4. tr. 4. rel. 62. Tamburinum, & alios: quare Petrus, juxta eandem operatus, diem festum non violavit. Est igitur dumtaxat monendus, ut magis timoratorum praxim sequens, etiam a componendis characteribus diebus festis abstineat.

CAS. III. Capellanus in Festo sim; Ieri accepit elemosynam pro Missa ad Altare privilegiatum celebranda, ipse vero celebrat quidem ad dictum Altare, sed ex devotione dicit Missam Votivam de B. Virgine.

Q. an satisfaciatur sue obligationi pro accepta elemosyna.

Respondeo negative. Ratio est, quia intentio consentientis Elemosynam fuit Altaris privilegio frui, non frui autem si Sacerdos in Festo simpliciter Missam Votivam recitet de B. Virgine, quia Privilegium a Summis Pontificibus concessum, est regulariter dumtaxat pro Missis de Requiem, quando non obstat Ecclesię ritus, qui non obstat in Festo simplici, in quo Missa de Requiem recitari potest. Id satis superque tor Decreta S. R. C. a Summis Pontificibus confirmata, præsertim ab Alexand. VII. & Clem. XI. ita communiter, & expresse P. Marati in novis Observat. & Addit. ad Comment. Paris Gavauti in Rubricis Missalis p. part. tit. 5. num. 8.

MENSE APRILIS.

CAS. I. **B**erta Mater, ne Filias suas diebus festis sinat vagari per Civitatem, vel Oppidum, aut otio domi tabescere, injungit eis quxdam opera servilia. Q. an Filie teneatur obedire Matri sic præcipienti.

Respondeo affirmative. Ratio est, quia ex 4. Decaloghi præcepto Filie teneantur obedire Parentibus in eis, quæ licita sunt; licitum autem est pueris, præsertim post Devotiones, & artis pomeridianas, ad ea vitanda, quæ in casu exposita sunt, quæque sunt plena periculis, etiam diebus Festis aliquibus operibus serviliis incumbere, idque ex interpretatione patet.

præcepti, ac benigna pax Matris Ecclesiæ permissione, quæ sicuti non obligat ad observantiam diei Festi si aliquod grave damnum corpori imminet, multo minus si animæ. Ita cum Emmanuele Sa, Silvestro, Naldo, Homobono, & aliis tenent Diana p. 3. tract. 5. re'ol. 8. Bon. hic disp. 5. q. unica, pun. 3. n. 7. Cavendum tamen est, ne Mater ad finem lucri detorqueat opus Filiarum, easque retrahat a piis actibus, quibus posset sanctius diem Festum colere; quare monet Suarez de Virt. Rel. l. 2. c. 26. n. 6. supradicta cum mica salis esse intelligenda.

CAS. II. Filius, inconsultis Parentibus, vult ducere in uxorem Cajam Puellam honestam, paræ quidem conditionis, sed pauperem. Q. quomodo debeat se gerere Parochus.

Respondendo cum distinctione. Vel Parochus advertit, Parentes fore quidem verbis, & animo contradicturos, non tamen malitiosum apposituros impedimentum, & eo tunc debet Filio suadere, ut Parentes consulat; aliter peccat assistendo, sicuti Filius peccat sic contrahendo; lædit enim pietatem, ac reverentiam Parentibus debitam, ut ex Girib. tract. 10. c. 5. dub. 6. num. 37. Quod si consultis a Filio Parentibus, eorum consensum non obtinet; potest licite Parochus Matrimonio assistere, cum Filius possit licite contrahere; quia Filii, satisfacta, per petitionem consilii, reverentia Parentibus debita, in iis, quæ spectant ad corporis sustentationem, & prolis generationem, sunt sui Juris, ut tradit D. Thom. 2. 2. q. 104. a. 5. Vel Parochus advertit, Parentes esse apposituros malitiosum impedimentum; & eo tunc si propter paupertatem sponsæ nullum sit secuturum damnum grave, dedecus, aut rationabile onus iisdem Parentibus, ut in casu supponitur; potest, & debet assistere ad tuendam libertatem Matrimonii, non enim paupertas sponsæ, si cætera non desint, est motivum sufficiens pertinet obediendi Matrimonio Filii. Colligitur ex Girib. citato, Pœnitio de Matrimonio l. 2. c. 1. Sporer in 4. præcep. Dec. 11. 3. cap. 5. sec. 11.

CAS. III. Parochus ruralis habet in more de mense in mensem, particulares consecratas, quæ in Ciborio pro Infirmis asservantur, consummare, & novas consecrare, semel tamen, & iterum deprehendit in fundo pyxidis quosdam vermiculos ex speciebus Sacramentalibus genitos.

Q. an talem morem servando sit tutus in conscientia.

Respondendo negative, sed lethaliter peccare. Ratio est, quia in Concilio Tron. 4. cap. 4. apud Gavantum; in Mediol. pariet. 4. p. 1. & in Synodo Bononensi lib. 2. cap. 3; & juxta communem fere omnium DD. sententiam, Eucharistia renovanda est de septimo in septimum diem; quæ regula non ita quidem stricte obligat, ut non possit etiam renovatio protrahi ad longum tempus, maxime si particularæ consecrandæ sint recentes, ut colligitur ex citato Concil. Mediol. permittente, quod consecrentur hostiæ post septem dies renovandæ, etiam si sint a viginti diebus consecræ; attem tanta dilatio non est a gravi culpa immunis, quando ex aliquâ circumstantia, vel loci humiditati nimis subiecti; vel &c. ad est periculum corruptionis specierum; quod periculum si experientia deprehenderit Parochus casus nostri, non est in conscientia tutus pristinum morem servando.

CAS. I. **M**ortuo Divite, & instantibus hæredibus, publicatur Monitorium cum excommunicatione contra scientes, & non revelantes ipsius bona; Sejus scit, Patrem suum, dum eidem famularetur, plura sibi usurpasse. Q. an Filius teneatur, vel saltem possit contra Patrem revelare.

Respondeo non teneri. Ratio est, quia lex Civilis non obligat ad ferendum testamentum contra sibi Coniunctos usque ad 4. gradum, præsertim si non agitur de causa ad totam Communitatem pertinente; ita neque lex Ecclesiastica credenda est, eosdem obligare, quippe quæ legi Civili in benignitate cedere non debet; unde in casu nostro non tenetur Filius nunciare Patrem]. Additur etiam, quod huiusmodi Monitoria non obligant, si ex tali revelatione aliquod grave damnum timeatur probabiliter secuturum; ex revelatione autem Filii facta contra Patrem, vix potest grave damnum ipsius, & totius Familix abesse, videlicet, discordiæ, & odia: ergo Sejus ex vi Monitorii non tenetur revelare contra Patrem. Ita Diana tom. 5. tract. 1. resol. 161. & 162. Raynaud. de Monit. p. 1. c. 1. q. 20. & 14. Baunius, & alii. Hinc, spectato damno discordiarum, odiorum &c. quo Filius ex tali revelatione toti Familix inferret, videtur dicendum, nec etiam posse (licet de hoc non disputent DD.) quia non debet illis causam præbere, per id, quod potest iuste omittere; spectato vero dumtaxat juris communis privilegio, & secluso damno, licite posset, quia privilegio quisque potest uti, vel non uti prohibito suo.

CAS. II. Antonius propinato alteri veneno, ex quo irreparabiliter secutum est mors; antequam hæc sequatur, poenitentia ductus accedit ad Confessarium, cui confitetur peccatum suum. Confessarius autem eum absolvit in iuncto onere, quod, secuta morte, se præsentet habenti facultatem in reservata, eique peccatum denuo aperiat. Q. an Poenitens, secuta morte, teneatur parere Confessario.

Respondeo negative. Ratio est, quia Antonius tunc nec teneretur se præsentare habendi facultatem in reservata, ratione peccati commissi in propinatione veneni, quia hoc jam fuit directe absolutum in peracta Confessione, quippe quod nulla tunc reservatione tenebatur, cum hæc non afficiat nisi actum consummatum Homicidii; neque ratione mortis postea secutz, quia hæc respectu Antonii rite confessi, & absoluti non est amplius mortaliter peccaminosa, cum non sit amplius mortaliter voluntaria, utpote in Sacramento poenitentiz efficaciter retractata; quare non est cur eum subdat clavibus, sive habentis, sive non habentis facultatem in reservata; ergo non tenetur in casu parere Confessario. Ita Henriquez, & Facundez apud Diana tom. 5. tract. 1. resol. 10. Homobonus & alii.

CAS. III. Quidam Sacerdos in itinere celebraturus Missam die Festo de præcepto pervenit ad quoddam Oratorium rurale, in eoque reperit unum tantum librum Missalem, cui sere integer deest Canon Missæ. Q. an possit licite celebrare, ut ipse cum Socis satisfaciat præcepto de auditendo Sacro.

Respondeo negative. Ratio est, quia sic se exponeret periculo errandi in re gravi, nempe circa Canonem, cujus præfectio singula verba sunt materia
gra-

gravis, adeoque etiam graviter peccaret; ita Gavarr. tom. 1. p. 2. tit. 1. citans Navarrum, & Azorium, qui licet loquantur de Celebrantibus sine ullo libro Missali, tamen par est ratio in casu nostro, quia respectu Canonis idem est ac si nullus esset. Deducitur etiam ex Conc. Mediol. 1. precipiente Sacerdotibus, precipue propter Canonem, quod non memoriter dicant Missam, aut canant. Ex quo inferendum est, neque ad satisfaciendum præcepto de audiendo Sacro id licere, quia præceptum integrandi Missam in iis, quæ in Canone sunt, prævalet unicuique alteri præcepto Ecclesiastico; quare sicuti ex nulla causa, præterquam gravis irreverentiæ, quæ forte immineret contra Sacrosanctissimum Christi Corpus, & Sanguinem, licet aliquid Canonis ommittere; ita nec licet periculo omittendi se exponere.

MENSE JUNII.

CAS. I. **F**œminam nolentem reddere salutationem alteri Vicinæ, cum qua rixata est, Confessarius judicat Absolutione indignam, & ream peccati lethalis, quamvis ipsa fateatur, nullum exinde odium habere contra dictam Vicinam.

Q. an verum sit Judicium Confessarii.

R. respondeo cum distinctione. Si ex quo Fœmina non reddat salutationem Vicinæ, cum qua rixata est, oriatur aliquod scandalum, aut id æstimetur notabilis contemptus ejusdem Vicinæ, spectatis circumstantiis loci, temporis, Personarum, nec non consuetudine Patriæ, Judicium Confessarii verum est; quia tunc non reddere salutationem est revera peccatum lethale contra charitatem, ut patet; ac proinde quoniam Fœmina non vult salutare Vicinam est in statu peccati lethalis, & Absolutione indigna. Si vero nullum inde sequatur scandalum, saltem grave, nec gravis contemptus, vel quia levis fuit rixa, & utriusque indignatio, vel quia jam animus alienum a quocumque positivo, & gravi odio jam Fœmina ista patefecit, vel alia simili de causa, Judicium Confessarii non est verum, quia hæc signa omittere, absolute loquendo, est potius contra urbanitatem, quam contra charitatem. Ita ex Bonac. in 1. Decalog. præcep. disp. 3. quæst. 4. part. 3. Girib. tract. 4. cap. 4. dub. 4. n. 36. & aliis.

CAS. II. Juvenis quidam habens consuetudinem se polluendi, confiterur in Paschate pollutiones commissa; interrogatus autem a Confessario de consuetudine, eandem reticet, timens ne ultra tempus Paschale Absolutio ei differatur; habet tamen propositum efficax non amplius peccandi. **Q.** an valida sit ejus Confessio.

R. respondeo negative. Ratio deducitur ex Propositione damnata ab Innoc. XI. num. 58. ex qua habetur, teneri Pœnitentem confiteri consuetudinem peccandi, quando ex Confessario de eo interrogatur; si ergo Juvenis iste eandem reticet, suæ obligationi in re gravi non satisfacit, adeoque graviter peccat, & Confessionem sacrilegam perficit, nisi forte ignorantia eum excuset. Nec juvet, quod habeat propositum efficax non amplius peccandi; quia Confessarius adhuc habet jus ad idem propositum experiendum: & cum sit Judex simul, & Medicus, non potest hujus partes implere applicando opportuna remedia, nisi infirmitates, & statu-

tum Pœnitentis plene cognoscat. Ita Cardenas differt. 37. in dict. Prop. 58. Viva, Reginaldus, & alii.

CAS. III. Sacerdos celebraturus Missam, dum induit se Vestibus Sacris, omittit Orationes, quæ ad singulas earum dicendæ sunt. Q. an ejus omissio sit immunis a culpa.

Respondeo negative. Est enim semper talis omissio contra Rubricam, vel præceptivam, ut censet Juvenin tom. de Missæ Sacrificio quest. 8. c. 7. vel saltem directivam, ut existimant alii. Quare nisi ex aliqua rationabili causa fiat, est quoque peccato obnoxia, vel mortali, ut tenet Navarrus c. 25. n. 73. apud Merati & Azor. part. 1. lib. 10. c. 29. q. 5. apud Altharum verbo Missa num. 42. maxime si omittantur aut ex contemptu, aut scienter omnes deliberate, & cum advertentia, vel saltem veniali, ut cum Roder. & de Barchard. sustinet communis DD.

M. E. N. S. E. J. U. L. I. I.

CAS. I. **F**ranciscus habuit rem cum Sponsa de futuro, dum per aliquot dies post inita sponsalia in ejus Domo adhuc morabatur; in Confessione autem præcise se accusat, quod habuit rem cum puella.

Q. an ejus Confessio sit bona.

Respondeo cum distinctione. Si Parochus, functus munere suo, admonuit Franciscum, non ei licere cohabitationem cum Sponsa de futuro sub pena excommunicationis ipso facto incurrendæ, latæ in Synodo lib. 2. c. 9. & Eminentiissimo Archiepiscopo reservatæ, si se invicem carnaliter cognoscerent, antequam per verba de præsentis Matrimonium contraherent; vel aliunde Franciscus id sciebat; tunc ejus Confessio non est bona, quia recitat circumstantiam, quæ licet non variet speciem, est tamen affecta excommunicatione reservata, ratione cujus peccatum confessum est extra Jurisdictionem simplicis Confessarii: si vero id inculpabiliter ignorabat, Confessio ejus bona est, quia ignorantia inculpabilis excusat ab excommunicatione incurrenda, & sic etiam in casu a reservatione, qua non afficit peccatum, nisi ratione excommunicationis.

CAS. II. Petrus Confessarius tradidit alteri Confessario chartam Sollicitationis sigillo obsignatam, ut eam daret cuidam Mulieri, quæ ad ipsum pro Confessione accessura erat; Alter autem Confessarius Sollicitationis ignarus, absoluta Confessione, statim chartam prædictam dedit Mulieri. Q. an hi Confessarii sint denuciandi.

Respondeo negative; neuter enim est reus talis Sollicitationis, qualis in Bulla Gregoriana exprimitur; non primus Confessarius, quia ille sollicitans per alium Confessarium, sollicitationem in Confessione per chartæ traditionem faciendam mandat, non efficit; in Bulla autem Gregoriana lex Denunciationis lata est contra Confessarios Sollicitationem efficientes & quidem cum suis Pœnitentibus, & de mandantibus nec unum habetur in ea verbum, unde non debet ad eos extendi, maxime cum odio sint potius restringenda. Nec habet hic locum illa regula = Qui per alium facit, per se ipsum facere videtur = quia ubi lex mandantes non expressit, cum exprimere potuisset, censendum potius est, eos comprehendere non fuisse, juxta illud = Lex si aliud voluisset, expressisset = Lug. unic. f. f. f.

fin autem. Ita cum Diana part. 1. tractat. 4. resoluc. 22. Bonac. Boffio, & aliis Girib. tract. 7. de Sacramento Pœnitent. cap. 10. dub. 2. num. 11. Non alter Confessarius, qui chartam sigillo obſignatam tradit Mulieri, quia ille ignorans quid in ea contineatur, absque ulla ſui culpa, & ſolum materialiter concurrat ad Mulieris Sollicitationem. Quanto autem in Bulla Gregor. dicitur = ſive inter ſe, ſive cum aliis quomodolibet perpetranda = ſupponitur proſecto in iplomet Confessario ſcientia, & cognitio ejus, quod efficit, quia ſupponitur in eo vera formalis culpa, & quidem graviffima, quam Summi Pontifices intendunt per lege n Denunciationis punire; & in hoc ſenſu intelligendum eſt Decret. Alex. VII. prohibens illam Propoſ. n. 6. = Confessarius, qui in Sacramentali Confessione tribuit Pœnitenti chartam &c. Cum autem, ſecluſa ſententia, & cognitione, nulla ſit culpa, ut tradant Communiter DD. neuter ex his Confessarius denunciandus eſt.

CAS. III. Parochus ſciens, Virum Nobilem non ſatiſfeciffe præcepto Eccleſiæ Communionis Paſchalis, eundem quidem private admonet; ſed videns, ſe nihil proficere, diſſimulat, nec ad Superiorem illius inobedientiæ notiſiam deſert, putans, per privatam illa admonitionem, partes officii ſui ſatis impleviſſe. Q. an huiusmodi Parochi diſſimulatio ſit peccato lethali obnoxia.

Reſpondeo cum diſtinctione. Si Parochus habeat verum, & ſufficiens fundamentum vel credendi Superiorem ipſum nihil effecturum cum Viro iſto Nobili, vel timendi ex Denunciatione facta Superiori aliquid grave damnum ſibi obventurum, ejus diſſimulatio nulli peccato eſt obnoxia; quia in his circumſtantiis præceptum Denunciationis faciendæ Superiori non obligat, ut Communiter docent DD. cum Soro apud Altarium Verbo Correſto: ſi vero tale fundamentum non habeat, & porius timeat tantum viri gratiam amittere, Parochus diſſimulando, nec ad Superiorem deſerendo notiſiam illius inobedientiæ, graviter delinquit contra præceptum Chriſti Domini (Matth. 18.) = Si te non audierit, dic Eccleſiæ = Hoc enim præceptum ſi quem ſub gravi obligat, proſecto Parochum, qui ex officio teneretur modis omnibus ſaluti ſuarum Oviſum providere. Non ſatis autem provideret neque ſaluti ipſius Viri Nobilis, qui a Superiore obſurgatus, fortaſſe reſiſceret; neque ſaluti aliorum, quibus poſſet talis diſſimulatio innoſcere, & ſic in illis parere ſcandalum. Quare merito in hac Synodo Bononiënſi lib. 2. cap. 3. ſub comminatione gravium poenarum, arbitrio ipſius Superioris infligendarum præcipitur Parochis, ut ſtatim poſt Feſtum Aſcenſionis, vel ad eundem, vel ad ejus Vicarium deſerant notiſiam de Contumacibus ſine dilatione, & ſine ulla Perſonarum exceptione.

MENSE AUGUSTI.

CAS. I. **C**Aja impudice veſcata cum Parocho, ægrotans cum periculo vitæ, ſciens, non poſſe a Complice ſui criminis abſolvi, ne turpitudinem ſuam alteri detegat, ſtudioſe, & ex induſtria expectat, quod Parochus ipſe ſacrum Viaticum ad eam deſerat, & tunc ante Communionem eidem confiretur, & abſolvitur, Parocho ignorante dolum Mulieris. Q. an, attenda declarationem ultimæ Benediſti XIV. circa Abſolutionem Complicis, in articulo mortis, valida ſit huiusmodi Abſolutio.

Reſ.

Respondeo negative. Quia facultas, quam Summus Pontifex in ultima declaratione concedit Confessario, ut in articulo mortis valide possit absolvere Complicem in peccato turpi, ne hic pereat defectu Jurisdictionis in absolvente, dummodo tamen ex parte Pœnitentis dispositiones a Christo Domino ad Sacramenti valorem requisitæ non desint, non est extendenda ad casum nostrum, in quo Caja sciens, non posse a Complice sui criminis absolvi, ne turpitudinem suam alteri detegat, studiose & ex industria expectat, quod Parochus, peccati Socius, factum Viaticum ad eam deferat, & eidem confitetur, cum commode, ut supponitur, potuisset alteri confiteri: & ratio est, quia hoc est eludere, & quidem materia gravi, mentem Pontificis, & privilegium ab eodem concessum Pœnitenti, præcise in sui favorem, ne in æternum pereat, trahere in consequentiam contra reg. Juris in 6. 23. & velle ex fraude patrocini-um, & ex dolo luctum reportare contra reg. ex cap. *Sedes Apost.* de rescriptis; ubi habemus = dolum, & fraus nemini debent patrocina-ri = quod sane est, ad Sacramentum pœnitentiæ accedere sine debitis dispositionibus. Quemadmodum igitur, ut docent DD., Regularis, qui data operta iter arripit, ut extra Ordinem confiteatur, virtute privilegiorum, quæ illi unice conceduntur, ne diu careat Sacramento, non potest valide absolvi propter ejus fraudem, & dolum, ut videri potest penes Rotarium de pœnitent. cap. 1. ita pati ratione in casu nostro.

CAS. II. Confessarius ex Confessione Franciscæ cognovit, ipsam ignorantem contraxisse Matrimonium cum Impedimento dirimente Affinitatis in primo gradu, otto ex copula illicita cum Fraire sui Viri; timet autem, ne mulier certior facta Impedimenti, adhuc sit habitura rem cum suo putato Viro.

Respondeo. Si Confessarius agnoscat, ignorantiam Franciscæ fuisse, & esse invisibilem, quod bona fide contraxerit Matrimonium cum tali Impedimento, in eoque permaneat, non debet illam de tali impedimento admonere, sed in sua bona fide relinquere. Ratio est, quia, stante tali prudenti, & rationabili dubio, aut timore, ne adhuc esset rem habitura cum suo putato Viro, ejus admonitio cateret sine, immo esset occasio majoris mali in Franciscæ ipsa; quippe quæ cum hæcenus fuerit in statu peccati materialis sine offensa Dei; admonita constitueretur in statu peccati formalis cum Dei offensa. Igitur Confessarius noster debet perbelle suadere Franciscæ, ut denuo post congruum tempus ad se reddat; interim vero a Sacra Pœnitentia dispensationem secretò petere, eaque obtenta, & Franciscæ ad se redeunte, eam de Impedimento certiorum facere, petita tamen prius licentia secum loquendi de auditis in Confessione, & cum illa disputare super dictum Impedimentum, servatis servandis. Si vero Confessariusprehendat, Franciscæ ignorantiam fuisse, aut esse vincibilem, & culpabilem, debet ex officio eam munere de Impedimento, quia jam est in malo statu: quod si nolit abstinere a copula cum putato Viro, cæterisque illicitis inter solutos, donec dispensatio obtineatur, eam sine Absolutione dimittat. Ita communiter cum Altario verb. *Matrim.* num. 26. Suarez tom. 4. disp. 32. sect. 5. num. 3. Diana, Navarro, Girib., & aliis.

CAS. III. Sacerdos ruri commorans quodam mane, deficiente ministro, qui in Missa respondeat, & ministret, ipse sibi respondet, & ministrat. Q. an licite.

Ref.

Respondeo negative si nulla urgeat necessitas. Ratio est, quia facit contra præceptum Ecclesiæ prohibentis pluribus in Conciliis relatis a Juvenim tom. 1. disert. 5. q. 7. cap. 1. art. 4. ne Sacerdos sine uno saltem ministro celebret, revocatis privilegiis, alias Monachis inclusi de quibus Emin. Bona, concessis. Hinc Suarez disp. 87. sect. 2. Facundez in primum præcep. lib. 2. cap. 21. n. 4. & alii arguunt culpæ lethalis contrasfacientes, tanquam delinquentes in re gravi; limitant tamen in casu gravis necessitatis, ut cum dandum est Viaticum infirmo in periculo vitæ constituto, audiendum est Sacrum in die Festo & hujusmodi, nec non in casu specialis dispensationis, & privilegi.

MENSE SEPTEMBRIS.

CAS. I. Puella undecim annorum habuit copulam incompletam cum Viro, in Confessione autem se accusavit tantummodo se habuisse tactus inhonestos cum illo, reticens copulam, partim ex rubore, partim quia ignorabat modum se explicandi, parata tamen totum fateri, si a Confessario fuisset interrogata, ut putabat; sed cum Confessarius eam non interrogaverit, ita Confessionem absolvit.

Q. an fuerit valida ejus Confessio.

Respondeo affirmative: non quidem quod Puella sufficienter expressit peccatum suum dicendo, se habuisse tactus inhonestos cum Viro; copula enim, quantumvis incompleta, utpote participans diversimode a puris tactibus inhonestis malitiam specificam luxuriæ, explicanda est in Confessione secundum suam individuationem, ut ex propos. damn. ab Alex. VII. ordine 25. & ex communi Fidelium praxi colligit Dominicus Viva; sed quia reticens copulam ex ignorantia modi se explicandi, quod, attenta ejus parva ætate, & animo alias parato ad totum ingenue fatendum, si a Confessario, ut putabat, fuisset interrogata, credibile est, fuisset præcipuum motivum ejus reticentiæ, bona fide potius, quam malitiosa Confessionem suam sine expressione copulæ absolvit; per hujusmodi autem bonam fidem, seclusa positiva malitia, satis probabiliter potest puella ista excusari a non servata omnimoda integritate suæ Confessionis; ut in simili docet Alarius lib. 5. verbo *Confessio* num. 55. de eo, qui nunquam confessus sit numerum peccatorum, quod a Confessario non fuerit interrogatus, quem, dicit, si absuit malitia, satisfacere explicando postea numerum, & negligentiam in præteritis Confessionibus, quia eandem repetat; licet, ut postea subdit, tutius esset id per Confessionem generalem præstare. Ergo etiam Puella in casu nostro, adveniente majore cognitione, suæ obligationi satisfaceret explicando omisam copulæ incompletæ individuationem.

CAS. II. Clericus ordinatus in sacris anno elapso, in quo festum Sancti Laurentii Justiniani accidit die Dominica, ex devotione erga dictum Sanctum Officium ejus transfudit ad primam diem non impediri; quamvis in Breviario sit ad libitum; eaque die aliud Officium non recitavit.

Q. an satisfecerit suæ obligationi.

Respondeo negative, nisi id fecerit bona fide; putans etiam Officium Sancti ad libitum esse transferendum. Ratio est, cum S. R. Con. pluribus in Decretis a P. Merati citatis tom. 2. p. 1. sect. 3. cap. 10. in novis observ. & addit. ad Gavanti comment. declaravit, hujusmodi officia occur-

renia in die impedita alio Officio de praecepto non esse transferenda. Clericus noster ea die, qua Officium S. Laurentii Justiniani translatum recitavit, omisso alio, quod fuisset de praecepto recitandum, data opera, & pro libro suo unum Officium in aliud mutavit, & sic formam a S. Pio V. praescriptam ea die non servavit, ac proinde nec fuit obligationi satisfecit, ut idem Summus Pontifex ibidem declarat, dicens = *neminem ex iis, quibus hoc dicendi, praestandique munus necessario impositum est, nisi hac sola formula satisfacere posse.* Nec juvat Clericum nostrum illud proloquium apud Theologos Moralitas communis = Officium pro Officio = quia hoc intelligendum est, quando mutatio accidit ex errore, ex inadvertentia, bona fide; non enim est praesumendum, Ecclesiam velle obligare ad duo Officia eadem die recitanda illum, qui sine culpa est: non autem quando mutatio fit voluntarie, & data opera, adeoque culpabiliter. Ita Bellarm. Regim. Homobon. Gavantus, Rosiga. alique magis communiter.

CAS. III. Andreas Sacerdos celebrans Missam Defunctorum pro Patre Antonii, a quo recepit elemosynam, dicit Orationem, quae in Missali assignatur pro Patre. Q. an bene.

Respondeo negative. Ratio est, quia huiusmodi Oratio posita in Missali pro Patre, assignatur tantum pro Patre ipsiusmet Sacerdotis celebrantis, ut ostendit titulus, qui eidem praeficitur, non bene ergo dicitur pro Patre ejus, qui tribuit elemosynam, nam alias dicit Gav. tom. 1. p. 4. tit. 18. de Rubr. Missar. pro Defunctis n. 13. de Patre cuiusque non convenit Oratio in ore Sacerdotis, an patet audienti.

MENSE OCTOBRI.

CAS. I. **R**ullicus Dioecesis Bononiensis in die festo Sancti Petronii summo mane, negioriorum causa, profecturus est Mutinam. Q. an, & ubi teneatur Missa audire.

Respondeo, nullibi teneri Missam audire: non in Territorio Bononiensi, cujus supponitur Incola, & a quo summo mane discedens proficiscitur Mutinam; quia praeceptum audiendi Sacrum die festo, utpote affirmativum, obligat quidem toto illo tempore, quod concluditur ab aurora ad meridiem eiusdem diei, plus minusve, sed non obligat pro aliqua determinata dicti temporis hora, adeoque in qualibet bene visa impleri potest. Rullicus ergo noster, antequam iter aggrediretur non tenebatur implere praeceptum auditionis Sacri, sed poterat differre ad meridiem usque; si igitur circa hanc horam jam crediatur extra Territorium, a qua liberum illi erat egredi, in ipso Sacrum audire non tenebatur: sed neque extra Territorium tenetur; quia extra Territorium, in quo Festum non celebratur, non urget praeceptum audiendi Missam, quippe quod locum afficit, non Personas; nulli ergo tenetur: Ita Diana p. 1. tr. 10. resol. 14. Palaus, Antonius a Spiritu Sancto, Sanchez, Girib. & alii. Liminant hanc sententiam, alioquin communem, primo Naldus: dummodo iter faciens circa meridiem jam sit e Territorio egressus; alias Missam audire vel tenebatur antequam iter aggrediretur, si praevideat non posse alibi audire; quia qui praevideat, se impeditum iri ab implerione praecepti, tenetur praevire; vel tenetur postea ubicumque opportunitas Missam audienti ei se praesentare; quia, ut dictum est, praeceptum respectu illius adhuc urget:

urget. Secundo Felix Potestas: Dummodo causa egrediendi a Territorio sit vera, & absit fraus, ut dicitur de Absolutione a Reservatis, hæc nemini patrocinator, Tertio Suarez: Dummodo nullum adsit periculum scandali, nullaue sit Constitutio vel Episcopalis, vel Synodalis, quæ omnino servanda esset, sicuti & consuetudo, si quæ pie, & sancte introducta reperiretur, ut de facto reperiri apud plerisque populorum idem Doctor censet.

CAS. II. Famulus se accusat in Confessione, quod de mandato sui Heri furatus est modium tritici, de quo tamen nihil ipse participavit: Confessarius eundem obligat ad restitutionem, si Herus ipse non restituat. Q. an iuste.

Respondéo affirmative. Ratio est, quia tam Jubens, seu Mandans, quam Esequutor, sed Mandatarius sunt causa totalis Furti, licet ille magis principaliter, iste vero minus: uterque igitur tenetur ad integram restitutionem rei ablata; Jubens quidem, seu Mandans prius, & independentem, ut ita dicam, a quocumque alio, utpote causa principalior; Esequutor vero, seu Mandatarius in defectu illius. Iuste igitur Confessarius in casu nostro obligat Famulum ad restitutionem tritici ablati de mandato Heri, si Herus ipse non restituat. Nec juvat, quod nihil Famulus participaverit; nam hoc inducit unique aliam obligationem in Hero ad restituendum prius, & ex integro, utpote ille, apud quem res ablata reperitur, vel a quo consumpta est; at non eximit ipsum Famulum ab obligatione restituendi, si Herus non restituat; sicuti non eximeretur ab obligatione reparandi damna, si quæ forte de alterius jussu, vel mandato intulisset, per hoc, quod nihil in re lucri percepisset: ita communiter.

CAS. III. Idem Famulus impotens de presenti ad restituendum, pro quiete suæ conscientie perit per alium a Domino tritici condonationem, eamque obtinet. Q. an per hujusmodi condonationem etiam Herus dicti Famuli sit absolutus in conscientia ab obligatione restituendi.

Respondéo negative. Ratio deducitur ex mor dictis, quia Herus utpote Mandans, est causa principalis, Famulus autem minus principalis: Jam vere licet absoluta ab obligatione restituendi causa magis principalis ab eo, cui furatum est, censetur, & sit absoluta etiam causa minus principalis non sic e converso, ut docent communiter Doctores: sed sicuti restituente causa minus principali in defectu principalioris, hæc adhuc tenetur illi damnum compensare; ita, supposita etiam condonatione facta causa minus principali, adhuc principalior tenetur restituere: ergo Herus in casu nostro non est a sua obligatione absolutus. Nec juvat, quod forte Dominus tritici ignoret, causæ condonæ, & putet etiam principaliori se condonare; quia profecto motivum, quo ad condonandum inducitur, est impotentia parentis: ergo hunc solum, & ex tali motivo ab obligatione restituendi absolvit.

MENSE NOVEMBRIS.

CAS. I. SEjus vocatus ad ferendum testimonium circa Patrimonium, sciebat sistere ab amico consilium pro quodam Clerico, ut amicitie deferret, testatus est falsum. Q. an possit a quolibet simplici Confessario absolvi.

Ref.

Respondeo affirmative. Ratio est, quia licet *Sejus* in casu nostro graviter peccaverit, & insuper excommunicationem incurrerit latam in Synodo lib. 2. cap. 8. contra *Telles* deponentes falsum circa bona Patrimonii; tamen in nullam Reservationem incidit: non ratione peccati, quia in tabella casuum Reservatorum reservatur solummodo peccatum constituentium Patrimonium fictitium; & de peccato *Tellium* deponentium nulla fit mentio, non ratione excommunicationis, quia ejus Absolutio in Synodo nulli reservatur, ut legenti patebit; si autem eam reservatam voluisset, expressisset utique, sicuti expressit de excommunicatione lata contra *Sponso*s de futuro, si cohabitantes invicem se cognoscant; ergo potest a simplici Confessario absolvi.

CAS. II. *Sponso*s de futuro frequenter cogitat de copula habenda cum *Sponso* post contractum Matrimonium per verba de presenti; de eaque morose delectatur. **Q.** an peccet lethaliter.

Respondeo affirmative, si sit vera delectatio sensibilis, & non puram desiderium, excludens quemcumque actualem affectum malum de copula futura, habenda tempore, quo, contracto Matrimonio per verba de presenti, licita erit. Ratio est, quia talis sensibilis delectatio de presenti habita appetitus sensitivi non habet pro objecto copulam futuram, ut futuram, sed copulam, quam veluti presentem apprehendit, & cujus, vel saltem pollutionis de presenti est veluti inchoatio, & causa: Cum igitur *Sponso* de futuro copula non sit de presenti licita, si de ea delectatur, vere delectatur de objecto graviter malo, ut patet, & sic graviter quoque peccat. Ita *Sanchez*, *Bossius*, *Girib.* & alii.

CAS. III. *Mævius*, & *Theresia*, ex dispensatione Ordinarii, contracto Matrimonio per verba de presenti tempore prohibito sine solemnibus, transacto eodem tempore, petunt a simplici Sacerdote, ut *Missam* dicat pro *Sponso*, ac benedicat de more *Nuptias*. **Q.** an iste simplex Sacerdos licite possit.

Respondeo negative. Ratio est, quia *Benedictio* *Nuptiarum*, utpote *Solemnitas* ipsius Matrimonii, est de jure ejus, cujus est Matrimonio assistere, sicque proprii contrahentium *Parochi*; non potest ergo alter a proprio *Parocho*, sive simplex Sacerdos sit, sive etiam alter *Parochus*, licite *Nuptias* benedicere, nisi id faciat de licentia proprii *Parochi*; & si absque ejus licentia benedicere auderet, incurrer ipso jure poenam suspensionis impositam a *Trid. sess. 24. c. 1.* & reservatam quoad absolutionem Ordinario proprii *Parochi*. Quin immo Synodus nostra lib. 3. cap. 3. declarat, nec etiam proprio *Parocho* licere hanc *Benedictionem*, & hujusmodi propriis *Capellanis* demandare, salvo tamen legitimo *Impedimento*: ergo minus licebit simplici Sacerdoti sine licentia eandem impertiri.

M E N S E D E C E M B R I S .

CAS. I. *Parochus* sollicitatus a *Parochiana* ad turpia, non consentit; dicit tamen = Bonum tibi, quod sum *Parochus*, si non essem *Parochus* . . .

Q. an sic dicens graviter peccet.

Respondeo affirmative: peccat enim primo peccato scandali, quia per illa verba satis indicat *Parochianæ* sollicitanti ad turpia suam voluntatem,

con-

consentiendi in illa; quodque ideo non consentit, quia timet poenam, reservationem scilicet, in quam consentiendo incurreret; non quod odio habeat culpam, & Dei offensam. Deinde peccat etiam contra Castitatem, quia talis voluntas est vera delectatio turpium, nec eum excusat conditio illa apposita = Si non essem Parochus = quia huiusmodi conditio non tollit omnem malitiam ab objecto, sed solum illam majorem deformitatem, quam peccatum suum contraheret ex conditione Personæ, quippe cum consentire in turpia malum sit, & illicitum cuicumque; etiam non Parcho: ita cum Bonac. Alar. Paolo. Girib. Doctores communiter. Excusaretur tamen a peccato gravi contra Castitatem, si non serio, & ex animo, sed solum ex aliqua levitate talia verba proferret: at non sic puto posse facile excusari a peccato gravi scandali; quia, attempta propria conditione Parochi, tenetur ex officio acriter sollicitantem reprehendere, & a proposito, quantum in se est, remove; unde ne ex levitate quidem potest sine gravi scandalo voluntatem consentiendi simulare.

CAS. II. Vir quidam dives augendarum opum desiderio flagrans, deliberante exoptat, ut Milites externi iterum Regionem hanc invadant, suasque in ea moras ducent, ut ipse carius exinde fruges vendat. Q. an peccet contra decimum Decalogi præceptum.

Respondeo affirmative. Ratio est, quia iste Dives adhuc magis discescere concupiscit cum aliorum Proximorum damno, quod pati universaliter coguntur, Militibus suam Regionem invadentibus, in eaque moram trahentibus, quod enim propterea fruges carius vendantur, cadit profecto in grave damnum Pauperum; inde id deliberate intendere, est velle proprias opes augere modis illicitis, quod prohibetur decimo Decalogi præcepto; contra hoc igitur peccat Dives in casu nostro deliberate exoptans &c. ita ex Girib. tr. 14. in fine.

CAS. III. Capellanus in nocte Nativitatis Domini immediate post Laudes recitat etiam quatuor horas Diurnas, putans sequenti mane se nimis occupandum in audiendis Confessionibus. Q. an recte se gerat.

Respondeo affirmative. Ratio est, quia ex una parte substantia præcepti recitationis Divini officii, quæ obligat sub gravi, consistit in hoc, quod dicantur horæ Canonice singulis diebus naturalibus, qui concluduntur ab una media nocte ad aliam median noctem; quod autem dicantur tali determinato diei tempore, est modus quidam, & circumstantia non adeo necessaria, & obligans dumtaxat sub levi: ex alia vero parte ad excusandum ab huiusmodi levi culpa, sufficit quæcumque causa, etiam levis, non servandi tale tempus determinatum pro unaquaque hora, ut cum Tamb. Leand. Diana, & Girib. docent communiter Doctores: ergo a fortiori immunis erit a quacumque culpa, qui id præstat ex motivo charitatis; quinimmo si propterea tempus præveniat, recte insuper se gerit exercens actum prudentiæ, & diligentiæ. Cum igitur Cappellanus noster in Nocte Nativitatis Domini ideo immediate post Laudes recitet quatuor horas Diurnas, & sic præveniat tempus recitationis earundem, quod prævideat sequenti mane se nimis occupandum in audiendis confessionibus, quod est opus excellentissimæ Charitatis, recte utique se gerit.

CAS. I. **V**italis proprium Filium, quem habuit ex Berta, in casu extremæ necessitatis Baptizat. Q. an cognitionem spirituales contrahat cum Berta.

Respondeo cum distinctione: vel Berta est legitima Uxor Vitalis, vel non: Si primum nullam cum ipso contrahit cognitionem spirituales, ut expresse habetur in cap. *ad limina* 33. q. 1. & ratio est, quia hæc cognatio spiritualis esset Vitali maxima poena, cum eidem usum Matrimonii impediret, quæ poena consequitur culpam. Quis autem dicet, peccare Vitalem proprium Infantem ex Berta sua legitima Uxore genitum baptizando in casu extremæ necessitatis? Meretur potius, quia suæ obligationis satisfacit, & spirituali saluti consulit susceptæ prolis. Si secundum inter Vitalem & Bertam confurgit cognatio spiritualis, quæ subsequens Matrimonium impedit, ut clare colligitur ex cit. cap. *ad limina*, ubi tantum excipitur casus Patris baptizantis proprium Filium ex propria Uxore susceptum, jam matrimonio contracto. Neque hic urget superior ratio, nam cognatio spiritualis orta post Matrimonium contractum est poena, non vero si oriatur ante Matrimonium; etenim eo tunc pertinet potius ad quoddam amicitie genus, & vinculum unitatis, in cuius reverentiam Ecclesia Matrimonium prohibuit inter personas cognitione spirituali obstrictas; & de facto Parochus baptizans cognitionem spirituales contrahit, quin sit poena: ita Sanchez de imp. matrim. disp. 62. n. 10. Bonac. tract. 1. de Bapt. resol. 96. n. 6. Girib. & alii.

CAS. II. Quidam Sacerdos non abstergit Purificatorio Calicem, intra cujus latera nonnullæ guttæ adhærent, ab alia materia, quæ est in fundo Calicis, separatæ. Q. an guttæ illæ consecratæ remaneant.

Respondeo cum distinctione: vel guttæ sunt separatæ a vino existente in fundo Calicis ante infusionem aquæ, vel post: Si primum, non remaneant consecratæ, quia cum sic non sint licite consecrabiles, utpote cum aqua non mixtæ, præsumendum non est, in Sacerdote adfuisse intentionem eas consecrandi, secus graviter peccaret. Si secundum, probabilius remaneant consecratæ, quia sunt guttæ vini aquæ permixti, sunt intra Calicem, & per pronomen *hic* designantur; ergo ad eas licite poterat dirigere intentio consecrantis. Verum quia regulariter istæ guttæ resiliunt in prima infusione vini, antequam aqua infundatur, recte Gavantus 3. p. in Rubricis Missi. tract. 7. num. 4. Puteob. q. 1. de Euch. art. 3. n. 6. Giribald. alique docent, consecratas non esse. Ad repellendos scrupulos curet Sacerdos ante consecrationem unire has guttas cum aliis parvis, si commode id fieri possit, alioquin eas lenteolo abstergat, ut monet c. Gavant.

CAS. III. Terentius recusat sedere ad Convivium, ubi tredecim sunt invitati, eo quod timeat, unum ex Discumbentibus eo anno esse moriturum. Q. an incidat in grave peccatum superstitionis.

Respondeo, cum ex D. Toh. timor pertineat ad appetitivam potentiam, quæ in homine cognitionem sequitur, examinandum est, an Terentius, ex firmo intellectus assensu, utrum ex levi tantum credulitate, ad mortem timendum in casu ducatur. Si primum, graviter superstitione peccat.

Ratio est, quia cum nec convivium, nec numerus discumbentium apta sine significare, & multos minus causare mortem, neque de hoc habeatur ulla Divina institutio, aut traditio; si mors firmo indicio timeretur, id evenit unice ex pacto tacite inito cum Dæmone, ut in simili docet D. Aug. lib. 2. de Doctrina Christi. cap. 20. quod superstitiosum est, cum timeatur malum ex medio prorsus inutili, & a Dividentia providentia minime instituto: Si vero Terentius levi tantum credulitate deueatur, & sine aliqua certitudine futuri eventus, graviter non peccat, quia id potius ex animi levitate, quam ex præsumptione mali, & pacti taciti inito cum Dæmone evenit. Limitant tamen DD. hanc responsionem, dummodo uis admonitus de tacita Dæmonis invocatione, a vana illa observantia desistat, alias, cessante eo, tunc ignorantia graviter peccat: in Less. de superstit. lib. 2. cap. 47. dub. 7. n. 43, Suarez, Girib. & alii.

MENSE FEBRUARII.

CAS. I. **J**udex in causa duorum Litigantium, rationes habentium hinc inde probabiles, ut sine injuria in utramlibet partem inclinare possit, ab una pecuniam accipit, ut in sui favorem sententiam ferat. Q. an peccet, & teneatur ad restitutionem.

Respondeo affirmative quoad utramque partem: Ita præsentem casum resolvisse visus est Alex. VII. prop. 26. proscribendo = Quando Litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio = ex cujus damnatio, licet dilucide dumtaxat appareat, non posse in casu licite Judicem pecuniam accipere, infertur tamen, etiam ad restitutionem teneri: Ratio est, quia Judex ex iustitia tenetur gratis totam, & integram litem adjudicare; sed quando Judex aliquid accepit pro adjudicanda sententia uni potius, quam alteri, gratis non adjudicat, vendit, quod vendibile non est, neque dat totum ad quod ex iustitia tenetur; ergo peccat contra iustitiam & ad restitutionem tenetur. Eritur ex P. Viva in dictam propositionem damnatam.

CAS. II. Confessarius in actuali Confessione Pœnitentem sollicitati ad actus ex sua natura tantum venialiter inhonestos. Q. an sit denuntiandus.

Respondeo affirmative; & Ratio est, quia licet actus aliqui videantur ex natura sua tantum venialiter inhonesti, ex circumstantia Confessionis Sacramentalis lethales evadunt propter gravissimam injuriam, quæ Sacramento irrogatur, & graviter virtuti Religionis opponuntur; & sexcentis exemplis constat, actus alias leves ex natura sua, ex aliqua circumstantia adjecta fieri graves, maxime si circumstantia addat oppositionem alteri virtuti. Additur, ex signis etiam leviter dumtaxat inhonestis facile colligi a pœnitente animum Confessarii progrediendi ad ulterioria; consequenter habetur totus finis legis præcipientis denuntiationem Confessarii sollicitantis ad torpita. Bossius dub. 28. num. 51. Felix a Potest. tom. 2. p. 3. c. 4. Girib. & alii.

CAS. III. Titius dum die Fesfo audit Missam, sua confitetur peccata. Q. an satisfaciat præcepto.

Respondeo cum distinctione: vel longa est ejus Confessio, vel expedita: Si primum, adeo ut Sacerdos eo tempore notabilem Missæ partem absolvat, Titius non satisfacit præcepto Ecclesiæ: Ratio est, quia licet Confessio

sit actio spiritali, tamen excludit attentionem internam, quæ necessaria est adimpletionis præcepti audiendi Missam, ut experientia docet, cum Pœnitens totus sit in exponendis peccatis, excipiendis Confessarii admonitionibus &c. quæ mentem abstrahunt ab iis quæ in Sacrificio fiunt. Si secundum, Titius satisfaciat, quia brevisitas temporis non tollit substantialiter adimpletionem præcepti, sicuti in aliquibus aliis præceptis parvitas materiz excusat ab eorundem transgressione. Adverte tamen, eam Missæ partem, a qua Titius est distractus per Confessionem etiam brevissimam, non debere esse de substantia Sacrificii; nam si ad ejus essentiam spectat, quales sunt consecratio, oblatio, & per plures etiam sumptio, Titius non satisfacit, quia, licet illæ partes modicæ sint quoad durationem, maximè tamen sunt quoad substantiam, & essentiam Sacrificii. Ita Girib. Rosignol. & alii communiter.

MENSE MARTII.

CAS. I. Antoninus pœnitentiam Sacramentalem sibi a Confessario impositam adimplere non curat, dicens, per acquisitionem Indulgentiæ Plenariæ se velle Deo satisfacere. *Q. an excusetur ab onere adimplendi talem pœnitentiam.*

Respondeo. Quamvis aliqui doceant eum, qui consequitur Plenariam Indulgentiam, solvi ab onere adimplendi pœnitentiam a Confessario injunctam, tamen cenfeo cum Girib. aliisque, apud ipsum tract. 7. cap. 12. dub. 10. num. 64. non excusari: Ratio est, quia pœnitentiæ executio spectat ad integritatem Sacramenti, eisque de jure divino; & sic, licet possit Pœnitens Indulgentiam Plenariam lucrando, aliisque mediis satisfacere pro pena temporali ex peccato absoluto relicta, adhuc tamen tenetur satisfactionem adimplere, ut faciat Sacramentum integrum: tum quia cum pœnitentiæ, ut plurimum, nedum sint satisfactoriæ pro peccatis præteritis, verum etiam medicinales ad præcavenda peccata futura, earum efficacia non compensatur adæquate Indulgentiam lucrando: ergo neque tollitur earundem obligatio. Alias rationes vide apud Girib. cit.

CAS. II. Cajus simplici Confessario confitetur peccata reservata: hic adit Superiorem, ut perat facultatem illum absolvendi, & eam obrinet; sed, antequam Absolutionem impendat, reperit Cajum in aliud peccatum pariter reservatum de novo incidisse. *Q. an vi obtentæ facultatis possit illum etiam ab hoc ultimo peccato absolvere.*

Respondeo cum distinctione: Vel Confessarius facultatem obrigit absolvendi Cajum a quibuscumque casibus reservatis sine distinctione, aut exceptione aliqua; vel impetrata facultas limitata est quoad speciem peccatorum, indeterminata tamen quantum ad numerum; vel tandem nedum quoad speciem, sed etiam quoad numerum designata. Si primum, est valde probabile, posse Cajum etiam ab illo ultimo peccato reservato absolvi, quia facultas obrenta illimitata est, ac videtur a Superiore concessa juxta indigentiam Caji usque ad ultimum Confessionis complementum. Si secundum; non potest absolvi si illud ultimum peccatum speciei differat a prioribus, cum sub concessa facultate non veniat; si ve-

si vero elaudatur sub eadem specie, probabilius potest absolvi propter rationem superius allatam. Tandem si tertium asseratur; negative respondet: cum enim Superioris voluntas in casu nedom quoad speciem, sed etiam quoad numerum limitata sit; talis etiam impetrata facultas censenda est. Ita Rosign. de poenit. quæst. 8. art. 19. sect. 4. Tambur. de casib. reserv. cap. 9. qui tamen, quæ primo, & secundo loco diximus, cum aliquo scrupulo admittit. Adverte in hac Diocesi, cum regulariter facultas quæzatur de jam auditis, ad ea dumtaxat censetur limitata, unde non possit Cajus a reservato, post obtentam facultatem perpetrato, absolvi.

CAS. III. Parochus Lampadem ante Sacramento Altaris non tenet accensam. Q. an lethaliter peccet.

Respondeo affirmative, si per diem, aut noctem integram id negligat: id deducitur ex Rit. Rom. de Sacra Euch. in Rub. §. 6. = Lampades coram eo, nimirum Venerabili Eucharistiæ Sacramento) plures, vel saltem una, die, nocteque perpetuo colliceat = quæ Rubrica cum respiciat cultum tanto Sacramento sub gravi debitum, graviter delinquit Parochus, illum negligens: tum quia licet ex communi DD. sententia in ullo casu licitum est sine lumine Eucharistiam conficere, quamvis urgeret necessitas deferendi Viaticum moribundo, ita cum eadem reverentia debeatur Eucharistiæ in incruento Sacrificio oblatæ, ac in Sacrario aservatæ, a gravi culpa excusari nequit Parochus negligens, per diem aut noctem integram, ut lampas ante Sanctissimum Sacramentum ardeat. Diana rom. 2. tract. 1. resol. 154. Gobat. Bordonus, & alii.

MENSE APRILIS.

CAS. I. T^{er}entius peccator occultus enixe rogat Sacerdotem, ut, ad Sacrilegium, & grave ipsius damnum vitandum illum particula non consecrata communicet. Q. an hoc licite præstari possit a Sacerdote.

Respondeo negative: siquidem ex Innoc. III. cap. de Homine, de celebrat. Missarum, falsa sunt abjicienda remedia, quæ veris sunt periculis graviora. Ratio autem est, quia, ut inquit D. Thomas 3. part. quæst. 80. art. 6. ad secundum, Sacerdos hoc faciens, quantum in se est, facit idololatrare illos, qui credunt esse hostiam consecratam, seu alios præsentem, sive etiam ipsum fumentem; quia, ut Augustinus dicit, nemo carnem Christi manducat nisi prius adoret, quod sane gravius est malum, quam formulam consecratam dispensare indigno, ut clare inferius ex laudato Canone: & ideo &c.

CAS. II. Quidam Parochus Indulgentiam centum annorum obtinuit pro illis omnibus, qui, diebus Festivis, Vesperis, & Benedictionibus interfuerunt. Q. a Parocho illius Indulgentiæ explicatio.

Respondeo. In concessione Indulgentiæ centum annorum non est sensus, quod per illam relaxetur pena luctuosa per centum annos in Purgatorio; sed quod remittatur tanta poena Purgatori, quanta deleta fuisse per poenitentiam centum annorum juxta antiquos Canones; nam olim pro gravibus peccatis, ver. gr. Adulterio, Homicidio &c. poenitentiam septem, & plurium annorum injungebatur; unde qui centum & milie peccata omni-

lisset, debuisset centum & mille annis pœnitere, si fieri potuisset. Illas tamen pœnitentias agentes non solebant continuo, sed semel atque iterum jejunare, aut similem afflictionem subire, ut docet hic Cardin. Bellar. Itaque centum anni Indulgentiæ primario referuntur ad pœnam in hoc sæculo exsolvendam juxta laudatos Canones; secundario, seu consequenter ad Pœnam purgatorii, quia omnis Indulgentia minuendo ab Ecclesia injectam, minuit etiam partem pœnitentiæ, quæ eidem in altera vita, secundum mensuram soli Deo cognitam, responderet.

CAS. III. Clericus Beneficium adeo tenet obtinuit, ut ad suæ vitæ sustentationem non sufficiat. Q. an Officium Divinum recitare teneatur.

Respondeo affirmative: quia omnia jura clamantia, Beneficium dari propter Officium, generaliter loquuntur, nec inter pingue, ac tenue distinguunt, ut cad. ult. de script. in 6. Concil. Later. sub Leone X. sess. 9. & clarius in Constit. S. Pii V. *vericulo declinantes &c. & quæ hactenus alia Beneficia*; sed Beneficium, quantumvis tenue, est verum Beneficium ergo &c. Neque obitat illud proloquium = qui Altari inserui, de Altari vivit = hoc enim non valet de illo, qui sponte indultus est minori stipendio; Clericus autem sponte Beneficium accepit; ergo voluntate se omnibus ejusdem Beneficii oneribus subiecit; præterea cum servitium Altaris diem non consumat, unde alia via potest sui victum comparare, ut dicitur in cap. *Clericus* dist. 97. Girb. tract. 5. in primum Decal. præcept. cap. 3. Homobonus, Gavanti. & alii.

M E N S E M A I I.

CAS. I. P. Parochi quidam rurales, occasione Festi propriæ Ecclesiæ, & Exequiarum, nullo facto verbo cum præsentè Plebano Archipresbytero, alteri ex Parochis Missam decantandam committunt; conquirenti autem Archipresbytero respondent: Archipresbyter, & Parochi pares sunt Q. an recte se gesserint, & verum responderint.

Respondeo in hoc casu, qui sortuito in harum Decisionum seriem irrepsit; Primo, servandas esse consuetudines horum, quæ, ut inquit Fagnanus l. 1. decret. cap. 7. n. 12. in similibus sere tot sunt, quis Diceret? Secundo asseram s. P. Anacleti Reinshævel. l. 1. decret. tit. 24. de Archipresbytero = Illud dumtaxat jurabit addere quoad Archipresbyteros, seu Decanos rurales, quod ipsi debeant sedulo circumspicere mores, vitamque aliorum Presbyterorum, & Clericorum in suo Archipresbyteratu, atque attendere, quia industria per eosdem Cura exerceatur animarum, idque Episcopo renunciare, insuper Clericorum suorum leviora jurgia amabilius compenere. = Cumque laudatus Auctor nil amplius addat; neque ego aliquid adderem, nisi certo certus essem, ac ab omnibus Constitutionibus Synodaliis sancitum, Archipresbytero Plebano, tum propter præminentiam muneris, tum propter nomen ipsum Archipresbyteri, quod dignitatem redolet, multum honoris etiam supra simplices Parochos esse deferendum. Harum brevium responsionum institutum plura non paritur.

CAS. II. Mortuo Divite, & instantibus Hæredibus, publicatur Monitorium cum Excommunicatione Majore contra eos, qui aliquid de ejus bonis acciperunt, si quamprimum non restituant; Fabius dicti Divitis Creditor, arrepta Mortis occasione, se compenavit in ejus bonis; Dubitans modo, an

teneatur restituere, ne Excommunicationem incurrat, consulit Confessarium. Q. Confessarii responsum.

Respondeo, non teneri ad restitutionem, neque Excommunicationem incurere. Ratio est, quia Excommunicatio major, cum sit maxima poena, non incurritur nisi ob peccatum lethale; in casu autem huiusmodi peccatum non intervenit, ut patet: idque maxime, si compensatio fuerit licita. Quod si fuerit illicita, puta, quia propria auctoritate se compensavit, cum absque gravi incommodo per Iudicis sententiam rem suam recuperare potuisset, adhuc non restituendo, Excommunicationem non incurrit, si tamen ejus Creditum erat certum, & liquidum, nec plus quam sibi debebatur, accepit; ratio est, quia talis retentio, quæ sola latæ Excommunicationis est motivum, nec illicita est, nec culpabilis, ac proinde neque obnoxia poenæ.

CAS. III. Octavius Votum fecit jejunandi singulis anni in Festo Sanctæ Apolloniæ; sed cum hoc quandoque incidat in diem Dominicum, dubitat an hac die, vel Sabbato antecedente jejunare teneatur. Q. Dubii solutio.

Respondeo, cum ex D. Thom. 2. 2. q. 147. art. 5. jejunium sit duplex, aliud afflictionis, ad macerandum corpus, ut illud spiritui subdat, aliud exultationis, ut jejunans liberius contemplationibus vacet, & magis ad spirituale gaudium; Festumque celebrandum disponatur, videndum est an Octavius in Voto jejunii primum finem intenderit, an secundum; si primum, debet jejunare in Sabbato præcedenti juxta morem, & usum universalis Ecclesiæ: si secundum, videtur quod debet jejunare die Dominico. Ratio est; quia hoc jejunium licitum est; Votum autem licitum obligat. Esset autem licitum, constat ex D. Hieron. epist. ad Lucinium, D. Thom. cit. D. Anronino p. 2. t. 11. cap. 2. aliisque apud Sayrum lib. 6. cap. 8. Neque obstat, quod can. si quis presbyter, disp. 30. jejunium die Dominico prohibeatur; nam id intelligitur quando jejunatur ex contemptu diei Dominicæ, vel ex superstitione, & errore hæreticorum; alias ex devotione licet. Cæterum pro praxi, in dubio præfata intentionis, & etiam universalis loquendo, licet possit jejunare die Dominico, regulariter consulendum est, quod se confermet spiritui Ecclesiæ, ad vitandam singularitatem.

M E N S E J U N I I.

CAS. I. Antonius prima Jubilæi hebdomada absolutus a reservatis, secunda hebdomada alia peccata pariter reservata committit. Q. an iterum possit absolvi.

Respondens non est improbabilis opinio affirmativa. Ratio esse potest; quia concessio hæc est favor; qui non est restringendus, sed ampliandus: tum quia secus quis diligentia sua sibi noceret, dum scilicet ex sua devotione ceteros præveniendo, in acquisitione Jubilæi in ipsa prima hebdomada, non posset illum in secunda lucrari, ut faciunt quia etiam ex negligentia omiserunt in prima præstare opera ad illum consequendum requisita. Opinio tamen negans probabilior est, ac in praxi tutior, ut docet Mazzuchellus, & Girib. alique de Jubilæo, maxime si extat declaratio Sacræ Congregationis. Concilii sub Clem. VIII. Mense Maii Anno. 1620. cui obtemperandum est.

CAS. II. Silvester habens peccatum mortale in anima, cujus non recordatur,

tur, confitetur in Paschate sola venialia; sed cum, post mensem a facta Confessione illius peccati reminiscatur, dubitat, utrum ad implendum præceptum teneatur denuo confiteri. Q. Dubii solutio.

Respondet, Silvestrum teneri quamprimum confiteri peccatum in priori Confessione, cui non est satisfactum a Silvestro per Confessionem dumtaxat venialium; ergo tenetur illud mortale oblitum quamprimum subdere clavibus. Dixi, quamprimum: quia licet tempus annuæ Confessionis a prima die Januarii usque ad finem Decembris permulti computent; facilius tamen computatio est, & Ecclesiasticæ consuetudini conformior a Paschate in Pascha: cumque tempus Paschale determinatum sit non finendam obligationem, sed ad ulterius non differendam; sequitur, Silvestrum obligationi præcepti teneri quamprimum satisfacere. Ita Suarez disp. 36. sect. 4. Coninch. Layman, Sporer, aliique.

CAS. III. Petronius bene valens mane sumpsit Eucharistiam, & vespere infirmatur ad mortem. Q. an deuo debeat Communionem sumere per modum Viatici.

Respondet probabilius non debere iterum Sacram Eucharistiam sumere. Ratio est, quia Petronius revera accepit Eucharistiam in suæ vitæ confinio, & paulo ante mortem, eademque die, qua iturus ad æternitatem, consequenter eo tempore, quo Christus præcepti sumptionem Eucharistiæ. Neque obstat, quod Petronius non cognoverit hoc tempus advenisse; nam ignorans esse diem festum, & mane audiens Missam, præcepto satisfaciat, licet eo tunc non advertat, præceptum vigere; ita a pari: tam quia, cum per illam Communionem fuerit Petronius sufficienter corroboratus, & spiritu vivificatus prudenter judicatur obtentus finis illius præcepti, cessante autem præcepti fine, præceptum desinit obligare: unde sicuti, ex hoc motivo, ut puto, communiter Sacerdotem, qui vix completo sacrificio constituitur in vitæ termino; ita a pari; quia parum refert quod mors dislet a Communionem potius per plures horas, quam per plures horæ quadrantes, modo vivificetur Communio facta in vitæ termino. Suarez, Pelliz. De Lugo, aliique.

MENSE JULII.

CAS. I. P^{arochus} celebrans ultimam Missam, unicam tantum consecrat Hostiam, & post consecrationem recordatur, se aliam debuisse consecrare publice exponendam pro adoratione quadraginta Horarum. Q. an Hostiam a se consecratam pro se illa publica adoratione asservere possit, & se communicare cum aliqua ex particulari consecratæ.

Respondet negative: Clare colligitur ex can. *relatum* de Consecr. dist. 2. ubi dicitur, Sacerdotem celebrantem non tantum debere participare de Sacramento, verum etiam de Sacrificio. Tum quia in Rubrica Missalis præscribitur, quod si in Hostia consecrata venenum appareat, debeat Sacerdos novam Hostiam consecrare, quam sumat. Id autem non esset recte statutum, si liceret eo tunc sumere Hostiam ab alio consecratam, & asseruatam in Tabernaculo; immo id præcipere debuisset, quia secunda consecratio sine sacrilegio fieri non potest, nisi necessaria sit ad perfectionem Sacrificii; sed semel ac posset licite perfici Sacrificium cum Hostia ab alio consecrata, non esset necessaria nova consecratio ad ejus-

ejusdem perfectionem; ergo &c. Ita SS. D. N. Bened. XIV. in suis adnot. p. 4. sec. 2. n. 149. De Lugo de Euch. disp. 19. sec. 5. n. 76. Silvius &c. CAS. II. Sacerdos Latinus post Consecrationem tum Hostiæ, tum Calicis advertit, panem a se consecratum esse corruptum. Q. quid agere debeat casu, quo non habeat alium panem Azymum.

Respondeo, licet ad valorem Sacramenti sufficiat panis triticeus, sive azymus, sive fermentatus, ut est definitum in Concil. Florentino, tamen de necessitate præcepti Græci in fermentato, Latini in azymo consecrare debent; quæ obligatio adeo gravis est, ut neque ad audiendam Missam in die festo, neque ad dandum Viaticum Infirmo liceat ab hoc ritu recedere. Unum tamen casum excipiunt Modernus qu. 2. ar. 1. n. 24. & Gonet, nec repugnat Giribaldus, nimirum, quando quis post consecrationem tum Hostiæ, tum Calicis, adverteret panem a se consecratum esse corruptum. Ratio est, quia datur præceptum Divinum de perficiendo Sacrificio, quod semper prævalet Ecclesiastico; & ideo illud observandum.

CAS. III. Fabius emisit Votum recitandi centies in anno Salutationem Angelicam, & nunquam recitavit. Q. an peccaverit lethalius.

Respondeo cum distinctione. Vel emisit Votum recitandi centies in anno Salutationem Angelicam centum distinctis diebus, adeo ut unicuique diei correspondeat una Salutatio Angelica; vel Salutationes Angelicas vovit simpliciter sine assignatione, & distributione dierum: Si primum, Fabius lethalius non peccavit, earum recitationem omittendo; & ratio est, quia singule Salutationes Angelicæ singulis diebus affixæ sunt materiæ levissimæ, & onus diei, quod transit cum die, nec cum reliquis coalescit in unum, unde Fabius centies dumtaxat venialiter peccavit. Si secundum Fabius est reus peccati gravis, quia totus numerus Salutationum Angelicarum, a vovente intentus, est materia in se gravis. Sanchez l. 1. c. 4. n. 14. Diana, Leander, & comm.

MENSE AUGUSTI.

CAS. I. Silvius pingue Legatum reliquit Uxori suæ, dummodo in statu viduitatis permaneat. Q. an ingrediendo Religionem Legatum deperdat.

Respondeo negative. Ratio est, quia ita jura statuunt, ne melior status deferatur ob consecrationem Legati: tum quia per Religionis ingressum vere status Vidualis servatur. Neque dicas, mentem Testatoris servandam esse in specifica forma, quando non adversatur iuribus; jura autem apud Sanchez l. 7. de matr. disp. 91. num. 46. in favorem Religionis habent tanquam non adjectas eas condiciones, quæ servari in specifica forma, ut contineatur Legatum, a Religione retraherent: tum quia præsumendum non est, Legantem velle contrariari dispositioni juris, tum quia in casu vere etiam in specifica forma adimpletur meus Fabii, cum per ingressum in Religionem non tollatur status vidualis, sed perficiatur. Sanchez, Anton. a Spiritu Sancto, aliique communiter.

CAS. II. Publius Notarius conficit Instrumentum Usurarium sub nomine aliojus liciti Contractus. Q. an ad restitutionem teneatur.

Respondeo cum distinctione. Vel Notarius conficit Instrumentum Usurarium sub

CAS. II. Albertus promisit Sicario centum aureos, quoties Petrum occiderit. Q. an Albertus, secuto effectu, teneatur stare promissis.

Respondeo aliqui negant, quia ex actu injulto, nimirum homicidio, non potest oriri obligatio iustitiae. Communius affirmant cum D. Thom. 2. 2. q. 62. art. 5. Lessio, Lugo, Diana, Tamburino; & aliis. Ratio est, quia centum auri non sunt promissi pro peccato, quod nihil est, & in vendibile, sed pro aliis circumstantiis, nimirum, labore, periculo, fuscipris in patracione homicidii, quae pretio aestimabili sunt, ac esse possunt materia Contractus: unde sicut ex hac ratione Sicarius, propter homicidium, potest pecuniam promissam exigere; ita ex eadem Albertus teneatur eam solvere. Verum haec opinio satis communis quomodo cohereret cum eo, quod tradit Greg. IX. tit. de pactis cap. 8. Ibi enim Pontifex, postquam irritaverit petitiones Simonicas, addit. = Quod etiam de aliis dicendum est, quae observatae pergunt in animae detrimentum: nam etiam juxta legitimas sanctiones pactum turpe, rei turpis, aut impossibile de jure vel de facto, nullam obligationem inducit = porro, si, effectu secuto, esset obligatio solvendi pretium promissum, tale pactum non esset nullius momenti: ut inquit Gregor.

CAS. III. Thaddaeus postquam cum Berta vera contraxerit Sponsalia, alia contrahit cum Teresia, & juramento confirmat. Q. an prima Sponsalia per secunda dissolvantur.

Respondeo negative. Ratio est, quia secunda Sponsalia, cum sint de re illicita, usque contra fidem datam priori Sponsae, non possunt juramento firmari; siquidem juramentum non est vinculum iniquitatis: consequenter adjectum secundis Sponsalibus neque est vinculum, Girib. & comm.

M E N S E O C T O B R I S.

CAS. I. Theodorus Diaconus habens Mutinae Domicilium, ubi Officium occurrit de feria, die crastina Bononiam venire debet, ubi festum celebratur Sancti Petronii. Q. an hoc sero Vesperas, & Matutinum Sancti Petronii recitare possit.

Respondeo posse, sed non obligari. Ratio est, quia cum eras sit futurus peregrinus Bononiae, poteris, sed non sub obligatione, se reddere huic Ecclesiae contorem, & eras Officium S. Petronii recitare: cum ergo Officium vespertinum sit pars Officii crastini, non est improbabile, posse anticipare a Theodoro persolveri, tanquam pertiens ad idem crastinum, Neque dicas, quoniam Theodorus est Mutinae non potest frui privilegio Bononiae, quod est concessum ratione loci. Respondeo, proxime accedendus habetur pro accincte; & sicuti proxime ingressurus Religionem quibaldam privilegium fruatur, quibus fruuntur jam ingressi, ut apud de Vecchis in praxi Novit. ita proxime accessurus ad locum potest incipi frui privilegiis loci, maxime per actionem, quae commendata est in loco. Tambur. cap. 5. §. 2. num. 25. Diana, Girib. alique.

CAS. II. Publicus Concupinarius timens, ne in Paschate arceatur ab Altari, Parocho minatur mortem, si illi Communionem negabit. Q. an Parochus illi possit licite Eucharistiam administrare.

Respondent affirmative Sanchez l. 4. de mairim. dis. 4. n. 12. Ant. a Spiritu Sancto t. 4. consult. 19. Suarez, Bonacina, Gobat, Sporer par. 1. cap. 3. sect. 5. Ratio est, quia actio dandi Communionem ex parte Ministri est bo-

bona, & potest exerceri absque peccato; etiam si recipiens eamdem male utatur; nemo enim tenetur cum dispendio vite delitescere ab actione bona, qua recipiens, si vellet, posse bene uti. Ita laudati Auctores. Attamen respondeat Divus Joannes Chrysostomus, qui Homilia 83. in Matthæum sic ait: — Non parva vobis imminet poena, si quam aliqua improbitate teneri scientes, ei hujus mensæ participationem permittatis. Sanguinis enim ejus ex manibus requireretur vestris. Sed si quidem aliquis præ vecordia, amentia mensam adiverit, nullo timore territus abjice. Deum, non hominem timeas. Animum prius tradam meam, quam Dominicum alicui Corpus indigne, Sanguinemque meum effundi potius pati, quam sacratissimum illum Sanguinem præterquam digno concedam. Non de ignotis, sed de notis hæc disputo. Ita Sanctus Doctor.

CAS. III. Concessa per Summum Pontificem Civitati Bononiæ Indulgentia, extensibili quoque ad Dioecesim, ruralis Parochus, non expectatis Circularibus de more a Curia per Vicariam Foraneam transmittendis, Indulgentiam populo publicavit, cum noverit in Civitate publicatam, Q. an licita, & valida fuerit hujusmodi publicatio.

Respondeo probabilius fuisse validam, certo tamen illicitam. Ratio primæ partis est, quia si in Edicto pro Civitate publicato legebuntur hæc, vel æquivalentia verba = statim ac noticia pervenit ad Parochos Dioecesis = publicatio dictæ Indulgentiæ in nullo substantiali deficit, non in designatione Ecclesiæ visitandæ, & operum, ut supponitur neque deest designatione temporis facta a legitima potestate, quia tempus a prædictis verbis, saltem sub indeterminazione fuit designatum etiam pro Dioecesi nisi vel dicere, prædictam clausulam esse intelligentiam non de qualibet noticia, sed de noticia juxta morem Curie, hoc est Litteras Circulares; nam in hac hypotesi dubitari posset de valore publicationis, quia Parochus tempus designasset absque legitima facultate. Ratio secundæ partis est, quia Parochus egit contra rectum ordinem a Superioribus sancitum, ut nimirum Circulares expectentur, ad præveniendas confusiones, ac Parochorum querelas, posuit insurrectiones, quæ de facili oriuntur, nisi in publicatione Indulgentiarum opportuna temporis distributio per Dioecesim servetur.

MENSE NOVEMBRIS.

CAS. I. Confessarius Mulieri Confitenti, se habuisse cum Amasio tractatus inhonestos, dixit: Non fecisti quod habebas in animo; sed, si quis tibi summam donaret pecuniæ, quid faceres? Q. an Confessarius sit denunciandus.

Respondeo cum distinctione. Vel Mulier respondit affirmative, vel negative: Si respondit affirmative, & Confessarius tacuit, nec eam reprehendit, est reus sollicitationis, & denunciandus, ut liquet: Si eam reprehendit, tunc solutio præstat ab exitu. Si enim postea accessit ad ejus domum, & pecuniam obtulit pro re turpi, reus est sollicitationis, quia talis accessus probat, eam interrogationem fuisse Mulieri factam ad turpem finem, atque eo tunc sollicitatio incepit. Si respondit negative, & sic fuit absoluta. Bordonus in tribunale fidei cap. 23. num. 231. docet non

non esse denunciandum, quia talis interrogatio potest accipi in bonum sensum; potest enim dici facta in ordine ad dignoscendam dispositionem Pœnitentis, ut scilicet sit digna Absolutione; si namque Mulier affirmasset, eam non absolvisset. Verum Bord. cit. non potest hunc Confessarium a nota maximæ imprudentiæ eximere.

CAS. II. Titus ab Hostibus insequentibus fugiens, obvium, quem habet, Equum ascendit, ut velocius fugiat. Equus in ista præcepti fuga moritur. Q. an Titius teneatur ad compensationem.

Respondeo, probabilis Titium teneri ad restitutionem æstimatori Equi. Ratio est, quia Dominus Equi in hac hypotesi non supponitur consentire, nisi sub onere compensationis, si Equus ipse perierit; non enim intelligitur absolute transferre dominium ejusdem Equi in utentem, sed dumtaxat commodare in necessitate, qua premitur; ergo & ipse utens intelligitur accepisse in necessitate sub tali onere; ergo, perente Equo, tenetur Titius ad compensationem. Neque dicas, Titium non teneri ad talem restitutionem, neque ratione rei acceptæ, cum amplius eadem non exret, neque ratione injustæ acceptionis, cum in extrema illa necessitate, licitum fuerit eidem accipere. Respondeo, teneri propter quandam tacitam obligationem jure gentium introductam, qua qui rem alterius in necessitate consumit, se tacite obligat ad rependum, quando suppetet copia. Excipe tamen, nisi Equus etiam sine tali usu esset periturus; nam tunc Titius usu nullum damnum Domino attulisset. Lessius lib. 2. de just. & jur. cap. 16. dub. 1. n. 10. Rosign. de rest. disquis. 1. §. 2.

CAS. III. Capellanus redargutus a suo Parocho, quod Arsenium ab Excommunicatione publice contracta absolverit, respondit: Lilum absolvi, & iuste potui absolvere. Q. an violaverit sigillum.

Respondeo affirmative. Ratio est, quia manifestavit peccatum in Confessione cognitum: & sicuti, ut de communi testatur Tannerus t. 4. disp. 6. q. 9. reus est violati sigilli, qui dicit.... Absolvi peccatorem publicum, qui mihi confessus est peccatum suum... cur non est reus, qui dicit.... Absolvi ab Excommunicatione publice excommunicatum? ... Neque dicas, Capellanum solum detexisse actum Confessionis, qui laudabilis est, non vero Excommunicationem jam publicam. Respondeo; licet talis detectio non fuerit odiosa Pœnitenti, fuit tamen contra virtutem Religiosis, quæ nullo modo paritur deregi peccata in Confessione cognita. Sotus in 4. dist. 18. q. 4. art. 5. Vasquez, Diana, aliique.

MENSE DECEMBRIS.

CAS. I. **F**ranciscus, constitutus in periculo Mortis, a simplici Sacerdote absolutus fuit tum a reservatis, tum a censuris, & postea convaleuit. Q. an teneatur se presentare Superiori, ut denuo absolvatur.

Respondeo primo, Franciscum ut absolutum a reservatis non teneri se presentare Superiori, etenim ab illis fuit directe absolutus; nam, ut inquit Trid. sess. 14. c. 7., In Ecclesia Dei custoditum semper fuit, ut nulla sit reservatio in articulo Mortis.

Respondeo secundo, Franciscum ut absolutum a censuris debere se presentare Superiori, sanitate obtenta, sub poena reincidentie in eandem censuram, ut habetur ex cap. *eos qui* de sent. excom. in 6. & cap. *ea noscitur* de eadem. Quare Confessarius Francisco, ante Absolutionem, debuit imponere hoc onus, itemque satisfaciendi parti læsæ, si Excommunicatione

ne erat innotatus propter injuriam alteri illatam . V. G. ob Clerici percussione : & quamvis nonnulli Auctores doceant , exigendum esse juramentum de hac satisfactione præstanda ; tamen alii plures docent , id solum necessarium esse pro foro externo , quando res deducta fuit ad forum contentiosum ; pro foro vero interno sufficere promissionem , immo & firmum propositum satisfaciendi , eo quia Penitenti etiam non jurato , vel cautionato creditur in foro Sacramentali . Lazana , Tamburinus , Gobat &c.

CAS. II. Titius quendam domum , quam locaverat Cajo , tempore locationis vendidit Petro , nulla in Contractu venditionis de Pensionibus mentione facta . Q. ad quam ex duobus Pensiones illæ pertineant .

Respondeo : Per solutio per emptorem pretio convento , eique domo assignata , Pensiones dividendæ sunt juxta proportionem temporis ; pro quo fuit sub utriusque dominio . Ratio est , quia Pensiones substituuntur loco fructuum , eisque correspondet ; sed fructus cedunt Domino rei , cujus censentur fructus ; ergo & pensiones : sed ante perfectam venditionem venditor est dominus rei venditæ , & post illam fit dominus emptor ; ergo pro tempore ante perfectam venditionem pensiones debent pertinere ad venditorem ; post illam ad emptorem . Similiter resp. etiam si pretium non sit solum , nec cautio præstita , aut fides data . Ratio est , quia , absoluto Contractu venditionis , res pertinet ad emptorem ; ergo pensio a puncto , qui rei dominum acquirit , ad ipsum spectat ad ratam temporis dominii acquisiti . Excipe tamen , nisi aliter inter partes sit conventum . Rosignol. de contr. disp. 5. §. 6. Girib. tr. 3. c. 2. dub. 14. Palao , alique .

CAS. III. Quidam Parochus Costam obtinuit a Romano Pontifice alicujus Sancti confessoris Pontificis , quam judicans esse insignem Reliquiam , illius Officium in propria Ecclesia elevat ad ritum duplicem . Q. an talis Costa sit insignis Reliquia ad enunciatum effectum .

Respondeo negative : Sacra enim Rituum Cong. post editum generale Decretum sub die 3. Junii 1617. , quo permittebatur Officium duplex in iis Ecclesiis , in quibus insignis Reliquia asseratur. successisse , ad occurrendum libertati opinandi circa indicatam magnitudinem partis corporæ , sub anno 1628. , 8. Aprilis , præmissa uberiori declarando , taxative præscripsit ad præfatum effectum talia esse censenda , Caput , Brachium , & Crus , & quidem ad hæc decernenda processit , non postulatis respondendo in casibus particularibus (ut sæpe contingit) , sed per Decretum generale in Breviario Romano ad instar Rubricæ imprimendum , quo factis in aperto ponitur . Costam omnino exclusam intelligi a numero insignium Reliquiarum .

A N N O M D C C X L V I I I .

M E N S E J A N U A R I I .

CAS. I. Confessarius tempore Jubilæi imposuit Pœnitenti, ut recitaret quinque Pater, & Ave pro satisfactione Sacramentali. Hic, ut citius se expediret, recitavit hujusmodi preces alternatim cum Socio in Ecclesia designata, animo tum lucrando Jubilæum, cum implendi Pœnitentiam. Q. an utrique oneri satisfecerit.

Respondeo negative. Si Confessarius, vel Pontifex aliud non expresserat, nec aliud apparebat ex circumstantiis; ut apparet circa jejunia, cum publicatur Jubilæum in Quadagesima. Fert enim communis opinio, quod quando Confessarius aliud non expressit, nec circumstantiæ de ipsius mente aliter indicant, tunc satisfactio ab eo injuncta intelligi debeat de opere supererogationis, ut passim monent DD. Idemque in simili casu dicendum esse de Oratione, & aliis operibus a S. Pontifice pro Jubilæo præscriptis, suadet ipsamet lex prudentiæ œconomice Ecclesiasticæ distans, fidelem Ecclesiæ Ministrorum, qualis sane censendus est Pontifex, nolle extra casum valde urgentis motivi, ac specialissimæ circumstantiæ, pretiosum Ecclesiæ thesaurum profundere pro operibus jam debitis; id namque esset illum profundere pro nulla; vel minima causa; quod juxta Bellarminum, & alios sapit prodigalitatem. Id etiam suadet modus, quo idem Pontifex talia opera præscribit, nam. (ultra quamquod ea imponit, non ut opera pia præcise, sed ut onera implenda quasi ex pacto, quod plane denotat gravamen diversum ab omni alio præcedente) simul & semel districtè præcipit Confessariis, ut pro quibuscumque peccatis Pœnitentibus imponant salutares pœnitentias, ut communiter innuunt Bullæ Jubilæi recentiorum Pontificum. Ad quid mercede duplex hæc distincta præscriptio, si juxta mentem Pontificis opera Jubilæi non deberent esse diversa quoad substantiam a satisfactione postea imposita pro peccatis? Addo, posse quidem per se ipsi alternatim cum Socio orationem Jubilæi, ut docet Bosius de Jub. sect. 4. cap. 17. & constare ex praxi; non sic tamen satisfactionem, quidquid in contrarium dicant Azorius Inst. p. 1. lib. 10. c. 7. q. 10. alique. Approbatam enim legimus, immo pro Choro præceptam alternam Officii recitationem, commendatam alternum recitationem Rosarii, vel &c.; permissum tamen nullibi legitimus alternum satisfaciendi modum: etsi praxim, consuetudinemque consulimus, hæc communiter est, quod suam a semetipso quisque adimpleat satisfactionem, ni ob urgens motivum Confessarius aliud expresse. Cum igitur consuetudo habeat vim legis, dicendum etiam ob hoc, Pœnitentem adæquate utrique oneri non satisfecisse: sed (cum agatur de re dividua) solum inadæquate, & pro rata; ut cum Sancto inquit Pharaonius de Pœnitent. sect. 22. c. 4.

CAS. II. Sacerdos paulo ante confessus, dum est ad Altare, recordatur peccati mortalis ex inculpabili oblivione non expressi; nec sine gravi periculo tunc exprimibilis. Q. an sit necesse, ut ibi de eo eliciat actum contritionis.

Respondeo cum distinctione: Vel talis Sacerdos in Confessione paulo ante peccata habuit dolorem universalem de omnibus peccatis a se commissis, vel habuit dolorem particularem, ac restrictum ad ea, quæ passus est. Si primum, dico, necesse non esse, ut ibi eliciat actum contritionis de peccato obli-
pec-

peccata, Absolutio immediate cadens supra dolorem, confavit gratiam directe remissivam eorum, quæ expressa fuere, remissivam indirecte peccati obliiti ob impossibilitatem gratiæ sanctificantis cum quocumque morri peccato: Propterea Tridentinum ait, tale peccatum eadem Confessione intelligi inclusum. Si secundum dico, attendendum esse, an Sacerdos adeo retrinxerit dolorem ad peccata expressa, ut ab eo excluderet alia, quæ putabat se non habere. Item, an huiusmodi dolor fuerit ab eo conceptus ex motivo specialis rursus peccati resultantis ab oppositione ad peccata virtutes, quibus peccata confessa opponuntur; an vero fuerit ab eo conceptus ex motivo universalis, puta, ob summam Divinam bonitatem offensam, aut ob metum gehennæ. Siquidem in primis duobus casibus utique necesse est ibi elicere actum contritionis, ut se constituat in statu gratiæ: nam tunc, interveniente reminiscencia peccati obliiti, hoc viget in anima, cum nullo modo fuerit retractatum. In tertio vero casu necesse non est, ut ibi de eo eliciat actum contritionis; cum enim huiusmodi dolor, ratione motivi universalis, virtualiter se extendit etiam in peccatum obliitum (nam qui detestatur ex. gr. furum quia est offensæ Dei, vel ex metu gehennæ, implicite & virtualiter detestatur etiam fornicationem, ac cætera peccata, quæ pariter sunt offensæ Dei, & merentur gehennam), etiam illud implicite, & virtualiter fuit retractatum, ac proinde indirecte absolutum, atque remissum; Ita DD. comm.

CAS. III. Subdiaconus petit a Parocho, an teneatur recitare divinum Officium iis diebus, quibus febris quartana laborat. Attenditur responso Parochi.

Responso data a Parocho hæc est: Vel huiusmodi febris intra diem ipsi relinquit tantum temporis ac virium, ut sine gravi incommodo possit totum divinum Officium, vel saltem aliquam ejus partem persolvere; vel non. Si primum, tenetur Subdiaconus illa die vel totum, vel partem Officii, juxta tempus ac vires, recitare; nam quoad hoc in tali casu urget præceptum. Propterea S. Carolus in suo Conc. Mediol. IV. ann. 1576. *Meminerit*, inquit, *qui Officio adstrictus est, se febris, morbove aliquo, vel adversa valetudine leviter aliquando laborantem, non justam propterea excusationem habere, quamobrem illud intermittat, omittatur*. Et quod dicitur de toto, valet etiam de parte Officii; damnata enim est ab Innoc. XI. hæc propositio 24. in num. *Qui non potest recitare Matutinum, & Laudes, potest autem reliquis Horis, ad nihil tenetur, quia major pars trahit ad se minorem*. Si secundum, non tenetur; quia impotentia ipsum excusat. Hinc communius DD. tradunt, quod si Subdiaconus ex. gr. mane sit liber a febre, ac sentiat se habere vires sufficientes pro recitatione totius Officii, debeat mane recitare etiam Vesperas, & Completorium, si prævideat febrim postmodum a tali recitatione ipsum impedituram; eo quia præceptum divini Officii quoad substantiam obligat intra latitudinem totius diei; & anticipatio, vel posticipatio tu casu non est usus Privilegii, sed obligatio; qui enim stricte obligatur ad aliquod munus obeundum, eo fungi debet cum potest. Unde obligatio accidentalis, recitandi hanc, vel illam Horam tali, aut tali hora temporis, cedit in casu obligationi substantiali.

In dubio postea, an prædicta recitatio totalis; vel partialis, absque gravi nocumento, aut periculo ejusdem, peragi possit consulat virum prudentem, qui si perplexum relinquat, deponat omne dubium, & recitationem omittat,

MENSE FEBRUARII.

CAS. I. **N**ON advenientibus Patrino, & Matrino designatis, Parochus ad levandum Infantem de sacro Fonte pro eis adhibuit Obstetricem cum impubere, solo ex viris ibi præsentem. Q. an bene se gesserit. **R**espondeo Parochum id facientem male se gessisse: nam si circa Baptismum talis Infantis non erat periculum in mora, non debebat, inconsultis Parentibus ejusdem designare alios Patrinos; sed Baptismum deferre quousque vel adessent Patrini a Parentibus jam designati, vel alii ab eisdem loco ipsorum substituti, vel etiam ab ipso, ad id tamen prius ab illis obtemperata facultate. Præcepit enim Tridentina Synodus. sess. 24. de reform. Matrim. cap. 2. ut Parochus antequam ab Baptismum conferendum accedat, diligenter ut iis, ad quos spectabit, scisciteur, quem, vel quos elegerint, ut Baptizatum de sacro Fonte suscipiant, & eum, vel eos tantum ad illum suscipiendum admittat sub poena arbitrio Ordinarii. Hinc Beja apud La Croix de Bapt. num. 362. inquit, mortaliter peccare Parochum, qui, diu tardantibus Patris a Parentibus designatis, factus impatiens alium designat in Patrinum, quia facit contra jus Parentum obrudendo alium forte non gratum, vel cum quo nollet habere cognationem, quæ juxta Tamburinum, Tridentino innixum, in casu videtur cum hoc ab eis contrahi, eo quia sufficit designatio Parentum, vel Parochi. Deinde, etiam dato, quod fuisset periculum in mora, nullo modo adhibere debebat impubere ad tenendum Infantem; licet enim jure communi ætas necessaria ad Patrini munus obeundum determinata non sit, & propterea Gobat tom. 1. tract. 2. num. 555. dicat cum Barbosa, Patrinum de jure communi esse posse juniorem suo Filiastro; immo puer septennis, dummodo rationis compos, & baptizatus, ac habens intentionem faciendi id, quod in simili casu faciunt alii Patrini, possit id præstare, contrahendo etiam cognationem spiritualem, juxta Sanchez, Basilium, Pontium, & alios a Diana consentiente citatos part. 10. tract. 16. respons. 29. *vers. notandum est hic*; nihilominus quia in hac Synodo Bononiensi lib. 2. cap. 2. inter eos, qui rejiciendi sunt ab Officio Patris, recensentur etiam impuberes, solam Obstetricem potius adhibere debebat; nam, ut notum est ex Tridentino, non requiruntur necessario unus & una, sed sufficit unus, vel una.

CAS. II. Martinus ob rationabile motivum fuit dispensatus a Jejunio Quadragesimali. Q. an ex vi talis dispensationis immunis sit ab onere jejunandi etiam in Vigilia S. Mathiæ, & quatuor Temporibus occurrentibus in Quadragesima.

Respondeo cum distinct. Vel hujusmodi dispensatio fuit speciali, & ob aliquod particulare motivum universaliter extensa ad quancumque diem, etiam speciali non dignam, ut sunt dies Veneris, ac Sabathi; & tunc dico, Martinum, durante eodem motivo, ex vi talis dispensationis immunem esse ab onere jejunandi etiam in Vigilia, & quatuor Temporibus prædictis. Vel fuit generalis, & concessa juxta solitum propter aliquod motivum ordinariæ, ob quod scilicet solet quidem dispensari, excipiendo tamen dies speciali nota dignos; & tunc dico, Martinum etiam durante motivo, ex vi talis dispensationis non esse immunem &c. Ratio utriusque partis est, quia dispensatio ex una parte vim recepit a voluntate dispensantis, ex alia, quæ speciali nota digna sunt, ni aliquo speciali modo exprimitur, omissa esse censetur cap. *quis periculosum* de sent. Excom. in 6. Porro in primo

casu voluntas dispensantis ex ipsamet speciali ac universali dispensatione factis innoteſcit, præcipue ſi ad urgentium particularem motivi expoſiti, ob quod eadem diſpenſatio conceſſa fuit, habeatur reflexio; ſtatim namque inde percipitur diſpenſantem voluiſſe concedere diſpenſationem proportionatam exigentiæ potentis; quæ propterea ſi tanta ſit, ut ſit opus diſpenſatione etiam diebus ſpeciali nota dignis, (quemadmodum, ultra relatos, fuit etiam dies Vigiliarum, & quatuor Temporum) pro his quoque conceſſa intelligatur, quamvis de iis facta non fuerit expreſſa mentio; ſiquidem illud habeatur pro diſpoſito quod verſimiliter fuiſſet diſpoſitum, ſi diſponens fuiſſet de hoc interrogatus, ut ex pluribus iuribus colligit Everardus in Topica Juris loco a ſimili. In ſecundo autem caſu res ab oppoſito ſe habet: cum enim diſpenſatus non repræſentaverit motivum exigens diſpenſationem adeo ſpecialem & amplam, verſimile non eſt, quod Superior cum gravamine propriæ Conſcientiæ voluerit hanc illi concedere, ſed tantum, quod illi conceſſerit diſpenſationem generalem, nempe quoad illos dies, qui ſpeciali nota digni non ſint, adeoque quod excluſi intelligantur prædicti dies, quemadmodum intelliguntur excluſi dies Veneris, & Sabati, quamvis huiusmodi excluſio expreſſa non fuerit. In generali namque conceptione non veniunt quæ quis non eſſet verſimiliter conceſſurus, ut habet regula Juris in 6.

CAS. III. Agricola non habens par Boum, neque pecuniam ad eos emendos, dicit Petronio: Mutua mihi 30. aureos pro Bobus emendis & fatebor, a te conduxiſſe Boves, tribique tradam quantum dari ſolet pro labore, quam fert par Boum. Q. an ſine uſura id peragi poſſit.

Reſpondeo negative: eſt enim mutuum Bobus conductis coopertum, ut ſit maniſeſtum conſideranti, Boves in tali pecunia viventes nunquam mori poſſe locanti, nec ullis expenſis indigere. Hinc ceſſante omni periculo, & incommodo ex parte dantis 30. aureos, ſine labe uſuræ id peragi nequit. Dico, ceſſante omni periculo, & incommodo &c. Si enim mutuaturs ratione huiusce mutui damnum aliquod, vel lucrum ceſſans pateretur, cui non ſubeeſſet, ſi non mutuaret Agricola dictam ſummam, in tali caſu poſſet utique, ad ſe indemnem ſervandum, quid aliud exigere ultra 30. aureos mutuos, conformiter tamen ad regulas quoad Mutuum traditas a ſanis Doctõribus.

M E N S E M A R T I I.

CAS. I. **D**UO Pauperes, unus ſicte talis, alter vere talis, ambo tamen abhorrentes magnam pecuniæ ſummam ex collectis eleemoſynis confece-
runt. Q. an propter ſiſtionem, & pigritiam teneantur illam reſtituere veris pauperibus, & impotentibus laborare.

Reſpondeo, pauperem ſiſtum teneri ad reſtitutionem; non ſic pauperem verum. Ratio primæ partis eſt, quia in tali caſu dantes eleemoſynam decepti fuerunt circa obiectum Miſericordiæ, quod eſt miſeria vera, non ſiſta; etenim miſericordia ex D. Auguſtino, quem reſert Angelicus 1. 2. q. 30. art. 1. eſt alienæ miſeriæ in noſtro corde compaſſio, ratione cujus tribuitur eleemoſyna indigenti, ut ejus miſeria releveretur. Jam vero deceptio circa obiectum auferit conſenſum, ac propterea impedit translationem domini, ut patet exemplo Dotis relictæ pro Virgine, quæ ſi accipitur a puella ſolum putative tali, eam reſtituere tenetur, ni a Majori pœnitentiario cum ea fuerit diſpenſatum. Addo, eos fuiſſe deceptos etiam
1 circa

circa causam finalem; licet enim Charitas, & amor Dei sit causafaciendi eleemosynam in communi, & sic, ut dicam, sit causa remota; tamen causa proxima, ob quam sit eleemosyna huic in particulari, est ipsius miseria, quam repræsentat, & cui propterea quis intendit subvenire, ut recte inquit Maffrius disp. 7. de Rest. in comm. q. 2. art. 2. n. 42. Cum igitur error circa causam finalem, nōpote auferens consensum, reddat actum insubstantem, ideo &c. Ratio secundæ partis est, quia ille quantumvis piger, erat tamen vere pauper. Adverit tamen, & quidem recte Petrus Marchantius in Hor. Par. lib. 3. tract. 4. sect. 13. in fine quod cum Apostolus dicat: *Si qui non vult operari non manducet*, huiusmodi personæ pigre non merentur exculationem; homini namque dictum est: *In sudore vultus tui vesceris pane tuo*. Et de Muliere laude digna: *Digiti ejus apprehenderunt fufum . . . quæfivit lanam, & linum. Et operata est consilio manuum suarum*.

CAS. II. Pœnitens post diligens examen adhuc immemor numeri determinati peccatorum ejusdem speciei, expressit in Confessione numerum magis verisimilem, addita particula *in circa*. Nunc numeri determinati memor, petit an teneatur iterum de omnibus confiteri exprimendo numerum determinatum. Quid illi respondendum?

Respondendum, quod si numerus determinatus est minor numero verisimili expresso, aut in modico illum excedens, non esse necesse quidquam aliud exponere in Confessione, quia numerus minor jam majori expresso erat inclusus, & modicus excessus fuit sufficienter expositus per *ly in circa*, quod in prudenti judicio habet aliquam extensionem. Si vero est major notabiliter, tenetur Pœnitens exprimere ea peccata, quæ huiusmodi excessum constituunt, ex. gr. quis commisit 10. fornicationes, & confessus est, se commisisse 12. *in circa*, in hoc casu non est necesse quod Pœnitens iterum dicat, se fornicatum fuisse vigesies, sed sufficit quod dicat, se in præterita Confessione omisisse confiteri ex inculpabili oblivione quinque, aut sex fornicationes. Ratio est, quia *ly 12. in circa*, jam extendebat numerum ad duas, vel tres alias, non tamen ad octo alias: propterea illæ quinque, aut sex, quæ juxta prudens judicium in eo numero non includebantur, ideoque dicuntur constituere excessum respective notabilem, debent exponi in nova Confessione tamquam peccata oblita: ita Sporer, alique. Neque dicas, peccatum semel expositum ut dubium debere iterum exponi ut certum, quando ut tale cognoscitur; sicque etiam numerum expositum ut verisimilem debere iterum exprimi ut talem determinare, quando ita cognoscitur. Contra enim, transmissio antecedente, quod a pluribus negatur, signanter a Sporer, neg. consequ. Disparitas est, quia in primo casu peccatum neque fuit expositum quoad suam rationem essentialem specificam; ubi e contra per numerum propter verisimilem fuit expressus idem numerus determinatus, si non arithmetice, saltem moraliter, ut acute ostendit Pureobonellus de Pœnit. q. 3. art. 5. n. 12.

CAS. III. Confessarius ad extirpandam a Pœnitente consuetudinem profertendi verba turpia, imponit ei, ut quoties immoderum similia proferat, lingua formet Crucem in terra. Q. an Pœnitens teneatur id acceptare.

Respondeo affirmative, si Confessarius hinc judicat necessariam eamque illi imponat ad aliquod tempus diceretur, & exequendam in circumstantiis, in quibus absque infamia Pœnitens id peragere valeat. Ratio est, quia Pœnitens tenetur parere Confessario nedum ut Judici, verum etiam ut Medico; alias superflua in hoc esset potestas ligandi ad infirmitatis medicamentum, & Tridientinum superflue præscripsisset Confessarius, quod satisfactio-

nem imponat nedum in vindictam, & castigationem prætoriorum criminum, sed etiam ut frænum retrahens a futuris. Et hic nota, primo, hanc non esse in casu irrationabilem, & indiscretam; cum ex una parte aliquando nullum aliud remedium, experientia teste, sit hoc efficacius; & ex alia hujusmodi consuetudinarii multoties præbeant scandalum, cui, quantum fieri potest, est obviandum; Secundo, velle se submittere iudicio Dei quoad satisfactionem, esse simul velle diutius protrahere, quam par sit, partem integram Sacramenti, maxime si quis intendat Deo satisfacere in l'ugatorio. Deinde quis est certus quod eo ibit? Terrio, obligationem eam faciendi esse quid determinatum, ut recte tradit Viva; si tamen ista obligatio determinata non censetur sufficiens, imponatur Pœnitenti etiam aliquid aliud.

M E N S E A P R I L I S.

CAS. I. **L**ælius viri valde nobilis, ac divitis filius, illeceus magna pulchritudine Cajæ filiz Villici, spe Matrimonii eam defloravit. & ex animo cum ea inivit jurata Sponsalia de futuro. Nunc tamen prævidens maxima inconvenientia infallibiliter secutura, si cum ipsa Nuptias ineat, consultit Parochum, an, præmissis non obstantibus, possit tuta conscientia ab hisce nuptiis abstinere, quamvis Sponsa enixe insisteret pro illarum celebratione. Attenditur Parochi responsum.

Responsum Parochi est, Lælium in casu nedum posse, verum etiam debere ab hisce Nuptiis abstinere. Ratio est, quia ex una parte hujusmodi inconvenientia juxta communem sententiam præbent motivum plusquam sufficiens dissolvendi Sponsalia etiam jurata; juramentum enim non obligat, quando sine aliquo peccato etiam levi impleri non potest; immo nec quando illius implementum est contra bonos mores etiam naturales, ut perspicue tradit Glossa in cap. Si vero de jurejur. *Salutis æternæ*. Ex alia Stuprum non habet vim inducendi diversi generis obligationem, sed ad summum auget illam, quæ vi justitiæ oritur ex sponsalibus. Idcirco si imminens scandalum, si injuria, quæ parentibus, ac familiæ irrogaretur per hujusmodi Nuptias, si denique rationalis timor inimicarum &c. prædictam justitiæ vim taliter enervant, ut quamvis juramentum vim non immodicam alias superaddat Sponsalibus, hoc non obstante, tum eorundem Sponsalium, cum juramenti in casu tota via pereat, idem pariter dici debebit de illa vi, ei superaddita a Stupro; nunquam enim virtus justitiæ potest aliquem obligare ad implendum opus, quod sine peccato, & scandalo non est ipsi liberum adimplere; cum nullum peccatum, quantumvis leve, possit cadere sub præcepto, & imperceptibile sit; quod quis simul obligetur præstare id; quod aliunde vitare tenetur. Neque dicatur justitiæ contractus exigere, ut cum jam puella ex parte sua conditionem impleverit se copulæ submittendo, sic Siuprator, quod sua interest, impleat ipsam ducendo: Dico enim cum Giribald. & aliis, justitiæ nihil aliud exigere, quam æqualitatem. Unde enim ratione nimis disparitatis inter hæc personas, non ponatur æqualitas nubendo, quia sic una pars, nempe familia viri nimis præjudicata maneret, ideo alia via debet deflorator satisfacere puellæ, & parentibus ejus, nempe, ei dando tantam dotem, quanta puellæ sufficiat ad æque bene nubendum pro sua conditione, perinde ac si deflorata non fuisset, siquidem excessus Dotis, maxime inter villicos, de facili sanat istam plagam; & futuræ honestati, ac parentum factæ interim consoli potest per ingressum puellæ in aliquod Monasterium, seu Conservatorium, ut advenit Cardinalis de Luca de Dote disc.

disc. 142. num. 76. Et sane æquitas naturalis postulat, ut habeatur respectus etiam ad dedecus resultans nobili integræ familiæ ex altera parte, præcipue cum plurimum inter sit ipsimet Reipublicæ, ut nobilium familiarum decus integrum fervetur. Hinc non esse in casu dispensandum a denunciationibus inquit Pax Jordanus tom. 1. Eluc. Can. lib. 7. tit. 7. num. 51. Immo Judex debet interdicere hujusmodi Matrimonium. Dicaillus de Sponsal. disput. 10. num. 16. & patet ex cap. *Cum in tua de Spons.* ubi Glossa, & Panormitanus. Neque sic impeditur, sed potius perficitur libertas Matrimonii; cum filius non habeat jus ad Nuptias Patri, ac familiæ injurias, Dicaillus ibid. disp. 4. dub. 18. num. 179. Quod si opponas Ecclesiæ praxim, quæ in prosequendis causis Sponsalium, maxime juratorum, nihil ducere consuevit sive Parentum dissensum, sive Familiarum disparitatem. Nihil profecto veritati adversus dici potest, inquit Muscetola in eruditissima sua Dissertatione super hanc materiam; siquidem praxis Ecclesiæ non ab arbitrario alicujus dicto, vel facto, sed a Summorum Pontificum responsis, a Sacris Canonibus Conciliorum, sive Generalium, sive Parochialium, tandem ab Episcopis ipsis in Synodalibus Constitutionibus addiscenda est. Hæc autem pro nostra stare sententia ipse fulissime ostendit. Sufficiat pro nunc Tridentini testimonium sess. 24. de reform. Matrim. cap. 6. dicentis, quos S. Dei Ecclesia ex iustissimis causis Matrimonia ista similia semper detestata est, atque prohibuit.

CAS. II. Petronius pluribus debitis magnæ considerationis gravatus, relictus fuit ab Uxore defuncta dominus pinguis dotis, sicque potens commode suis Creditoribus satisfacere, si in statu viuali perseveret; secus vero si transierat ad secunda vota. Q. an in hoc casu possit licite iterum contrahere Matrimonium.

Respondeo cum distinctione: Vel Petronius iterum non contrahendo incurrit grave periculum incontinentiæ; vel non. Si non; dico ipsum non posse licite iterum contrahere, quia sic esset negligere medium aptum ad satisfaciendum Creditoribus, cum iis facile possit satisfacere. Si incurrit; dico, ipsum posse licite iterum contrahere, licet enim quis teneatur ponere media conducentia ad finem, quando hæc sine gravi incommodo poni possunt; non sic tamen quando hæc poni nequeunt sine gravi periculo salutis æternæ. Neque dicas, obligationem solvendi debita esse juris naturalis; ut enim bene responder La Croix de Restitut. num. 442. non est juris naturalis absoluti, sed conditionati, si nempe ea solvi possit sine damno graviore, maxime in bonis altioris ordinis: Ita omnes DD.

CAS. III. Colonus fodiendo terram in prædio sui Domini, invenit subtus quamdam antiquam maceriem quamplures monetas aureas maximi valoris. Q. an possit absque peccato sibi totam summam retinere.

Respondeo, in hypothesi, qua non constet ad quem spectent tales monetæ, sic esse distinguendum. Vel Colonus eas invenit casualiter, vel ex naturali industria. Si primum; dico, ipsum non posse licite sibi retinere totam summam; quamvis enim jure Gentium tales monetæ sint omnes primi inventoris; tamen jure Civili, quoad hoc isto casu attemperante jus Gentium, medietas earundem debetur Domino Fundi; cumque ista lex non sit pœnalis, sed dispositiva, & communi praxi ac consuetudine recepta, obligat in conscientia etiam non interveniente Judicis sententia. Si secundum, dico ulterius, attendi debere, an Colonus eas quæsierit cum legitimo consensu, an vero sine legitimo consensu Domini illius Fundi,

aut cum consensu per fraudem & dolum extorto, puta, cum prætextu inde eruendi aliquantulum arenæ, vel lapidum, & sic occultando inquisitionem monetarum; si eas quæsit cum legitimo consensu, potest colonus eas omnes sibi licite retinere, dato quod appositum non fuerit aliquod pactum in contrarium, indubie observandum; cum enim lex Civilis pro isto casu Domini consentientis nihil statuerit, pro eo adhuc viget jus Gentium, rem inventam totam adjudicans primo inventori. Si autem illas quæsit sine consensu, aut cum consensu per fraudem, & dolum extorto; dico, non quidem ante sententiam Judicis, cum agatur de lege pœnali, & quæ non privat inventorem ipso facto, sed post Judicis sententiam, Colonum teneri omnes monetas inventas tradere Domino Fundi, sic enim jura sanxerunt in pœnam mittentis manum in Fundum alienum sine consensu Domini, qui etiam in casu fraudis, & doli non præsumitur intervenire, & propterea sit adest perinde ac si non adestet. Ita DD. communiter, hoc addentes, quod si per Magiam fuissent inventæ, totum id, quod alioquin cessisset inventori, Fisco cedit. Vide Continuatore Oper. Tournely de Jur. cap. 3. art. 4. sect. 2. punct. 2.

M E N S E M A I I.

CAS. I. Parochus alienata sine licentia Cuppa Calicis spectantis ad Ecclesiam, ex nummis inde susceptis comparavit munuscula quædam, quibus paulatim ad Stuprum induxit puellam suam Parochianam. Q. quot peccata commiserit, & an incurrerit Censuram latam a Paulo II. in Extravagant. *Ambitiose*.

Respondeo, quod primam partem, plura hunc Parochum commisisse peccata: si enim Cuppa Calicis erat adhuc apta Sacrificio, & hoc non obstante, eam vendidit ut suam, sine animo reficiendi Ecclesiæ damnum, peccavit peccato furti sacrilegi, peccare infidelitatis in custodiendis rebus Ecclesiæ suæ curæ commissis, & peccato inobedientiæ, per aliquos divino, per alios humano, de rebus Ecclesiæ non alienandis. Item commisit tot peccata mentalis stupri sacrilegi, quod habuit deliberata desideria desipiendi puellam moraliter distincta; quibus singulis addenda est malitia incestus, si cognationem spirituales aut carnales cum illa habebat. Commisit etiam tot peccata scandalii, quot interpolatis vicibus eandem ad malum inducere tentavit, non enim requiritur ad peccatum scandalii activi quod actu sequatur personæ tentatæ ruina, sed sufficit mala actio externa inducentis, ut inter alios cum Navarro recte tradit Alphonsus de Leone. Si his omnibus addas stuprum reale sacrilegum, aut, si vis, sacrilegam realem fornicationem, nec non innumeros præcedentes turpes aspectus, & forte etiam tactus consimiles, præsciendando nunc a constituentibus quid unum cum copula, facile percipies quot peccata commiserit indignus Parochus.

Quoad secundam partem, me non latet Decretum S. Congreg. Concilii, extendens parvitatem materiæ usque ad 25. aureos, scutis 40. monetæ Romanæ æquivalentes. Quoniam vero eadem S. Congreg. teste Fagnano in lib. 3. Decretal. de reb. Eccles. non alien. etiam dixit, tutum non esse definire in hac materia, quænam res sint exiguæ, sicque ad quos limites materiæ parvitas reducatur; ideo saniores Theologi, & Canonistæ dicunt, hanc esse determinandam habito respectu ad majores, vel minores talis Ecclesiæ facultates, ad circumstantias loci, ac temporis,

ris, & ad consuetudinem; Propterea si valor Cuppæ alienatæ a Parocho, habito respectu ad hæc omnia, iudicio viri prudentis adhuc censetur exiguus, ille erit a dicta excommunicatione immunis; secus vero si secus, ni forte alienationis tempore ignorantia non affectata huiusmodi censuram ignorasset, aut ad illam non advertisset, quo casu adhuc esse ab illa immunis; sicuti juxta Filiucium in simili casu immunis etiam esset ab illa Tridentini, quæ est Summo Pontifici reservata.

CAS. II. Puella quædam domi a Clerico sollicitata ad turpia, huic inflixit alapam. Q. an ob id sit excommunicata.

Respondeo cum distinctione; Vel huiusmodi sollicitatio tota consistebat in verbis; vel admixtum habebat aliquod factum. Si primum, & Puella poterat etiam solis verbis sollicitantis temeritatem retundere, ac quodlibet ulterius attentatum cohibere, dico, eam esset excommunicatam, ni forte, castitatis, & proprii honoris amore percita, in incontinenti, & quasi non advertens ita excesserit. Ratio est, quia in tali casu prætergressa notabiliter est fines moderatæ defensionis, ob quam solam Sacri Canonis permittunt Clerici percussione, ut patet ex cap. *Significasti* de homic. & tradunt Innocentius in cap. *Olim* 1. in fine de restitut. Spol. Hostiensis, alique communiter. Si secundum subditilinguo: Vel Puella poterat alia via se ab eo liberare, puta, per fugam, aut acclamando, vel non. Si non, certe non est excommunicata, neque peccavit ei alapam infligendo, quia tunc vere fuit iusta, & moderata defensio, permixta in cap. *Si vero*, 1. & cap. *ex tenore*. Si autem alia via poterat se ab eo liberare, dico, eam non esse immunem ab Excommunicatione, dato quod Clerico infligeret alapam ex proposito; tunc enim tenebatur aliam viam amplecti, ex gr. fugiendo, aut clamando, ut constat ex superius adducta ratione. Vide Sayrum de Censur. lib. 3. cap. 27.

CAS. III. Fure fugiente cum re ablata, quis consulit Domino, ut, ad recuperandam rem suam, Furem insequatur; evenit autem, ut ille huiusmodi consilium exequens, occidatur a Fure. Q. an Consulens propterea evadat irregularis, ac teneatur refarcire damna ex tali morte secuta.

Respondeo cum distinctione: Vel Consulens, dândo tale consilium, non advertit ad periculum occisionis Domini; vel ad illud avertit, sed noluit de eo Dominum monere. Si primum; dico, Consulentem, secuta occisione, neque evadere irregularem, neque teneri ad refectionem damnorum. Ratio est, quia ubi nulla intervenit culpa, nec irregularitas, de qua agitur, nec ulla obligatio refarciendi damna potest intervenire, cum utraque delictum supponat, quod in casu non est in Consulente; hinc enim ex una parte aliud non intendit, quam suggerere Domino modum recuperandi rem suam, si ille id censebat expediens; ex alia nihil aliud, quam bonum intendebat. Si secundum; dico, Consulentem evadere irregularem, non tamen teneri ad refectionem damnorum. Ratio primæ partis est, quia, prævisio periculo occisionis Domini, vel huic consulere non debebat insecutione furis, vel saltem simul etiam hunc monere debebat, ut furem insequendo adhiberet debitam cautelam; alius ipsum exponebat periculo ibi etiam amittendi vitam, ubi res suas recuperare tentabat; notum enim est, fures non solum incedere sine armis, & quamvis ut plurimum timidi sint, nihilominus aliquando insolefcunt, & currunt. Hinc, cum ob talem omissionem Consulens revera fuerit in culpa, secuta Domini occisione, utique censendus est irregularis; licet enim sine gravi culpa regulariter non contrahatur irregularitas ex homicidio casuali, tamen quæcumque negligentia,

ria, ex qua sequitur vitæ jactura, mortalis evadit, ut cum Avila, & Gibalino notat Continuator Operum Tonnely, de Irregul. part. 3. c. 1. cui consonant Hostiensis, Joannes Andreas, alique celebres Canonici Juris Interpretes in cap. *Significasti* 1. Ext. de hom. dicentes sufficere culpam levissimam; cum in his casibus non detur culpa levis, nisi ratione sobrepitionis, & animadvertentiz. Ratio secundæ partis est, quia, ut cum Lessio, Sayro, & aliis inquit Bonacina de restit. in gen. disp. 2. quæst. 2. punct. 7. num. 16. Consulens non coegit Dominum insequi suum, sed liberum hoc illi reliquit; propterea cum nullam contra Dominum commiserit injuriam, non adest motivum sufficiens ipsum obligandi ad refectionem damnorum, ut tradit etiam Rosignolus de rest. 1. disput. 11. §. 39.

MENSE JUNII.

CAS. I. **S**ergius approbatus ad sex menses pro excipiendis Confessionibus Sacramentalibus, non advertens lapsum esse tale tempus, absolvit Pœnitentem a peccato inculpabiliter obli- to in Confessione ipsi facta intra Semestre approbationis. Q. an hujusmodi Absolutio sit valida.

Respondeo affirmative, quia interveniente errore communi saltem una simul cum titulo colorato, Ecclesia supplet, seu conservat jurisdictionem in Confessario ob bonum commune, publicam quietem, & ad evitanda inconvenientia, & scandala, quæ secus evenirent, ut, & habetur ex l. *Barbarius* ff. de Offic. Præst. & Can. *Infamis* 3. quæst. 7. Propterea cum in casu nostro intervenit error communis, quia omnes credebant, Sergium habere potestatem Jurisdictionis cum approbatione ad absolvendum; & cum etiam adfuisset titulus coloratus, nempe, licentia audiendi Confessiones, cum ignorantia, quod esset jam terminata; ideo dicendum, quod valida sit illa Absolutio. Ita Innocentius in cap. *Dudum* de Elect. & ibid. Panormitanus. Item Bossius, Giribaldus, omisso aliis, Cardenas, qui differt. 2. cap. 6. num. 149. testatur se non invenisse Authorem, qui contradicat huic opinioni, quæ propterea certa communiter reputatur.

CAS. II. Capellanus monitus ab amico, quamprimum minuendum fore a Principe valorem monetarum, mutat Cajo certam quantitatem Duplarum cum pacto, solutionis tempore reddantur juxta valorem, quo traduntur. Q. an licite.

Respondeo affirmative cum Bonacina de Contr. dif. 3. quæst. 2. punct. 5. num. 14. Lessio, & aliis, dummodo seclusa fuerint mendacia, ac dolus, a quibus Capellanum abhorreere credendum est. Ratio est, quia in primis tempore mutui Duplæ illæ revera tanti valent, ac pro tanto idem etiam mutuatarius potest illas expendere, aut impendere, si diu differet. Deinde illa notitia particularis, quam habet Capellanus, non reddit illum deterioris conditionis, nec aufert communem æstimationem illarum Duplarum, in qua fundatur justus valor, ac pretium earundem. Propterea si Capellanus mutuat eas cum pacto prædicto, utitur jure suo, non minus ac ille, qui vendit merces præio currenti, non obstante particulari notitia, quam habet proxime futuræ diminutionis pretii earundem ob ingentem ipsarum copiam, quæ proxime adveniet. Addo, mutuatarium posse in mutuum recipere hujusmodi Duplas cum pacto easdem reddendi in eodem valore, quamvis probabi-

habilitate credat, brevi augendum esse valorem earumdem, ut cum Cardinali de Lugo tradit Clericatus decis. 29. num. 24. Quare ergo idem dicendum non erit in casu nostro de mutuante?

CAS. III. Juvenis oculis, ac manibus lascivians, pluries turpiter tetigit mulierculam, aliamque sæpius turpiter aspexit, semper tamen sistendo in sola voluptate actus, & aspectus, nec unquam in desideria prolabendo. Q. an teneatur exprimere in Confessione qualitatem personæ sive tactæ, sive aspectæ.

Respondeo, Doctores communius affirmare, eo quia non solum tactus, verum etiam aspectus, quando sunt turpes, idest, facti cum delectatione venerea, ex natura sua ordinantur ad copulam, adeoque participant maritalium finis; qui propterea sicut exigit expressionem qualitatis personæ, cum qua quis coivit, ita &c. Verum quoad aspectus sic distinguo: Vel Juvenis turpiter aspiciens mulierculam, stetit in illo aspectu delectabili mulieris quatenus pulchræ, nulla ulterius facta reflexione ad illius qualitatem; & tunc dico, necesse non esse, ut exprimat in Confessione illius qualitatem: vel stetit in illo aspectu delectabili mulieris ut formaliter pulchræ, conjugatæ, aut virginis, aut &c. & tunc dico, exprimendam esse qualitatem personæ nedum tactæ, verum etiam aspectæ. Ratio est, quia objectum non specificat actum utcumque, sed prout idem objectum est in apprehensione; sic enim est bonum, vel malum moraliter, & constituit actum in tali specie bona, vel mala. Hinc quia ut plurimum turpiter aspiciens mulierem, sistit in venereo aspectu illius ut pulchræ, multoties neque reflectendo ad illius qualitatem, an nempe sit conjugata, vel virgo &c. ideo Puteobonellus de Pœnit. qu. 3. art. 4. n. 9. cum Tamburino ait, aspectum, non vero tactum, abstrahere a circumstantia personæ, quæ aspicitur, ideoque illam non esse necessaria in Confessione exprimenda: Quoad tactus postea, cum sint actiones per actum externum proxime exercitæ circa objectum ipsum, puto, exprimendam esse objecti qualitatem.

MENSE JULII.

CAS. I. **F**amula sui Hæri Concubina talē inter angustias repetitur, ut si a Concubinario declinet, infamiz notam incurrat, cum periculo etiam aut meretricandi, aut in extremam necessitatem incidendi; si vero in ejus domo permaneat, & illi voluptuose inservire recuset, rationabiliter mortem, vel saltem vulnera timeat. His in angustis consulit Confessarium, quid sibi agendum. Attenditur consilium Confessarii.

Consilium Confessarii hoc est, quod ipsa eadem die discedat ab illa domo, humiliter se Deo commendans, ac nihil metuens, cum enim Deus sit adiutor in opportunitatibus, in tribulatione, providebit illius famæ, & indigentiz: si ipsa bene se geret, & non abhorrebit a labore. Nec Famula desistere potest ab hujusce consilii executione; nam ex una parte Anima præferenda est cæteris rebus l. *Sancimus* §. penult. C. de Sacros. Eccl. ex alia malum Concubinitus est præsens, in re, practicum, atque irreparabile in hoc casu (si non erat ab illo domo) nisi cum vitæ dispendio. E contra malum infamiz, aut extremæ paupertatis, est in solo periculo, & alia vita reparabile, cum non desint tum humana; cum divina suffragia iis; qui corde sincero Deum querunt. Quod si, non obstantibus hisca suasionibus, ipsa nolit ab ea domo divertere, adducens prætextum infamiz,

mix, & paratam se ostendens potius ad mortem subeundam, aut vulnera; non est absolvenda, quia rationabiliter dubitari potest, ac debet, quod sicte promittat, cum sic velit se denuo exponere evidenti periculo iterum succumbendi peccato minis territa; nemo enim pro quacumque magna fama prudenter eligit mori, inquit Lessius de Just. lib. 2. cap. 12. Deinde cum inhabitatio in eadem domo cum Concupinario sit occasio proxima removibilis, edocta ab experientia præterita, debet illam declinare; nec debet pluris æstimare periculum infamix, quam periculum graviter offendendi Deum, & perdendi animam suam? Deus enim, & Anima etiam famæ præferri debent.

CAS. II. Parochus baptizavit Infantem invito ejus Patre Judæo; consentiente tamen Avo paterno Fideli. Q. an licite.

Respondeo affirmative: cum enim Avus sit stipex, & caput omnium tam masculorum, quam fœminarum, per lineam virilem descendit, ut patet ex l. *Nepotes ff. de his: & §. Qui igitur instir. de pat. potest.* illius consensus anteposendus est dissensui parentum, præcipue in materia Religionis, ut recte ait Tonellius Manud. Infid. ad fid. concl. 8. n. 2. nam quoque vivit Avus, Parens nequit habere alios in sua potestate, cum ipse tunc sit in potestate Patris, & qui ab alio possidetur, alium possidere non possit; l. *Si eveniet ff. ad l. Juliam de adul.* Quod si opponas periculum deinceps judaizandi cum parentibus; dico, tali periculo occurrere cum Infans, recepto baptismate, educatur apud Fideles, ut fieri solet. Confule Tonellium loc. c. ac ibi videbis tempore Clementis VIII. ac Urbani VIII. sic fuisse practicum Romæ.

CAS. III. Valerianus prævidet sibi securam pollutionem nocturnam, si crecendo comedit tales cibos, vel cibos tali modo condito. Hoc non obstante, abstinere non vult a tali comestione; inquit enim: Talis comestio prohibita non est. Q. an pollutio inde subsequens sit illi imputabilis ad culpam.

Respondeo negative, si non comedit hujusmodi cibos ad hunc finem ut sequeretur pollutio, neque in eam consensit quando secuta fuit, neque de ea postmodum sibi complacuit. Ratio est, quia tunc evenit per accidens, ac præter intentionem: comedendo namque illos cibos, præcise habuit animum, utendi jure suo, faciendo hujusmodi comestionem non prohibitam, nec illam saditatem ullo modo intendit. Neque dicas, eam intendisse indirecte, vel in causa, volendo directe illam comestionem, ad quam sequebarur. Contra enim cum illa comestio non esset causativa pollutionis ex se, & suapte natura, potuit solum eam prævidere ut securam per accidens. Jam vero effectus subsequens ad causam licitam solum per accidens, quamvis prævisus, non est imputandus ad culpam ei, qui apposuit talem causam, secus deberet quis abstinere ab equitando; & Confessarii, Medici, ac Chirurgi relinquere deberent suum ministerium, etiam in casu, quo remotum esset omne periculum consensus in tales motus; & qui sentit pruritum in his partibus, non postea licite se perficare etiam ad solum finem sedandi pruritum, quia aliquando sequitur spirituum commotio; quod sane quandoque est moraliter impossibile omittere. Ita Bossius de Confess. scrupul. tit. 1. §. 16. n. 2205. Giribaldus, Vivva, alique communiter.

CAS. I. **D**omitilla Vidua se gravidam sentiens ex carnali concubitu cum Marito Sororis sui Conjugis defuncti, ad evitandam infamiam procuravit abortum. Q. an a peccato illius concubitus, ac crimine abortus absolvi possit a quolibet Confessario.

Respondeo, peccatum talis concubitus de se utique esse absolvibile a quolibet Confessario in hac Diocesi; tum quia non est incestus, cum Affinitas non pariat affinitatem; tum quia etiam si esset huiusmodi, hic reservatio talis peccati non est quoad feminas, sed quoad mares tantum. Circa crimen abortus postea videndum est, an factus esset animatus, vel inanimatus: si enim non erat animatus, etiam, effectu secuto, absolvi potest a quocumque Confessario, cum ille casus non sit reservatus. Si vero erat animatus, non secuto effectu, potest absolvi; secuto autem effectu, requiritur pro tali absolutione Confessarius specialiter ad hoc habens facultatem, juxta praescriptum a Gregorio XIV. in Constitutione incip. *Sedes Apostolica*, ubi pro tali crimine lata est etiam Excommunicatio ab eodem Pontifice ibidem Episcopo reservata, ut inter alios notat Giribaldus de Poenit. cap. 15. §. 5. num. 60.

CAS. II. Viator sui juris, ac valde dives, ne occideretur a latronibus, in quos inciderat, ex animo, immo cum juramento, illis promissit certam pecuniae quantitatem, si illis dimitterent. Ob eam rem fuit dimissus incolumis; nunc tamen in tuto positus, recusat implere promissum. Q. an teneatur solvere.

Respondeo affirmative: sic enim expresse colligitur ex cap. *Debitorum* de jurjur. Et ratio est, quia licet non mereatur Latro, ut ei promissum servetur, meretur tamen Deus, ut detur res promissa per ejus nomen. Propterea Viator, qui promissit pecuniam cum juramento, & ex animo, id est, cum vera intentione se obligandi, debet vel obtinere ad Episcopum relaxationem juramenti, antequam labatur terminus praefixus solutionis; vel solvere, ne verificetur quod Deus factus fuerit testis falsitatis. Neque solvendo Viator cooperaretur injustae receptioni in tali casu, nam ipse praecise faceret quod sua interest, relinquendo postea in arbitrio Latronis pecuniam solutam acceptate, vel non. Ita DD. communiter.

CAS. III. Infante periclitante, Oblectrix illum domi baptizavit, sed cum substantiali voluntaria mutatione formae. Post annos quindecim id refert Parocho in Confessione, monens ipsum, ut propterea consulat spirituali saluti talis adolescentis; caute tamen, ne ipsius crimen deregat illi, aut aliis Parochianis, probe conficiis, ipsam scire conferre baptismum, ac talem juvenem ab ea fuisse baptizatum. Q. quid agendum a Parocho in isto casu.

Respondeo, Parochum in hoc casu curare debere, ut prima occasione Doctrinae Christianae inter alios intersit etiam noster Adolescens, & sumpto aliquo praetextu, facere ut hic stet prope ipsum. Inde serventi sermone habito circa necessitatem Sacramenti Baptismi, omnes adstantes vehementer horabitur, ut una simul cum actu doloris de omnibus peccatis ab eis commissis, eliciant actum desiderii recipiendi tale Sacramentum, si forte ab aliquem defectum illud valide non recepissent. Postremo, sumpto praetextu illos benedicendi cum aqua lustrali, prius benedictio aspersio, per asperionem baptizet (proferendo submissa vo-

ce formam) nostrum Adolescentem ipsi vicinum, dein successive benedicat alios; & sic salvo sigillo Confessionis, salva fama Obstetricis, consultum sufficienter erit saluti spiritali ejusdem Adolescentis, non obstant illius inadvertentia: quamvis enim advertentia, quando adest, plurimum profit ad uberiores fructus; non est tamen necessaria ad valorem Sacramenti, suppositis omnibus aliis requisitis, ut recte tradit Rosignolus de Bapt. quæst. 3. att. 4. §. 4.

[MENSE SEPTEMBRIS.]

CAS. I. **T**itius ob plura peccata luxuriæ cum sœminis commissa graviter increpatus a Confessariis, vovit impoſterum non amplius concumbere cum aliqua sœmina. Q. an licite possit Matrimonium contrahere, & consummare, prius non obienta solutione ab emissi voti ligamine.

Respondeo cum distinctione: Vel Titius, emittendo hujusmodi votum, habuit intentionem se obligandi ad abstinendum deinceps a quocumque concubitu, sive illicito, sive licito; & tunc certe, si vult contrahere, & consummare Matrimonium, requiritur dispensatio. Vel solum intendit se obligare in subiecta materia, hoc est, ad abstinendum a concubitu illicito, ob cujus frequentem, aut repetitum usum fuerat graviter increpatus a Confessariis, & tunc opus non est dispensatione, si velit Matrimonium contrahere; votum enim est quedam obligatio particularis, quam sibi quis imponit, & propterea tantum obligat, quantum quis intendit se obligare. In dubio postea, an Titius intenderit se etiam obligare ad abstinendum a concubitu Matrimoniali, non requiritur dispensatio; quia cum in dubio possessio stet pro libertate, censetur ad hoc se non obligasse; ubi enim agitur de obligatione inducenda, facienda est stricta interpretatio; & vovens præsumitur se minus obligare, ut ait Panormitanus in c. *Ex parte de Censibus* num. 3. & 4. Vide Bossum de Conf. dub. part. 2. tit. 2. §. 45. num. 1666. & seq.

CAS. II. Mutuatarius omnino inscius, quod mutuans in actu contractus intenderit mentaliter lucrum ex ipsomet mutuo, exactionis tempore ultra sortem ei tradit aliquid ex amicitia, aut liberalitate. Q. an mutuans possit tuta conscientia tale plus accipere, & acceptum retinere.

Respondeo cum distinctione: Vel Mutuans, ex circumstantiis conjiciens Mutuatarium ipsi tradere hoc plus ex pura gratitudine spontanea, mutat primam intentionem, & tale plus recipit præcise juxta motivum dantis; vel eandem intentionem servando, illud plus recipit tanquam lucrum ex mutuo ratione mutui. Si primum; dico, ipsum quidem peccasse peccato usuræ mentalis, pro usque persistit, ac quoties repetit illam pravam intentionem. Si hac tamen exclusâ, recipit tale plus ex mera spontanea gratitudine, seu ex amicitia, & liberalitate, neque illicite illud accipi, neque tenetur acceptum restituere: nihil enim intervenit, ratione cujus tam receptio, quam retentio evadat injusta; tunc enim illud plus est donum gratuitum, debito modo acceptum, & datum. Si secundum; dico, Mutuantem, illud plus usurario accipere, ac propterea, ut injuste acceptum, & acquisitum, debere illud restituere; nam illa intentio corrupta, quam habet in actu receptionis, vitiat ipsam acceptionem, licet aliquin posset esse licita; & retentionem rei, alias futuram a peccato immunem. Ita DD. communiter.

CAS. III. Sumpſtis a pertranſeunte omipeta duobus uvæ racemis, Villicus ei

ei obviam factus, impiegit illi totidem calces, & pugnos. Q. an per hoc inciderit in casum Bullæ Coenæ.

Respondeo negative; in calces, & pugni fuerint adeo bestiales, ut (quod neque apparet perceptibile) per tales ictus alienius partis corporeæ facta fuerit aperitio, aut mutilatio, vel ipsius Romipetæ interfectio; verba etenim Bullæ sunt hæc: *Item excommunicamus, & anathematizamus omnes interficientes, mutilantes, vulnerantes &c. Romipetas, seu Peregrinos &c.* quæ verba debent intelligi in suo sensu proprio, & rigoro; cum agatur de re adeo odiosa, sicuti est excommunicatio maior Summo Pontifici reservata. Vide Syrum Placentium Dilucid. part. 1. cap. 3. dub. 6. Bonacinam, Duardum &c.

MENSE OCTOBRIS.

CAS. I. **C**apellanus sceminæ accedenti ad ipsi confitendum dicit e Confessionali: *Vade ad confitendum alteri Confessario; cum enim sis tua pulchritudine captus, timeo ob infirmitatem meam aliquem lapsus, si mihi confitearis. Q. an sit denunciandus.*

Respondeo affirmative cum Caliopalaio, quem refert, ac sequitur Eminen-
tissimus Cozza in Dubiis selectis dub. 27. uum. 168. Ratio est, quia illa verba, *cum enim sis tua pulchritudine captus*, equidem non referuntur ad pulchritudinem Animæ, sed ad illam corporis, a qua dum se captum dicit, clare ostendit quoniam amore illa prosequatur, nimirum, inhonesto & turpi; cujus stimulis etiam se adeo premi fatetur, ut si illius Confessionem exepiat, nec ipsemet sciat, an sacrosancti Ministerii exercitium, loci sanctitas, & apprehensio gravissimi scandali alias secuturi, futura sint satis ad cohibendam impuram flammam; & propterea illi suadet, ut ad pedes alterius Confessarii se conferat pro expiatione propriæ conscientiæ. Hæc omnia peracta a Confessario in loco ad audiendas Confessiones deputato, & occasione Confessionis, meo videri, plusquam sufficient ad inducendum onus, ipsum Sanctissimæ Inquisitioni denunciandi.

CAS. II. Igne casualiter applicito domunculæ mulieris, quæ recenter parturit; Parochus parum distans illico fuit acersitus, ut iret ad ibi baptizandum Infantem, & daudam Absolutionem mulieri ab omnibus derelictæ, nec potenti e lecto surgere. Is tamen ob rationabilem metum mortis, moluit illuc inrrare, quamvis adesset tempus & se conferendi, & prædicta perageudi. Q. an talis omisio sit illi imputabilis ad culpam.

Respondeo affirmative cum S. Thoma, Suarez, cæterisque communiter, ut videre est apud Barbosa de Off. & Potest. Parochi, c. 17. num. 12. tenetur enim ea iustitia, non solum cum probabili, verum etiam cum certo periculo suæ vitæ corporalis, consulere necessitati spirituali suorum Parochianorum. Et sane si ordo Charitatis postulat, ut unusquisque in extrema necessitate spiritali proximi sui, potens ei succurrere, illi succurrat etiam cum certo periculo vitæ propriæ, ut mente Sanctorum Augustini & Thomæ de communissima sententia testatur Spoter tract. 3. in 4. præc. Dec. c. 6. sect. 4. num. 125. quanto magis ad id tenebitur Parochus, cujus sunt oves propriæ, & qui ad hoc alitur, ut de iis, quæ nedum necessaria sunt, verum etiam utilia, ad spiritalera saltem, suis Parochianis provideat? *Bonus Pastor animam suam dat pro ovis suis*, inquit summa veritas Christus, Jo. 3. Et 1. Jo. 3. legitur: *In hoc cognovimus Charitatem Dei, quoniam ille animam suam pro nobis posuit, & nos debemus (nota istud verbum debemus) pro fratribus animas ponere.* Propterea
S. Au.

S. Angustinus lib. de men. cap. 6. inquit : *Temporalem vitam suam pro aeterna vita proximi non dubitabit Christianus amittere*. Et ratio est, quia vita spiritualis, etiam aliena, utpote majus bonum, ac bonum ordinis altioris, praeferi debet saluti corporali cujuscumque viventis. Ex his patet, quam graviter nosse Parochas deliquerit, maxime in casu, quo periculum vitae erat solum probabile, & per actum Contritionis poterat sibi consulere.

CAS. III. Rusticus certus de debito olim contracto, incertus vero an suo Creditori, nunc defuncto, satisfecerit, se immunem credit ab onere solvendi istius haeredibus, eo quod hic, & nunc dubium sit, an sit adhuc debitor. Q. an sana sit haec rusticana doctrina.

Respondeo negative : ex quo enim hic & nunc dubium sit, an sit adhuc debitor, potius credere debet, se non esse immunem ab onere solvendi haeredibus Creditoris, cum in casu possessio sit pro obligatione certo contracta, quam sane non adaequat, & a qua non eximit solutio dubia, sicuti dubium de Voto impleto, aut de Officio perfoluto, non eximit ab onere implendi Votum, & recitandi Officium. Neque dicas, in dubio meliorem esse conditionem possidentis ; nam ex hac regula potius eruitur, Rusticum in casu teneri ad solvendum, cum, juxta dicta, possessio sit pro obligatione cerro contracta. Tenetur ergo in casu solvere haeredibus defuncti, & quidem in integrum, ni certus sit de pariali solutione jam facta, ut contra Layman recte tradit Merolla disp. 3. de conf. c. 3. dub. 1. n. 65. in fine ; possessio enim sit pro obligatione totali, & executio obligationis, utpote quid facti, non praesumitur, nisi probetur, ut apud Boellium tradit Mascardus de probat. concl. 737. n. 1. Hinc sicuti in dubio, an quidquam Officii recitaverim, teneor totum Officium recitare, ita &c. Vide Merollam l. c. id asserentem quonque in casu, quo etiam Creditor de solutione dubitaret.

M E N S E N O V E M B R I S.

CAS. I. **B**ertha ad fidem conversa rem habuit cum Cajo, qui tenuerat ejus filium ad Baptismum, dum, ipsa adhuc in Judaica perfidia persistente, solus ejus Vir fuerat Catholicam religionem amplexus. Q. an talis concubitus sit incestuosus.

Respondeo negative, quia Bertha non erat Cognata spiritualis Caji, hanc enim cognationem non contraxit quando ejus filius seie baptizatus ; nam tunc, utpote Judaea non suberat legibus Ecclesiae ; non postea quando fuit baptizata ; quia quod ab initio non subsistit, tractu temporis non firmatur ; ut cum Sanchez Bonacina, & aliis communiter tradit Continuator Operum Tournely tom. 3. tract. de Dispens. in spec. part. 1. cap. 4. de imped. Cognat.

CAS. II. Executor testamentarius ex lectione Testamenti conjiciens, Sergium reliquisse pro anima sua centum Missas, ut id executioni manderetur, Amico scribit Forosempronium, ubi juxta taxam Synodalem elemosynam pro Missis est Julius Urbinus, minor Romano per tres asses cum dimidio circiter, reliquum, quod hic dari solet, sibi retinendo tanquam fructum industriae. Q. an id licite fieri possit.

Respondeo negative : non enim locum habet fructus industriae, ubi totum est sub praeepto tradendum, sicut in casu praecipiant tot Constitutiones Pontificiae, & S. Congr. Concilii, damnabile lucrum appellantes quamcumque retentionem partis elemosynae in hisce casibus. Sufficiat, ad id cla-

clarius dignoscendum, animadvertere S.^o Pontificem, simulque Archiepiscopum nostrum Benedictum XIV. fel. rec. in sua Constit. edita die 30. Junii 1741. declarare, quod si Laici, sive Sæculares, parte stipendiorum sive retenta, sive ibidem, sive alibi, ubi minora stipendia tribuntur, Missas celebrari fecerint, præter alias pœnas ad Episcopi arbitrium, excommunicationis pœnam, si Clericus, sive quicumque Sacerdos, pœnam Suspensionis, ipso facto incurrant, a quibus nullus per aliam, quam per Romanum Pontificem, nisi in mortis articulo constitutus, absolvi possit.

CAS. III. Detentus in Carcere, non valens aliter vitare mortem, ac patibuli infamiam, occidit Custodem Carceris, & fugam arripuit. Q. an id facienda peccaverit.

Respondeo, quidquid sit quod speculative loquendo sententia negativa in aliquo casu possit habere locum, ut inquit Lugus, Diana, Panimolla, & alii; præctice tamen absolute dicendum est, quod detentus in Carcere licite non possit occidere Custodem Carceris: nam in primis nemo, saltem regulariter, damnatur ad mortem nisi servato juris ordine; deinde cum unusquisque facilis sit ad credendum, se esse innocentem, vel saltem non adeo reum, ut morte plecti mereatur, lata nimium aperiretur via ad operandum conformiter ad propositionem 18. damnatam ab Alexandro VII. si occisio in casu ut licita admitteretur. Quare dicendum, neque in tali casu licere occisionem Custodis, tum quia hic est inculpabilis & exequitur mandatum Judicis; tum quia, ex D. Augustino in Epistolam ad Publicolam, & alibi, qui sine aliqua administratione aliqualem occidit, non excusatur a culpa; tum quia denique, si neque per appellationem ad aliud tribunal potest damnum impediri, id est per accidens, tribuendumque proprio infortunio, non secus ac si de Cælo vita tangeretur; ut inquit Viva ad dictam propositionem 18.

M E N S E D E C E M B R I S .

CAS. I. **A** Ristobolus, relicto dominio directo omnium suorum bonorum unicz Filiz, quam habebat, usumfructum eorundem pro medietate reliquit eidem: pro alia medietate Uxori, dummodo utraque caste vivat. Q. an si Filia alicui nubat, & Uxor transeat ad secunda vota, possit licite consequi relictum a Testatore.

Respondeo, stando terminis casus, posse. Ratio pro utraque est, quia castæ sunt Nuptiæ, & concubitus cum propria Uxore castus, can. *Nicana* dist. 31. Me non later, Sanchez de Matr. lib. 8. disp. 91. n. 4. & 16. in eam potius inclinare sententiam, probabilioremque existimare, quæ affirmat, in casu, quo dicta conditio injuncta fuisset ab extraneo in ordine ad Viduam, posse hanc, secundo nubendo, in tali casu consequi relictum a Testatore: secus vero dato, quod illam injunxerit Maritus ipse, eo quia cum secundæ Nuptiæ sint Marito inversæ; præsumitur quod per ly *caste* ipse intenderit abstinentiam a secundis Nuptiis. Quoniam vero verba intelligenda sunt in suo proprio sensu quando huic nihil obstat, neque de alio constet, quod hujusmodi verba in alium sensum detorqueat, ideo in prima sententia sisto, quam inter alios tradit Abbas in cap. *Quod ad se ext.* de Cleric. Conjug. Unum hic addo, & est, quod si Testator apposuisset hanc aliam conditionem loco prædictæ: *Dato quod non nubant*, tunc adhuc posset Filia consequi relictum nubendo, non sic autem Vidua, quia quoad Filiam jura sanxerunt in favorem Matrimonii, ut illa con-

conditio nullius sit efficaciz, adeoque quod, hoc non obstante, Filia possit alteri nubere: non sic quoad Viduam.

CAS. II. Orta contentione inter duos Milites ratione ludi alearum, unus alterum provocavit ad singulare certamen illico peragendum in loco parum distanti. Id audiens Clericus, cito eo se contulit, ad solum finem impediendi certamen; frustra vero, siquidem Milites, ejus precibus, & clamoribus inflexibiles, ad invicem dimicarunt, & coram Clerico unus alterum interemit. Q. an occisus sepeliri possit in loco sacro, & tam occisus in Excommunicationem, quam Clericus incurrit in Irregularitatem.

Respondeo. Cum isthæ pugna inter duos hos Milites rigoroſe duellum dici non possit, eo quia in rixa & calore iracundiz unus incitavit alterum, & statim ambo se contulerunt ad pugnandum, ex quo inferre non præmeditate, nec prævia conventionem eos ad invicem dimicasse, inde statim emergit responsio, quod per se loquendo, quantum ex hoc est, potest occisus sepeliri in loco sacro, Occisus non incurrit in Excommunicationem, nec Clericus contraxit Irregularitatem. Ratio primi æ secundi est, quia privatio Ecclesiasticæ Sepulturæ, & Excommunicatio sunt pœnæ graves, statutz contra vere & proprie Duellantes, adeoque cum simus in materia odiosa, eos tantum afficiunt, qui verum duellum commiserunt; sicque cum illi duo Milites juxta dicta verum duellum non commiserint, ideo &c. Ratio tertiæ partiis est, quia ille Clericus interfectionis alterius nullo modo particeps fuit; non enim contulit opem, non consilium, non mandatum, non denique aliud quidquam, quod in homicidium, ab altero Milite perpetratum, influxerit; quinimmo rixantes ad pacem hortatus fuit, quantum in ipso erat, eosdem dissuasit, ut abstinerent a pugna, uno verbo, fecit quantum potuit, ut alcis omne malum averteret, simulque eos reconciliaret; propterea nec contraxit Irregularitatem. Nec obstat, quod fuerit præsens homicidio, præsentia enim, ob quam contrahitur Irregularitas, ea est, qua quis homicidæ affuit, ut ipsam defendat, quando opus sit, vel illum non prohibet a cæde, dum potest, vel denique sua præsentia illum audaciorum, ac fortiores reddit; quorum neutrum enim de nostro Clerico verificetur, hinc est, quod ab Irregularitate revera est immunis. Ita DD. communiter.

CAS. III. Navi mercibus infidelium onusta ab ingentem proculam in scopulos allidente, Titius ad littus maris existens, notabilem mereium portionem furripuit, & ut hæc domum suam deferretur curavit. Q. an incurrit Censuram latam in Bulla Cœnæ Domini, & teneatur ad restitutionem.

Respondeo cum distinctione. Vel hujusmodi merces sunt quidem infidelium, sed Christianorum, puta Anglorum; vel sunt infidelium Paganorum, se Turcarum. Si primum; dico Titium cum Censuræ notitia hujusmodi bona furripientem, revera illam incurrisse, nî forte habuerit animum illa restituendi vero Domino. Ratio est clara, quia Bulla expresse subicit Censuræ furripientes bona naufragantium Christianorum, sive in Navibus, sive in Mari sive in littore; & hæc certe restitui debent per se loquendo, cum ipsi non sint hostes Catholicorum. Si secundum; dico, Titium non incurrisse Censuram, neque teneri ad restitutionem, quia Turcæ sunt hostes intensissimi Catholicorum, furripientes his quidquid possunt furripere. Unde si aliquando furripi aliqui potest etiam ipsi, hoc iuste illis furripitur in compensationem. Vide Syrum Placentium l. supr. nempe part. 1. cap. 3. dub. 1.

AN,

CAS. I. **T**arquinia Mariti graviter ægrotantis vicinam mortem agnoscens, suspiriis, atque clamoribus cepit aerem replere. Id audiens Galenus, olim cum ea luxuriose versatus, illius domum ascendit; eamque sic moestam videns: heu, inquit, quid est hoc? si unum Maritum amittis, alium cito reperies. Visne me, si tuus moriatur conjux? Cui illa subridens annuit; functoque Marito se ut Sponfos mutuo tractare cœperunt. **Q.** an subsistant hujusmodi Sponsalia.

Respondeo negative: siquidem etiam dato, quod Galenus cum Tarquinia luxuriose versatus numquam ipsam cognoverit per adulterium, & hæc annuens interrogationi ejusdem verum habuerit animum se illi spondendi, ipsumque ducendi post mortem Conjugis; adhuc deest in casu Galeni repromissio; hic enim per ea verba Tarquiniz prolata antequam ejus Conjux obiret, illi quidem ostendit animi propensionem ad ipsam ducendam, neuriquam vero se ipsam ducturum illi positive promissit, ut sero perpendenti eadem verba sit manifestum. Propterea cum uno ore DD. ac Jura clament, sponsalia absque mutua promissione non posse subsistere, consequens est, ut isthæc Sponsalia nullo plane valore polleant: addo, eadem nullius adhuc roboris futura etiamsi uterque vere alteri promississet; nam promissio Nuptiarum, vivente adhuc Conjuge, facta, nedum est graviter illicita, verum etiam omnino nulla & irrita, ut ex cap. fin. *De eo qui duxit*, & ex l. fin. ff. de Pact. notant DD. Quare ni postmodum se ut Sponfos tractando Galenus & Tarquinia Nuptias sibi legitime promiserint, luce clarius est, eorumdem Sponsalia nequaquam subsistere. Rosignol. t. 1. de Matr. dip. 3. §. 5.

CAS. II. Horum sparsio rumore Sponsalium, advenit Cajus, qui Tarquiniam sibi & non alteri nubere debere prætendit, eo quia mutuo sese promiserant antequam ipsa sponderet, ac nuberet Conjugi, nunc vita functo.

Q. an iusta sit, ideoque in foro conscientie satisfacienda ista prætentio.

Respondeo affirmative, si Tarquinia, ut supponitur, sine iusta causa olim resiliit a Caji sponsalibus, hicque eam hæcenus expectavit, nec interim emerisit iustum motivum Caji Nuptias repudiandi. Ratio est, quia promissio rite facta, & acceptata, evadit debitum, cujus obligatio suspenditur quidem per impotentiam intermediam, extinguitur vero per solam impotentiam perpetuam: ut patet exemplo tum Debitris ad extremam necessitatem redacti, qui si dein fiat potens, tenetur satisfacere Creditoribus; tum promissoris rei, per venditionem postea alteri traditæ, qui dissoluto ex aliquo casu venditionis contractu, recuperatam rem tenetur tradere promissario, quando neque hic ea indignus, neque ipse illius indignus factus est. Cum ergo Tarquinia ex una parte rite promiserit Nuptias Cajo, hicque talem promissionem rite acceperit: ex alia nunc ipsa possit Cajo nubere, qui ea indignus factus non est; dicendum, quod si vult ad secunda vota transire, nec ulla premittitur necessitate nubendi alteri a Cajo, huic nubere teneatur. Nec obstant jura, quæ opponi solent; hæc enim statuunt quidem, quod si unus sponsa alteri nubat, debet cum isto manere, cum pro eo tunc impleri nequeat prima promissio; at non dicunt, hanc penitus extinguere, adeo ut, soluto Matrimonio, si velit denuo nubere, primo nubere non teneatur. Immo cum in ju-

re expressum habeatur, æquum non esse, ut delinquens ex suo delicto commodum reportet; inde colligitur, quod Tarquinia debeat nubere Cajo, cum jampridem se ipsi absolute nuptiarum promiserit. Vide Pontium lib. 12. c. 13. & Girib. de Matr. c. 2. dub. 4.

CAS. III. Post varia rerum discrimina Cajo de facto tandem nubit Tarquinia; at post primum partum incidit in amentiam. Q. an Cajus licite possit cum ea prosequi maritale commercium.

Respondeo cum distinctione: Vel amentia Tarquinie, peritorum judicio, tanta est, ut prolis, quæ alias concipienda rationabiliter prævidetur, suffocatio in utero, vel immatura ejectio prudenter timeatur; & in tali casu dico, non posse Cajum pro eo tunc cum ea prosequi maritale commercium, ne prolem isti periculo exponat, quod teste Rosignolo de Effect. Matr. præm. 3. sect. 4. per omnes illicitum est. Vel amentia Tarquinie est adeo levis, ita ut, omnibus bene perpensis, seclusum prudenter judicaretur hujusmodi periculum; & tunc subdistinguo. Vel maritale commercium majus, ac notabile detrimentum affert saluti Tarquinie; & tunc dico, non posse Cajum &c. nam juxta S. Thomam in 4. dist. 32. q. 1. art. 1. Conjux non habet potestatem in corpus alterius nisi salva incolumitate personæ. Vel maritale commercium non affert Tarquinie &c. & tunc dico, Cajum illud prosequi posse, cum ipsum nil reddat illicitum.

MENSE FEBRUARII.

CAS. I. **T**alius habens filiam nubilem; sed ob inopiam impotens illam dotare, ad eam collocandam in Matrimonium, furtive surripit Scuta quingenta, quibus ipsa facile Sponsum invenit, cui proinde fuit Matrimonio copulata. Post aliquot annos Matrimonii consummati detegit Sponsus, Dotem, sibi ab Uxore delatam totam fuisse Francisco ablatam per furtum. Q. an teneatur hic illam restituere.

Respondeo cum distinctione: Vel sponsus adhuc servat hujusmodi Dotem impermixtam, aut discernibilem ab aliis suis pecuniis; & tunc dico, eam, si legitime præscripta non sit, esse restituendam Francisco. Vel hujusmodi Dos jam est legitime præscripta, aut fuit ab eo præmixta cum suis qualitate similibus, & quantitate majoribus; & tunc dico, Sponsus non teneri ad ejus restitutionem. Ratio primæ partis est, quia res aliena quamdiu præscripta non est, ac existit in specie ab aliis discernibilis, manet sui Domini, & ad illum clamat ubicumque sit. Hinc Sponsus in isto casu debet inter eos se recensere, qui putando ducere divitem, duxerunt pauperem. Ratio secundæ partis est, quia per legitimam præscriptionem transfertur dominium, & ob dictam mixtionem Dos accepta censetur moraliter consumpta, ut cum Glossa in l. 78. ff. di solut. tradunt DD. commun. Quare cum bonæ fidei possessor, ut est noster Sponsus, consumpta re accepta, ad ejus restitutionem non teneatur, dicendum &c. Neque opponas, hunc teneri ad id, in quo factus est ditor; cum enim Dos ei data fuerit ad sustinenda onera Matrimonii, nec exinde pro se ullum lucrum perceperit, ex ea in nihilo ditor factus est; ideoque &c. Sporer, La Croix, alique passim.

CAS. II. Lutheranus Dux exercitus minatur mortem parentibus Sacerdotis, nisi hic legat Opera Lutheri, & coram ipso Missam celebret. Q. an Sacerdos possit ob tale motivum licite ista peragere.

Re-

Respondeo cum distinctione: Vel Lutheranus id facit in Fidei, ac Catholicæ Religionis contemptum; & tunc certe nequit Sacerdos licet ista peragere; nam, ut recte inquit Duardus in Bul. Cœn. Dom. lib. 1. c. 2. q. 2. n. 16., ibi esset virtualiter contemnere, aut negare fidem exterius, vel saltem contemptori cooperari: quod, utpote malum ab intrinseco, neque ad parentum, neque ad propriam mortem evitandum fieri potest. Vel id facit præcise ad suæ potentie ostentationem, vulgo *per bravura*; & tunc dico, quod si Sacerdos rationabiliter metuit mali comminari executionem, in dicta peragat, potest quidem ea licite peragere, secluso omni periculo scandali, subversionis &c. sunt enim ex una parte actiones malæ, quia prohibentur; ex alia, prohibitio earumdem non censetur in hisce casibus intervenire, cum Ecclesia non obliget cum tanto incommodo: si tamen adsit periculum scandali, aut &c. tunc neque ad dictum finem ea licite facere potest; præceptum namque sibi, vel proximo non inferendi laqueum iniquitatis, obligat semper & pro semper, ut tradunt DD. commun. Propterea Apostolus 1. ad Cor. 8. dicebat: *Si scandalizet fratrem meum, non manducabo carnes in æternum; ne fratrem meum scandalizem.*

CAS. III. Alter Sacerdos majori Excommunicatione innodatus, sed occulta, sciens proximam sui electionem in Parochum, tacet, eo quod ipse sit pauper, & habeat parentes egenos. Q. an ira se gerendo peccet.

Respondeo, huiusmodi Sacerdotem non peccare, si ex una parte prius absolvi nequeat a Censura; ex alia, sua suorumve parentum egestas talis sit, ut, ni eligatur ad tale Beneficium gravi incommodo cogatur succumbere: peccare vero, si vel prius absolvi possit a Censura, vel sua, suorumque parentum indigentia sit levis. Ratio primæ partis est, quia in tali casu locum habet Epicheja; cum enim obligatio se excusandi proveniat a præscripto Ecclesiæ, quæ est magis pia, iure creditur, hanc non extendisse præscriptum suum ad huiusmodi casum cum tanto Sacerdotis incommodo, præcipue cum se eo tantum excusando subit periculo ingessendi electoribus suspicionem, suo nomini, & characteri non parum indecoram, vel incurrendi apud ipsos notam insaniz, aut saltem immodicæ charitatis erga se, suosve parentes. Ratio secundæ partis est, quia si potest a Censura prius absolvi, id curare tenetur, ut sui electio canonice fiat; alias evincitur contemnere, vel saltem negligere Canones, ac præscriptum Ecclesiæ; & levis egestas non excusat ab observantia præcepti de impedienda in casu sui electionem ob inhabilitatem ratione Excommunicationis. Rosig. tom. 1. de Censur. q. 2. c. 18. monens in primo casu, ultra absolutionem a Censura debere Sacerdotem occulte petere ab Episcopo dispensationem, ut sui electio convalideretur.

M E N S E M A R T I I.

CAS. I. **C**apellanus nocturno tempore vocatus ad ministrandam Extremam Unionem Infirmi, sumpsit per errorem Oleum Cathecumenorum pro Oleo Infirmorum, eaque inunxit ægrotum. Q. an valide.

Respondeo. Licet opinio affirmans probabilis videatur, tum quia utrumque est Oleum Olivarum ab Episcopo benedictum, in quo per Concilia sita est huiusce Sacramenti materia remota; tum quia unum est, ab alio Ecclesiastica tantum benedictione diversum, sicque Olei mutatio potest quidem reddere illicitam, non autem invalidam Sacramenti collationem; tum quia denique diversi fines, ad quos unumquodque ordinatur utpote fines operantis,

ris, extrinseci sunt, nec variant materiam substantiam. Hoc non obstant sententia negativa meo videri aperte colligitur ex doctrina S. Thomae, cui ultra plura alios DD. adamussim consonant Aſta Eccl. Mediol. part. 4. in Instr. Unct. de dilig. in Ministr. air enim Angelicus Opusc. 63. de Sac. unct. *Si Sacerdos deprehenderit se errasse, & ex errore de alio oleo (nempe Catechumenorum) unxisse, debet adhuc de oleo debito ungere*, idest, de Oleo Infirmorum, ut ex contextu S. Doctoris manifeste constat. Atque si Cappellanus in casu valide unxisset, non deberet amplius de Oleo debito ungere; cum enim error non officeret validati Sacramenti, non esset cur unctionem iteraret; ergo si post unctionem cum Oleo Catechumenorum debet adhuc ungere cum illo Infirmorum, hoc ideo est, quia cum illo unxit invalide. Hinc assero, in casu saltem dubium esse Sacramenti valorem, proindeque (monito populo, si secus adsit periculum scandali, de inculpabili errore) unctionem sub conditione iterandam ægroto cum Oleo Infirmorum, ut apud Ia Croix, & alios, sancivit Synodus Colonienſis anno 1662.

CAS. II. Vidua quædam transire vellet ad secundas Nuptias: cum Sergio: quoniam vero opus est dispensatione, eo quia Sergius tenuit duas filias ad Baptismum, & filium ad Confirmationem; ideo petit an interveniat triplex Congregatio spiritualis, ac sit necesse exprimere in supplic. Libello quod ille tenuit bis ad Baptismum, & semel ad Confirmationem. Q. Quid respondendum.

Respondendum, in casu duplicem tantum intervenire Cognationem spiritua-lem, una scilicet ex tentione, licet repetita, ad Baptismum; alteram ex tentione ad Confirmationem; sic enim declaravit Clemens. VIII. apud Garziam de Justis, & alios. Neque hoc mirum videri debet: nam sicuti ex copula, etiam repetita, cum eadem Uxore, una tantum emergit affinitas inter Maritum, & Uxoris consanguineos, quia eadem est radix affinitatis; ita ex tentione etiam repetita ad idem Sacramentum una tantum emergit spiritualis Cognatio inter teneatam & Matrem detentorum, quia eadem est radix Cognationis. E contra per tentionem ejusdem, aut diversæ prolis ad Baptismum & Confirmationem duplex emergit spiritualis cognatio, quia sunt duo Sacramenta diversa, adeoque duplex radix Cognationis; sicuti per copulam habitam cum duabus Sororibus duplex emergit affinitas, quia duplex est radix affinitatis, = Respondendum secundo, satis esse, ac simul necessarium exprimere, quod Sergius tenuit filios Viduæ ducendæ ad Baptismum & Confirmationem. *Est satis*, quia sic exprimitur duplex prædicta Cognatio, quam Vidua habet cum Sergio. *Est necessarium*, ne quod ad unam tantum dispenseetur, sic alia remanente indispenſata, Quod tenuit filios. *Et* ut duplicetur modus, quo volentes contrahere sunt cognati, nempe, per Compaternitatem, & Commaternitatem, nam inter Patrem & Filiam, aut Matrem & Filium, spirituales, ob maiorem indecentiam Matrimonii vix unquam Ecclesia dispensat, ut refert Fagnatus in cap. ex lit. de Cognat. Spir. & cum De Justis Anacle-tus lib. 4. Decr. in Append. num. 200.

CAS. III. Orta gravi contentione inter duos, hi sibi ad invicem, ac æqualiter detraxerunt. Post aliquot dies unus ipsorum inveniens alterum in loco publico eum salutavit; at salutatus alterum, licet advertens, non salutavit. Q. an, & quomodo hic peccaverit.

Respondeo cum distinctione. Vel salutatus est æqualis, aut fere æqualis conditionis cum salutante, vel est conditionis longe inferioris. Si primum; dico, quod peccavit moraliter contra Charitatem; salutare namque salutantem, inter æquales non est signum speciale, sed generale, ac com-

commune dilectionis, quod juxta Doctorem Angelicum, aliosque communiter, neque inimico negandum est; & illius denegatio, supposita contentione precedente, jure accipitur in signum contemptus, malignitatis, odii ac vindictæ, adeoque est sufficiens nedum ad causandam magnam contristationem in non resalutato, verum etiam ad illi præbendam occasionem reassumendi inimicitiam, aut in ea perseverandi, & si id palam fiat, parit non raro scandalum in videntibus. Si secundum; dico, non resalutantem per se loquendo nullius peccati ob hoc reum esse, præcipue si ante contentionem etiam salutatus non solebat enim semper resalutare; nam in isto casu omisso resalutationis nequit adscribi odio, contemptui, ac vindictæ, nisi irrationabiliter; cum resalutare salutantem conditionis notabiliter inferioris, sit signum speciale, non autem generale dilectionis, ut passim monent DD.

MENSE APRILIS.

CAS. I. **M**eretrix aliquando fornicata etiam cum Hebræis, & Castratis, cognitis ut talibus, expressit quidem in Confessione se peccasse cum liberis, vel etiam cum uxoris; at non expressit se peccasse cum Hebræis, & Castratis. Q. an sufficienter se expressit.

Respondeo negative quoad utrosque, si Castrati utroque teste carebant. Ratio quoad Hebræos est, quia cum hi sint Christo insensibilissimi, qui est Caput Ecclesiæ, ac Dux, & Legifer noster, commixtio personæ catholice cum eisdem est ipsimet Christo injuriosa, utpote cum hostibus ejus, ideoque importat quamdam peculiarem malitiam contra virtutem Religionis, quæ propterea debebat exprimi in Confessione, manifestando qualitatem Hebræorum. Exemplum clarum habemus in concubitu cum Dæmone sub humana specie apparente: sicut enim quamvis illud peccatum reducatur ad bestialitatem, eo quod commissum fuerit cum supposito 'diversæ speciei', tamen, quatenus commissum cum maximo Dei, & hominum hoste, involvit specialem malitiam contra virtutem Religionis, ut cum Tamburino notant La Croix de Confess. n. 1083. aliique commo. ideoque etiam ob hoc exprimi debet quod concubitus fuerit cum Dæmone, sub specie vel puellæ, vel conjugatæ, vel &c.; ita licet commixtio Meretricis cum Hebræis sit fornicatio, vel adulterium, eo quod fuerit cum liberis, vel Uxoratis; tamen quatenus facta cum hostibus Christi involvit peculiarem malitiam contra Religionem, ideoque exprimi debebat quod fuerat cum Hebræis. Ratio postea quoad Castratos est, quia eo ipso quod utroque teste carebant, erant inepti ad proprie seminandum, siquæ ad generationem, ad quam copula a natura ordinata est; propterea commixtio Meretricis tum eisdem reducitur vel ad speciem quamdam peccati contra naturam, vel ad copulam essentialiter imperfectam; ad quam proinde rite exprimendam manifestari debebat, eam fuisse cum Castratis utroque teste carentibus. Quare cum Meretrice non expresserit se coivisse cum Hebræis, & Castratis, dicendum &c. Lugo de Peccat. disp. 16. sect. 6. Puteobonellus, & alii.

CAS. II. Sempronius sollicitat, ac provocat mulierem ad secum peccandum, sed non quidem cum animo revera patranda tale delictum, quinimmo experiendi an illa casta sit, & vere constans. Q. an peccet mortaliter.

Respondeo affirmative: ad hoc enim ut petitio actus illicita sit, non est necesse quo petens habeat animum ponendi actum petitum; sed sufficit quod

quod actus, saltem quoad apparentiam serio petitus, sit malus; sic enim verificatur quod ipsa petitio sit inductiva ad culpam, utpote ex se inductiva ad actum malum. Hinc Cajetanus 2. 2. q. 78. art. 4. jure monet, esse animadvertendum, an actus petitus possit ab eo, a quo petitur, licite fieri, nec ne; hæc enim est radix licitæ, vel illicitæ petitionis. Similiter advertit Navarrus in Manual. de 4. præc. Decal. c. 14. eum non esse a gravi culpa immunem, qui petit a Muliere ut secum dormire velit, aut se cum ipso metiri in eodem lecto, si ex modo loquendi non indicet se id dicere ex joco, & animo alieno a similibus perpetrandis; quod tradit etiam Alphonsus de Leone to. 1. recpl. 14. n. 27.

CAS. II. Confessarius etiam pro lethalibus imponit Pœnitenti satisfactionem in operibus alias debitis, licet hic possit etiam peragere indebita. Q. an male se gerat.

Respondeo: Confessarium id facientem sine urgenti ac rationabili motivo male se gerere. Ratio est, quia ex Tridentino Confessarii debent imponere Pœnitentibus satisfactionem congruam, in vindictam & castigationem præteritorum excessuum, nec non ut frenum ipsos retrahens a futuris. Jam vero eam imponendo etiam pro lethalibus in solis operibus jam debitis, non ita bene se gerit Confessarius noller; etenim quamnam vindictam, & castigationem sentit Pœnitens ex tali impositione, si nihil gravaminis hæc illi superaddit, cum ad id solum teneatur, ad quod tenebatur prius? qua majori vi ipsum cohibet hoc frenum, si ei nil additur de novo, quod retrahat? Neque dicas, ipsi imponi novam obligationem, cum res jam debita ab eo ponenda sit ex novo titulo. Contra enim, cum ratione huius novæ obligationis, ac novi tituli, res ponenda non evadat magis penalis, & gravioris incommodi; mehercle est caput difficile, quod in casu sit vindicta, & castigatio proportionata peccatis mortalibus, & frenum ab ulterioribus retrahens, ad mentem Patrum Tridentinæ Synodi. Rofign. de Pœnit. part. 1. q. 5. ar. 7. n. 7. Nugnus, & alii.

M E N S E M A I I.

CAS. I. **O**ccasione Jubilæi, qua habetur facultas absolvendi etiam a Casibus Summo Pontifici in Bulla Cœnæ reservatis, Confessario se præsentat habens peccatum hæresis formalis externæ. Q. an ab eo possit absolvi.

Respondeo negative: cum enim crimen hæresis sit præ cæteris gravissimum, ac speciali nota dignum, Alexander Papa VII. sub die 23. Martii 1656. inhærens declarationibus alias a suis Prædecessoribus factis, & ad removendam quoad hoc omnem dubitationem, decrevit, facultatem absolvendi ab hæresi non censerî comprehensam in Jubilæis, vel aliis similibus concessionibus, nisi expressis verbis concedatur facultas absolvendi ab hæresi, ut referunt SS. D. N. Papa Benedictus XIV. fel. rec. tom. 1. Notif. 4. ac Illustris. & Reverendis. D. Augustinus Spinola, Episcopus Savonensis, in Notific. facta 16. Maii 1735. occasione Jubilæi concessi a fel. rec. Clemente Papa XII. Propterea audiendi amplius non sunt quoad hoc repositum sustinentes, etiam si contraria opinio anno 1607. Romæ fuerit approbata in Sacra Pœnitentiaria, ac olim servaretur in praxi, ut refert Filliuccius tom. 1. tract. 8. cap. 10. n. 265.

CAS. II. Ultima die, qua idem Jubilæum expirat, se pariter Confessario præsentat involutus occasione proxima peccandi, quam sæpius admonitus noluit unquam remove. Q. an possit hic lucrari Jubilæum?

Re-

Respondeo, posse; non quatenus involutus occasione proxima debeat a Confessario illico absolvi, quod certe fieri non debet in casu; sed quatenus, cum in Bullis Jubilæi regulariter Confessariis sit concessa facultas prorogandi absolutionem detentis aliquo impedimento pro ipso Jubilæi tempore, potest Confessarius hunc morem gerere cum præsentis Pœnitente, eoque ad Sacramentale Confessionem rite disposito, illum a Casibus etiam reservatis vigore dictæ facultatis absolvere, perinde ac si Jubilæi tempus monum fuisset transactum, ut dici solet de peccatis eo tunc obliis: nam ratione iudicii per Confessionem intra debitum tempus incepti, Confessarius acquisivit jus inde iudicium postea complendi, & Pœnitens se per Sacramentum Deo reconciliandi, ut vivæ vocis oraculo declararunt S. Pius V. Gregorius XIII. & Sixtus V. teste Vega apud Mazzucchellum de Caf. Reserv. disp. 1. q. 4. dif. 21. n. 81.

CAS. III. Denique se præsentat eadem die qui hætenus nullum ex præscriptis operibus implevit, immo illa ipse die jam fregit jejunium: Fieri ne potest, ut etiam hic lueretur Jubilæum?

Respondeo affirmative, etiamsi cætera opera voluntarie omisisset animo non lucrandi Jubilæum, dummodo animum mutet, ac intra tempus pro Jubilæo præscriptum (quo solum dicta facultas competit Confessario) saltem Confessionem incipiat. Ratio est, quia, posita retractione, impedimentum non est amplius voluntarium, sed necessarium saltem ex suppositione. Puteobonellos de Pœnit. q. 6. art. 5: Unde sicuti quoad infirmos, aliosque laborantes impedimento necessario quoad unum, vel plura opera exequenda, potest Confessarius intra tempus Jubilæi huiusmodi opera in aliud commutare, vel, si id melius iudicet, eorundem executionem in aliud tempus prorogare; ita idem dicendum in isto casu. Bonacina, Bossius, & alii cum Puteobonello l. c. Et hic nota, facta hac prærogatione ad terminandum iudicium Sacramentale, posse Pœnitentem a Confessario absolvi etiam a reservatis commissis tempore intermedio, etiam per plures vices, dummodo tempus a Confessario præscriptum pro omnibus operibus exequendis, aut pro terminanda Confessione, lapsum non fuerit. Idem Puteob. ibid. n. 17.

MENSE JUNII.

CAS. I. **D**efuncto Patrefamilias cum pluribus Debitis, quæ contraxit partim ex contractibus licitis, partim ex usurariis, filius hæres certior factus, paternam hæreditatem non sufficere pro adequata solutione eorundem, petit a Confessario, an prius teneatur solvere Debita ex contractibus usurariis, quam ex licitis. Attenditur Confessarii responsum. Responsum Confessarii est, non adesse hanc obligationem, si bona, uti supponitur, sint tantum personaliter obligata. Ratio est, quia ex una parte isthæc obligatio non evincitur ex jure, cum in eo quoad hoc nihil statutum sit; ex alia tota obligatio solvendi in debitore provenit a lege iustitiæ commutativæ respicientis æqualitatem rei ad rem, ac præcipientis ut cuique reddatur quod suum est; quidquid postea sit quod ab aliquo acceptum fuerit licite, & absque illius injuria; ab alio illicite, & cum ejus injuria; cujus satisfactionem curare pertinet ad aliam speciem iustitiæ, nempe ad iustitiam vindicativam. Cum ergo quilibet ex Creditoribus jam habeat ad rem sibi debitam ex respectivo contractu, ideo ne alicui damnum inferatur, solutio in casu singulis Creditoribus ad ratam

facienda est, scilicet, servata ea proportionem, quæ est inter ipsa Credita; adeo ut cui plus debetur, detur proportionabiliter plus; minus, cui minus. Ita Bonacina, Sporer, alique plures, addentes eam regulam juris: *Qui prior est tempore, potior est jure*, valere quidem inter Creditores habentes eandem rem sibi hypothecam, aut ex pacto obligatam, non autem inter Creditores mere personales.

CAS. II. Materfamilias multoties Viro clam furripit pecuniam, aut rem domesticam vendit, ut quæ familiæ necessaria sunt provideat. Q. an peccet.

Respondeo cum distinctione. Vel Materfamilias id facit quia Maritus sæpius monitus de occurrentibus indigentibus non vult ipse necessaria providere; & tunc dico, eam nullo modo peccare expendendo præcise quantum sufficit, etiam cum alienatione prudenti, ac discreta bonorum communium: nam ex una parte, renuente Marito domum regere, Uxor licite suscipit ejus administrationem; ex alia Maritus in casu non potest esse quod hoc nisi irrationabiliter invitus. Vel id facit quia in occurrentia circumstantiarum non vult ad Maritum recurrere, & ab ipso dependere; & tunc dico, illam peccare, tum quia sibi usurpat jus competens Viro, cui quoad hoc debet se subdere; tum quia sive ille modus clandestinus, sive illa dispositiva frequentia, precipue in alienandis rebus domesticis, solet displicere, & quidem rationabiliter, Viro non rennenti necessaria providere quando monetur; ut tradunt Doctores communiter. Neque dicas Uxorem non teneri ad instar ancillæ semper petere a Marito licentiam expendendi, immo hanc esse justam causam non petendi. *Nolle se ut Ancillam ostenderet*, ut cum aliis inquit Gobat apud La-Croix de Furto n. 1023. Contra enim, id quidem verum est quando agitur de expensis, aliisque dispositionibus tam quoad rem, quam quoad modum Viro non displicentibus, & quas ille certo & facile concederet, si rogaretur, ut recte ajunt Auctores citati; non sic autem quando agitur de dispositionibus Viro displicentibus vel quoad rem, vel quoad modum; & a fortiori quando ei displicens quoad utrumque, ut solet evanire in casu magnæ frequentie in clam expendendo, vel alienando.

CAS. III. Lælius bona fide emit Equum: post modicum vero tempus incipit dubitare, an furto fuerit ablatum; ut metuens tum Equi, cum pecuniz amissionem, si furtivus appareat, omnem omittit diligentiam inquirendæ veritatis, adeo ut tandem fiat impossibile hanc amplius dignoscere. Q. an per hoc teneatur aliquid restituere.

Respondeo negative: illi enim imponenda non est certa obligatio restitutionis, de quo certo non constat, quod effective læserit justitiam commutativam. Jam vero Lælius effective in casu læsisse &c. certo non constat; nam in primis incertum est, an, si omniam adhibuisset debitam diligentiam, invenisset veritatem; quoties enim veritas, etiam diligenter quærita, non invenitur? Deinde etiam dato quod eam invenisset, cuiam certo constat, quod Equus eo tunc potius apparuisset furtivus, quam legitime venditus? Nulli sane. Igitur, stante adhuc dubio, Lælius obligandus non est ad restitutionem certam; præcipue cum in dubio præsumptio stet pro innocentia venditoris non cogniti alias mali in genere furri; & actualis Equi possessio bona fide a Lælio incepta hunc potior rem reddat, meliorisque conditionis, ut cum Glossa in cap. *Nulli dubium* 12. q. 5. passim monent Doctores. Neque dicas, læsam certo fuisse a Lælio justitiam commutativam, eo quod sua omissionem cassam reddiderit illam spem quam forte alter habebat, quod, posita veritatis inquisi-

quisitione, agnosceretur Dominus Equi; quæ spes, cum esset pretio æstimabilis, refundit onus in Lælium restituendi tantumdem, quanti prædentum Judicio spes ista valebat: item, subito dubio, Lælium evasisse possessorem malæ fidei. Ne dicas, inquam: spes enim, quam forte alter habebat, utpote incerta quoad esse sive præsens, sive præteritum, nihil facienda esset adversus actualem possessorem certum. Et Lælius, subito dubio, non evasisit possessor malæ fidei nisi secundum quid, in quantum nempe eo tunc tenebatur inquirere veritatem, quatenus teneretur Equum, aut ejus pariale pretium restituere. Vide Bonac. de Restit. disp. 1. q. 2. p. 2. n. 8.

MENSE JULII.

CAS. I. **T**erentius pecunia indigens accipit in Censum a Cajo Scuta trecenta, cum onere illi solvendi quatuor cum dimidio per quolibet centenario, immo & fortem restituendi elapso quinquennio. Non post multum temporis illi aridente fortuna, ludendo aleis, totidem vincit Viro Nobili, ac Diviti; propterea prima Scuta trecenta dat alteri cum onere solvendi quatuor tantum pro quovis centenario. Q. an nunc Contractus sit licitus.

Respondeo ad primum cum distinctione: Vel onus restituendi fortem elapso quinquennio est Terentio impositum a Censualista, aut ex pacto cum ipso; & tunc dico, Contractum non illicitum, cum hujusmodi onera, & pacta, restringentia in Censuario facultatem libere disponendi de re censita, absolute prohibeantur a S. Pio V. Constit. 80. *Cum onus*, redantque Censualistam valde suspectum de voluntate potius mutandi cum lucro, quam emendi Censum, ut inter alios notant Cencius, & Duardus. Vel ipsemet Censuarinus sponte sua, nulloque quoad hoc cum ipso pacificante, se ad hoc obligavit; & tunc dico, Contractum non videri illicitum, cum neque in præfata, neque in alia Constitutione Pontificia, neque in Jure id vetitum invenitur. Addo hujus Contractum Constitutioni Planæ non adversari, & esse adhuc licitum, quamvis Censuarinus prædicto modo pacificatur cum eo, qui pro ipso in tali venditione fidejubeat, cum ibi solum prohibeantur pacta inter Censuarium, & Censualistam, seu eorum nomine Agentem, ut tradit Stephanus Gratianus discept. for. tom. 1. c. 19. nn. 16. quem sequitur Cencius de Censibus part. 2. c. 1. q. 3. art. 8. in fine. Cur ergo licitus dicendus non erit Contractus, si Censuarinus propria sponte, & secluso quocumque pacto ad id se obliget? = Quoad secundum respondeo pariter cum distinctione: Vel Terentius alteri dando prima Scuta 300. revendit priorem Censum, vel novum instituit. Si primum, dico, quod stando vigori prædictæ Constitutionis, Contractus est illicitus, etiamsi prior Censualista rite præmonitus, & per mensem expectatus emere noluerit; nam Censum non revenditur eodem pretio, quo fuerat emptus, ut ibi præscribitur. Si secundum, cenleo, Contractum licitum esse; nam quod in foundatione talis Censui alteri tradatur eadem numero pecunia, ab alio prius accepta, de materiali se habet, nec pensio solvenda in casu videtur infra latitudinem justii pretii.

CAS. II. Mercator mutuatarius Panli, in summa Scutorum mille, prævidet quod si post annum ad manus habebit saltem Scuta 500. ipsi offeratur occasio faciendi negotium valde lucrosum. Ea propter, ne elapso anno, qui est terminus præfixus restitutioni, cogatur a Creditore integre satisficere.

tisfacere, inquit cum eo pactum ipsi solvendi nunc Scuta quingenta, dummodo pro restitutione alterius portionis ipsi concedatur tempus biennii. Q. an tale pactum sit usurarium.

Respondeo, videri probabilius, quod non, si interveniat hinc inde æquale gravamen; nam tale pactum in substantia nihil aliud habet pro objecto, quam assumptionem obligationis mutui cum remutuo de præfatis; & facit hunc sensum: Mutua nihil ex his 1000. Scutis Scuta quingenta ad biennium, & ego statim tibi remutuo alias 500. In quo non consistit usuram, in primis aperte colligitur ex S. Th. 2. 2. q. 78. ar. 2. ad 4., ubi postquam dixit repugnare mutuo obligationem ad mutuum faciendum in posterum, subdit: *Licet tamen simul mutuandi unum aliquid aliud mutuum recipere*. Deinde cum respectivum gravamen alteri mutuandi non imponatur pro ipso mutuo formaliter, quod datur vicissim, sed pro illa obligatione, quam voluntarie quis suscipit in ordine ad alteri mutuandum; non video, cur in hoc adstruatur usura, siquidem præsupposita æqualitate commutationis, ac respectivi gravaminis, tantum recipiunt quantum datur, & dum hic gravat alterum, ille ad lanceam iustitiæ æquali pondere ab illo gravatur. Neque dicas, de ratione mutui esse, ut gratis detur; quo amplius non verificatur supposito respectivo gravamine. Contra enim in primis non quælibet impositio gravaminis ultra sortem est contra naturam, & iustitiam mutui, alias obligari non posset mutuarius ad dandum pignus in securitatem fortis. Deinde nego suppositum; cum enim gravamen non imponatur pro ipso mutuo, uti supponitur in objectione, sed pro obligatione &c., adhuc mutuum in casu gratis datur. Vide Rosig. de Mut. & Usur. præn. 10. La Croix de Usur. n. 891.

CAS. III. Valerianus mutavit Livio Scuta 25. ad annum cum pacto, quod si eo anno elapso promptus non sit ad ea restituenda, ob moram solutionis ei solvere teneatur unum Scutum ultra 25. mutuata, idque sive ipse Valerianus habeat, sive non habeat occasionem hæc impediendi, seu negotiandi post annum. Q. an hæc obligatio ei licite imponatur.

Respondeo affirmative, dummodo imponatur ex mutuo consensu contrahentium, & ob moram culpabilem. Ratio est, quia Mutuarius existens in culpabili mora circa restitutionem fortis, peccat contra iustitiam ob dilatam solutionem, ideoque dignus est poena, sive culpæ proportionata, quæ propterea ei apponi potest ex conventionem partium, statuendo scilicet, quod si restitutionis tempore culpabiliter non restituat, talem poenam luat; sic enim ipsi non apponitur obligatio indebita, ut cum Scoto, Navarro, & aliis tradit Lessius lib. 2. de Just. & Jure c. 20. dub. 15. Quare cum unius Scuti solutio sit in casu poena proportionata Livio, culpabiliter non restituenti post annum Scuta 25. mutuata, dicendum &c.

M E N S E A U G U S T I.

CAS. I. Muliercula sæpe male tractata a Marito, ad levandum animi moerorem, solet aliis Mulierculis referre defectus proprii Mariti. Q. an quoties id facit, solum venialiter peccet?

Respondeo cum distinctione: Vel refert defectus leves, & parum infamatorios; vel graves, & multum infamatorios. Item, vel eos refert pluribus, quam par sit ad levandum animi moerorem; vel uni, aut, alteri tantum, prout sufficit ad istud levamen capiendum. Si refert defectus leves, & parum infamatorios, dico, quod etiam si eos referat pluribus, quam

quam par sit ad &c.; peccat solum venialiter, quoties id facit secluso animo graviter ledendi famam Mariti, vel alias graviter peccaminoso; tunc enim vel nullum, vel tantum leve damnum Marito causat. Si vero refert defectus graves, & notabiliter infamatorios, dico, eam quidem peccare mortaliter, quoties cum plena mali advertentia eos refert pluribus, quam par sit ad levandum animi moerorem, aut eos refert alicui, quam novit eos aliis manifestaturam; non sic vero quando eos refert uni, vel alteri tantum, quæ eos aliis non patefaciet. Ratio primæ partis est, quia cum in eo casu Muliercula opus non habeat referendi defectus Mariti omnibus iis personis, aut illi personæ determinatæ, quæ tuba canet; eo ipso quod vult his eos referre, velle simul censetur gravem Mariti infamiam inde sequentem apud tot personas; hic enim valet illa regula juris: *Qui vult antecedens, vult etiam consequens*, cum unum prævideatur infallibiliter secuturum aliud. Ratio secundæ partis est, quia ex relatione defectuum Mariti, facta uni, vel alteri, quæ eos aliis non manifestabit, vel non sequitur infamatio ejusdem, cum prudens talia audiens potius attendat ad præstandum levamen referenti suam afflictionem, quam ad infamationem, vel si sequitur infamatio, etiam gravis, sequitur ex iusto motivo quærendi levamen injustæ afflictionis; cum sit nimis durum tempore injustæ afflictionis nulli posse hanc manifestare ad se aliquantulum sublevandum. Bonacina, Sporer &c.

CAS. II. Fabricius famulus cujusdam Matronæ, quosdam defectus graves morales ejusdem refert Viro prudenti ac Nobili, qui eos aliis non manifestabit. Q. an hujusmodi relatio careat culpa mortali.

Respondeo, hujusmodi relationem carere culpa mortali, si fiat ex iusto ac rationabili motivo; non carere vero, si secus. Ratio primæ partis est, quia iustum, ac rationabile motivum potest illam cohonestare: sic si Vir nobilis proclivis sit ad eam ducendam, ideoque de tali Matrona a Fabricio petat informationem, certe hic non peccat mortaliter, si assumpto sibi munero ipsum informandi ei referat defectus graves, & substantiales Matronæ: immo id facere tenetur ob bonum ipsius Viri, cui recte debet consulere, ne decipitur, ut inter alio tradit Viva q. 7. de Ref. art. 2. n. 6. Ratio secundæ partis est, quia secluso quocumque iusto, & rationabili motivo hujusmodi defectus referendi, talis relatio est vera detractio in re gravi, famam Matronæ corrumpens, non quidem omnimode, seu apud plures, prout quidam volunt requiri ad hoc ut illa proprie dicatur infamis, sed aliquo modo, & apud talem virum ut aperte tradit S. Th. 2. 2. q. 73. art. 1. ad 2. ubi hæc habet: *Etiamsi uni soli aliquis de absente malum dicat, corrumpit famam ejus non in toto, sed in parte*. Additur, infamationem reputari gravem, vel levem, conformiter ad qualitatem indignationis gravis, aut levis, quam persona infamata, de ea certior facta, conciperet. Atqui si Matrona sciret in casu se fuisse a Fabricio dicta relatione infamatam apud Virum Nobilem, de quo agitur, de ista infamatione gravem indignationem conciperet, & forte graviolem, quam si infamata fuisset apud plures Plebejos, cum fama, vel infamia apud istos minoris soleat estimari, quin apud virum gravem, ac nobilem, ergo &c. per consequens dicta relatio in hoc secundo casu non caret culpa mortali. Ita Doctores communius.

CAS. III. Pœnitens exponit in Confessione, se data opera audivisse detractorem. Q. quomodo hic sit interrogandus a Confessario.

Respondeo, hujusmodi Pœnitentem in primis interrogandum esse, an ab eo audita detractio fuerit de re levi, aut notoria, vel facta fuerit ex iusto

sto motivo; an vero fuerit de re gravi, ac occulta, & facta sine iusto motivo. Si fuit de re levi; patet, opus non esse, ut fiant Pœnitenti tot interrogationes, sufficit enim ab eo ulterius inquirere, an audierit detrahentem animo aliunde mortaliter peccaminoso, puta, cum desiderio, quod detrahens famam personæ detractæ notabiliter læderet; si enim respondeat, se eo tunc habuisse talem animum, statim constat, eum graviter peccasse, & in qua specie; si non habuisse, nulla est necessitas, quod confessarius super hoc eum amplius interroget, cum jam constet, ipsum peccasse tantum venialiter. Quid simile dic, si exponat, detractionem fuisse de re notoria, vel eam facta fuisse ex iusto motivo; tunc enim audire, & non impedire detrahentem, non est peccatum, saltem grave, ut inter alios cum Bonacina notat Sporer in 8. præc. Decal. c. 4. sect. 4. n. 108. Si postea Pœnitens dicat, detractionem ab ipso auditam fuisse in materia gravi, de re occulta, eandemque factam fuisse sine iusto motivo; tunc ulterius ab eo inquirendum, an detrahentem audierit solus cum solo, vel coram aliis. Si primum; ab eo petendum, an ipse illum excitaverit ad detrahendum, aut ejus dicta approbando, illi plaudendo &c. fuerit causa, quod is continuaverit, vel auxerit detractionem; sic enim peccasset contra Charitatem, & contra Iustitiam, uti detractor, & ulterius commisisset aliud peccatum contra Charitatem, ob scandalum huic datum. Item investigandum, quo animo ipsum audierit; an nempe ex complacentia de damno proximi, quod est odium, an ex mera curiositate sciendi alterius crimina, quod communiter dicitur veniale, sed a Gavello mortale, eo quia ista curiosa cognitio est famæ proximi diminutio; an denique ex puro sine capiendi solatium ex dictis, & artificio detrahentis, quod veniale communiter reputatur. Si secundum: faciendæ illi sunt eadem interrogationes mox adductæ; & si positive, aut negative influxit in detractionem, advertendo ad singulos adstantes, ultra duplex peccatum contra Charitatem, ob violatam dilectionem proximi & scandalum, reus etiam est injustitiæ obligantis ipsum in solidum cum detractore, vel saltem in hujus defectu, seu omissione ad restituendam famam personæ infamati penes singulos. Et unumquodque ex his peccatis tot malitias complectitur, quot vel in ipso, vel in aliis in casu distingui possunt violationes justitiæ, & charitatis, cum omnium sit auctor, vel particeps, Ita comm. quoad substantiam.

M E N S E S E P T E M B R I S.

CAS. I. **C**Amillus non habens animum permanendi in statu Clericali, sed solum deferendi hujusmodi habitum quousque inveniat Uxorem cum pingui Dote, sumit Clericalem Tonсурam, ut interim cuiusdam Beneficii fructibus perfrui possit. Q. an sit reus peccati mortalis tum ob receptionem Tonсурæ, cum ob acceptionem Beneficii.

CAS. II. An Beneficium retinendo cum dicto animo, peccet.

CAS. III. An teneatur ad restitutionem fructuum, durant eodem animo ex Beneficio perceptorum.

Respondeo ad primum affirmative, si ea sola intentione, ac sine Tonсурam recipiat, ac Beneficium acceptet, nullo modo hæc alias suscepturus Ratio est, quia sic non solum decipit Christum, & Ecclesiam, frustratque finem ab hac intentum in collatione Tonсурæ, qui est, disponere ad Ordines, ut, his postea susceptis, conficiatur Eucharistia; verum etiam reum
(si-

spiritualem, uti est Tonsura, ac beneficium, ultimo ordinat ad rem temporalem, scilicet, ad perceptionem fructuum, ac vile lucrum; quod ex objecto suo mortale est, utpote involvens majorem estimationem temporalium quam spiritualium. Hinc Catechismus Romanus de Sacr. Ord. ait: *Quæstus ac lucri causa ad Altare accedere, maximum est sacrilegium*, & S. Bonaventura tract. de præp. ad Miss. cap. 9. *Va, va, Domine Deus, quanti homines infelices ad Sacros Ordines accedunt, & Divina Misteria accipiunt non calissem panem, sed terrenum quærentes; sed lucrum &c.* Ubi notandum illud repetitum *Va*, denotans sceleris gravitatem. Vide Rosignol. de Ord. part. 1. quæst. 3. art. 4. Lessium de Benef. c. 34. dub. 26. num. 123. Si tamen pro fine ultimo sibi aliquo modo præfigeret Deum ipsum, tunc graviter non peccaret, ut probat Navarrus in Enchirid. de Orat. cap. 22. num. 12. & miscel. 41. Ex his patet responsio ad secundum Casum; retentio enim est quædam continuata receptio. Ad tertium, dico, probabilius non teneri, si faciat quod sua interest tempore Clericatus; nam ex una parte in dicta receptione, & acceptatione propriæ non intervenit Simonia, cum non adsit contractio rei spiritualis pro temporali, sed sola intentio commodi temporalis per medium spirituale; quod est quid diversum a Simonia, ut notat Suarez de Simonia lib. 4. c. 44. n. 4. & 11. ex alia nullum adei jus obligans in casu ad restitutionem; cum lex Cap. *Commissa* de elect. vers. *Ceterum* in 6. sit restricta ad Beneficium curatum.

MENSE OCTOBRIS.

CAS. I. **F**ACTO Edicto a Judice, quod omnes, qui asportant Uvas, ultra refectionem damni, teneatur solvere Fisco duos Aureos. Cajus stipendio conductus ad custodiendas Vineas, etiam si videat aliquos Uvas asportare, tacet, eo quod ab iis munera accipiat. Q. ad quid teneatur Cajus in solo Conscientiæ.

Respondeo. Cajum teneri restituere stipendia, & refarcire damna ab asportantibus illata, si hi ea non reficiant. Ratio est, quia prima injuste accepit, utpote data ob conventam custodiam, quam non exercuit; secunda causavit, non impediendo, aut denunciando asportantes, prout tenebatur ex officio. Nonnulli ipsum obligant etiam ad solvendo aureos Fisco ob omissionem harum denunciationum. Alii tamen communiter ab hoc onere ipsum excusant, quia super has multas nullum jus quesitum est Fisco ante sententiam Judicis, quæ proinde quomodocumque impedita, ad nihil tenetur Cajus, præcipue cum ejus officium directe non esset Fiscum multis ditare, sed vinearum Dominos per custodiam indemnes servare; Bonacina, Sporer, alique, ipsum eximentes etiam a restitutione munerum, quæ accepit a transportantibus nvas, licet enim peccaverit contra justitiam, transportationem permittendo, ideoque teneatur, ut diximus, reficere damna inde orta; non peccavit tamen contra justitiam, monera accipiendo, cum hæc ipsi data fuerint in recompensationem favoreis pretio æstimabilis, quem fecit transportantibus. Sporer tr. 5. in 7. & 10. præg. Dec. c. 5. sect. 5. num. 138.

CAS. II. Pœnitens occasione Plenariæ Indulgentiæ dolet quidem de omnibus peccatis mortalibus, eaque fatetur, ad venialia tamen ne quidem animadvertit. Q. an hic, cætera requisita apponendo, lucretur Plenariam Indulgentiam.

Re-

Respondeo, lucrari, si in ipsa positione ultimi operis omnia etiam venialia deleta sint, per virtutalem extensionem doloris ad ipsa, seu per abolitionem, vel per aliquod aliud remedium: non lucrari vero, si secus. Ratio est, quia ut reportetur totalis remissio poenae, debet intervenire totalis remissio culpae, cui talis poena correspondet; remanente enim culpa, non remittitur poena, ut ex Augustino inquit Glossa in extravag. Antiquorum de poenit. & Remiss. Neque dicas, culpam venialem deleri per ipsam Indulgentiam; vel ab Ecclesia hanc iis concedi, qui se de iis culpis accusaverunt, quorum Confessio cadit sub praecepto, uti non sunt venialia. Contra enim, cum Indulgentia sit solum instituta ad relaxationem poenae, ab ea saltim directe non remittitur culpa, ut probant Suarez, Viva, & Bossius, ceterique comm. Et Ecclesia Plenariam Indulgentiam exhibens, hanc solum iis concedit, qui ad eam se rite disponunt per totalem expiationem a culpa, ut colligitur ex supra dictis. Ceterum quia accedentes ad Sacramenta raro, vel nunquam praecise dolent de peccatis mortalibus, sed communiter intervenit dolor de offensa Dei in communi, in qua includitur detestatio venialium in genere, ut ait Cajetanus in 3. p. q. 87. art. 2. circa finem, ideo valde probabile est, quod nosse Peccitens in casu lueretur Plenariam Indulgentiam.

CAS. III. Commodatarius dubitans, an Equus per furtum fuerit ablatas ob suam incuriam, petit a Confessario, an ipse teneatur solvere Domino pretium Equi. Quid illi respondendum?

Respondendum, quod si ipse Commodatarius non est certus de incuria a se habita in Equo custodiendo, & quod propterea fur abstulerit Equum, non teneatur in foro Conscientiae solvere Domino pretium Equi, neque ullam partem ejusdem. Ratio est, quia quando certo non constat de culpa, stat in possessione innocentia; nec quis tenetur ad restitutionem certam ob purum dubium de damno illato: ut supra dictum est ad tertium Junii.

M E N S E N O V E M B R I S.

CAS. I. **P**etronius conficius, quod Vitalis agra fert; ac magno rubore suffunditur, quoties proferunt, eo praesente, quaedam verba irrisoria ejusdem, quantumvis levia, in hujusmodi verba saepe prorumpit ad illius praesentiam. Q. an peccet mortaliter.

Respondeo affirmative, & quidem toties, quoties, id deliberate praestat. Ratio est, quia licet ea verba irrisoria in se sint levia, tamen ut a Vitali valde apprehensa, & ut sufficientia ad notabiliter perturbandum Vitalis animum, eique causandum magnum ruborem, sunt gravia contra Charitatem, ut cum S. Thomam frequentar tradunt Doctores; propterea dicentes ad efformandum judicium rectum de gravitate, aut levitate irrisoriae, non solum attendi debere ad dictum, vel factum, quo proximo irridetur, verum etiam ad qualitatem contristationis, ac erubescitiae, quae per tale dictum, vel factum causatur, an nempe hac gravis sit, aut levis; sicut enim fieri potest in alio genere, quod dictum, vel factum in se leve, evadat grave ratione circumstantiae adjunctae, v. gr. scandali, vel alterius gravis damni a tali dicto, vel facto causati: ita pariter fieri potest, ut verbum irrisorium in se leve, evadat grave ratione notabilis perturbationis, ac gravis erubescitiae ab eodem causatae. Quare cum verba irrisoria a Petronio in casu prolata gravem Vitali causent contristationem, & erubescitiam, dicendum &c. ita Sporer, aliique comm.

CAS.

CAS. II. Agricola occasione nundinarum bona fide emit Bovem a Fure, emprumque paulo post pecunia indigens revendidit Sempronio, lucrando in tali revenditione quatuor Scuta. Peraſta revenditione, audit, Bovem revenditum fuiſſe per furtum ablatum a Cajo ab illo eodem, a quo ipſe illum emerat. Q. utrum Agricola teneatur ad aliquid.

Reſpondeo cum diſtinctione: Vel Agricola cum emit Bovem a Fure, illum emit minori pretio, quam intrinſece valeret (Fures enim pluries vendunt res ablata minoris quam valeant); & tunc dico, quod ſi illa quatuor Scuta integrant juſtum pretium Bovis, tenetur hæc tradere Cajo, detractis expenſis; non ſunt enim fructus induſtriæ, ſed pars pretii, & valoris intrinſeci ipſius Bovis. Vel illum emit a Fure pretio juſto; & tunc dico, Agricolam ad nihil teneri; illa enim quatuor Scuta non ſunt fructus Bovis, neque pars pretii, ſeu valoris intrinſeci eiſdem, ſed fructus induſtriæ. Vel denique una portio; puta, duo ex his quatuor Scutis requirebantur ad integrandum juſtum pretium bovis; & tunc dico, Agricolam poſſe ſibi duo retinere ut fructum induſtriæ, alia vero, detractis expenſis, fore Cajo tradenda. Vide Giribaldum de Reſtitut. c. 2. dnb. 1. num. 6.

CAS. III. Puella gravibus ſubjecta veneris cogitationibus, neque illis content, neque ſollicite curat illas repellere. Q. an ſit rea alienjus peccati. Reſpondeo fieri utique poſſe, quod Puella itale gerens excuſetur ab omni peccato, ſi nempe non ſubſit ulli periculo conſenſus, & delectationis; tunc enim eſt mere patiens hæc tentationes; & præceptum præciſe eſt de iis non præſtando conſenſu, & de non percipiendo ex iis voluntario oblectamento. Quoniam vero in praxi ſero velocius periculum conſenſus, aut delectationis regulariter intervenit, quando quis ſollicite non curat veneris cogitationes repellere, *Diabolus enim ſerpens eſt lubricus, cujus ſi capiti, ideſt prima ſuggeſtioni, non reſiſtitur, totius intima cordis, dum non ſentitur, illabatur*, ut ait Iſidorus lib. 3. de ſumm. bon. tract. 3. ideo conſeſo, Puellam frequenter, vel diu ita ſe gerentem, non excuſari ab omni peccato; eſt enim nimium ſibi fidere, parum curare de extinctione ſcintillæ proſilientis in ſuppam, & hoc non obſtante, prætereundere quod Deus evitet incendium. Vide Dianam part. 2. tractat. 17. reſol. 33.

M E N S E D E C E M B R I S.

CAS. I. **L**aertius furatus eſt triticum coram Francisco, qui eiſdem malo ductus exemplo pariter furatus eſt Oleum. Q. an, non reſtituente Francisco, teneatur Laertius utrumque damnum reſicere.

Reſpondeo negative: eo quia neque fuit cauſa phyſica, neque moralis ablationis Olei, cum, ſicuti ſupponitur, neque juſſerit, neque conſulerit, neque laudaverit Francisco huiusmodi furtum, nec ollo alio actu poſitivo in illud influxerit, aut ratione officii teneretur ipſum impedire. Igitur debet quidem reſtituere triticum a ſe ablatum, vel pretium eiſdem, ac ſe in Confessione accuſare de ſcandalo alteri dato; at non tenetur ipſe utrumque damnum reſicere. Ita DD. comm.

CAS. II. Subdiaconus certior factus de abſentia Viri, noctu acceſſit ad illius Uxorem. At Vir ex Improviſo adveniens, deprehendenſque Uxorem in ſacrilégio adulterio, hanc occidit, interim fugiente Subdiacono. Q. an hic ſit irregularis.

Reſpondeo negative: quamvis enim rei illicitæ operam daret; tamen non fuit

dos; quinimmo etiam post talem notitiam propensionem erga ipsam ostendens, aliis vicibus eam cognovit. Q. an teneatur illam ducere?

Respondeo affirmative: Nam etiam dato, quod, cognito puellæ defectu potuerit absolute mutare sententiam, & absque ulla obligatione resilire, quod tamen cum Lugo negat Giribaldus de Matrim. cap. 1. dub. 2. num. 19. circa fin. si postea conscius sui juris, non præmonitam retractionis puellam ostensione propositionis denuo attraxit ad copulam, amplius resilire non potest. Et ratio est, quia cum ipsi innotesceret, puellam non nisi sub onore nuptiarum ipsi indulgere, si copulam sub tali tantum conditione concessam repetiit, & acceptavit, facto ipso pristinam obligationem ratificavit ratione intervenientis contractus onerosi *Do ut facias*. Anacletus lib. 4. Decr. tit. 1. §. 4. n. 115. Adde sic ipsum decepsisse puellam apparenti continuatione in eodem proposito: quid enim vero præferebat illa propensionis ostensio subsequens ad promissionem exterius non retractatam, nisi speciem perseverantiæ in priori deliberatione? Sicuti ergo qui apparenti promissione Matrimonii induxit puellam, etiam corruptam, ad copulam, supposita aliunde æquali conditione &c. tenetur in utroque foro illam positive ducere, ut cum communi firmat laudatus Auctor loc. cit. ita qui apparenti continuatione in jam facta promissione induxit puellam ad novam copulam, pari modo tenetur &c. Vide Coninch. disp. 23. dub. 10.

CAS. III. Sergius salutatus ab Excommunicato Excommunicatione majori, urbanitatis causa, ei caput aperuit. Q. an peccaverit, & inciderit in Excommunicationem minorem.

Respondeo cum distinctione. Vel talis Excommunicatus erat toleratus; vel erat vitandus: Si primum; dico, Sergium ob id nullam Censuram, vel culpam incurrisse; nam post Constitut. *ad evitandas*, Fidelibus permissum est cum toleratis communicare etiam sine causa, ut in profanis, cum in sacris, licet hi nequeant sub pœna minoris Excommunicationis primi communicare cum fidelibus, nec absolute inter se, aut cum vitandis. La Croix de Excomm. num. 267. & seq. Si secundum; dico, Sergium peccasse venialiter, ac incidisse in &c. ignorantia, inadvertentia, ineliberatio, aut necessitas ipsum excuset; nam illa aperitio capitis, facta in eo casu, communiter reputatur honoris correspondentia, & actus dulciæ civilis, veritus sub tali pœna a Sacris Canonibus, ac omnino tanquam indebitus vitandus; hic enim cum illicite salutasset, jus non habebat ut resalutaretur bene vero ut negligenter, cum in pœnam criminis, cum ex charitate, ut nempe se neglectum videns, resipisceret. Nec relevat, id non honoris, sed urbanitatis causa præstitum fuisse; nam cum actio de se fuerit exhibitiva cultus externi, ab actu exterioris observantiæ excusari non potest. Deinde urbanitas non est, sed perversitas, actio contra Sacros Canones. Quod si salutatio per verba clarius adinventur prohibita, hoc ideo est, quia verba sunt signa communicationis expressiora. Cæterum etiam nuntus sunt huiusmodi, ideoque tam *Os*, quam *Vale* vitando negatur. Bonacina, Giribaldus, & alii.

MENSE FEBRUARII.

CAS. I. **B**ertha advertens Puellulum suum osculatam a Vetula cœpisse ægrotare, illico iudicavit, ægritudinem parvuli processisse ex Vetulæ fascinatione, quam propterea denunciavit ut Strigem Sanctissimæ Inquisitioni. Q. recte ne, an male se gesserit.

R

Resp.

Resp. Bertam male se gessisse, si aliud fundamentum non habebat; siquidem nec osculum Vetulæ de se, ut patet, nec ægritudo parvuli immediate subsequens, præbat motivum sufficiens ipsam habendi, & denunciandi ut Strigem; cum talis ægritudo provenire potuerit ex aliqua interna mala affectione Infantis, ut suadent tot inopinati, ac ex improvise advenientes morbi nedum puellulis, verum etiam viris vegetibus & robustis. Hinc, ni Bertam excuset simplicitas, aut quid simile, gravis culpæ ipsam incusat tum judicii temeritas in materia gravi, cum gravis læsio juris, quod habebat Vetula, ne ipsius fama denigraretur per illam denunciationem absque iudiciis sufficientibus. Addo, quod quamvis certo constitisset, puellulum fuisse infectum a Vetula, non per hoc statim ut Strix hæc habenda erat, ac denuncianda; nam fieri potest, quod naturaliter, & sine Dæmonis concursu id eveniat, ut ex S. Thoma. probat Azorius Inst. p. 1. lib. 9. cap. 25. putridis enim Vetulæ quandoque sunt plenæ humoribus, quorum effluvia erumpentia ex oculis, ore, naribus &c. apta sunt inficere corpora, præcipue mollia, ac tenera: sicut illa sceminæ menstruæ insunt specula. Vide Land. tract. 9. de Vit. Rel. op. disp. 4. q. 28.

CAS. II. Titius creditor Livii quinquaginta Scutorum audiens hunc e vivis ereptum cum tot debitis suo credito anterioribus, ut merito dubitari possit, an bona ab ipso relicta futura sint satis ad satisfaciendum omnibus Creditoribus, cum apud se retineat Mobilia Defuncti in valore adæquantia summam sibi debitam, ea sibi appropriat in Crediti compensationem. Q. an licere.

CAS. III. Lata Excommunicatione contra detinentes bona Livii. prædicti etiam ex motivo compensationis, præfatus Titius metuens sui Crediti amissionem, si Mobilia manifestes (neque enim habet testes, neque documentum sufficiens ad istud comprobandum) retinet, retinetque Mobilia. Q. an incidit in Censuram.

Resp. ad primum, quamvis isthæc Mobilia nulli sint spectaliter obligata, in rigore non potest Titius ea sibi licite appropriare, quousque certo non constet, an bona a Defuncto relicta sufficient pro omnibus Creditoribus. Ratio est, quia cum ea non fuerint vere apposta penes ipsum in pignus sui Crediti, ipse in rigore illa possidet nomine Debitoris, cum Lugo recte notat La Croix de Furto n. 969. Propterea cum bona Debitoris, casu quo non sufficient pro omnibus, attento jure naturali, debeant dividi inter Creditores ad ratam, ut ait. Giribaldus de Restit. cap. 5. dub. 5. n. 50. ideo ne subsit periculo se compensandi cum re. ad alios spectante, non potest statim ea sibi appropriare in compensationem sui Crediti: sed solum potest interim ea apud se retinere in assecurationem ratæ, quæ ad ipsum spectabit. Nec per hujusmodi retentionem incidit in Censuram; nam ex una parte impotentia se aliter indemnem servandi excusat hanc retentionem a peccato, sine quo non incurritur. Censura; ex alia Censura præsumitur lata contra detinentes ex prætextu compensationis injusto, non vero ex justo, ut in casu. Ex quo habes responsum ad tertium. Vide Girib. tr. cit. c. 6. dub. 4. n. 31. & Rosignol. de Restit. 3. præf. 12. n. 17. & seqq.

M E N S E M A R T I I.

CAS. I. **A**dvertit Agricola, Sororem suam fuisse ab Amasio sextam; propterea actus in rabiem, calcibus, ac verberibus cum scro ipsam occidit. Amasius de hoc certior factus, lethale vulnus infligit Agricolæ, qui accurrenti Confessarius fatetur quidem occisionem Sororis, at reticet illius pugnantiam, scelerisque mortem, ne detegat crimen occisæ, communitè Virginis reputatæ. Q. an valida sit ista Confessio.

Resp.

Resp. Objective eam esse probabilius Invalidam. Ratio est, quia eo ipso, quod poterat absque peccato manifestare etiam occisionem socius una cum illa sororis, jam id facere tenebatur, ut impleter divinum præceptum de integritate Confessionis. Atqui revera poterat in casu absque peccato manifestare etiam occisionem &c. nam, ut ait Angelicus 2. 2. q. 73. art. 2. manifestare viro prudenti & tacturno occultum crimen alterius, non ad finem ipsum infamandi, sed propter aliquod bonum, vel necessarium, non est peccatum; ergo id facere tenebatur; per consequens, si id non fecit, ejus Confessio, saltem objective, est invalida. Nec obstat quod peccatum Agricola connexionem non haberet cum gravidantia Sororis, nam erat connexum cum foetu occiso in ejus utero; quod sufficit ut hanc quoque occisionem fateri deberet. Hinc D. Bernardus opusculi de for. hon. VI. inquit: *De nullo propterea sinistre loquaris, quantumcumque sit verum & manifestum, nisi in Confessione, & hoc, ubi non potes aliter manifestare peccatum tuum.*

CAS. II. Senex olim deditus Molliciei cum intentione ad foeminas, expressit quidem in antea actis Confessionibus voluntarias pollutiones, sed non expressit prava desideria ipsas concomitantia. Q. an ad id adveniens, denovo fateri debeat pollutiones una simul cum desideriis talium & talium foeminarum.

Resp. cum dist. Vel non expressit hæc desideria culpabiliter; & tunc certum est, quod si tempore intermedio rite confessus non est, debet ad id adveniens denovo fateri &c. nec non sacrilegia, aliaque mortalia, vel omnia, vel sacrilege expressa; nam hæc omnia sunt materia necessaria Sacram. Pœnitentiæ, vel ea non expressit inculpabiliter; & tunc dico, necesse non esse denovo fateri pollutiones; sed satis esse quantum ad hoc, ut fateatur illa prava desideria cum debita expressione qualitaturn sui, cum foeminarum: licet enim pollutiones contemporaneæ fuerint hisce desideriis, tamen nec cum illis cum his, neque hæc cum illis connexionem essentialem habebant, sed utraque ex se importabant totum suum esse, de per se intelligibile, exprimibile, ac subsistens, ideoque si pollutiones rite fuerunt expressæ, fuerunt quoque directe absolviæ; sique exponenda remanent sola desideria talium & talium foeminarum, ut peccata oblita. Giribaldus de Sacramento Pœnitentiæ cap. 11. dub. 1. & comm.

CAS. III. Adolescens jocans cum Puellis uni tandem frangit virginale claustrum, sed cum seminatione ab extra; cum alia perficit actum cum seminatione ad intra; sed dubius est an hæc esset Virgo, vel corrupta. Q. an utrumque sit verum suorum reservationi obnoxium.

Resp. primum tale non esse, bene vero secundum. Ratio primi est, quia stuprum completum (quod solum intelligitur reservatum, quoties illud non exprimitur); utpote species naturalis luxuriæ consummatæ, perficitur per seminationem eodem actu factam intra claustrum a primo penetrante. Quare si adolescens ibi non seminavit, non est per hoc reservationi obnoxius. Ratio secundi est, quia qualitas, quæ naturaliter inest, in dubio ad fuisse præsumitur, ni probeatur oppositum. Jam vero Virginitas naturaliter inest puellæ, utpote quæ virgo nascitur; ideoque eam in casu, Virginem fuisse præsumendum est. Panormit. cap. 1. de adult. n. 5. & comm. Hinc si Adolescens cum ea perficit actum &c. commisit stuprum reservationi obnoxium, cum his etiam cum consentiente sit reservatum. Neque dicas, reservationem extendi non debere ad casus dubios; id enim verum est quando non intervenit præsumptio pro delicti admitti veritate; hac tamen interveniente, si veritas ipsa non innoscit,

scit, etiam in foro conscientie standum est presumptioni veritatis, ut firmat Sanchez lib. 1. sum. cap. 10. num. 13. & 74. Et sane ita sentendum; nam secus Concupitores Virginum vix unquam incurrerent stupri reservationem, cum signa Virginitatis valde fallacia sint, & ea quæ assignantur, Peritorum attestatione, perquam raro in eis inveniuntur. Mazzuchel. de cas. resp. disp. 4. cap. 23. q. 1. n. 17.

MENSE APRILIS.

CAS. I. **V**italis rogatus a fure, ut ei opem ferret in auferendis a telonio Mercatoris, domumque asportandis bis centum scutis, abnuit, latronemque corripuit, eo tamen instante, maioremque summam se ablaturum iactante, nisi ei indulgeret, tandem adjuvit ipsum auferre & asportare Scuta ducenta, ne fur inferret Mercatori gravius damnum. Q. an Vitalis ob hoc sit culpæ arguendus.

Resp. cum dist. Vel fur egebat Vitalis auxilio ad Scuta 200. auferenda, & asportanda: vel non. Si primum; dico, Vitalem esse culpæ arguendum nam formaliter concurrat ad furtum. Si secundum; dico, eum non esse culpæ arguendum; nam ex una parte fecit quantum potuit, ut Furem a furto retraheret, ex alia cooperatus est furto solum materialiter, immo & cum rationabiliter præsumpto consensu Domini; cum enim res ejus utiliter gesserit, sic eum liberando a damno graviore, vere aderat consensus Mercatoris interpretativus; nec proprio cooperatus est malo, sed liberationi a malo peiori, & minori malo. Neque dicas, me non posse cooperari mutilationi alicujus, nec occidatur, quamvis mutilatio sit minus malum occisione; disparitas enim est, quia cum homo non sit Dominus suorum membrorum, prudenter præsumi nequit illius consensus in sui mutilationem. E contra cum Mercator esset Dominus, ac libere potens disponere de tota illa summa, prudenter præsumi poterat illius consensus quod Vitalis cooperaretur ablationi portionis, ne majori quantitate privaretur, ut cum Diana recte inquit Sporer tract. 5. cap. 1. num. 62.

CAS. II. Eidem Mercatori conquerenti, quod plura fecerit Credita, & modica affulgeat spes eadem exigendi, Titius, habens modum facile ad integre recuperandam pecuniam creditam, se offert ad illa omnia emenda dummodo Mercator ipsi ea vendat pretio longe minori, quod brevi executioni mandatur. Q. an Titius ea licite emat.

Resp. affirm. dummodo tantum pro eisdem solvat quantum in communi æstimatione valet jus illa exigendi. Ratio est, quia iustum pretium rei non defumitur ab eo, quod res valuit venditori, neque a privata industria, scientia, favore, aut utilitate ementis; sed a communi æstimatione in talibus circumstantiis. Cum ergo, supposita modica spe talia Credita exigendi, (puta, quia litigiosa sunt, aut Debiiores potentes, & valde difficiles ad solvendum) hæc communiter æstimantur pretio longe minori; ideo Titius licite &c. Excipe tamen casum, quo Titius esset unus ex principalibus Debitoribus ac differret solvere, ut Debitum suum minoris redimeret; item si Credita essent in se facili exactionis, & a solo Mercatore, utpote nimium pavido, apprehenderentur ut difficillime exigibilia, in hisce enim casibus non posset Titius &c. quia in communi æstimatione non adeo parvi valerent: ita DD. comm.

CAS. III. Uno ex duobus Confessariis affirmante, merces posse credito pluri vendi, quam pecunia numerata, idque ratione lueri cessantis, negabat alter, eo quod tale lucrum compensetur a venditione credi-

te pluribus facta, sicque ex eo, quod tali modo percipiatur lucrum a pluribus. Q. utri sit adhaerendum. sp. nentri; siquidem vel istud plus, quo pecunia credita merces venduntur, continetur intra limites iusti pretii, & tunc certum est, merces non habentes pretium a lege taxatum, etiam praefixo lucro cessante aliove titulo, posse credi plus vendi, quam &c. ex. gr. pretio supremo pecunia credita; infimo vero, vel medio, pecunia numerata; cum nemo, per se loquendo, teneatur res suas vendere, maxime credito, infra pretium supremum iustum. Vel istud plus, quo pecunia credita merces venduntur, excedit limites iusti pretii & tunc dico, quod si hoc plus iudicio viri prudentis sit moderatum, ac conforme regulis quoad hoc traditis a sanis DD., adhuc merces possunt credito sic pluri vendi; non quidem ratione lucri cessantis, cum lucrum per numeratam pecuniam alias perceptibile, vero ei compensetur per plures venditiones credito factas, quae secus non fierent, ut sam Molina, Salas, ac de Lugo, notat Viva Opusc. de Usur. quaest. 1. art. 5. n. 7. & La Croix de empt. & vend. n. 944. sed ratione periculi non habendae postea solutionis sine molestiis, immo & amittendi pretium solvendum ab aliquo ex Debitori-bus; quod periculum sane est pretio aestimabile.

M E N S E M A I I.

CAS. I. Villicus, jam per annos viginti degens in praedio Viri Nobilis ac divitis pluries per singulos annos furatus est Domino modicum quid, puta, tempore messis modicum tritici, tempore vindemiae modicum uvae &c. nunquam tamen intendens continuare in hisce furtulis. Nunc advertens, omnia haec modica simul sumpta facere unum satis, petit a Confessario, an peccavit mortaliter, & sub gravi teneatur ad restitutionem. Quid respondet Confessarius.

Respondet, quod vel solum hic & nunc advertit se Domino furatum fuisse in quantitate notabili; vel huiusmodi advertentiam habuit etiam prius, cum furtula prosequeretur. Si primum inquit, inadvertentiam ipsum quidem a gravi culpa excusasse, nihilominus ipsum teneri restituere Domino res ablatas, si adhuc penes ipsum extant, aut id, in quo ex iis factus est ditior, cum res clamet ad Dominum, & ex alieno quis discedere non debeat. Addit tamen, quod si nihil remanet penes ipsum, nec in aliquo factus est locupletior, tunc non tenetur sub gravi restituere, quia tanta obligatio in casu nequit oriri sine culpa gravi, adeoque sine gravi damno advertenter causato, aut sine injusta acceptione mortali, ut tradit Viva in 29. prop. damno. ab Alex. VII. n. 15. Si secundum inquit, ipsum toties peccasset mortaliter cum opere restitutionis, quoties sumpsit aliquid advertendo se aut complere, aut continuate ablationem notabilem; sic enim deliberate damnificavit, aut perrexit damnificare notabiliter Dominum, Viva ibid. n. 18.; cumque ex notabili deliberata damnificatione, etiam facta perpauca furta, quisque teneatur sub mortale restituere, ut constat ex proseripione prop. 38. facta ab Innoc. XI. ideo in hoc secundo casu tenetur Villicus pro posse restituere.

CAS. II. Vacante pingui Beneficio jurispatronatus, Sacerdos plurima obsequia praestat Amico Patroni, ut huic notam faciat, commendatque suam habilitatem. Q. an in hoc interveniat Simonia.

Resp. cum diss. Vel per ly commendatque suam habilitatem intendit lauda-

tionem suæ habilitatis præcise ; vel intendit laudationem suæ habilitatis eo fine , ut nominetur ad Beneficium . Si primum ; DD. comm. dicunt id quidem esse periculosum ; si tamen Sacerdos vere intendat ob hoc solum obligare Amicum Patroni , inquit , in hoc non intervenire Simoniam . Ratio est , quia talis laudatio de se est quid temporale ; ideoque ob hoc illa obsequia præstare , est tribuere temporale pro temporali . Si secundum ; dicunt , intervenire Simoniam . Ratio est , quia laudare aliquem eo fine , ut nominetur ad Beneficium , non est amplius quid præcise temporale , sed quid spirituali annexum , & moralis causa , quo Beneficium conferatur , & via directa ad Beneficium ipsum ; ideoque ad hoc illa obsequia præstare , non est amplius tribuere temporale pro temporali , sed pro spirituali , aut spirituali annexo . Hinc sicuti dare pecuniam Familiari Episcopi eo fine , ut ille apud hunc intercedat Ordinationem , est simoniacum , e. *statuimus* 1 q. 12. , ita prestare obsequia Amico Patroni eo fine , ut apud hunc intercedat nominationem ad Beneficium , est simoniacum . Anacletus lib. 5. de cr. tit. 3. §. 7.

CAS. III. Puella capta pulcritudine Flavii , quem putabat liberum , permisit ei sui defforationem . Postea tamen videns illum familiariter agere cum Cassia sua Coniuge ipsi Puellæ ignota , innuptaque ab ea reputata , etiam huic propinavit venenum , ut , æmula e vivis erepta , totum in se verteret amorem Flavii , eique nuberet . Q. an , Cassia ob hanc præpinationem pereunte , possit Puella absque dispensatione Flavio nubere .

Resp. posse : quando enim unus ex Adulteris , altero omnino inscio , machinatus ad mortem Coniugi ejusdem , non sufficit pro inducendo Criminalis impedimento talis occisio cum prævio Adulterio materiali : sed est necesse , quod præcesserit adulterium utrinque formale ; quod evenit quando uterque concumbens scit , vel se , vel alium cum quo concumbit , vel utrumque , jam esse conjugatum Matrimonio saltem rato , prout uno ore DD. fateatur . Cum ergo talis non fuerit concubitus Flavii cum puella , utpote quia hæc ignorabat , Flavium esse uxoratum , & Cassiæ conjugem ; dicendum , inter ipsam & Flavium non dari Criminalis impedimentum , adeoque , quantum & hoc est , ipsam posse Flavio nubere absque &c.

M E N S E J U N I I.

CAS. I. Capellanus obligatus quotidie celebrare , cum semel in hebdomada per annum venerit Bononiam ad invisendos Conanguineos & Amicos , ea die , quam venit , nunquam celebravit . Q. an peccavit , & teneatur modo possibili supplere Missas non celebratas .

Resp. cum dist. Vel in fundatione talis Capellanæ fuit illi impositum , quod quotidie celebret per se ipsum ; vel non . Si non ; dico , Capellanus peccasse , ac teneri &c. nam debebat alteri celebrationem committere , si nolebat , aut nequibat iis diebus celebrare per se ; siquidem Capitulum *Significatum* de præb. permittens aliquando vacare , procedit solum quando cautum est , ut Capellanus quotidie celebret per se ipsum , ut ultra Fagnanum ibid. n. 9. notat Sanctissimus D. N. Papa Benedictus XIV. tum Notif. 19. tom. 3. , cum de Sacrif. Miss. part. 4. n. 20. asserens apertam declarationem S. Congregationis Conc. 18. Sept. 1783. *Si fuis illi impositum* Or. dico , potuisse quidem Capellanum aliquando vacare , etiam ad hunc fidem invisendi Conanguineos & Amicos ; cum hos intra annum aliquando invisere sit quid honestum ; ac non cum tanta frequentia , & ^{liter}

liter, ut ob id præfse semel in unaquaque hebdomada celebrationem omitteret; nam hoc speciem potius habet voluptatis, quam honestatis, neque credibile est, Fundatorem Capellanæ vacationi adeo frequenti fuisse unquam consensurum. Hinc censeo, attentio hoc solo motivo, id quidem leuissimum quinquies, aut sexies in anno, si multum distabat, non vero pluries; ideoque quoad reliquas vices Capellanum poecasse, ac teneri &c.

CAS. II. Alter Capellanus pariter obligatus quotidie celebrare, semel in hebdomada pro missa accepit elemosinam, & sic pro ipsa largiente per annum applicuit Sacrificium. Q. an licite.

Resp. neg. ita respondit S. Congr. Conc. die, mense, & anno prædictis, etiam si Capellanus esset obligatus quotidie celebrare per se ipsum. Idemque resolvit S. Congr. Visitationis Apostolicæ 18. Junii 1697. expresse decernens, accipientem teneri ad restitutionem stipendii, & danter ad novam Missæ applicationem. Immo præfata S. Cong. Conc. ibid. declaravit, Sacerdotes obligatos ratione Beneficii, Capellanæ, Legati aut stipendii, per se ipsos quotidie celebrare, diebus licitæ vacationis non possem Missam pro se ipsis, vel aliis, præterquam pro Fundatoribus, celebrare. Vide Opera Sanctissimi D. N. Papæ Benedicti XIV. loc. cit.

CAS. III. Sacerdos jam habens stipendium pro Officiatura, seu præsentia accipit aliud stipendium pro Sacrificii applicatione. Idne licite fieri potest?

Resp. quoad hoc duplex circumferri Decretum S. Congr. affirmativum unum, negativum. alterum. Quoniam verro SS. D. N. inquit, de neutro ex his Decretis satis constare; ideo dico, quod si clare pateat, obligantem ad præsentiam, hanc solum intendisse; tunc utique accipi potest aliud stipendium pro applicatione cum præsentia, & applicatio sit duo diversa, & onus celebrandi in tali loco, & ad tale Altare, valde differat ab illo applicandi sacrificium; atque hæc sententia videtur usu recepta. Si tamen certo non constet, obligantem ad præsentiam, hanc solum intendisse; tunc accipi non debet aliud stipendium, sed sacrificium debet etiam pro illo applicari, ut declaravit S. Cong. Conc. 18. Martii 1608. nam pro onere applicandi sufficit ordo habitus celebrandi, quique se exemptum præterdit ab onere applicationis, claris probationibus hanc exemptionem debet ostendere: Ita SS. D. N. Papa Benedict. XIV. cit. Notif. 15.

MENSE JULII.

CAS. I. **M**arius interne dubitans, an Christus Dominus vere sit in Eucharistia, quasi ratiocinium continuando, externe profert: *Equidem credo quod ibi non sit*. Q. an subest Excommunicationi latæ in Bulla Cœnæ contra Hæreticos.

Resp. neg. Siquidem ad incurendam Excommunicationem requiritur actus externus de se hæresis internæ manifestativus, ut ajunt DD. comm. Cum ergo allata verba hujusmodi non sint, utpote indifferencia ad significandum aliquid etiam juxta fidem, præter quod ibi non sit substantia panis; ideo Marius ob ea non subest Excommunicationi &c. Erparum refert, quod si ea referantur ad id, quod idem Marius habet in mente eique uniatur, tunc hæresim manifestent; proinde etiam in Excommunicationem debent verba hæresim manifestare ex se, & sejunctim ab eo, quod habetur

in mente, cum de hoc Ecclesia non iudicet, nisi ad extra si sufficienter manifestatum. Cayrus in can. t. Bul. Cœn. cap. 4.

CAS. II. Cauponarius videns Romipetam velle opprimere Cauponæ famulam, tot verberibus ipsum percutit, ut pene totum illius corpus lividum remaneat. Q. an incurrerit Excommunicationem ejusdem Bullæ.

Resp. neg. Livor enim non est interfectio, non vulnus, non mutilatio, de quibus loquitur Bulla; sed est plumbeus quidam color, ex eo procedens, quod in corpore, duro ictu inflicto, exiles venæ confusæ sanguinem ad extremitatem cutem diffundunt, ut recte inquit Duardus lib. 2. in cap. 10. q. 2. n. 3. Non eximeretur tamen a Censura si ante ipsius præsentiam Romipeta moreretur ob impotentiam se curandi; licet enim verberatio alias non fuisset mortalis, sit in casu mortalis circumstantia, ut cum Bonacina notat Rosignolus cap. 10. in Excomm. ejusd. Bul. immo, juxta Alterium & Duardum, probabiliter etiam non eximeretur, si in aliqua parte caufatus fuisset notabilis tumor, ob quem secuta sit separatio cutis inirinfecus (idem dic si fractum fuerit aliquod os), aut necessaria sit opera Chirurghi, qui partem læsam adaperiat ad extrahendam saniem; tunc enim vel habetur scissura, adeoque vulnus, vel opus est, scissuram facere & sic percussio est causa vulneris; quod sufficit ad censuram; si cuti enim nihil interest, utrum quis occidat, aut causam Mortis præbeat, l. *nihil ff. ad l. Corn. de sic. ita &c.*

CAS. III. Petronius accepta gravi injuria a Clerico, audiens hunc occisum fuisse nomine ipsius, ratam hujusmodi occisionem, etsi displicentiam exterius ostendat. Q. an per hoc sit Excommunicatus, & irregularis.

Resp. cum neque Irregularem esse, neque Excommunicatum. Non est Irregularis, quia licet in cap. *cum quis* de sent. Excom. in 6. Ratihibitio de occisione, aut percussione Clerici, comparentur mandato; tamen comparatio ibi non sit quoad incursum in Irregularitatem, sed in Excommunicationem de qua ibi est sermo. Hinc licet mandans Clerici occisionem, securo effectu, sit irregularis; non sic tamen eam ratam habens, uti est Petronius. Neque est Excommunicatus, quia Excommunicatio, utpote pœna Ecclesiastica, lata est pro ratihabitione externa, non autem pro interna, ut expresse notat Fagnanus in cap. *Dolentes* de Celebr. Missar. Propterea cum Petronius externe de hujusmodi occisione displicentiam ostendat, dicendum, ipsum non esse Excommunicatum.

M E N S E A U G U S T I.

CAS. I. Dominus nulla pollens arte, & a pueritia assuetus famulari, non inveniens Dominum, ut ipsum conduceret iusto salario necessitate compulsus famularum suscepit Viri Nobilis cum salario valde inferiori; eumque eo Dominus non minus utatur in operando, quando reliquis famulis, ei tantum clam surripit, quantum adæquat salarium aliorum. Q. an licite.

Resp. posse Dominum, servatis legibus occultæ compensationis, licite clam surripere, si non quantum adæquat &c. saltem quantum deest iusto salario infimo. Ratio est, quia conducens ex una parte, eo ipso quod conducit, debet stare legibus iustæ conductionis, & alia, una ex hisce legibus est, quod famulo conducto tribuatur salarium iustum saltem infimum; quod propterea si illi non tribuit, potest conductus se clam compensare, ut tradat Girib. in 4. Decal. c. 2. d. 3. n. 30. Nec obsistat in con-

erarium, eo enim ipso, quod est contra legem aut bonos mores, non obligat. Fagnanus in cap. *Antigonus* de Pactis. Et censetur factum non animo condonandi reliquum, sed ne amitteret illam commoditatem; quod enim quis facit necessitate compulsus, non facit libere, sed invite, & quasi coacte. Hinc Rossignolus de Loc. & Cond. præm. q. cum Molina; Reginaldo, ac Rebello inquit, Dominum adhuc posse &c. si semetipsum obtulerit, quia necessitas non minuit rerum valorem, & merces ultronæ vilescent quidem, sed intra, non infra latitudinem iusti pretii. Alii tamen inquit, in casu esse aliquid plus minuendum; nam merces ultronæ vilescent saltem pro tertia parte pretii.

CAS. II. Cajus locavit Publio sua vita durante, operas suas, & filiorum ad molendum in ejus molendino sub certa mercede pro singulis annis. Q. an, multiplicatis notabiliter filiis, teneatur Cajus molere eadem mercede.

Respondeo neg. Cum enim ultra iustum neutra pars gravari de jure poterit, prudenter præsumitur, quod contrahentes de tot filiis non cogitaverint, per consequens, quod neque de tanta multitudine convenerint. Quare in casu vel iudicio viri prudentis a Publio augenda est merces, vel non omnes sunt obligandi ad molendum, & operandum contra æquitatem. Rebello de Loc. & Cond. q. 1. Silvester V. *Locatio* q. 7. Aliique com.

CAS. III. Fabius occidit Bannitum non zelo iustitiæ, vel ob bonum Reipublicæ, sed ut reportet præmium occisori ejusdem promissum a Principe. Q. an sit reus culpæ mortalis.

Resp. neg. supposita exclusionē odii, ac vindictæ. Ratio est, quia licet expresse solum intenderet præmium riportare, implicite tamen, virtualiter, ac interpretative intendit etiam bonum Reipublicæ, iustitiæque exercitum, prudenter enim præsumi potest voluisse illum occidere occasione non peccaminosa, siquæ ob aliquem ex iis finibus, ratione quorum peccaminosa non est. Propterea cum isti fines sint bonum Reipublicæ &c., ideo ob istos fines, vel saltem ob aliquem ex istis finibus Bannitum occidisse dicendum est. Cæterum si nullo modo aliquem ex hisce finibus intendisset, a mortali excusari non posset; tunc enim vinceretur intendisse huiusmodi occasionem sub pura ratione homicidii ob præmium; quod ex objecto suo malum est, & quidem gravissimum. Vide Gavel. sup. Brev. Theol. pag. 239.

M E N S E S E P T E M B R I S.

CAS. I. **V**ix peracta a Parocho celebrante secunda Consecratione, monetur, Parochianum petiisse Sacramenta, ac esse morti proximum; cumque non adsint in Ciborio particulæ antea consecratæ, nec in loco alius Sacerdos, sumit ipse unam ex mox consecratis cum Vasculo Olei infirmorum, relictisque duobus ad custodiam speciarum consecratarum, eo pergit cum aliis ad excipiendam illius Confessionem, eique ministrandum Viaticum, & Extremam Unctionem. Q. an interruptio Sacræ Actionis, & Ministratio Viatici cum dicta particula liceant in casu, nisi in Missa nondum fuerit peracta Consumptio.

Resp. affirm. Cum enim Charitas Religioni, ac puro Ecclesiæ præcepto, seu Consuetudini præponderet, obligatio providendi saluti Animæ proximi prævaler obligationi non interrupti Sacrificium, & non communicandi ante consumptionem cum particula in eodem consecrata, ut cum Diana, Averfa, & aliis inquit Quartus in Rub. Miss. par. 2. tit. 3. dub. 3. immo ita

ita in simili casu fieri debere communis est DD. sententia. Notat tamen Quartus ibid. quod si Confessio moribundi longior futura sit ultra mediam horam, Parochus, audito aliquo peccato, illum moneat ut generaliter se accuset de reliquis, proponens ea postea singillatim confiteri, si possit, statimque illum absolvat, ceteraque ei Sacramenta ministrat, omittis Psalmis; & absque alia mora revertatur ad perficiendum Sacrificium, ut Missæ unicas servetur; & postea, si adhuc vivit, ad ipsum redeat, audiet reliquam Confessionem, & denuo absolvat.

CAS. II. Confessarius dubitans de lapsu Pœnitentis, ante absolutionem exigit ab eo juramentum, quod relinquit occasionem proximam voluntariam, nec amplius relaberetur in tale peccatum, Q. an bene, vel male se gerat.

Resp. Confessarium sic male se gerere. Ratio est, quia si habet rationabile fundamentum dubitandi de non dimissione huiusmodi occasionis, ac de lapsu Pœnitentis, debet huic absolute differre absolutionem, non autem ab eo exigere juramentum de occasione dimittenda, ac de vitando lapsu; cum enim absoluti ante dimissionem regulariter non statim dimittant, & non lapsus plurimum pendeat a remotione occasionum, sed a divinis auxiliis, quæ licet debeamus sperare, pædet tamen a libera Dei voluntate; si tale juramentum ab eo exigit. Pœnitentem relinquit in occasione proxima tum relabendi, cum pejerandi, sicque in proximo periculo duplicis mali, si antea erat in periculo unius tantum, ut advertunt comm. DD.

CAS. III. Famulus est videat alium famulum res Domini furripere, tacet. Q. an tale silentium sit contra iustitiam, & propterea, fure non solvente, ipse solvere teneatur.

Resp. cum dist. Vel isti famulo specialiter commissæ est cura, & custodia rerum domesticarum; vel non. Si primum; dico, utique tale silentium esse contra iustitiam, si absque sui gravi periculo impedire valeat Domini damnum clamando, aut resistendo; cum enim teneatur ex officio hoc impedire, non impediendo deest muneri suo, adeoque ipse pro eo teneatur ad solutionem, si ille non solvat. Si secundum; subsistit: vel videt alium famulum res domini furripere, & congregare animo asportandi, & fugiendi, & tunc dico, cum communiore, silentium adhuc esse contra iustitiam cum obligatione restituendi, ni potens clamet, & impediat, ut etiam dici solet cum furantur extranei; in his enim casibus famulus est quasi domesticus, & familiaris Domini, certa mercede conductus ad commodum, & utile ejusdem, ac proinde damnum Domini vitare tenetur. Vel videt famulum aliquid quidem furripere, sed nescit, ipsum non congregare animo asportandi, & fugiendi; & tunc dico, silentium esse tantum contra Charitatem quatenus potens non evitat malum proximi. Ceterum cum ex officio ipsum avertere, non teneatur, non obligatur ad solvendum, fure non solvente. Giribaldus de Restit. c. 3. dub. 5. n. 43.

M E N S E O C T O B R I S.

CAS. I. **N**ovit Flaminius, Uxorem suam febri maligna, adeoque periculosa laborare, at simul etiam novit, eam esse valde apprehensivam, & notabiliter contristandam cum augmento morbi, si eidem manifestetur periculum, cui subest. Propterea cum ipsa confessa fuerit hesternæ die, & ex devotione sacra Communione refecta; nedum tacet ipse, verum etiam curat ne quis ei mortis periculum patefaciat. Q. an istud silentium sit culpabile.

Resp.

Resp. affirm. Directe enim opponitur Charitati, cuius lege deberet Flaminius salutis spiritali Uxori consulere, nedum ipsam hortando ut divinæ dispositioni se humillime subiciat, morbiq; molestiam patienter feret; veram etiam ut meliori modo, quo potest, animæ suæ provideat, serventius a Deo peccatorum veniam exoptat, Sacramentis Ecclesiæ se muniat &c. Licet enim confessa fuerit hesternæ die, & Sacra Communione resecta; tamen si etiam tunc non suberat probabili mortis periculo, incertum est, an per illam Confessionem, & Communionem satisfecerit præceptis confitendi, & communicandi in periculo mortis; eum id plures quidem affirmant; alii tamen quamplures negant, ut videre est apud Giribaldum de Euc. cap. 7. dub. 3. Deinde cum huiusmodi febri laborantes per sæpe in phrænelim incidunt; veræ ac debitæ charitatis officium exigeret, ipsam monere, ut petat, quod, morbo magis ingravescente, ei ministraretur Extrema Unctio, seque interim ad eam disponat. sic eam uberiori cum fructu percipitura, nec non auxilia potentiora pro uliima luctu. Cum ergo istud Charitatis exercitium obruatur noxio illo silentio: quis Flaminii hoc culpa non imputabit? Neque ipsum excusat prævisio contritionis cum augmento morbi. *Animæ enim est multo pretiosior corpore.* C. Cum infirmus de Penit. & Remis. ac præferenda est exterius rebus. L. Sencimus §. penul. c. de Sacr. Eccl.

CAS. II. Valerius summo mane discessit e propria regione, ubi celebratur festum Patroni principalioris, ac se transiit in aliam, ubi recolitur festum consimile. Q. an teneatur hic Sacrum audire.

Respond. affirm. si antequam discederet e propria regione non illud non audivit. Ratio est, quia praxis, & usus quasi communis iure gentium inductus, & approbatus, ac unanimi consensu omnium Fidelium, Superiorum, & Pastorum receptus, hanc obligationem induxit, statim ac utrobique viget, ac obligat similis lex, aut consuetudo, ut notat Bosius de Jubil. sect. 4. cal. 18. num. 44. Et quidem iure, ac merito talis usus invaluit; sic enim & Religioni sit satis, & graviori pondere aere oneratur ob existentis in proprio, vel alieno territorio. Hinc Suarez tom. 2. de Relig. lib. 2. cap. 14. num. 15. absurdum dicit in casu sentire oppositum.

CAS. III. Sempronius obligatus ratione Capellanæ ad quotidie celebrandum ad Altare S. Mariæ, per mensem omnino destitit a celebratione, eo quod in tali Altari fieri non poterat celebratio; per alium mensem celebravit ad aliud Altare, quamvis commode posset celebrare in deputato. Q. an in utroque casu male se gesserit; ac teneatur ad aliquid.

Resp. ad 1. eum diss. Vel erat obligatus quoad solam præsentiam; & tunc dico, quoad hoc ipsum nec male se gessisse, nec teneri ad aliquid, cum habuerit legitimum Altaris impedimentum. Vel erat obligatus etiam quoad Sacrificii applicationem, & tunc dico, ipsum sic male se gessisse, ac teneri ad supplenda Sacrificia omnia; impositum enim Altari designato, recurrere debebat ad Episcopum, qui vigore facultatis sibi a Tredentino concessæ, ipsi pro interim assignasset aliud Altare, in quo celebraret, & sic meliori modo possibili Testatoris mentem impleret. — Ad 2. Vel Altare S. Mariæ est privilegiatum, & ipse celebravit in alio non privilegiato; & tunc dico, quod male se gessit, ac obligatur restituere, aut in eodem tot Sacrificia per alium supplere, ob spirituale damnum, Testatori illatum. Vel non est privilegiatum, & tunc dico, quod si obligatio erat quoad solam præsentiam, non acquisivit stipendium, utpote relictum ex sine habendi præsentiam. Si vero obligatio erat etiam pro applicatione, de-

debet sibi retinere ratam huic præcise correspondentem, & reliquum restitueret, eum applicuerit quidem Sacrificium, sed non in loco debito. Rosligadus, Puteob. aliique.

MENSE NOVEMBRIS.

CAS. I. Camillus certo sciens ex una parte Clericum quemdam malum esse, ac vitiosum; ex alia conjiciens, ob fictas virtutes, apparentemque modestiam, & probitatem, eum bonitatis singularis fama pollere apud fere omnes regionis; modo huic, modo illi dicit, eum esse insignem hypocritam, & Iupum in pelle ovina. Q. an peccet mortaliter. Resp. eum dist. Vel hoc facit ex iusto, & rationabili motivo, puta, ad necessariam instructionem, ne quis ejus hypoerisi decipiatur, pravis moribus inficiatur &c.; & tunc dico, quod si id fiat, secluso malo animo ergo ipsum, tantum abiit, quod Camillus peccet mortaliter, ut per hoc potius exerceat actum Charitatis, & mereatur. Vel hoc facit sine iusto, & rationabili motivo; & tunc dico, Camillum peccare mortaliter: licet enim is sit vitiosus, nec possideat virtutem, seu bonitatem, quæ est veræ famæ fundamentum; tamen cum ejus malitia occulta sit, nec supponatur alteri noxia, nequit alii, absque gravi culpa, ac onere restitutionis, manifestari. Propterea Camillus toties peccat mortaliter, quoties alicui id refert; graviter enim lædit jus, quod Clericus habet ad propriam famam penes tales personas, apud quas proinde tenetur modo possibili famam restituere, ut tradunt DD. comm.

CAS. II. Tronius post expeditum Breve, vigore ejus possit eligere Confessarium, qui eum absolvat ab omnibus Confessoris & peccatis, etiam S. Sedi reservatis, novum peccatum commisit reservatum Pontifici. Q. an vigore ejusdem Brevis etiam ab hoc possit absolvi.

Resp. affirm. Ratio est, quia facultas, in casu concessa, generalis est; ac illimitata. Unde sicuti facultas tempore Jubilæi concessa, ob hanc rationem, dicitur extendi nedum ad peccata commissa ante Jubilæi promulgationem, sed etiam ad postea perpetrata usque ad tempus absolutionis (Viva Opusc. De Jub. q. 11. a. 3. n. 2.) ita facultas obienta per præfens Breve &c., & hoc etiam si in eodem exprimat *pro hac vice*, *pro una vice*; nam hujusmodi verba non restringunt concessionem ad sola commissa tempore concessionis, sed ad unam Confessionem, adeo ut si Pœnitens post obtentam Absolutionem vigore Brevis, diu in reservata labatur, Breve obtentum amplius non intersit. Excipe tamen casum, quo Pœnitens dolose diu distulerit Brevis executionem, ut interim laxatis habendi peccaret, & postea absolveretur: cum enim fraus & dolus nemini debeant patrocinari, mens Concedentis non est, ut imperita facultas ad hæc absolvenda deserviat. Lugus de Penit. disp. 20. sect. 8.

CAS. III. Fœmina prægnans, gravibus subiecta venereis cogitationibus, sæpius experta est, jejunii remedio se facile vincere hujusmodi tentationes, e contra non jejunando se pluries ab iis vinci. Q. an teneatur jejunare, quamvis jejunium sit noxium fœtui.

Resp. Ipsam nec teneri, nec posse jejunare, eo ipso, quod novit jejunium esse noxium fœtui. Ratio est, quia non sunt facienda mala, ut eveniant bona. Jam vero statim ac jejunium est noxium fœtui, malum est. Nec refert, quod plurimum intersit ad vincendas tentationes; quamvis eam sit medium aptum ad talem finem, non est tamen medium unicum; frequens enim

enim Novissimorum recordatio, occasionum sollicita fuga, seria meditatio Passionis Christi Domini, diligens sensuum, custodia, humilis divini adiutorii postulatio, vigilans voluntatis fructuatio &c. sunt media & ipsa valde conducentia ad talem finem; quibus propterea si ipsa opportune, ac solcite usa fuisset, non victa, sed victrix, Deo opitulante, extitisset. At etiam demus, usu horum mediorum tentationes non evanescere; imo inobstantiam jejunii illi esse occasionem proximam peccandi; quid tum? Adhuc debet non jejunare in casu, 1. quia subesse tentationibus culpa non est, sed seges meriti, quoties illis voluntas resistit; 2. quia occasio peccandi simulat quidem ad peccandum; at per se peccatum non est, nisi sit voluntaria: ideoque cum in casu sceminae voluntaria non sit, utpote quia si pluries cibum sumit, necessario id facit, ut se, ac scetum nutriat, dicendum &c. E contrario, in casu jejunium, utpote noxiam scetui (sicuri supponitur) in se est peccatum.

M E N S E D E C E M B R I S.

CAS. I. **M**ercator, emptore petente certam speciem mercis, quam ipse non habet, fingit se pergere domum ad eam lumentandam; at pergit eam emere ab alio vicino Mercatore pretio ex. gr. novem juliorum, emptamque desert, ac illico revendit petenti pretio juliorum duodecim. Q. an licitum sit huiusmodi lucrum.

Respondeo cum distinctione. Vel pretium juliorum duodecim non excedit limites iusti pretii; vel illos excedit. Si excedit; clare patet, non licere huiusmodi lucrum, utpote iniustum. Si non excedit; dico, licitum esse, cum juxta dictam unicuique regulariter liceat res suas non vendere nisi pretio supremo, nec quis teneatur vendere merces eodem pretio naturali, quo ipse eas habuit. Et sane si ipse ex speciali favore eas ab Amico habuit etiam infra infimum pretium, tenetur ne per hoc & ipse eas vendere infra infimum? Certe quod non. Nil mirum ergo, si speciem mercis emptam pretio novem juliorum possit Mercator aliquando revendere pretio juliorum duodecim, casu quo nempe hoc contineatur intra limites iusti pretii. Cæterum est bene advertendum, non omnes res, cum habent novem julios pro pretio infimo, habere pro medio decem cum dimidio, & duodecim pro supremo; esto enim hoc verificetur de rebus v. g. nobilioribus, non verificatur tamen de omnibus aliis; quædam enim sunt, quarum pretium infimum si est novem juliorum, medium est novem cum dimidio, supremum est decem. Propterea quoad hoc attendenda est qualitas rerum, & consuetudo timoratorum, ut frequenter norant DD.

CAS. II. Fur abstulit Equum a Viro divite, & per triennium locavit eumdem modo huic, modo illi, accipiendo pretium locationis. Q. ad quid teneatur.

Respondeo Furem per se teneri nedum ad restitutionem Equi, verum etiam ad solvenda Domino pretia locationum, detractis expensis factis circa eundem Equum, quas pariter fecisset Dominus si Equum penes se habuisset. Ratio de ipso Equo clara est; quia nempe res clamat ad Dominum. Ratio postea de pretiis locationum hæc est; quia ista data fuere pro usu ejusdem Equi: porro pretium solutum pro usu rei spectat ad Dominum, cujus est ipsa res. Giribaldus de Rest. cap. 2. dub. 4. Dixi *per se*, quia nonnunquam Nobiles prædites remittunt pretia locationum. Verum ut ab eorumdem restitutione Fur sit exemptus, de tali remissione debet

bet certo constare; credulitas enim non eximit, cum ea, quæ sunt facti, non præsumantur, nisi probentur, l. *In bello* §. *facta* ff. de Cap. Manrique QQ. mor. part. 2. quæst. 88.

CAS. III. Silvester monetur, Confessarium suum per aliquod tempus peractæ ab ipso Confessionis dormitasse. Q. an reneatur illam repetere.

Resp. cum distinctione. Vel talis Confessio fuit de solis venialibus, & tunc certum est, Silvestrum non teneri &c. quia venialia sunt materia libera. Vel fuit mixta mortalibus; & tunc subdistingue: Vel ex monito circumstantiæ temporis, quo Confessarius dormitavit, cognoscit determinate peccata, quæ, hic percipit; & tunc dico, necesse quidem esse, at etiam satis, quod de his, iterum confiteatur; sicuti enim invincibilis oblivio alicujus peccati non tollit directam absolutionem eorum, quæ rite ponuntur, sed solum relinquit obligationem illud confitendi, quando ejus quis reminiscitur; ita non perceptio aliquorum non tollit directam absolutionem eorum, quæ Confessarius percipit, sed solum ælinoquit obligationem iterum confitendi ea quæ &c. Vel non cognoscit determinate &c. & tunc repetenda est integra Confessio, saltem si fuit brevis, & non a multo tempore facta, quia dubitari potest de singulis distributive, cum numerus peccatorum sit modicus, nec sit grave onus talem Confessionem repetere. Dicit *saltem si fuit brevis* &c. nam si fuit longa, juxta Lugum disp. 16. num. 607. ac Puteobonell. quæst. 3. art. 7. sufficit in nova Confessione dicere: Scio, vel dubito, quod Confessarius non audierit unum, vel duo vel &c. gravia; sed in ea Confessione non tales, vel tales species peccatorum exposui. Vide Giribal. de Pœnit. cap. 11. dub. 3.

A N N O M D C C L I .

M E N S E J A N U A R I I .

CAS. I. P^Arochus vocatus ad excipiendam Confessionem infirmæ, invenit Concubinam in domo Concubinari graviter agrotantem. Q. quid agendum in illo casu.

Respondeo cum distinctione: Vel Concubina potest alio transferri absque periculo ipsi accelerandi mortem, scandali, & infamiz, vel non. Si potest, Parochus debet illi præscribere, ut hanc sui translationem procuraret, eamque, ut hæc fiat, adjuvare, tum ad obviandum scandalo proximi, si Concubinarus alicui innotescit; cum ad removendum ab ipsa, & Concubino periculum relapsus, saltem mentalis, cui alias subsistat. Et si hoc ipsa facere recuset, utpote indisposita, non est absolvenda, secus vere si secus. Si postea sine dicto periculo nequit alio transferri, curet, si expedit, eos jungere in Matrimonium, & si non expedit, aut Concubinus nolit eam ducere, omnem curam adhibeat, ne idem amplius ad eam invisendam accedat, substituta, si opus sit, spiritali & honesta aliqua scemina pro servitio infirmæ. Ulterius hanc moneat, ut male actæ viræ verum dolorem concepiat cum firmo proposito quamprimum dimittendi illam occasionem, si Deus dederit quod possit, ut impensus pro divina assistentia se Deo commendet, cum spe divini adiutorii provitando relapsu; ut denique procuret occasionem illam reddere remotam, vitando Concubini colloquia, quoad fieri potest etiam aspectum; si enim

si enim locus, in quo quisque prave vixit, hoc in aspectum mentis apponit, quod sepe ibi cogitavit, vel gessit, C. Valer. dist. 81. quam vividius id præstare valet præsentia Concubini in fragili Concubina? Si ad hæc omnia Parochus eam promptam inveniat, confessam absolvat; nam sic illa est in occasione solum remota, & materiali, ut ait Cardenas; & si aliquo modo adhuc est in periculo, non tam dicitur illud amare, quam invita subire; & ideo magis providebit Deo, ne in illo pereat, ut ait S. Basilii in Const. Mon. cap. 4.

CAS. II. Factis denunciationibus Matrimonii ineundi Cajam inter ac Sergium, Berta Cajæ soror, exponit Parocho in Confessione se olim cum Sergio fornicaram fuisse; unde ei imponit pro poenitentia, ut extra Sacramentum denuntiet Affinitatis impedimentum. Q. an Berta teneatur hanc poenitentiam acceptare, & implere.

Respondeo negative: est enim poenitentia incongrua, & inuncta cum errore clavium; cum obliget Bertam, ad aliquid jure naturæ contrarium, nempe ad se graviter infamandam, detegendo turpitudinem suam extra Sacramentum; quod nemo illi præcipere potest; ut clare colligitur ex S. Thoma 2. 2. quæst. 79. art. 1. ad 2. in fine, ubi ait: *Nihil potest præcipi homini contra id, quod est de jure naturali*. Hinc Berta tenetur quidem (sive ei imponatur a Parocho, sive non) secluso periculo rapsus, & cujusvis aliteris mali gravis, secreto monere Sergium de impedimento, ut ipse vel desistat a tali Matrimonio, vel prius dispensationem obtineat, ne fiat Sacramentum nullum, aliaque virentur inconvenientia, quæ secus eveniret; onus tamen faciendi prædictam formalem denunciationem nec accipere, nec implere tenetur, ut tradunt DD. comm.

CAS. III. Sacerdos carens Missarum stipendiis, occasione, qua vult Jubilæum lucrari, applicat Sacrificium pro Animabus Purgatorii, loco eleemosynæ ad illud lucrandum præscriptæ. Q. an sic isti oneri satisficiat.

Respondeo negative. Ratio est, quia talis applicatio reducitur ad eleemosynam spirituales, hoc carmine a DD. comprehensam: *consule, calisga, solare, remitte, ser, ma*, de qua non est sermo in Jubilæo; ut cum communi docet penes me etiam Zanardus in Direct. de Poenit. cap. 21. quæst. 26. in fine; nomine enim eleemosynæ absolute prolata; ea tantum quæ realis est, communiter intelligitur. Idque indicare videntur formulæ, quibus in concessione Jubilæi, vel alterius plenariæ Indulgentiæ, solet eleemosyna præscribi, sunt enim tenoris sequentis: *Eleemosynas pro posse distribuam; vel Pauperibus, & indigentibus personis, aut locis piis eleemosynas erogant*. Atqui eleemosyna, quæ impertitur per distributionem, quæque erogabilis est locis piis, realis est, non vero spiritualis; ergo &c. ideoque cum noster Sacerdos hanc non erogaverit, dicendum quod oneri pro Jubilæo præscripto non satisfecerit, Theodorus a Sp. Sant. de Indulg. part. 1. cap. 11. art. 3. Bossius, Viva, cæterique comm.

MENSE FEBRUARII.

CAS. I. Sophronius, vere mendax in stateris, non dat suis adventoribus justum mercium pondus; has tamen illis vendit pretio infimo, taliter ut, si datum & acceptum serio considerentur, hujusmodi venditio non excedat limites pretii iusti supremi. Q. an licite id fieri possit.

Respondeo negative: nam *statera dolosa abominatio est apud Deum; & pondus æquum voluntas ejus* (Proverb. 11.) Ratio postea est, quia licet Sophro-

nus

nus ante Contractum per se non teneatur vendere merces pretio infimo; ad id tamen tenetur statim ac sic sponte convenit cum emptoribus: tunc enim sicuti emptores tenentur vi initi contractus solvere pretium conventum; ita venditor vi ejusdem Contractus tenetur conventum mercium pondus tradere emptoribus. Emptio namque & Venditio est Contractus hinc inde obligatorius. Et sicuti, statuto justo meritis pretio a potestate publica, nequit Venditor absque iustitia, & onere restitutioni, aliquid detrudere Emptoribus, eo ipso, quod solvant juxta statutum; ita conveat ex mutuo consensu pretio infimo; nequit Sophronius absque iniuria, & onere restitutionis, aliquid detrudere Emptoribus, eo ipso, quod solvant juxta conventum. Alias dici posset, quod qui sponte vendidit pretio infimo, & tradidit Emptori totum pondus conventum, possit postea ab hoc licite surripere in compensationem quantum desuit ad integrandum pretium supremum, vel medium, quod quam falsum sit, & quot malis ostium aperiat, nemo non novit. Vide Sporer. Compl. in 7. pr. cap. 5. sect. 2. n. 75. alias rationes asserentem.

CAS. II. Vicerat Cajus in ludo notabilem summam Tiburtio, cum volens a ludo cessare, contra voluntatem fuit adactus prosequi ludum; & in hac prosecutione, quod vicerat perdidit. Q. an Tiburtius teneatur ad aliquid erga Cajum.

Respondeo, probabilis eum ad nihil teneri ante sententiam Judicis. Ratio est, quia, si tenetur ad aliquid, vel id est ob injuriam ipsi illatam; vel quia per illam attractionem fuit causa subsequente amissionis; vel quia denique ob eandem non remansit in Cajo voluntarietas necessaria ad ludi validitatem. Jam vero nullo ex his capitibus Tiburtius tenetur aliquid restituere Cajo &c. Siquidem non ex primo; pro injuria enim non debetur restitutio, sed poena; hanc tamen nemo subire tenetur ante sententiam Judicis. Non ex secundo; Cajus enim non obstante tali attractione poterat postea vincere sicut prius, si fors æque illi favisset: quare fortis potius defectui, quam attractioni imputanda est amissio subsequuta. Non ex tertio; licet enim in utroque ludente requiratur plena voluntarietas, ut ludus respectu utriusque sit etiam licitus; non sic, ut sit validus Contractus namque ex gravi metu iniuste incusso celebrati, sunt involuntarii secundum quid; & tamen, si paucos excipias, ad quorum validitatem jus positivum requirit plenam voluntarietatem, ceteri, utpote voluntarii simpliciter; ab eodem jure supponuntur validi, cum eos præcipiat infirmari instante metum passio. Quid ni ergo idem dicatur de ludo cum attrahente, vel tertio, cum non sit inter exceptos? Igitur potest quidem Cajus agere apud Judicem pro restitutione; antequam tamen hic eam mander, ad illam non tenetur Tiburtius. Et ratio fundamentalis est, quia voluntarium mixtum, utpote ex electione proveniens, sufficit ad consensum, qui est immediata causa Contractus; nec non ad transferendum dominium, seu jus, quando intervenit titulus onerosus, ut in casu; quamvis non sic cum solum intervenit titulus gratuitus, ut in concessione usurarum, ac donatione pecunie facta grassatori, ne iniuste interficiat. Giribaldus de Contr. cap. 11. §. 2.

CAS. III. Oblitus Pœnicens gravis peccati, quod annexam habebat Excommunicationem reservatam; confessus est alia peccata, & ab iis absolutionem obtinuit. Q. an, non obstante Excommunicatione, isthæc absolutio sit valida.

Respondeo affirmative: nam quando excommunicatus dicitur a Sacramentis exclusus, & Confessarius erga ipsum jurisdictione privatus, id intelligitur
de

de excommunicato scienter tali, non autem de excommunicationis inculpabiliter obli- to, vel infcio; nullibi enim Ecclesia declaravit, sacramentalem absolutionem hic impertitam esse nullam; quin potius eam valere eruitur ex Trident. sess. 14. de Pœnit. cap. 5. dicente peccata, quæ diligenter cogitanti non occurrunt, eandem confessione *in universum* intelligi inclusa: Addo, quod est *ordinatum propter charitatem, non debere contra charitatem coerceri*, ut ait D. Bernardus de præc. & Disp. Cum ergo potestas aliquando arcendi fideles a Sacramentis, sit a Christo Domino Ecclesie collata propter charitatem in remedium scilicet Animarum, ut respiciant; ideo in eos non debet contra Charitatem exerceri. Exerceretur autem in casu, si absolutio, nostro Pœnitenti impertita, esset invalida; sic enim ille privaretur tam salutari remedio absque sua culpa, immo dum est actu impotens, ob inculpabilem oblivionem, ad melius se ad illud disponendum. Beja part. 3. cap. 4. Sponser de Pœnit. cap. 5. quæst. 3. §. 3.

MENSE MARTII.

CAS. I. Valerianus instituit Cappellaniam cum onere celebrandi singulis diebus festivis ad tale Altare, assignato ad hunc finem congruo stipendio pro Capellano. Accidit autem, ut dies, quæ erat pura devotionis, nunc effecta fuerit festiva de præcepto. Q. an Capellanus teneatur ista die celebrare ad tale Altare.

R. cum dist. Vel assignatio stipendii facta fuit determinando tantum pro qualibet Missa, ex gr. duos Julios; & tunc dico, Capellanum non teneri &c. quamvis, etiam computata tali Missa, adhuc verificaretur quod stipendium sit congruum. Ratio est, quia in tali casu est certum, quod pro celebratione talis diei nullum fuit assignatum stipendium cum facta supputatione constet, hoc solum correspondere celebrationi aliorum dierum. Vel facta fuit in generali, determinando tantum ad annum, aut fructus prædii; & tunc dico, quod si Capellanus, etiam computata tali Missa, habet stipendium congruum, tenetur ista die celebrare ad tale Altare. Ratio in primis desumitur ex rationabiliter præsumpta voluntate Institutoris, qui ordinando celebrationem faciendam singulis diebus festivis ad tale Altare, censetur voluisse, quod idem Altare nulla die festiva careat tali cultu, nec populus commodo Missæ. Secundo, a paritate Parochi, qui ntpote obligatus applicare pro populo singulis diebus festivis, communiter dicitur obligatus applicare etiam tali die. Tertio, ab æquitate, sicuti enim si festa aliquantulum minuantur, adhuc Capellanus accipit totum integrum stipendium, ut lib. 3. c. 1. de Stipend. Miss. tradit Tambur. ita si unum, vel aliud festum accrescat, æquum est, quod celebret, maxime si, attenta hac celebratione, adhuc est congruum.

CAS. II. Plena cum advertentia prorrupit Titius in hæc verba: *Credere, che Dio non fosse Dio, se non punisse colui*. Q. an hæc sit blasphemia hæreticalis.

R. negative. Siquidem ad blasphemiam hæreticalem requiritur, quod formaliter, aut virtualiter contineat aliquam falsitatem contra fidem; quod non verificatur in casu. Licet enim in ea propositione conditionali *Crederei che Dio ec.* videatur virtualiter contineri hæc absoluta: *Credo, che Dio non sia Dio, perché non punisca colui*; quæ certe est hæreticalis, quia alligit esse Dei necessarium æternum, & immutabile, contingentem, punitioni Creaturæ; tamen res ita se non habet; nam dicens: *Crederei, che*

Dio non fosse, se ec. per hæc verba præcise exprimit sui animi propensionem ad credendam (si non adimpleatur conditio) dictam falsitatem, ut indicat illud verbum *Crederei*. Jam vero in simplici propensione ad istam falsitatem credendam, nec virtualiter involvitur dicta propositio absoluta; siquæ verba: *Crederei, che Dio non fosse Dio, se non punisco colui*, exprimentia præfatam Titii propensionem, non sufficiunt ad constituendam blasphemiam hæreticalem. Moronus resp. 95. Tambur. lib. 2. cap. 6. §. 4. num. 22. aliique.

CAS. III. Novit Pœnitens, quod si diutius excutiat Conscientiam suam; probabiliter inveniet aliquod aliud peccatum clavibus exponendum. Quoniam vero jam se examinavit per tantum tempus, quantum communiter sufficiens reputatur pro omnibus suæ qualitatis, ulterius non protrahit examen, sed peccata, quæ ipsius menti occurrunt, confitetur. Q. an valida sit ista Confessio.

Resp. affirmative; nullibi enim præcepta invenitur excussio diligentissima; & talis, ut probabilitatem excludat aliud quidquam inveniendi ulteriori indagine. Et sane in aliquibus casibus hæc esset vera Conscientiarum carnicina; qui enim fiat, ut post multiplicem, diutinamque peccandi licentiam fere in omni peccatorum genere versatus, ita feliciter, & exacte in memoriam revocet peccatorum species, numerum, & circumstantias, ut probabile non sit, quod vel una prava cogitatio illius mentem fugiat? Igitur requiritur quidem discussio diligens; non est tamen necesse, quod hæc diligentia sit summa: nec sufficit levis; satis tamen est mediocrius, habito respectu ad qualitatem personæ, ac tempus, quo hæc confessio non est, ad species, ac numerum peccatorum, ad peccandi consuetudinem, & alias circumstantias. Unde non valet: *Si plus se examinaret, plus inveniret; ergo tenetur se plus examinare*: hinc enim nedum attendi debeat Confessionis integritas, verum etiam humana conditio, & quod Sacramentum non reddatur Fidelibus nimis onerosum. Hinc quia Pœnitens, se gerendo modo prædicto, supponitur usus diligentia mediocri in se discutiendo, valida dici debet ejus Confessio. Ita comm. contra Clericatum de Pœnit. dec. 21. num. 3.

MENSE APRILIS.

CAS. I. **S**Ejus mutuatur Livio pecuniam ad decem annos, cum pacto, quod si interim alter contrahentium moriatur, debitor sit liber, si autem ambo supervixerit, mutuatarius dare debeat aliquid ultra sortem. Q. an talis contractus sit licitus.

Respondeo affirmative, si plus dandum a Mutuatario supra sortem, ita determinetur, ut vere uterque subsit æquali periculo amissionis, & lucri æqualis. Ratio est, quia in hoc casu uterque incertus est de eventu futuro, ac sui juris, uti supponitur; propterea si ambo æque subfunt periculo lucrandi, aut amittendi æquale, intervenit quidquid requiritur ad hoc ut iste contractus sit licitus; nam proprie hic non est mutuum, cum mutuans nequeat in casu nostro repetere rem mutuatam in omni eventu; neque Societas, cum nihil in commune conferatur; sed est Ludus sortis, seu conventio fundata supra vitam & morte ipsorum contrahentium, quæ intervenientibus dictis conditionibus, licita est, ut inter alios tradit Bonacina de contract. disputatio 3. quæst. 3. punct. 6.

CAS. II. Mercator irrequisitus, & sponte sua, mutuam obtulit Antonio pecu-

pecuniam, quam de proximo negotiationi exposuisset. Acceptavit Antonius, eademque usus est in negotio sibi valde lucroso. Nunc tamen petitus a Mercatore, ut ipsi solvat interesse lucri cessantis, id facere renuit. Q. cui ratio sit adjudicanda.

R. rationem esse adjudicandam Antonio; una enim ex conditionibus requisitis ad hoc ut Mutuus licite possit exigere compensationem lucri cessantis, hæc est, quod Mutuatarius fuerit de ea præmonitus, eaque deducta fuerit in pactum ante perfectionem contractus, nam forte sub hoc onore hic mutuum non accepisset. Atqui non legitur, quod Antonius fuerit in casu præmonitus de tali compensatione, & quod hæc deducta fuerit in pactum ante perfectionem contractus, ergo &c. adeoque &c. Additur in casu, nullum proprie lucrum Mercatori cessasse; cessare enim a lucro, est a lucro cohiberi, seu impediri, ut post Dominicum Soto de Just. & Jur. lib. 6. qu. 1. art. 3. tradunt DD. comm. Sed Mercator in casu non fuit a lucro cohibitus, seu impeditus, cum irrequisitus, ac sponte sua, adeoque volens, ac libens Antonio pecuniam mutaverit; ergo &c. sique Antonio ratio est adjudicanda. Girbal. de Contr. c. 3. dub. 8. §. 1. n. 66.

CAS. III. Sergius accepit in Censum Scuta mille, sperans ea implicare cum lucro. At quia spei fundamentum evanuit, convenit cum Mercatore de ipsi tradendis Scutis quingentis ea conditione, ut medietatem Censui, & annuæ responsionis solvat. Q. an Sergius id licite peragat.

R. negativæ: quo enim titulo iustificat onus impositum Mercatori solvendi medietatem annuæ responsionis ultra medietatem Censui, si, ut ajunt Adversarii, non instituit novum Censum, certe id facere nequit ratione lucri cessantis, cum non habeat spem fundatam lucrandi; nec ratione damni emergentis; per hoc enim non cogitur quidquam carius emere, aut vilius vendere, habetque alia scuta 500. otiosa: nec ob periculum amittendi sortem, ut Adversarii concedunt: non denique ob commodum resultans Mercatori; hoc enim cum suum non sit, sed Mercatoris, nihil pro eo accipere potest, ut tradunt DD. comm. cum S. Th. Remanet ergo, quod ei illud imponat, ratione Mutui. Atqui hoc, utpote usurarium, licet peragi nequit; ergo Sergius id illicite peragit, ut cum Navarro recte tradit Rebellus 2. part. lib. 10. qu. ult. nu. 12. Oppositum tamen dici deberet, si esset dispositus ad rite redimendam medietatem Censui, & ad instantiam Mercatoris cum eo ita conveniret, siquidem cum nemo teneatur beneficium alteri præstare cum suo detrimento, tunc posset etiam in mutuo pactum inire, se indemnem servandi, ut firmat Angelicus 2. 2. q. 78. art. 2. ad 1. & patet ex eo, quod Mutuus in casu non reportat lucrum, sed præcise quærit sui damni reparationem, obligando Mutuatarium ad id, ad quod jam tenetur ex jure naturæ. Vide Molinam disp. 394. de Contract.

M E N S E M A I I.

CAS. I. Silvícula putans concubitus cum bestia esse peccatum veniale, modo coivit cum ove, nunc cum capra, modo cum asina. Q. an possit absolvi a simplici Confessario.

R. cum distinctione. Vel Silvícula talem concubitus putavit venialem, cum aliqua tamen suspitione, aut alia cogitatione de gravitate actionis; vel id putavit sine ulla suspitione &c. Si cum putavit venialem sine ulla suspitione &c. Dico, Silvículam posse absolvi a simplici

Confessario, quia tunc peccavit solum venialiter, cum in tali concubitu unice apprehenderit venialem, malitiam, quæ sola proinde illi fuerit voluntaria & culpabilis. Si postea eum putavit venialem, sed cum aliqua suspicione, aut &c. dico; quod licet possit speculative defendi, Silviculum adhuc esse absolvibilem a simplici Confessario; in praxi tamen non est ob hoc absolvendus; cum enim in casu isti eadem operatio bestialitatis, & quidem cum voluntarietate sufficiente ad mortale, sive facta sit cum ignorantia vincibili, sive scienter; sequitur, quoad substantiam esse idem peccatum, (ignorantia enim in his operationibus non mutat substantiam actus, quam malitia primario consequitur) & ac proinde sicuti Silvicola nequiret absolvi a simplici Confessario, si coivisset cum ove &c. sciens di esse mortale; ita neque potest ab eodem absolvi, si illud commisit cum suspicione, aut &c. de gravitate actionis; nam est certum peccatum mortale bestialitatis. Vide Merollam de Volunt. & involunt. c. 1. dub. 13. n. 661. Puteob. q. 3. art. 4. §. 10. num. 4.

CAS. II. Fœmina a pluribus honesta reputata, sed vera Meretriz, ab uno accepit excessivum pro turpi sui corporis usu. Q. an teneatur illum excessum restituere.

R. cum distinctione. Vel fœmina accepit talem excessum, illum extorquendo per fraudem, aut dolum; & tunc dico cum S. Th. 2. 2. q. 62. art. 5. ad 2. ipsam teneri eundem restituere; dans enim in casu non dedit volens, sed deceptus. Vel eum accepit sine ulla extorsione dolosa, & fraudulenta, ac vigore contractus innominati. *Facio ut des*, seu pacti initii de tali pretio solvendo; & tunc dico, ipsam non teneri talem excessum restituere, si dans potuit de eo libere disponere. nam. ex una parte dans in casu dedit volens, ex alia quamvis hoc ei datum sit ob rem illicitam, tamen ipsa datio non est illicita, præcipue cum valde probabile sit, opus voluptuosum, ob quod talis traditio facta est, non habere pretium determinatum. Petrus Navar. de Rest. l. 4. c. 2. num. 118. & seq. Lessius, & alii.

CAS. III. Sempronius, pluribus debitis gravatus, non potest suis Creditoribus satisfacere, ni imminuat conveniendam dotem filiiabus. Q. an id facere teneatur, ut possit satisfacere Creditoribus.

R. cum distinctione. Vel agitur de diminutione aliquali; & tunc dico dum communi DD. Sempronium ad id teneri: sicuti enim ob talem finem tenetur minuere expensas circa victum, vestitum; & manutentionem familiæ; ita etiam circa Dotem filiarum, ne Creditores damnum absolute, vel saltem tantum damnum patiantur. Vel agitur de diminutione notabili; & tunc subdividinguo: Vel per hanc diminutionem, iudicio prudentum, mutatur status ejusdem filiarum, ab eis iuste acquisitus; & in hoc casu dico, Sempronium non teneri ad hanc diminutionem notabilem; ut enim dicitur in tractatu de Restitutione: *Nemo tenetur decidere a proprio statu iniuste acquisito, ut satisfaciatur Creditoribus.* Idemque dic, si diminuta filiiabus Dote, hæc Sponsum non invenient, cum periculo amittendi pudicitiam; nam bona ordinis inferioris non sunt restituenda cum periculo amittendi bona ordinis superioris. Vel per istam diminutionem non mutatur status, aut mutatur iniuste acquisitus; & tunc certe ad eam tenetur Sempronius, cum amplius non interveniat causa excusans, sitque, se ad verum proprium statum reducere. Lessius lib. 2. c. 16. n. 29. & alii comm.

MENSE JUNII.

CAS. I. Camillus per plures annos se impotentem expertus ad consummationem Matrimonii, ad simplicem contactum Reliquiz cujusdam Sancti, cum qua fuit benedictus, illico factus est potens. Q. an libere vacare possit operi conjugii cum propria Sponsa.

Respondeo negative; si post requisitum triennale experimentum, postque adhibita consueta remedia, sive realia, sive spiritualia, nunquam potuit Matrimonium consummare. Ratio est, quia in hoc casu intervenit moralis certitudo, quod nulliter contraxerit cum propria Sponsa, ob impedimentum dirimens impotentiae perpetuae antecedentis, sufficienter manifestatae per hoc, quod semper frustranei fuerint omnes nifus, non obitante valido remedium subsidio; & quia non nisi per miraculum haec fuerit ablata. Quare ut Camillus possit libere, ac licite vacare operi conjugii cum Sponsa, debeat rite mutuum renovare consensum in Matrimonium, nempe secreto inter se, si impedimentum erat occultum; coram Parocho vero, ac testibus, si notorium erat, & publicum; nam potentia de novo acquisita non reddit validum Matrimonium, ab initio nullum, & irritum. Giribaldus de Matrimonio cap. 16. dub. 11. Aliique passim.

CAS. II. Occasione cujusdam publicae litationis, Aurelius rogavit amicos volentes emere, ne plus offerrent certa quantitate, ut ipse rem illam emeret pretio infimo; uti de facto contigit. Q. an peccaverit contra iustitiam, & teneatur ad aliquam restitutionem.

Respondeo affirmative cum Soto de Just. & Jur. lib. 8. quaest. 2. art. 3. Ratio, est, quia licet Dominus rei venalis hanc adhuc vendiderit pretio iusto, fuit nihilominus injuste ab Aurelio damnificatus. Ex quo enim Aurelius eo modo se gesserit cum volentibus emere, violavit jus, quod ille habebat, ne retraherentur emptores volentes emere pretio supremo, vel medio, ipsamque cregit vendere rem pretio infimo; facta enim tali conspiratione, & monopolio cum amicis, non remansit pro re aliud pretium, praeter infimum, quod pro ea offerretur. Propterea con privata auctoritate id ab Aurelio fieri nequiverit, factumque resultaverit in injuriam, & damnum Domini rei venalis dicendum quod Aurelius, titulo damni illati, peccavit contra iustitiam, & teneatur ad restitutionem, nempe, ad restitutionem ejusdem iudicio prudentis taxandam.

CAS. III. Petrus mutuatur Joanni Scuta centum; se obligans ad ea non repetenda per duos annos. Q. an ultra sortem possit aliquid accipere ratione assumptae obligationis non repetendi talem summam per biennium.

Respondeo, ob tale motivum non posse Petrum aliquid accipere ultra sortem: damnata enim est ab Alexandro VII. haec propositio 42. in n. *Licitum est mutuanti aliquid supra sortem exigere, si se obligat ad non repetendam sortem usque ad certum tempus*: quae, ut patet, correspondet Casui proposito fere in terminis. Unde si Petrus habeat occasionem promptam, aut spem vere fundatam proxime implicandi talem pecuniam cum lucro, vel etiam si ea opus habet, aut quamprimum opus habebit, ad sibi praecavendum aliquod damnum; potest quidem convenire cum Mutuatario, mutuum ab eo petente, ut ipsi tale lucrum compenset, seu damnum reficiat, ut supra tradidimus in responsione ad tertium Aprilis: at pro mera obligatione sortem expectandi per duos annos, nil potest ultra sortem accipere, eo quia talis obligatio, si attente consideretur, aliud non

est, nisi quædam prorogatio mutui, & sic quoddam novum Mutuum virtuale, pro quo, sicuti neque pro formali nil accipi potest; cum utrumque sit verum Mutuum: & lucrum ex alterutro præceptum ratione mutui sit vera usura. Viva ad d. prop.

MENSE JULII.

CAS. I. Confessarius simplex, audita Confessione Patris, qui se accusavit de peccato carnali commisso cum famula, successive audit & Filium hoc idem cum eadem perpetrasse. Q. an Filium possit absolvere; & absolutio Patri impertita sit valida.

Respondeo ad primam partem cum distinctione. Vel Filius exponit a semetipso se peccasse cum Affine in primo gradu; & tunc est manifestum; non posse Confessarium eum absolvere, quia exponit incestum formalem reservatum. Vel Filius tantum exponit se peccasse ex. gr. cum libera, & tunc dico, Confessarium posse, ac debere ipsum interrogare; an ea sit ipsi propinqua (est enim interrogatio, quæ communiter fieri solet, ac debet, singulis Pœnitentibus se accusantibus de aliquo simili peccato, unde non ingerit suspicionem fractionis sigilli); & si ipse negat; dummodo sit aliunde dispositus, debet illud absolvere, non obitante notitia habita in præcedenti Confessione: *Nihil enim minus scimus, quam id, quod per Confessionem scimus*, ut aiebat Div. Bernardus; & strictior est obligatio sigilli Sacramentalis illa Confessionis integræ. Si vero affirmat ut supra, deneganda est illi absolutio ut supra. Vide Puteob. de Pœn. quæst. 5. art. 10. num. 8.

Resp. ad secundam partem: Absolutionem Patri impertitam esse solum invalidam, ipse scienter peccasset post Filium, & culpabiliter talem circumstantiam omisisset. Unde si ipse peccavit cum Famula solummodo ante Filium, vel post ipsum, ignorans tamen eiusdem peccatum, tunc Absolutio ipsi impertita est valida, nam in isto casu incellus est materialis præcise: Ita comm.

CAS. II. Uxoratus dehoravit suam propriam Consobrinam. Q. an sine dispensatione possit ab Uxore debitum exigere.

Respondeo affirmative, etsi cum ea copulam compleverit. Ratio est, quia in jure est quidem vetita Viro exactio debiti conjugalis, si cum consanguinea Uxoris scienter fornicatus fuerit: ac vetita ibidem non legitur talis exactio, quando Vir scienter fornicatus est cum Consanguinea propria ut patet ex cap. 1. de eo, qui cognov. Consanguin. ubi dicitur: *Si quis cum Filiastra sua scienter fornicatus fuerit, nec a Matre* (id est, a propria Coniuge, quæ, respective ad Filiastram Viri, est Mater (debitum petere potest). Idque Theologi communiter tradunt, sive Vir cognoverit Uxoris consanguineam in primo, sive in secundo gradu; & viceversa si Uxor scienter fornicata sit cum Consanguineo Mariti in primo, vel secundo gradu, ut videre est apud Giribaldum; cum ergo nollet uxoratus non dehoraverit Consobrinam Uxoris, sed propriam, dicendum, quod sine dispensatione possit ab Uxore debitum exigere.

CAS. III. Vovit Titius Religionem ingredi; at post aliquot dies blanditiis puellæ illectus, nuptias illi promisit. Q. quamnam promissionem teneatur implere.

Respondeo, per se loquendo, Titium teneri primam promissionem implere ingrediendo Religione; si enim vovens Religionem emisit Sponsalibus, per se adhuc tenetur ad Religionis ingressum, eo quia, ob maiorem sta-

tus perfectionem, Sponsalia jure positivo habent inhibitam hanc conditionem nisi Religionem eligere; a fortiori debet votum Religionis impleri quando Sponsalia præcessit; ita comm. Dixi postea *per se loquendo*, quia per accidens evenire potest, quod, non obstante Voto prius emissio, teneatur ducere puellam: puta si voti inciam dicta promissione ad copulam adduxisset, & ni eam ducat, gravia oriantur scandala, jurgia, rixe &c. tunc enim, si aliter non posset his obviari, teneatur certe, non obstante Voto, illam ducere; cum enim tunc ingressus in Religionem non sit amplius maius bonum, cessat voti obligatio. Ita Grib. de Voto cap. 6. dub. 1. n. 4.

MENSE AUGUSTI.

CAS. I. **R**enuentibus Emptoribus tantum solvere Mercatori pro meritis, quantum ipse præstendit, solet hic frequenter mentiri, ac falso jurare, talem ac talem speciem mercium sibi pluris contulisse unde fit, ut illi oblatum pretium augeant. Q. an tuta conscientia Mercator possit illud accipere.

CAS. II. Q. 2. an si hic Mercator sæpius correptus non se emendat, debeat Confessarius illi imponere ut Mercaturæ officium deserat.

CAS. III. Q. 3. an si dolo, vel fraude eos, inducat ad solvendum pretium justum quid, sed supremum, teneatur aliquid restituere Emptoribus.

Respondeo ad primum cum distinctione. Vel tale pretium augeatur intra limites pretii iusti; vel supra hujusmodi limites. Si supra, dico, Mercatorem non posse tuta conscientia illud accipere, quia sic non servatur æqualitas inter datum & acceptum, prout exigit iustitia commutativa. Propterea in foro conscientie debet restitui excelsus; nam in conscientia nemini licet proximum suum, ne in obulo quidem, decipere. Si vero continetur intra limites pretii iusti; dico, Mercatorem posse &c. quamvis enim peccet mentiendo, & pejerando, tamen non peccat accipiendo; siquidem ex una parte jam notum est, hæc querelas esse consuevas vendentium cautiones, quibus proinde fides habenda non est; unde sibi imputet qui eis credit, ut inquiunt Rebelius & Castropalaus; ex alia acceptum in casu est æquale dato, adeoque legi iustitiæ conforme. La Croix de Empt. & Vend. num. 956.

Respondeo ad secundum, quod si pluries illi assignavit salutare poenitentias & opportuna remedia, eique aliquando distulit Absolutionem ad finem emendationis, nec unquam profecit, debet illi imponere ut ad tempus Mercaturæ officium deserat. Ratio est, quia in tali casu officium Mercaturæ dici pro eo amplius nequit exercitium indifferens, & occasio remota, sed proxima, ob frequentem lapsum in mendacia, ac perjuria: quemadmodum ludus dicitur vera occasio proxima blasphemie illi, qui ludens frequenter blasphemat. Hinc sicuti hujusmodi ludens Confessarius debet, saltem ad tempus, vetare ludum, si expertus est reliqua remedia esse inefficacia ad ipsum retrahendum a blasphemis; ita saltem ad tempus debet Mercatori officium inrerdicere Mercaturæ, si reliqua remedia expertus est inefficacia ad ipsum retrahendum a mendaciis, & perjuriis; nam ipsum relinquare in tali Officio cum illo pravo habitu nihil diminuto, esset ipsum relinquare in formali periculo proximo relapsus, adeoque in peccato, juxta illud Eccl. 3. *Qui amat periculum, in illo peribit*. Duaric Exposit. Prop. damn. v. occasio proxima q. 447. Antoin. de Poenit. quæst. 6. pag. 340.

Resp. ad tertium affirm. cum Castropalao, quem citat, ac sequitur La Croix l. c. n. 955. tum quia inductus per fraudem, ac dolum ad solutionem

preiū supremū, utpote deceptus, non censetur voluntarie in istud consensisse, tum quia per hunc procedendi modum, læsum est ius, quod habebant emptores emendi ab aliis. pretio infimo, vel medio, eandem mercedem. Hinc tantum Emptoribus. refici debet, quanti minoris. emissent ab aliis, si fraus ac dolus. Mercatoris iis. innotuisset.

M E N S E S E P T E M B R I S.

CAS. I. **C**olonus partarius anno. elapso, cum egeret, furripuit Domino tres corbas. tritico, animo. tamen, cum primum posset, illas. solvendi. Nunc ad pedes Confessarii provolutus. inquiri, juxta quam æstimationem teneatur Domino satisfacere, cum anno superiore pretium tritici modo creverit, modo decreverit. Quid illi respondendum?

Respondendum, quod. tenetur Domino satisfacere. juxta. illam æstimationem, juxta. quam venissimiliter is. passus est damnum, seu interesse; sic enim servatur æqualitas, ad quam obligat justitia commutativa, cujus restitutio est actus. Bonacina de rest. in gen. disp. 1. quæst. 3. pun. 11. n. 4. Quare si Dominus vendidisset, aut consumpsisset illud triticum tempore summæ æstimationis, juxta illam restituat; juxta mediocrem vero, vel infimam, si tempore hujus, vel illius, facta ab eo fuisset venditio, seu consumptio, demptis expensis, quas. circa idem Dominus fecisset. Et si inccurium est, cujusdam æstimationis tempore id fuisset a Domino peractum, plures tradunt, satisfaciendum Domino juxta. majorem æstimationem; quia in dubio melior est innocentis conditio. Magis tamen. arridet. sententia Turriani. Sporer, aliorumque. satisfactionem reducentium ad æstimationem mediam, habito respectu ad copiam, vel penuriam, & qualitatem rei, emptorum &c. detrahendo aliquid ratione expensarum, & incertitudinis; si enim Dominus. poterat. vendere pretio summo, poterat. etiam pretio infimo. Turrian. in 2. 2. D. Tho. 2. disp. 10. dub. 2.

CAS. II. Cajus, non obstante omni possibili diligentia adhibita, certo scire non. potuit, an suo consilio efficaciter inflexerit in homicidium perpetratum. Quid. an. debeat. se. credere irregularem: ac teneatur ad. reparationem. damnorum.

Respondet affirmative quoad primam partem, & negative quoad secundam. Ratio. pr. par. desumitur a communiter contingentibus; cum enim regulariter. pravum consilium operetur, & non nisi magna. cum difficultate retrahi. valeat totalis ejus influxus; hinc fit, ut, dubio non obstante, an vere influxerit, consilium adhuc influxisse præsumatur. Sayrus de Irregul. lib. 7. cap. 3. n. 2. Avila, & comm. Cæterum si scire cupias, quandonom. proprie. censetur non influxisse, dico, id evenire 1. quando homicidia consilii tempore. jam erat adeo paratus ad occidendum; ut nullam. ex eo determinationem acceperit, nec ullum. inde motivum sumperit citius, facilius, crudelius, firmitusve homicidium perpetrandi: secundo cum Confessus ante. homicidium, consilii. motiva aliis motivis contrariis elidere conatus est, ac precibus etiam. importunis nixus est ab eo. retrahere volentem occidere: tertio, si videns se his non proficere, juxta. charitatis, ac prudentiæ. regulas, occidendum monuerit, ut sibi caveret &c. Vide Continuatorem Tournelli de Irreg. par. 3. c. 1. art. 1. Ratio postea secundæ partis est, quia. nemo tenetur ad reparationem. certam. pro. puro. dubio de damno illato, uti tradidimus ad 3. Junii 1749.

CAS. III. Possitens protulit mendacium in. Confessione. Quid de hac. judicandum?

Ref:

Respondeo cum distinctione. Vel tale mendacium fuit cum advertentia, & circa materiam gravem, seu necessariam, puta, circa numerum lethali-um, circumstantiam mutantem speciem, aut aggravantem, vel minu-entem in infinitum, circa occasionem proximam, consuetudinem &c. & tunc dico judicandum, eam esse nullam, & sacrilegam, si animi per-turbatio, ignorantia, vel simplicitas sic consentient excuset; caret enim necessaria fidelitate, seu integritate. Vel tale mendacium fuit absque advertentia, aut circa materiam levem, seu non necessariam; & tunc dico, judicandum eam validam esse, si forte agatur de veniali, de quo tantum Pœnitens se accuset, conscius se illud non commisisse (in quo casu fit Sacramentum nullum defectu veræ materiæ), nam neque irro-gatur gravis injuria Sacramento, neque variatur notabiliter judicium Con-fessarii, si exposita sit alia materia, de qua vere doleat. Lugus de Pœn. disp. 14. num. 10. Diana, Rosignolus, & alii, a fortiori dicentes, valere confessionem, si mendacium in ea prolatum ad ipsam non pertineat.

M E N S E O C T O B R I S.

CAS. I. **V**illicus habita a Confessario pœnitentia confitendi per annum semel in mense, per primos tres menses eam a semetipso sibi commutavit in recitationem unius integri Rosarii pro qualibet vice; nunc petit ab alio Confessario commutationem ejusdem. Q. 1. an Pœ-nitens sibi potuerit Pœnitentiam commutare.

CAS. II. Q. 2. an Confessarius commutate possit pœnitentiam ab alio im-positam.

Respondeo ad primum negative cum Laurea, Gobat, & communiori. Ra-tio est, quia commutatio Pœnitentiæ & est actus jurisdictionis, & actio sacramentalis, cujusmodi plane non est commutatio sibi facta a Villico, quamvis etiam facta fuisset in melius. Nec obstat paritas de voto, quod factum a vovente, potest ab eodem mutari in aliquid evidenter melius; cum enim hoc fuerit propria voluntate emissum, propria etiam volun-tate potest in melius commutari; ubi satisfactio imposita est a Confes-sario, qui tale opus determinatum imposuit. Et quamvis hic, si fuisset ab initio rogatus pro mutatione operis, fortasse indulisset; tamen sta-tim ac ipse imposuit, & Pœnitens acceptavit tale opus, jam hoc habet vinculum satisfactionis Sacramentalis; sicque non adest amplius locus præsumendi, quod ille consentiat in substitutionem alterius operis. Pu-teob. quæst. 4. artic. 5.

Respondeo ad secundum, posse Confessarium ex juxta causa, nempe necessi-tatis, aut utilitatis spiritualis Pœnitentis, commutare in æqualem, im-mo etiam (interveniente tamen graviore motivo) in minorem, pœni-tentiam ab alio impositam; per hoc enim non exerceretur imperium in pri-mum Confessarium, sed in Pœnitentem, qui ille se ipsum, suumque sta-tum, & conscientiam subdidit; nec proprie revocat sententiam prioris, sed suam profert; hoc enim posterius judicium non istituitur ad dero-gandum priori, sed ad consulendum Pœnitenti, in cujus favorem talis iterario fit; neque hoc totum efficitur per modum appellationis, sed per modum novi judicii, æqualis judicio præcedenti, quorum judiciorum neu-trum adversatur alteri, cum secundus se habeat tanquam successor prio-ris Confessarii in eodem tribunali, ut cum Suarez disp. 38. sect. 10. & Duardo disp. 9. sect. 7. de Pœn. tradunt frequenter Auctores. Nec per hoc primum Sacramentum remanet mutilum, & imperfectum; si enim duplex

penitentia imponitur in novo iudicio, prima est pro præcedenti substituta, altera pro præfenti; si vero imponitur una tantum, hæc applicatur, & valet tam pro præcedenti, quam pro præfenti. Et hæcenus dicta intelligo quamvis prior penitentia fuisset imposita ab habente potestatem in reservata, & commutatio fiat a Confessario simplici; cum enim cessaverit reservatio, per hoc, quod peccata fuerint a primo Confessario absoluta, nil remanet, ratione cujus secundus Confessarius non possit suum efformare iudicium. Vasquez, & alii.

CAS. III. Mulier periculose ægotans, stante probabilitate, quod sætas, quem in utero gestabat, nondum esset animatus, pharmacum sumpsit, & procuravit abortum. Q. an licite.

Resp. cum distinet. Vel procuravit abortum directe, nempe, sumendo pharmacum ea intentione, ac eo fine, ut sequeretur abortus: & tunc certum est, illicite eam id præstitisse; nam si illicitum est id præstare, quando est moraliter certum, quod foetus adhuc est inanimatus, ut post damnatam 34. proposuit de abortu ab Innocentio XI. tradunt. Giribaldus de homic. dub. 11. aliique comm. a fortiori erit illicitum id præstare, quando est solum probabile, quod foetus nondum sit animatus; cum in hoc casu id facere, sit se exponere formali periculo homicidii. Vel procuravit abortum solum indirecte, quatenus pharmacum sumpsit ordinatum ad sanitatem, licet per accidens ex illo timeretur secuturus abortus; & tunc dico, licite ad ipsam præstitisse: quamvis enim in nullo casu licitum sit directe occidere innocentem; licitum tamen quandoque est aliquid agere, ex quo per accidens, & contra intentionem innocens incurrat grave aliquod periculum; ut bene exemplificat Girib. l. c. num. 146. hoc enim non est intendere illi malum, sed tantum permittere, ut illi immincat, ac interim uti jure suo.

MENSE NOVEMBRIS.

CAS. I. **A**bsente Parocho Cappellanus monetur, infirmum paulo ante confessum gravius ægroiare, & quamprimum decessurum. Propterea, ne ille decedat sine Viatico, & Extrema Unctione, cito sumit Vasculum Olei Infirmorum, & de Ciborio Pyxidem, ac celeri gressu currit ad hæc Sacramenta illi ministranda. Q. an in isto casu liceat currere gestando Eucharistiæ Sacramentum.

CAS. II. Q. 2. an si esset ad Altare, liceret ei, ob idem præstandum, Missam interrompere.

CAS. III. Q. 3. quid agendum a Capellano, si ante Eucharistiæ sumptionem vellet infirmus denuo confiteri.

Respondeo ad primum negative. Ratio est, quia hic agitur quidem de ministrandis infirmo duobus Sacramentis, quorum utrumque potest illi multum prodesse; at non agitur de ullo Sacramento necessitatis. Immo in casu cursus formalis esset indecens ob realem præsentiam Corporis Christi, ante quod devotio, & reverentia adstantium non parum etiam minueretur, si illud præ manibus gestantem viderent currere; nam stante consuetudine in contrarium, id admirationem causeret, ac iusum. Propterea Possevinus de Offic. Cur. cap. 5. num. 37. ait, quod Curatus vocatus de nocte, vel de die, cum magna instantia ad infirmum, tenetur quidem currere, si alias infirmus moreretur sine Confessione, aut sine Baptismo, cum ista sint Sacramenta necessaria; in aliis autem functionibus satis est quod Parochus festinet, quia non sunt absolute necessaria. Et quod dici-

dicitur de Curato, valet, in hujus absentia, de Capellano in subsidium conducto. Vide Possevinum toto illo cap. hoc enim legisse juvabit.

Respondeo ad secundum cum distinctione. Vel Infirmus est in ipsa Ecclesia, seu prope Ecclesiam; & in hoc casu dico, etiam post Consecrationem licere Capellano, obridem præstandum Missam interrompere; quia tunc ex una parte interruptio modica est; ex alia ingens utilitas Sacramentorum præbet sufficientem causam tam brevi interruptioni. Vel Infirmus est in loco aliquantum ab Ecclesia remoto; & tunc dico, non licere, ob idem præstandum, Missam interrompere, quia cum supponatur paulo ante confessus, quoad hoc non adest urgens necessitas; ideoque prævalet obligatio prosequendi Missam, eamque continuandi, ob reverentiam Sacrificii. Diversimode tamen deberet se gerere Capellanus in hoc secundo casu, si Infirmus confessus non fuisset, nec posset confiteri; nam tunc si capax esset Extremæ Unionis, vel etiam Viatici, nec adestet alius Sacerdos, non solum posset, sed deberet pergere etiam post consecrationem ad ipsi ministrandum Viaticum, vel Extremam Unionem, ut moribundus ex atrox fieret contritus virtute Sacramenti, & sic salvaretur: ita cum Zambrano, Tanburino, & Capeville, Quartus in Rubr. Missal. part. 2. tit. 3. sect. dub. 3.

Respondeo ad tertium. Capellannum hoc in casu reposita pyxide saper parvum tabernaculum, vel alium decentem locum ibi paratum, debere ad Infirmum accedere, ipsumque audire quoad totam Confessionem, si hæc sit brevis; si vero hæc longa futura sit, debet ipsum monere, ut de gravibus quæ menti occurrunt se accuset, eum dolore universali de omnibus & accusatione generali de reliquis, proponens ea postea singillatim confiteri, si possit; statimque illum absolvat, ac postea Eucharistiam ministret, prout fieri solet in hisce circumstantiis. Sic enim, & providetur Infirmis, & obviatur scandalo. Quartus l. c. Rotarius, & comm.

M E N S E D E C E M B R I S .

CAS. I. **B**erra uxor Sempronii ignorans, infantem esse filium proprii Mariti, ortum ex Concubina, ipsum tenuit ad Baptismum.

Q. an contraxerit Cognationem spiritualesive cum ipso infante, sive cum Marito, & Concubina.

Respondeo, in hypothesi, quod habnerit animum exercendi munus ab Ecclesia institutum, nempe verum officium Matrimonii, ipsam contraxisse cognationem spiritualesive cum Infante, sive cum Concubina, probabilis tamen non cum Marito. Ratio, quoad Infantem, Concubinam, ex eo colligitur, quod statim ac habuit prædictam animum, nil aliud desiderari videtur ad spirituales cognationem cum iis contrahendam: hæc enim ex instituto Ecclesiæ est quid accessorium ad munus Patris, vel Matrimonii rite exercitum ut in casu. Hinc sicuti habita carnali perfecta copula cum uno ex Conjugibus, inde resultat affinitas cum Consanguineis ejusdem; ita secuta vera tentio ab Baptismo per legitimum exercitum Matrimonii, inde resultat spiritualis cognatio cum Infante, & illius Matre, sem Concubina. Ita Lopez part. 2. Instit. de Matrim. cap. 51. Girib. tr. 10. cap. 12. dub. 3. num. 27. & alii comm. Ratio postea quoad Maritum desumitur ex responsione, quam dedit Alexander III. in cap. 2. de Cognat. Spir. Petrus enim Pontifex, an separandi essent Conjuges, quorum alter vel communem, vel alterius ex alio connubio filium, sive casu, aut ex necessitate, sive dolo baptizasset, aut coram Episcopo confirmandum tenuisset; Ale-

Alexander III. c. *Si vir, vel Mulier* 2. de Cognat. Spirit. contrahens antiqua jura oppositum statuentia, definivit minime diltrahendum hac de causa conjugium, ejusque jure uti Conjugibus permittendum, quia si ex ignorantia in factum, eos ignorantia excusare videtur; ut in terminis refert Natalis Alexander de Sacram. Matr. cap. 4. art. 5. reg. 10. Sed eadem ratio militat de tentione filii Marini orti ex Concubina, quam Uxor fecit in nostro casu; ergo si in illo excusatur ab amissione juris petendi debitum, & a cognatione spirituali contrahenda, etiam in hoc.

CAS. II. Sergius tenuit infantem tum in baptismo privato, cum in Ecclesia, quando suppletæ fuere Cæremoniæ. Q. an ex hujusmodi tentione contraxerit Cognationem spirituales.

Respondeo negative. Ratio est, quia ad cognationem spirituales contrahendam necessario requiritur, quod quis præstet id, pro quo ex Ecclesiæ instituto contrahitur eadem cognatio. Jam vero id, pro quo ex Ecclesiæ instituto hæc contrahitur, non est tentio ad Baptismum utrumque, seu ad Baptismum solemnem; siquidem ritus Patrini institutus non est pro Baptismo privato, sed tantum pro Baptismo solemni. Propterea cum non verificetur quod Sergius tenuerit ad Baptismum solemnem, sed tantum in privato; nec non in expletionem subsequentium cæremoniarum, quæ pariter Baptismus solemnis non sunt; dicendum, quod ex hujusmodi tentionibus cognationem spirituales non contraxerit. Ita Rossign. de Bapt. quest. 6. art. 5. & comm.

CAS. III. Fortunius tenuit infantem ad Baptismum per Procuratorem. Q. an etiam ex hac tentatione orta fuerit Cognatio spiritualis; & an illam contraxerit Fortunius, an vero Procurator.

Respondeo, ex hac tentatione spirituales cognationem fuisse contractam, eam tamen non contraxisse Procuratorem, sed Fortunium. Ratio est, quia sæpius ita declaravit Sac. Congregatio Concilii, nemque in una Veronensi die 29. Martii 1582. & 15. Martii 1631. ut videre est apud Nicolinum in suis Elucubr. Civil. lib. 1. tit. 10. imped. 4. vers. *an vero*, & apud Rebellum, dicentem, se inspexisse Decreta, quorum unum hisce verbis rem totam expedit. *Procurator non contrahit cognationem spirituales sibi, sed Mandanti.* Vide eundem Rebellum de Oblig. Jur. post part. 4. cap. 2. num. 90. Ratio postea est, quia actus hic non attribuitur exequenti, sed Mandanti, ut recte inquit Naldus *Cognatio spiritualis* num. 3. & patet paritate actus Matrimonii, pariter per Procuratorem contracti; non enim Procurator sed Mandans fit Conjux, & Conjugis obligationem contrahit. Idem ergo dici debet quoad spirituales cognationem; præcipue cum hæc juxta Tridentinum contrahatur per solos designatos a Parentibus; uti est Mandans. Hinc valet in casu illa regula: *Qui per alium tenet, per se ipsum teneri censetur*, nam jura exprimentia tentationem; intelligenda sunt de tentatione physica, vel morali, ut optime Anaæletus in 4. Decret. tit. 11. num. 23. in fine.



I N D E X C A S U U M

Qui in hoc volumine continentur.

Primus numerus Paginam, secundus Casum paginę significat.

A.		Adjuratio 153. 2	64. 2	66. 2
A	Bortus 44. 2	Adoptio 148. 3	87. 1	225. 3
	49. 2	Adulterium 6. 3	44. 1	quoad paternos, v. pa-
	101. 1. 223. 1. 272. 2	114. 1		trinos
	Abolutio a peccatis	Affinitas, v. impedimenta	Benedictio 80. 2	183. 2
	quoad sensibus destitutum 4. 1	v. reservatio	Beneficiarius	
	60. 2	Alienatio, v. censura ob alienationem	Beneficium	
	160. 2	Altare privilegiatum 97. 3	quoad possessionem 90. 2	
	quoad ignorantiam 19. 2	186. 2	163. 1	230. 2
	27. 1	Archipresbyter 8. 1	240. 1	
	quoad occasionem 16. 2	202. 1	quoad fructus 90. 2	
	17. 1	Aspectus 221. 3	95. 3	104. 2
	33. 2		133. 2	178. 1
	83. 1		180. 1	240. 3
	34. 3		206. 3	240. 3
	139. 1		quoad recitationem ho-	
	260. 1		rarum 184. 3. 202. 2	
	quoad absentiam 48. 1		206. 3	
	quoad excommunicationem 53. 3		Blasphemia 33. 1	
	139. 1		36. 2	70. 3
	168. 3		133. 2	264. 2
	quoad divorcium 133. 2		Breve poenitentiarię	
	135. 2		quoad clausula 52. 1	
	quoad amplitatem 1		53. 1	52. 2
	quoad reservationem, v. reservatio..		54. 1	55. 1
	quoad censuras, v. censura..		57. 1	57. 2
			57. 3	58. 2
			59. 1	
B.				
B	Aptisma			
	quoad subjectum 66. 2			
	223. 2			
	quoad formam 92. 1			
	quoad nominis impositionem 32. 2			
	quoad dilationem 35. 1			
	107. 1			
	quoad ministrum 77. 1			
	86. 2			
	quoad iterationem			
	10. 1	62. 2		

Cam.

Campanæ 91. 3.
 Canonicus 95. 3.

Capellanus
 quoad satisfactionem obli-
 gationis 110. 1
 118. 3 127. 1
 157. 3 169. 1
 186. 2 192. 1
 257. 3 263. 1

Carceratus 114. 2
 118. 1 227. 3

Celebrans
 in lethali. 59. 3
 80. 2 213. 2

quoad ritum: 5. 2
 76. 1 77. 2

111. 3 117. 2
 120. 2 110. 3

124. 2 142. 1
 188. 3 190. 3

191. 3 194. 3
 198. 2 v. Missa

quoad intentionem 7. 2
 quoad defectus supple-
 dor 61. 1 123. 2

117. 2 123. 3
 coram excommunicat.

231. 2
 quoad applicationem ,
 tempus , & stipen-
 dium , v. Missa .

quoad satisfactionem , v.
 Capellanus

quoad locum, v. Oratorium

Censura

ob percussorem Rompe-
 ta 113. 2 224. 3

254. 2
 ob percussorem Clerici

5. 3 107. 1
 122. 2 129. 1

218. 2 227. 2
 ob alienationem bonorum

Ecclesie. 67. 1
 120. 1 123. 3

217. 1
 ob electionem librorum

136. 2
 ob cohabitationem cum

Spoufa 190. 1

ob communicationem eum
 excommunicato 245. 3

ob heresim 22. 1

ob surreptionem rei ad
 litus Maris 228. 3

ob ratihabitionem . 254. 3

ob causam electionis se-
 pulchre 132. 1

quoad effectus 52. 3
 168. 3 231. 3

quoad absolutiorem
 10. 2 105. 1

129. 1 149. 1
 168. 3 173. 3

185. 1 190. 1
 209. 2

Census 9. 2 112. 3
 119. 3 237. 1

Charitas 21. 2 25. 3
 109. 1 128. 3

130. 2 154. 3
 153. 1 158. 1

140. 3 141. 3
 143. 1 161. 2

161. 3 188. 1
 197. 2 216. 2

233. 3 234. 2
 242. 1 256. 1

Chorex 3. 1 89. 3
 100. 2 128. 1

Circumstantia, v. peccatum

Clericus 1. 1 4. 2
 5. 3 10. 1

101. 2 104. 3
 193. 2 212. 3

Cognatio, v. impedimenta

Commodatarius 241. 2

Communio
 in paschate 21. 3.

30. 3 55. 3 65. 1
 83. 1 93. 1

102. 1 103. 2
 146. 2 180. 1

208. 2 189. 1
 quoad moribundos 34. 3

87. 2 162. 2
 204. 3 273. 1

quoad peccatores.
 96. 1 124. 1

201. 1
 quoad locum 181. 1

quoad ministrum 83. 1
 quoad tempus 73. 1.

127. 3

Compenlatio 10. 2
 81. 1 201. 2

209. 2 246. 2
 252. 1

Complex 134. 3 193. 1
 Concionator 4. 1 76. 3

Concubina
 Concupinarius 207. 3

223. 1 260. 1
 Condonatio 21. 2 193. 3

Confessarius
 quoad prudentiam 22. 3

256. 2 260. 1
 373. 1

quoad potestatem 36. 3
 30. 2 40. 2

41. 2 1. 1
 56. 2 84. 3

90. 2 149. 1
 169. 2 174. 2

224. 1 268. 2
 quoad attentionem 73. 2:

178. 3

Confessio
 quoad materiam remo-
 tan 31. 1 166. 1

quoad materiam proximi-
 mam 18. 2 151. 2:

96. 3 96. 1
 145. 2 178. 2

ob examen 162. 1
 264. 2

ob censuram 263. 3
 ob mendacium 271. 3

quoad integritatem
 108. 2 116. 3:

273. 3:
 ob speciem 26. 3

70. 3 75. 1
 181. 3 190. 1

234. 1
 ob numerum 75. 2

80. 1 116. 3
 122. 1 116. 3

215. 2
 ob circumstantias 46. 2

92. 2 144. 3
 156. 1 193. 3

246. 1 247. 1
 quoad

<i>quoad iterationem</i> 15. 1	
29. 1	30. 2
51. 3	81. 1
94. 1	108. 2
152. 2	260. 2
<i>ob consuetudinem</i> 189. 2	
<i>quoad tempus</i> 102. 1	
123. 1	203. 2
<i>quoad absolutionem, v.</i>	
<i>Absolutio</i>	
<i>quoad satisfactionem, v.</i>	
<i>Satisfactio</i>	
Confirmatio 62. 2 68. 1	
Conjux 34. 1 44. 1	
144. 1	237. 2
Consecratio 32. 3 48. 1	
81. 2	66. 2
187. 2	198. 2
204. 1	
Consuetudo 69. 3	
189. 2	125. 3
Contractus locutionis	
253. 2	
<i>fortis</i> 246. 1. v. <i>census, societas, emptio, venditio, ludus.</i>	
Cooperatio 58. 3	
136. 4	240. 1
Crimen. v. <i>impedimenta.</i>	
D	
Debitum conjugale	
<i>quoad petitionem</i>	
45. 1	74. 2
97. 2	137. 2
230. 2	267. 1
269. 3	
<i>quoad redditionem</i>	
59. 3	85. 2
97. 2	119. 2
135. 2	137. 2
154. 1	267. 2
210. 3	267. 1
<i>quoad amissionem juris petendi</i> 34. 3	
37. 2	
<i>quoad restitutionem juris</i>	
27. 2	29. 3
Debitum ex contractu	
265. 1	
Delectatio, 2. <i>luxuria.</i>	

Denuntiatio	
<i>ob impedimenta</i> 132. 2	
261. 2	
<i>ob delictum</i> 188. 1	
191. 3	206. 1
246. 1	
<i>ob dogma</i> 158. 1	
<i>ob sollicitationem</i> 62. 1	
190. 2	186. 1
119. 2	224. 1
Detraçtio	
Detraçtor 8. 3	17. 3
34. 2	102. 3
171. 1	139. 1
139. 3	239. 1
256. 1	
Dispensatio	
<i>quoad matrimonium</i> 6. 1	
62. 1	309. 2
116. 1	212. 3
256. 2	
<i>quoad clausulam Confessionis</i> 56. 1. 55. 2	
56. 3	57. 3
<i>quoad irregularitatem</i>	
39. 3	
<i>quoad reliqua, v. Jejunium, quadragesima, hora canonica.</i>	
Divortium 6. 2 44. 1	
14. 3	
Dolor de peccatis, v. <i>Confessio quoad materiam proximam</i>	
Donatio 107. 3.	

E

Elemosyna 7. 1	
73. 2	158. 3
178. 1	262. 3
Emptio 18. 2	84. 1
136. 1	159. 1
237. 3	249. 3
Æquivocatio 28. 3	
Error, v. <i>impedimenta, v. Parochus.</i>	
Eucharistia, v. <i>Communio, v. Consecratio.</i>	

F

Fæctum 18. 2	136. 3
Fictio 119. 3	
Filiæ, Filii	109. 1
131. 3	166. 1
186. 1	187. 2
188. 1	228. 1
235. 1	
Fartum 52. 3	134. 1
166. 1	149. 1

G

Gabella	142. 2
---------	--------

H

Hæresis 63. 1	183. 1
234. 1	251. 1
Homicidium	49. 3
253. 3	
<i>quoad absolutionem, v. reservatio ob homicidium.</i>	
<i>quoad compensationem damnorum, v. rellitio ob homicidium.</i>	
Honestas, v. <i>impedimenta.</i>	
Horæ Canonice	72. 1
104. 1	104. 2
120. 2	167. 3
184. 3	103. 2
197. 3	107. 1
210. 3	

J

Jactantia 181. 3.	
Jejunium 4. 1	16. 1
22. 2	24. 2
101. 1	129. 1
130. 1	145. 1
214. 2	256. 3
Immunita 83. 3	
106. 1	111. 1
143. 2	173. 1
201. 2	244. 1
Impedimenta	Matrimonio
	nii

nii de affinitate	16. 1
18. 1	20. 1
109. 2	
de cognatione legali	
148. 2	
de cognatione spiritali	
23. 1	60. 2
73. 1	166. 2
198. 1	274. 1
275. 2	275. 1
de crimine	15. 118. 1
37. 2	52. 2
131. 1	252. 1
de errore	28. 1
de honestate	15. 1
20. 1	43. 2
86. 1	105. 2
152. 3	
de impotentia	167. 1
de presentia Parochi	6
Tesium	48. 1
91. 3	154. 2
166. 3	
de raptu	150. 2
Impotentia, v. impedi-	
menta.	
Incessus	226. 1 v. reservatio
ob affinitatem.	
ob consanguinitatem.	
Indulgentia	41. 1
200. 1	208. 3
214. 2	244. 1
Interdictum	81. 3 173. 3
Irregularitas	46. 130. 2
85. 2	156. 2
152. 2	170. 3
219. 3	228. 2
243. 2	271. 2
quoad dispensationem	
v. dispensatio.	
Jubilus	62. 1 128. 1
203. 1	211. 1
234. 1	235. 3
245. 3	244. 1
241. 3	
Judex	147. 3 199. 1
Judicium temerarium	
26. 2	245. 1
Juramentum	30. 2
20. 3	21. 1
24. 1	27. 3
30. 1	69. 3

114. 1	128. 1
148. 1	163. 3
164. 1	176. 2
185. 1	223. 1
256. 2	

L

Lampas	201. 3.
Legatum	98. 3.
205. 1	239. 1
Libri prohibiti, v. censura	
Ludus	10. 1 60. 1
121. 2	262. 2
Luxuria	91. 1 118. 3
118. 2	156. 2
196. 2	221. 3
222. 2	243. 3

M

Magister	85. 3.
Maledictio	68. 3
Maleficium	155. 3
Matrimonium	
contrahendum	74. 3
96. 2	103. 3
114. 1	116. 1
217. 2	224. 1
revalidandum	12. 131. 4
51. 1	59. 2
106. 3	112. 2
154. 3	193. 2
v. Parochus quoad Ma-	
trimonium	
quoad impedimenta, v.	
impedimenta Matri-	
monii	
Medicus	78. 3 99. 1
145. 1	146. 3
163. 1	171. 3
Meretrix	123. 1 266. 2
Missä	

quoad applicationem	
121. 1	157. 3
177. 1	253. 2
quoad stipendium	53. 3
172. 2	178. 3
226. 2	253. 3
quoad tempus	88. 3
127. 2	

quoad interruptionem	
253. 1	273. 2
quoad ritum	5. 277. 2
81. 1 98. 2	111. 3
115. 4	117. 2
120. 2	140. 2
188. 3	196. 3
v. Celebrans.	
quoad effectus	3. 2
quoad defectus supple-	
dos	61. 1 117. 3
124. 2	
quoad locum celebrandi,	
v. Oratorium.	
quoad auditionem	49. 2
69. 1	78. 1
79. 2	80. 2
81. 3	147. 2
160. 3	194. 1
199. 3	255. 2
quoad locum auditionis	
36. 3 v. Oratorium.	
quoad causas excusantes	
23. 3	78. 1
79. 1	151. 1
174. 1	255. 2

Moneta	226. 3
Monitio	194. 3 132. 3
161. 3	257. 1
269. 2	
Monitorium	188. 1
246. 2	201. 3
Mors	33. 2
Mutuum, v. Usura.	

N

N	
Notarius	105. 2

O

O	
Casus peccandi	15. 3
16. 1	22. 3
31. 2	48. 2
89. 2	89. 3
134. 3	139. 2
157. 1	269. 2
Oratorium	79. 3 82. 3
115. 2 17. 1	181. 1
Ordo	84. 2 93. 2
169. 1	

Pa-

Parentes 8. 3 14. 3
56. 3 99. 3 130. 3
131. 3 132. 3
Parochus
 quoad residentiam
151. 3 180. 3
 quoad Baptisma 62. 2
64. 3 66. 1
220. 1 222. 2
223. 3 224. 2
 quoad Confessiones 29. 2
38. 2 84. 2
91. 2 174. 2
224. 2
 quoad Eucharistiam
 v. Communio.
 v. Consecratio.
 quoad Matrimonium
40. 1 74. 3
91. 2 108. 1
154. 2 167. 3
187. 2 191. 2
 v. impedimenta.
 quoad assistentiam,
 quoad extremam unctio-
 nem, v. Unctio.
 quoad Missam 62. 3
64. 2 66. 1 82. 3
81. 1 93. 2
 quoad sepulturam, v. se-
 pultura.
 quoad dicendam 56. 3
77. 2 67. 3 68. 2
69. 2 69. 1 66. 2
70. 1 87. 3 201. 2
 quoad reliqua munera
11. 2 64. 2
65. 3 77. 3
81. 3 158. 3
201. 3
Patrimonium 201. 3
91. 2 130. 1
188. 1
Patrinus 33. 2 63. 2
68. 1 73. 3
213. 1 231. 2
Pauperes 14. 2 47. 3
153. 2 148. 3
214. 1
Pax 25. 3 143. 1

quoad substantiam 58. 3
70. 3 95. 2
137. 1 161. 3
176. 2 196. 1
223. 3 243. 3
253. 3
 quoad numerum 18. 3
20. 2 54. 2
78. 1 112. 1
 quoad circumstantias
42. 2 46. 1
92. 2 144. 3
221. 1 235. 1

Pensio 210. 2
Pignus 10. 3 100. 2
126. 3 171. 3
Pretium 7. 3 80. 2
123. 3 139. 1
249. 3 259. 1
262. 1 266. 2
269. 1 269. 2
290. 1

Promissio 207. 2 223. 2

Q

Quadragesima 129. 2
146. 1 185. 3
243. 2

R

Raptus, v. impedi-
 menta.

Reliquiz 210. 3

Reservatio

ob heresim, & casus

Bulla Cens. 23. 1

63. 1 129. 1

183. 1

ob homicidium 13. 2

19. 2 45. 2

61. 2 105. 1

188. 2

ob cohabitationem cum

sponsa 190. 1

ob affinitatem 33. 3

39. 2 47. 2

56. 1 178. 3

193. 1

ob consanguinitatem 41. 2

ob etatem 19. 3
 ob struprum 247. 3
 ob solutionem Quadrage-
 sume 185. 3
 ob constitutionem patri-
 monii 195. 1
 ob bestialitatem 29. 2
39. 2 266. 1
 ob blasphemiam 36. 2
264. 3
 v. blasphemia.
 ob cognitionem spiritua-
 lem 40. 2
 quoad absolutionem, v.
 Confessarius quoad po-
 testatem.

Restitutio

ex re accepta 26. 1
34. 1 46. 3 38. 2
68. 1 10. 3
135. 1 127. 3
142. 2 143. 3
214. 1 230. 1

ex iniusta acceptione

11. 3 23. 3 47. 3
50. 3 60. 1 65. 3
74. 1 110. 2
134. 1 214. 1
229. 3 235. 1
249. 1 157. 2
270. 1

ex damno 9. 1 12. 3

13. 2 16. 2 35. 2

36. 3 38. 3 87. 1

128. 2 134. 3

139. 3 163. 2

171. 1 174. 3

242. 3 174. 3

243. 3 267. 2

270. 3 271. 2

ex contractu 46. 3

49. 2 121. 1

175. 3 206. 2

210. 2 235. 1

236. 1 143. 2

262. 2 263. 2

ex mandato 37. 3

195. 2

ex consilio 30. 2 38. 1

50. 2 58. 3

119. 2 271. 2

ex scandalo 24. 2 243. 1

ex saciturnitate. 61. 3
 241. 1 254. 4
ex homicidio 128. 2.
 219. 1 271. 2
de causis excusantibus
 47. 3 74. 1
 135. 1 16. 1
 226. 1 267. 2

S

Sacerdos, v. Celebrans
Missæ, Capellanus.
Sacrilegium 46. 2 150. 3
 184. 2
Salutare 21. 2 109. 1
 231. 3
Salutatio Angelica 10. 3
Satisfactio
quoad qualitatem 40. 3
 240. 2 140. 2
 217. 3 233. 3
 261. 2
quoad modum 139. 2
 152. 1 171. 2
 173. 2 201. 1
 211. 1
quoad dilationem 175. 1
quoad cessationem 41. 3
 44. 3 58. 1
quoad commutationem
 42. 3 272. 1
 272. 2
Scandalum 135. 2
Scurrilitas 2. 1
Sepultura 25. 2 60. 3
 98. 1 111. 1
 132. 1 228. 2

Sigillum 65. 2 66. 3
 94. 1 157. 1
 159. 2 170. 2
 209. 3

Simonia
quoad beneficia 90. 3
 148. 2 249. 2
quoad benedictiones
 102. 2 182. 2
quoad docendum 184. 1
ob omissiones 206. 1
Simulatio 41. 1 165. 2
Societas 58. 2
Sponsi 190. 1 169. 2
 196. 3
Sponsalia.
quoad valorem 19. 1
 28. 2 70. 2
 219. 1 219. 2
 269. 3
quoad resiliendam 130. 2
 261. 1 207. 3
 216. 1
sub conditione 40. 1
 244. 3
Sponsio 12. 3
Sterilitas 41. 1
Struprator 38. 1 244. 1
 247. 3
Supersticio 289. 2

T

Tactus 193. 1 221. 3
Testamentum 141. 3
 176. 1

V

Venditio 12. 3 49. 2
 72. 2 116. 1
 139. 1 165. 3
 175. 3 177. 2
 248. 1 248. 3
 250. 1 262. 1
 269. 1
Vestes sacræ 81. 3
Visitatio 8. 1 9. 2 10. 1
Unctio extrema
quoad subiectum 14. 2
 158. 2 180. 2
quoad ritum 71. 1
 71. 2 71. 3 167. 2
quoad valorem 89. 1
 211. 1
Votum
quoad valorem 70. 2
 125. 3
quoad cessationem 97. 2
 184. 2 269. 2
quoad satisfactionem
 99. 1 113. 3
 124. 3 203. 3
 25. 3 223. 1
quoad irritationem 50. 1
quoad tempus executionis 110. 3
sub conditione 95. 1
Usura 145. 2 147. 1
 155. 1 217. 1
 224. 2 237. 1
 237. 2 238. 3
 268. 3
Uxor, v. Coniux.